

საშობილო



5-6

2002

საშენატი

(120)
საქართველო
დასაწყისი



შინაარსი

პროზა, პოეზია

მინი მარია რეზაკი. გიჟპარდის მოყვასი შენი. რომანი. დასაწყისი.	
გერმანულიდან თარგმნა ზადრი მხვიტემ	3
შაკ პრევერი. დიქსები. ფრანგულიდან თარგმნეს ილია გასვიანმა და გეგა სადუნიშვილმა	78
დიდი ვან კოვდეტი. წასვლა. ფრანგულიდან თარგმნა დიდი იაშვილმა	81
პაბლო ნერუდა. (ჩილე). დიქსები. თარგმნა სიღვან ნარიშანიძემ	160
ერნესტ თაორორ ამადეუს კოშმანი. რომანი. დასასრული.	
გერმანულიდან თარგმნა ღია თაკვარულიამ	167

პირველი ნაბიჯები

ნუზარე პაპეზა. „თვითმკვდელები“. იტალიურიდან თარგმნა ილია გასვიანმა	210
შარდ ბოლდერი. დიქსები. ფრანგულიდან თარგმნა შერი ნეზიერიძემ	224
პეტარ როსეპერი. (ავსტრია). მოთხრობები. გერმანულიდან თარგმნა ნონა ფუხაშვილმა	226
პოლ ვერდენი. სიმღერა. ფრანგულიდან თარგმნა ღია ბახტაძემ	234
კარონ მაკადერსი. გადავა სევერიანი კაშისი. მოთხრობა.	
ინგლისურიდან თარგმნა ნინო მიქაძემ	235

წერილები

კატა მამზურავანი. მხატვრული სიტყვის დოგმა. გაგრძელება.	
გერმანულიდან თარგმნა რუსუდან ღვინეფაძემ	240

საქართველოს მწერალთა საერთო ეროვნული
კავშირის ორგანო
მსოფლიო ლიტერატურის ორთვიური ჟურნალი



2002, № 5—6

მთავარი რედაქტორი

ნანა ღარჩია-გოლჭვაძე

სარედაქციო საბჭო:

ელზა ახვლედიანი

ნანა ასოზაძე

მანანა ამისულაშვილი

ჯემალ აჯიაშვილი

ნანა ბართაია (პ/მგ მდივანი)

გურამ გოგიაშვილი

ნანა გოგოლაშვილი

თამარ ერისთავი

რუსუდან ქეზულაძე

დალი ფანჯიკიძე

ეთერ ყურაშვილი

გივი შანაზარი

გივი ძნელაძე.

წვენი მისამართია: თბილისი, 380026. ლესელიძის ქ. № 4. ტელეფონი: 99-73-41.

გად. წარ. 17. 12. 2002 წ., ხელმოწერილია დასაბეჭდად 20. 12. 2002 წ., ქალაქის
წომა 70X106¹/₁₆, სააღრ. თ. 16, ფიზიკურ ფორმათა რაოდენობა 16. ფ. ტირ. 300.
შეკვ. 808.

შ. პ. ს „გამომცემლობა სამშობლოს“ სტამბა.
თბილისი, მ. კოსტავას 14.

პროზა, პოეზია.

ერის მარია რემარკი



პიუპარდუს მოუპასი უენი

გერმანულიდან

თარგმნა ბადრი მხეიძე

ერის მარია რემარკს ქართველი მკითხველის წინაშე წარდგენა არ სჭირდება. მისი რომანები: „დასავლეთის ფრონტი უცვლელია“, „სამი მეგობარი“, „ტრიუმფული თაღი“ და სხვები კარგა ხანია თარგმნილია ქართულად და მკითხველთა შორის ფართო პოპულარობით სარგებლობენ.

წინამდებარე რომანი „გიყვარდეს მოუპასი უენი“ რემარკის ერთ-ერთი საუკეთესო თხზულებაა. მასში დიდოსტატი რომანისტის ხელით აღწერილია სამშობლოდან მოწყვეტილ ადამიანთა — ლტოლვილთა ბედკრული ყოფა, ყოველდღიური ბრძოლა თავის გადასარჩენად, ურთიერთთანადგომა, გაუტეხლობა, რაც ერთგვარად ეხმიანება საქართველოს დღევანდელ სინამდვილეს და საგულისხმო პარალელების გატარების საშუალებას იძლევა.

რომანი

პირველი ნაწილი


I

კერნი, თითქოს ხელი ჰკრესო, უცბად გამოერკვა მძიმე, აბურდული სიზმრისაგან, ლოგინზე წაქოჯდა და მიაყურა. როგორც ყველა დევნილი, იგი მყისვე გამოფხიზლდა, ჩახმახივით შეიმართა და გასაქცევად გაემსადა, თან გამალებით ფიქრობდა, როგორ გაელწია ოთახიდან, თუ მდევარი გასასვლელის ჩაკეტვას მოასწრებდა.

ოთახი მეზუთე სართულზე მდებარეობდა, მხოლოდ ერთი ფანჯარა ჰქონდა, ეზოში გამავალი, არც აივანი და არც ლავგარდანი არ გააჩნდა, რომ საწვიმარ მილამდე ჩოჩვა-ჩოჩვით მისულიყო. ასე რომ, ეზოდან ვერ გაიქცეოდა. ერთი გზალა რჩებოდა: დერეფნის გავლით როგორმე სხვენამდე უნდა მიეღწია, იქიდან კი სახურავით მეზობელ სახლზე გადავიდოდა.

კერნმა მაჯის საათის მანათობელ ციფერბლატს დახედა. ხუთს ოდნავ გადაცილებული იყო. ოთახში თითქმის უკუნი იდგა. მხოლოდ ორი მეზობელი საწოლის ზეწარი მოჩანდა, ბუნდოვნად ნაცრისფერ ლაქასავით. კედელთან მწოლიარე პოლონელი ხვრინავდა.

F 8659



კერნი ფრთხილად გამოძვრა საბნიდან და ფეხაკრეფით მიიპარა კართან. ამ დროს შუა საწოლის ბინადარი შეინძრა.

— რა მოხდა? — ჩურჩულით იკითხა მან.

კერნმა პასუხი არ გასცა, ყურით კარზე იყო აკრული.

შუა საწოლის ბინადარი წამოჯდა, რკინის საწოლის თავზე გადაკიდებულ ტანსაცმელს ხელი მოუფათურა და ჯიბის მაშუქი საწოლი მოცასცახე სუსტი შუქის წრეში ჩამოქერცლილი ყავისფერი კარის საწოლი და საცვლებამოჩაჩული, თმაგაჩეჩილი კერნის ფიგურა გამოჩნდა. კერნი საკლიტეს აყურადებდა.

— ეშმაკმა დალახვროს, ვერ იტყვი, რა მოხდა? — ჩაიბუტბუტა ლოგინზე წამომჯდარმა კაცმა.

კერნი წელში გაიმართა.

— არ ვიცი. რაღაც ხმაურმა გამომაღვიძა.

— რაღაცა! რა რაღაცა, შე შტერო?

— რაღაც ხმა მომესმა ქვემოდან... ლაპარაკი, ნაბიჯები... არ ვიცი.

კაცი წამოდგა და კართან მივიდა. მაშუქის სინათლეზე ყვითელი პერანგი და ბალნიანი, დაკუნთული ფეხები გამოუჩნდა. ერთხანს მანაც მიაყურადა.

— რა ხანია, რაც აქ ცხოვრობ? — ჰკითხა კერნს.

— ორი თვეა.

— ალყაში მოყოლილხარ?

კერნმა თავი გააქნია.

— აჰა, გასაგებია! ცხადია, მოგეჩვენა, ზოგჯერ ნაწლავების ქარის ხმა ძილში ქუხილივით შეგაკრთობს, — მაშუქი კერნს სახეში მიანათა. — ჰო, რა გასაკვირია, ალბათ ოცი წლისაზე მეტის არ იქნები, ასე არაა? ემიგრანტი ხარ?

— რა თქმა უნდა.

— იისუს ხრისტუს, ტსო სიემ სტალო, — მოულოდნელად აბუტბუტდა პოლონელი ოთახის კუთხეში.

პერანგიანმა კაცმა შუქის წრე მისკენ შეატრიალა. სიბნელიდან გაფარჩხული შავი წვერი, დაფჩენილი ხახა, ბურქა წარბები და დაჭყეტილი თვალები ამოტივტივდა.

— მოკეტე, პოლონელო, შეეშვი იისუს ხრისტუსს, — დაუცაცხანა მაშუქიანმა. — ის ცოცხალი აღარაა. მოხალისედ წავიდა ფრონტზე და სომას ნაპირზე დაიღუპა.

— ტსო?

— აი, ისევ გამეორდა! — კერნმა თავისი საწოლისკენ ისკუპა. — ისინი ქვევიდან მოდიან, სახურავზე უნდა ავასწროთ!

მაშუქიანი ციბრუტივით დატრიალდა. დერეფნიდან კარების ჯახაჯუხი და ყრუ ხმები მოისმა.

— დასწყევლოს ეშმაკმა! ადექი, პოლონელო, ადექი! პოლიცია მოდის!

მაშუქიანმა საწოლიდან თავისი ტანსაცმელი აიტაცა.

— გზა იცი? — ჰკითხა კერნს.

— კი, მარჯვნივ, დერეფანში, პირსაბანის მერე კიბეა!

— ჩქარა! — პერანგიანმა კაცმა უხმოდ გამოაღო კარი.

— მატკა ბოჭკა! — აროხროხდა პოლონელი.

— მოკვიტე! არ გაგვყიდო!

მან კარი გაიხურა. ის და კერნი ფეხაკრეფით გავიდნენ ვიწრო, დაბინძურებულ დერეფანში. ისე წყნარად მიდიოდნენ, რომ ცუდად დაუკეთილი ონკანიდან ნიჟარაში წვეთების ტყაპატყუპი ესმოდათ.

— აქ მოსახვევია! — ჩურჩულით უთხრა კერნმა, მოუხვია და რაღაცას შეეჯახა. იგი წაბარბაცდა, თავის წინ მუნდირი დაინახა და უკან დახევა დააპირა. ამ დროს ვილაცამ იდაყვში ჩაარტყა.

— არ გაინძრე! ხელები მაღლა! — გაისმა ბრძანება სიბნელიდან. კერნს დარტყმისაგან მარცხენა ხელი მოუდუნდა და ტანსაცმელი იატაკზე დაუცვივდა. წამით მოეჩვენა, ყვითელ პერანგიანი კაცი სიბნელიდან გამომავალი ხმის პატრონთან შეტაკებას აპირებდა, მაგრამ მერე რევოლვერის ლულა დაინახა, რომელსაც მეორე პოლიციელი მკერდში უმიზნებდა, და ხელები ნელა ასწია მაღლა.

— შებრუნდით! — უბრძანა ხმამ. — ფანჯარასთან დადექით! დევნილები ბრძანებას დაემორჩილნენ.

— ჯიბეები გაუჩხრიკეთ, — უთხრა რევოლვერიანმა პოლიციელმა მეორეს.

პოლიციელმა ძირს დაყრილი ტანსაცმელი გაჩხრიკა.

— 35 შილინგი, ჯიბის მაშუქი, ჩიბუხი, ჯიბის დანა და საფარცხელი. სხვა არაფერია...

— ქალაღლები?

— ორიოდე წერილია და რაღაც ამდაგვარი.

— პასპორტები?

— არაა.

— სადაა თქვენი პასპორტები? — იკითხა რევოლვერიანმა პოლიციელმა.

— მე არა მაქვს, — უპასუხა კერნმა.

— რა თქმა უნდა! — პოლიციელმა პერანგიან კაცს რევოლვერი ატაკა ზურგში, — ხოლო შენ, შენ რა, ცალკე შეკითხვა გჭირდება, შენაბიჭვარო? — უთხრა მან.

პოლიციელმა ერთმანეთს გადახედეს. იმას, რომელსაც რევოლვერი არ პქონდა, სიცილი აუტყდა. რევოლვერიანმა ტუჩებზე ენა მოისვა.

— შეხედეთ ერთი ამ ვაჟბატონს! — თქვა მან გაჭიანურებით. — მისი აღმატებულება მაწანწალა! გენერალი მყრალა! — მოულოდნელად ხელი მოიქნია და პერანგიანს მუშტი ნიკაპში სთხლიშა. — ხელები მაღლა! — დაუღრიალა. პერანგიანი წაბარბაცდა.

პერანგიანმა პოლიციელს გაავეებით შეხედა. კერნი შეშინდა, ასეთი სახე არასოდეს ენახა.

— შენ გეუბნები, შე ნეხვო! — განაგრძო პოლიციელმა. — დროზე გაირჯები, თუ გინდა, ტვინი ერთხელაც შეგიჯანჯღარო?

— მე პასპორტი არ მაქვს, — უპასუხა პერანგიანმა.

— მე პასპორტი არ მაქვს, — გამოაჯავრა პოლიციელმა. — თავისთავად ცხადია, ბატონ ნაბიჭვარს პასპორტი არ ექნება. ამის მიხვედრას რა დიდი ამბავი უნდა! აბა, ჩაიცვით, ცოცხლად!

პოლიციელების ჯგუფი დერეფანს მოეფინა. ისინი ძალით აღებდნენ კარებს. მათ შორის ეპოლეტებიანი პოლიციელი გამოჩნდა.

— აბა, რა მოინადირეთ? — იკითხა მან.

— ეს ორი ჩიტუნია სახურავიდან აპირებდა აორთქლებას.

ოფიცერმა დაკავებულები შეათვალიერა, იგი მშაქსტრის იყო. გამხდარი, ფერმკრთალი სახე და გულდასმით მოვლილი შოკლე უღვაში ჰქონდა. სუნამოს სუნი ასდიოდა. კერნს ოდეკოლონი ეცნო. ასეთ რამეებში კარგად ერკვეოდა. ადრე მამამისს პარფიუმერიის ფაბრიკა ჰქონდა.

— ეს ორი გულდასმით უნდა დავკითხოთ, — ბრძანა ოფიცერმა. — ხელბორკილები დაადეთ!

— განა ვენის პოლიციას დაპატიმრებისას ცემის უფლება აქვს? — ჰკითხა პერანგიანმა კაცმა.

ოფიცერმა შეხედა.

— რა გვარი ხართ?

— შტაინერი. იოზეფ შტაინერი.

— პასპორტი არ აქვს, თანაც წინააღმდეგობის გაწევას აპირებდა, — მოახსენა ოფიცერს რევოლვერიანმა პოლიციელმა.

— ჩვენ იმაზე მეტი უფლება გვაქვს, თქვენ რომ გგონიათ, — მოუჭრა შტაინერს ოფიცერმა. — ჩაიყვანეთ ქვემოთ!

დაპატიმრებულებმა ტანთ ჩაიცვეს. პოლიციელმა ხელბორკილები ამოიღო.

— აბა, მოდით, საყვარლებო! ასე, ახლა უკეთ გამოიყურებით. ისე მოგერგოთ, თითქოს თქვენთვის გამოუჭედავთო.

კერნმა მაჯებზე ცივი ფოლადი იგრძნო. ცხოვრებაში პირველად ედო ბორკილი. ფოლადის რგოლები სიარულში მაინცდამაინც არ აბრკოლებდა, მაგრამ ისეთი შეგრძნება ჰქონდა, თითქოს მარტო ხელები კი არა, რაღაც უფრო მნიშვნელოვანი შეუბორკესო.

ადრიანი დილა იდგა. სახლთან პოლიციის ორი მანქანა გაჩერდა. შტაინერს სახე დაემანჭა.

— პირველი კლასით გვასაფლავენ! საპატიოა არა, პატარავ?

კერნმა არაფერი უპასუხა. შეეცადა ხელბორკილები პალტოს სახელოებში შეემალა. ქუჩაში სეირის მაყურებელი ორიოდე მერძევე იდგა. მოპირდაპირე სახლის ფანჯრები ფართოდ გაეღოთ. ბნელი ღობიდან მომზირალი სახეები გაფუებულ ცომის გუნდებს ჰგავდნენ. ვიღაც ქალი ხითხითებდა.

პოლიციის მანქანებთან — ღია ფურგონებთან ოცდაათამდე დაპატიმრებული მიიყვანეს. მათი უმეტესობა უსიტყვოდ ადიოდა მანქანის ძარაზე. მათ შორის იყო სახლის პატრონი, ორმოცდაათიოდე წლის სქელი, ქერა ქალი. მხოლოდ ის გამოთქვამდა ენერგიულ პროტესტს. რამდენიმე თვის წინათ მცირეოდენი თანხით ნახევრად დანგრეული სახლის ორი ცარიელი სართული შეეკეთებინა და შიგ რაღაც პანსიონატის მაგვარი დაწესებულება გაემართა. მალე ხმა გავრცელდა, რომ იქ ჩაუწერლად, პოლიციაში რეგისტრაციის გარეშე ცხოვრება შეიძლებაო. დიასახლისს მხოლოდ ოთხი ნამდვილი, პოლიციაში რეგისტრირებული

მდგმური ჰყავდა: ხელზე მოვაჭრე, დეზინფექტორი და ორი მეძავი. დანარჩენები, როცა დაბინდებოდა, მაშინ შემოიპარებოდნენ სტუმრთი თქმის ყველა გერმანიიდან, პოლონეთიდან, რუსეთიდან თუ იტალიიდან ლტოლვილი და ემიგრანტი იყო.

— მიდი, მიდი! — დაუცაცხანა ოფიცერმა დიასახლს. მისი კვლე-
ლაფერი პოლიციის უბანში გაირკვევა, საამისოდ საკმაოდ დრო გექნე-
ბათ.

— პროტესტს ვაცხადებ! — წამოიყვირა ქალმა.

— პროტესტის უფლება გაქვთ. ოღონდ ჯერ პოლიციაში წამობრ-
ძანდით.

ორმა პოლიციელმა ქალს ხელები ჩასჭიდა და ძარაზე აიყვანა.

ოფიცერი კერნისა და შტაინერისკენ მიბრუნდა.

— ამ ორს გაუფრთხილდით. თვალი არ მოაცილოთ.

— მერსი, — უთხრა შტაინერმა და მანქანაზე ავიდა. კერნი უკან
მიჰყვა.

მანქანები დაიძრნენ.

— ნახვამდის! — გაისმა ქალის გამკივანი ხმა რომელიღაც ფან-
ჯრიდან.

— ცემით სული ამოხადეთ მაგ ნაძირალა ემიგრანტებს! — და-
იღრიალა ვიღაც კაცმა. — საკვები დაგვეზოგება.

პოლიციის მანქანები საკმაოდ ჩქარა მიდიოდნენ, რადგან ქუჩები
ჯერ თითქმის ცარიელი იყო. ცა სახლებს მიღმა უკან-უკან იხევდა, თან-
დათან ფართოვდებოდა, ნათდებოდა, სილურჯე და გამჭვირვალობა ემ-
ატებოდა, მაგრამ მანქანის ძარაზე შეყრილ დაპატიმრებულებს შემოდ-
გომის წვიმაში დამბალ, ჩაშავებულ ტირიფებივით ჩაექინდრათ თავე-
ბი. პოლიციელები ძეხვის ბუტერბროდებს შეექცეოდნენ და ზედ ყავას
აყოლებდნენ ბრტყელი მათარებიდან.

ასპერნის ხიდის სიახლოვეს გზა ბოსტნეულის საბარგო მანქანამ
გადაუჭრათ. პოლიციის მანქანებმა ჯერ დაამუხრუჭეს, მერე კვლავ სი-
ჩქარე აიღეს. ამ დროს ერთი პატიმარი მანქანის ბორტზე აძვრა და გა-
დახტა. იგი უხერხულად დაფარდა მანქანის ფრთაზე, თავის პალტოში
გაიხლართა და ზღართანი გაადინა ქვაფენილზე.

— მანქანა გააჩერეთ! დაიჭირეთ! — დაიღრიალა უფროსმა. —
გაქცევა თუ დააპიროს, ესროლეთ!

მძლოლმა მკვეთრად დაამუხრუჭა. პოლიციელები გადმოსტნენ და
ძირს დავარდნილი კაცისკენ გაიქცნენ. მძლოლმა უკან მიიხედა, შე-
ამჩნია, დაპატიმრებული არ ინძრეოდა და მანქანა უკანა სვლით ნელა
წაიყვანა.

კაცი ზურგზე იწვა. კეფა ქვაზე დაერთყა. პალტო გახსნოდა, ხე-
ლები და ფეხები მიწას დანარცხებული ლამურასავით გაეფშვიკა.

— ააყენეთ! — ბრძანა ოფიცერმა.

პოლიციელები დაშავებულისკენ დაიხარნენ. შემდეგ ერთი მათგან-
ი წელში გაიმართა.

— ეტყობა, რაღაც მოიტეხა. ვერ დგება.

— რას ჰქვია, ვერ დგება! ააყენეთ!

— ერთი ლაზათიანი პანჩური უთავაზეთ და გამოცოცხლდება, —
ზანტად ურჩია იმ პოლიციელმა, შტაინერს რომ გარტყა
კაცი კვნესოდა.

— ადგომა მართლაც არ შეუძლია, — მოახსენა პოლიციელმა. — თავი გასისხლიანებული აქვს.

— ჯანდაბას მაგის თავი! — უფროსი მანქანიდან გადმოვიდა. — არ გაინძრეთ! — დაუყვირა მან დაპატიმრებულებს. — წყეული ბანდა! ამათგან უსიამოვნების გარდა სხვას რას უნდა ელოდეს კაცი!

მანქანა უკვე დაშავებულთან იდგა. კერძი ზემოდან კარგად ხედავდა მის სახეს, რომელიც მაშინვე იცნო. ეს გალეული კაცი პოლონელი ებრაელი იყო. ჭალარა, მეჩხერი წვერი ჰქონდა. კერძს რამდენჯერმე გაეთია ღამე მასთან ერთად ერთ ოთახში. გაახსენდა, როგორ დადგობოდა ხოლმე სისხამ დილით ფანჯარასთან ეს გაფანდარა ბერიკაცი, მხრებზე სარიტუალო სარტყლებს გადაიდებდა, ტანის აქეთ-იქით რწევას მოჰყვებოდა და ლოცულობდა. ის კოჭის ძაფებით, ფეხსაცმლის სონრებიტა და ნართით ვაჭრობდა. სამჯერ იყო გაძევებული ავსტრიიდან.

— ადექით ჩქარა! — უბრძანა ოფიცერმა. — რატომ გადმოხტით მანქანიდან? ალბათ, ცოდვები გამძიმებთ. ეტყობა, იქურდეთ ან რაღაც ამდაგვარი დანაშაული ჩაიდინეთ!

ბერიკაცმა ტურები ააცმაცუნა. იგი თვალეზგაფართოებული შესცქეროდა ოფიცერს.

— რათ? — იკითხა ოფიცერმა. — თქვა რამე?

— ასე ამბობს, შიშის გამო გადმოვხტით, — მოახსენა პოლიციელმა, რომელიც დაშავებულთან იყო ჩამუხლული.

— შიშის გამო? რა თქმა უნდა, შიშის გამო, რადგან რაღაც დანაშაულს მალავს! რას ამბობს?

— ასე ამბობს, არავითარი დანაშაული არ ჩამიდენიაო.

— ყველა ასე იტყვის. რა ვუყოთ ახლა მაგას? რა სჭირს?

— ექიმი უნდა გამოიძახოთ, — ჩამოსძახა შტაინერმა მანქანიდან.

— ხმა ჩაიკმინდეთ! — განერვიულდა ოფიცერი. — საიდან გავაჩინო ახლა ექიმი? თანაც დიდხანს მისი ქუჩაში დატოვება არ შეიძლება. მერე იტყვიან, თვითონ მაგათ დაბეგვესო. ყველაფერს პოლიციას დააბრალებენ!

— საჩქაროდ საავადმყოფოში უნდა წაიყვანოთ, — უთხრა შტაინერმა.

ოფიცერი დაიბნა. მიხვდა, ბერიკაცი მძიმედ იყო დაშავებული და ამიტომ შტაინერს ლაპარაკი ვეღარ აუკრძალა.

— საავადმყოფოში? იქ ხომ ასე უბრალოდ არ მიიღებენ. ამას მიმართვა სჭირდება. მე ხელს ვერ მოვაწერ. ჯერ პატაკი უნდა შევადგინო.

— ებრაელების საავადმყოფოში წაიყვანეთ, — ურჩია შტაინერმა. — იქ მიმართვისა და პატაკის გარეშე მიიღებენ. უფულოდაც.

ოფიცერმა გაოცებით შეხედა.

— თქვენ ეს საიდან იცით?

— მაშველთა საზოგადოებაში მივიყვანოთ, — წინადადება წამო-
აყენა ერთ-ერთმა პოლიციელმა. — იქ სანიტარი ან ექიმი მუდამ მო-
რიგეობს ხოლმე. ისინი მიხედავენ. ჩვენ კი თავიდან მოვიცილოთ.

ოფიცერმა გადაწყვეტილება მიიღო.

— კარგი, აიყვანეთ! გზად მაინც მაშველთა პუნქტთან შეხვე-
ვიართ. ერთ პოლიციელს დავტოვებთ მასთან. ეს საათსა დასაძინებ-
დოდა!

პოლიციელებმა ბერიკაცი ასწიეს და მანქანის ძარაში დაასვენეს.
დაშავებულმა დაიკვნესა, სახე გაუფითრდა, შეძაგდა და თვალი გა-
ახილა. ლოყებჩავარდნილ სახეზე თვალები არაბუნებრივად უბრწყინ-
ნავდა. ოფიცერმა ტუჩზე იკბინა.

— ეს რა იდიოტობაა! ამ ხნის ბერიკაცი მანქანიდან რამ გადა-
ახტუნა! დავიძრათ! ნელა წადით!

დაშავებულის თავქვეშ მალე სისხლის გუბე დადგა. ბერიკაცი და-
კოჟრილი თითებით ძარის ფიცარს ფხოჭნიდა. თანდათან ტუჩები და-
ეჭიმა და კბილები გამოუჩნდა. ისეთი გამომეტყველება მიიღო, თით-
ქოს ტკივილის ნაცრისფერი, უსიცოცხლო ნიღბის ქვეშ ვიღაც სხვა
უხმოდ, ირონიულად იცინოდა.

— რას ამბობს? — იკითხა ოფიცერმა.

მანქანა ისე მირახრახებდა, რომ წინ მდგომმა პოლიციელმა ბერი-
კატთან ჩაიჩოქა და თავი მაგრად დაუჭირა.

— ასე ამბობს, შვილების ნახვა მინდოდაო. რაღა ეშველებათ, უჩ-
ემოდ შიმშილით დაიხოცებიანო, — მოახსენა მან.

— აჰ, რა სისულელეა! არაფერიც არ მოუვათ. ისე, სად არიან
ისინი?

პოლიციელი კვლავ დაიხარა.

— არ ვიტყვი, იმიტომ რომ ქვეყნიდან გააძევებენო. არც ერთ
ქვეყანაში ცხოვრების უფლება არ ჰქონიათ.

— რაღაცას მიედ-მოედება. ახლა რას ამბობს?

— ამბობს, მაპატიეთო.

— რაო? — ჩაეკითხა გაკვირვებული ოფიცერი.

— ამბობს, გთხოვთ მაპატიოთ, უსიამოვნება რომ მოგაყე-
ნეთო.

— მაპატიეთო?! ეს რაღას ნიშნავს? — თავი გაიქნია ოფიცერმა და
დაშავებულს დააკვირდა.

მანქანა მაშველთა პუნქტთან გაჩერდა.

— ჩაიყვანეთ! — ბრძანა ოფიცერმა. — ოღონდ ფრთხილად.
თქვენ, როდეს, მასთან დარჩით, ვიდრე ტელეფონით დაგიკავშირდე-
ბით.

დაშავებული მალე ასწიეს. შტაინერი მისკენ გადაიხარა.

— ჩვენ მოვძებნით შენს შვილებს. ჩვენ დავეხმარებით მათ, გეს-
მის, მოხუცო?

ებრაელმა თვალები დახუჭა და კვლავ გაახილა. შემდეგ სამმა პო-
ლიციელმა შეიტანა იგი შენობაში. თითქოს სიცოცხლეს უკვე მიუტო-
ვებიაო, უღონოდ ჩამოყრილ ხელებს ქვაფენილზე მიითრევდა. მალე
ორი პოლიციელი უკან დაბრუნდა და მანქანაში ჩაჯდა.

- კიდევ ხომ არაფერი უთქვამს? — ჰკითხა მათ ოფიცერმა.
- არა. სახე უკვე მთლად გაუმწვანდა. თუ ხერხემალი აქვს დაზიანებული, დიდხანს ვერ გაატანს.
- მერე რა, ქვეყანას ერთი ებრაელი მოაკლდება, — თქვა პოლიციელმა, რომელმაც შტაინერს სახეში გაართყა.
- მაპატიეთო! — წაიბუტბუტა ოფიცერმა. — წარმსმსტყენიათ! უცნაური ხალხია...
- განსაკუთრებით ჩვენს დროში, — დაურთო შტაინერმა. ოფიცერი გასწორდა.
- გიჟობთ მოკეტოთ, თქვე ბოლშევიკო! — დაულრიალა მან. — გპირდებით, მაგ უტიფრობას გადაგაჩვენებ!

დაპატიმრებულები პოლიციის განყოფილებაში მიიყვანეს ელიზაბეთის გამზირზე. შტაინერსა და კერნს ხელბორკილები მოხსნეს და სხვებთან ერთად დიდ, ნახევრად ბნელ ოთახში დაამწყვდიეს. თითქმის ყველა უხმოდ მიჯდა კედელთან. ეს ხალხი მიჩვეული იყო ლოდინს. მხოლოდ სქელი ქალი ბობოქრობდა და თავის აღშფოთებას გამოხატავდა. ცხრა საათიდან დაიწყეს დაპატიმრებულების სათითაოდ გაყვანა. კერნი სადაც შეიყვანეს, იმ ოთახში ორი პოლიციელი, სამოქალაქო ტანსაცმლიანი მდივანი, ოფიცერი და ხანში შესული პოლიციის ობერკომისარი იმყოფებოდნენ. ობერკომისარი ხის სავარძელში იჯდა და სიგარეტს აბოლებდა.

— ანკეტური მონაცემები ჩაიწერეთ, — უბრძანა მან მაგიდასთან მჯდომ მდივანს. გალუული, ხუწუწებიანი მდივანი რალაციით ქაშაყს ჰგავდა.

- რა გქვიჟთ? — ჰკითხა მან კერნს მოულოდნელად ბოხი ხმით.
- ლუდვიგ კერნი.
- დაბადების წელი და ადგილი.
- 1914 წლის 30 ნოემბერი, დრეზდენი.
- ესე იგი, გერმანელი ხართ?
- არა. მოქალაქეობის არშქონე, ექსპატრიირებული ვარ. ობერკომისარმა თვალი შეაფლო.
- ოცდაერთი წლის ასაკში? ასეთი რა ჩაიღინეთ?
- არაფერი. მამაჩემს ჩამოართვეს მოქალაქეობა და მასთან ერთად მეც, რაკი მცირეწლოვანი ვიყავი.
- მამათქვენს რატომღა ჩამოართვეს?
- კერნი ერთხანს დუმდა. ერთი წლის ემიგრაციაში ყოფნამ მოხელეებთან ყოველი სიტყვის თქმისას სიფრთხილე ასწავლა.
- იგი უმართებულოდ დაასმინეს, როგორც პოლიტიკურად არააღიშედო, — ბოლოს და ბოლოს ამოღერლა მან.
- ... ებრაელი ხართ? — ჰკითხა მდივანმა.
- მამა მყავს ებრაელი, დედა არა.
- აჰა!
- ობერკომისარმა სიგარეტი იატაკზე დააფერფლა.
- მაშ, რატომ არ დარჩით გერმანიაში?

— პასპორტები ჩამოგვართვეს და გამოგვაძევეს. თუ დავრჩებოდით, დაგვაპატიმრებდნენ. თუ საქმე პატიმრობაზე დადგება, გერმანიას ნებისმიერი ქვეყანა სჯობს.

ობერკომისარმა უგულოდ გაიცინა.

— გასაგებია. უპასპორტოდ საზღვარი როგორ გადმოვალთ?

— ჩეხეთის საზღვარზე საზღვრისპირა მიმოსვლისთვის უნდა გვქონდეს ბინადრობის ცნობაც კმაროდა. ასეთი ცნობები ჯერ კიდევ გვექონდა. მათი საშუალებით ჩეხოსლოვაკიაში სამი დღით დარჩენა შეიძლებოდა.

— მერე?

— სამი თვით დარჩენის უფლება მოგვცეს. მერე იძულებული ვიყავით წამოესულიყავით.

— რამდენი ხანია, რაც ავსტრიაში ხართ?

— სამი თვეა.

— რატომ არ გამოცხადდით პოლიციაში?

— იმიტომ რომ მაშინვე გაგვასახლებდნენ.

— დახეთ ერთი! — ობერკომისარმა ხელისგული სავარძლის სახელურს დაჰკრა. — საიდან იცით ასე კარგად ეს ყველაფერი?

კერნმა არ გაამხილა, რომ, როცა მან და მისმა მშობლებმა პირველად გადმოლახეს ავსტრიის საზღვარი, მაშინვე გამოცხადნენ პოლიციაში და ისინი იმ დღესვე გაიბრუნეს უკან. მერე ისევ გადმოლახეს საზღვარი და პოლიციაში აღარ მიუკითხავთ.

— იქნებ მართალი არა ვარ? — ჰკითხა მან მდივანს.

— თქვენ აქ შეკითხვის უფლება არა გაქვთ, თქვენი საქმე პასუხის გაცემაა, — უხეშად მოუჭრა მდივანმა.

— სად არიან ახლა თქვენი მშობლები? — ჰკითხა კერნს ობერკომისარმა.

— დედაჩემი უნგრეთშია. იქ ცხოვრების უფლება მიიღო, რადგან წარმოშობით უნგრელია. მამაჩემი დააპატიმრეს და გაასახლეს იმ დროს, როცა მე სასტუმროში არ ვიყავი. არ ვიცი, ახლა სად არის.

— რას საქმიანობთ?

— სტუდენტი ვარ.

— თავს როგორ ირჩინთ?

— ცოტაოდენი ფული კიდევ შემომრჩა.

— რამდენი?

— ახლა თან თორმეტი შილინგი მაქვს, დანარჩენი ნაცნობებს მივაბარე.

კერნს თორმეტი შილინგის მეტი არ გააჩნდა. საპნის, სუნამოს და ტუალეტის წყლის გაყიდვით ჰქონდა ნაშოვნი. მაგრამ ეს რომ ეთქვა, ნებადაურთველი საქმიანობისთვის დასჯა ელოდა.

ობერკომისარი წამოდგა და დაამთქნარა.

— მოვრჩით?

— არა, ერთი კიდევ გველოდება, — მოახსენა მდივანმა.

— ისიც ასეთივე იქნება. ჩიტის ბღღვნად არა ღირსო, — ობერკომისარმა აღმაცერად გადახედა ოფიცერს. — ყველა ისინი არალეგალუ-

რად არიან შემოსული ავსტრიაში. ამ საქმეს კომუნისტური შეთქმულების სუნიც კი არ ახდის. ვისგან მოვიდა დაბეზლება?

— იმისგან, ვისაც ასეთივე ბუნაგი აქვს, უფრო ბალღისფერიანი, — უპასუხა მდივანმა. — ჩანს, კონკურენტის შეშურდა.

ობერკომისარმა გაიცინა. მერე შეამჩნია, რომ კერნი ცხველოთახში იყო.

— გაიყვანეთ. თქვენ ალბათ იცით, რაც გელით: ორი კვირა პატიმრობა და ქვეყნიდან გაძევება. — მან კვლავ დაამთქნარა. — აბა ჰე, მე გულიაშსა და ლუდზე წავედი.

კერნი საკანში შეიყვანეს, რომელიც წინაზე პატარა იყო. იქ ხუთი პატიმარი დახვდა, მათ შორის პოლონელიც, რომელსაც მის ოთახში ეძინა. ოხუთმეტობოდე წუთში შტაინერი შემოიყვანეს. ის კერნის გვერდით დაჯდა.

— პირველად ხარ გალიაში, ბიჭუნო?

კერნმა თავი დაუქნია.

— მერე? თავს მკვლელივით გრძნობ?

კერნს ტუჩები მოელრიცა.

— დაახლოებით. ციხეზე წარმოდგენა ადრეც მქონდა.

— ეს ციხე არაა, — დამოძღვრა შტაინერმა. — დროებითი საკანია. ციხე წინ გველოდება.

— ციხეში მჯდარხართ?

— ჰო. პირველად ადამიანი განიცდის, მერე ერგევა. განსაკუთრებით ზამთარში. დროებით მაინც მშვიდად ხარ. ადამიანი უპასპორტოდ იგივეა, რაც მკვდარი შვებულებში. თავის მოკვლის გარდა სხვა არაფერი დარჩენია.

— პასპორტი რილას მაქნისია? გინდაც გქონდეს, სულ ერთია, საზღვარგარეთ მაინც არ მოგცემენ მუშაობის უფლებას არსად.

— მართალია, არსად. პასპორტი ერთ უფლებას იძლევა: შიმშილით ფეხები გაჭიმო, გაჭიმო მშვიდად და არა სირბილში. ეს ცოტა როდია.

კერნს თვალი გაუშტერდა.

შტაინერმა მხარზე ხელი დაჰკრა.

— გული არ გაიტეხო, ბაღლო! სამაგიეროდ ბედნიერი ხარ, მეოცე საუკუნეში რომ ცხოვრობ — კულტურის, პროგრესის და ჰუმანიზმის საუკუნეში.

— ნეტავ არაფერს გვაჭმევენ? — იკითხა გალეულმა მელოტმა კაცმა, რომელიც კუთხეში ტახტზე იჯდა. — ყავა მაინც მოეტანათ.

— ზარს ხელი დააჭირეთ და ოფიციალტი გამოიძახეთ, — ურჩია შტაინერმა. — მენიუს მოგართმევთ. აქ ოთხნაირი მენიუ აქვთ ამოსარჩევად. დელიკატესი ხიზილალაც აქვთ, რა თქმა უნდა.

— ჭამა აქ ძაან ცუდი, — თქვა პოლონელმა.

— ეჰე, ჩვენი იესო ქრისტეც აქ ბრძანებულა! — შტაინერი პოლონელით დაინტერესდა. — აქ მჯდარხარ?

— ძაან ცუდი, — გაიმეორა პოლონელმა, — თანაც ძაან ცოტა...
 — ღმერთო ჩემო! — შეწუხდა მელოტი. — მე კი ჩემოდანში შემწვარი ქათამი მიდევს. როდის გაგვიშვებენ აქედან?

— ორ კვირაში, — აუხსნა შტაინერმა. — ჩვეულებრივ უსაბუთო ემიგრანტების სასჯელი. ასე არაა, იესო ქრისტე? უნდა იცოდეთ.

— ორი კვირა, — დაუდასტურა პოლონელმა, — ან უფრო მეტი. ჭამა ძაან ცოტა. ძაან ცუდი. წყალწყალა წვნიანი.

— ეშმაკმა დალახვროს! ამასობაში ქათამი ამიყროლდება, — ამოიკვნესა მელოტმა. — ეს ჩემი პირველი პულეა ბოლო ორი წლის განმავლობაში. ფულს ვაგროვებდი, გროშს გროშზე ვადებდი. დღეს უნდა მესადილა.

— საღამომდე დარდს დაეხსენით, — ურჩია შტაინერმა. — საღამოს კი ჩათვალეთ, რომ პულე უკვე მირთმეული გაქვთ, და დარდსაც ადვილად მოინელებთ.

— რაო? რას სულელობთ? — აღშფოთებული მელოტი შტაინერს შეაშტერდა. — განა ეს ერთი და იგივეა, თქვე მოლაყბევ? თუკი არ შემიჭამია? აფსუს, დილით ერთი ბარკალი მაინც ამეგლიჯა.

— მაშინ ხვალ შუადღემდე მოითმინეთ.
 — მე მაგის გულისთვის არ შევწუხდებოდი, — ჩაერთო პოლონელი. — პულე საერთოდ არ ვჭამ.

— შენ რა გენაღვლება! შემწვარი ქათამი შენ კი არა, მე მიფუჭდება ჩემოდანში, — გაჯავრდა კუთხეში მჯდომი.

— კიდევ რომ მქონდეს, არ მენაღვლება! მე მაგას არ ვჭამო! პულე ვერ ვიტან. მალებინებს! — თქვა კმაყოფილმა პოლონელმა და წვერზე ხელი ჩამოისვა. — პულე სულაც არ მედარდება!

— ღმერთო ჩემო, შენ ვინ რას გეკითხება! — იყვირა გაჯავრებულმა მელოტმა.

— კიდევ ახლა აქ პულე რომ მომიტანო — მე მაგას არ ვჭამო! — საზეიმოდ განაცხადა პოლონელმა.

— ღმერთო შენ დამიფარე! ასეთი რამე გაგიგონიათ! — ჩემოდანში დატოვებული პულეს დამწუხრებულმა პატრონმა თვალებზე ხელები აიფარა.

— შემწვარ პულეს თუ არ მიართმევ, ამით მაგას არაფერი დააკლდება, — ჩაერთო შტაინერი, — ჩვენს იესო ქრისტეს, ეტყობა, იმუნიტეტი აქვს ქათმის მიმართ. ქათამს ისევე უგულვებელყოფს, როგორც დიოგენი კომფორტს. ქათმის ბულიონზე რას იტყვი?

— ეგეც არა! — მტკიცედ განუცხადა პოლონელმა.
 — პილპილიან ქათამზე?
 — ქათამი საერთოდ არა! — მიუგო სახეგაბადრულმა პოლონელმა.

— გავგიჟდები! — აბლავლდა პულეს გაწამებული პატრონი. შტაინერი შებრუნდა.
 — კვერცხზე რას იტყვი, იესო ქრისტე? ქათმის კვერცხზე? პოლონელს სახე მოეღრუბლა.

— კვერცხუნია? ჰოო, კვერცხუნია ძაან მიყვარს! — მეჩხერ წვერში კაემნის აჩრდილი გაუკრთა. — ძაან მიყვარს.

— მადლობა ღმერთს! როგორც იქნა ნაპრალს მივაგენით სრულყოფილების კედელში!

— კვერცხუნია ძაან მიყვარს, — დაუმოწმა პოლონელმა. — ოთხ ცალს, ექვს ცალს, თორმეტ ცალს... ექვსს მოხარშულს, დარჩენი შემწვარს... შემწვარი კარტოფილით. ღორის ქონში შემწვარი კარტოფილით...

— ამის მოსმენა აღარ შემიძლია! ჯვარს აცვიტე ღორშუცელა ქრისტე! — გადაირია ჩემოდანში დარჩენილი ქათმის პატრონი.

— ბატონებო, — გაისმა ხავერდოვანი ბანი რუსული აქცენტით, — ასე რატომ ღელავთ რაღაც ილუზიების გამო. ერთი ბოთლი არყის შემოტანა მოვახერხე. გთხოვთ დამეწვიოთ. არაყი ათბობს გულს და ამშვიდებს ნერვებს.

რუსმა ბოთლს საცობი ამოაძრო, მოსვა და შტაინერს მიაწოდა. მანაც ერთი ყლუბი მოსვა და კერნს გადააწოდა. კერნმა თავი გააქნია.

— დალიე, ბაღლო, — ურჩია შტაინერმა. — ესეც საჭიროა. უნდა მიეჩვიო.

— არაყი ძაან კარგი! — დაუმოწმა პოლონელმა.

კერნმა ერთი ყლუბი მოსვა და ბოთლი პოლონელს გადასცა, რომელმაც იგი მყისვე ხახაში გადაიპირქვაა.

— გამოცლის ეს კვერცხთ თაყვანისმცემელი! — აბუზღუნდა პულეს პატრონი და პოლონელს ბოთლი გამოსტაცა. — ბევრი აღარაფერი დარჩა, — უთხრა რუსს, როცა თავისი წილი მოსვა.

რუსმა დაუდევრად აიქნია ხელი.

— არა უშავს. მე ამ საღამოს გამიშვებენ.

— დარწმუნებული ხართ? — ჰკითხა შტაინერმა.

რუსმა თავი მსუბუქად დაუკრა.

— კინალამ ვთქვი, სამწუხაროდ-მეთქი. როგორც რუსს, მე ნანსენის პასპორტი მაქვს.

— ნანსენის პასპორტი! — მოწიწებით გაიმეორა პულემ. — მაშასადამე, თქვენ სამშობლოს არმქონეთა შორის არისტოკრატებს განეკუთვნებით.

— ძალზე ვწუხვარ, თქვენ რომ ჯერ ამისთვის არ მიგიღწევიათ, — თავაზიანად უპასუხა რუსმა.

— თქვენ უპირატესობა გქონდათ, — ჩაერთო შტაინერი. — თქვენ პირველები იყავით, თქვენ მსოფლიო გითანაგრძნობდათ. ჩვენ თანაგრძნობის მცირე დოზა შეგვხვდა. ჩვენც ვეცოდებით, მაგრამ ზედმეტ, არასასურველ ტვირთად მივაჩნივართ.

რუსმა მხრები აიჩეჩა. შემდეგ ბოთლი გაუწოდა იმ ერთადერთ პატიმარს, რომელსაც მანამდე ხმა არ ამოედო.

— ინებეთ, გეთაყვა, თქვენც მოსვით.

— გმადლობთ, — იუარა მან, — მე ვინმე თქვენთაგანი არ გახლავართ.

დაპატიმრებულებმა გაკვირვებით შესედეს.

— მე ვარგისი პასპორტიც მაქვს, სამშობლოც და ბინადრობისა და მუშაობის უფლებაც.

ყველა დუმდა.

— მაპატიეთ, შეიძლება რაღაც გკითხოთ? — მცირე ყოყმანის შემდეგ გაუბედა რუსმა, — მაშ, რატომ ზიხართ აქ?

— ჩემი პროფესიის გამოისობით, — ქედმაღლურად უთხრა ნობმა. — მე ვიღაც არასაიმედო, უსაბუთო ლტოლვილი როდი ვარ. მე სრული სამოქალაქო უფლებების მქონე პატიოსანი ჯიბგირმა ვარ. ლერი გახლავარ.

შუადღისას წყალწყალა ლობიოს წვნიანი მოიტანეს, რომელშიც ლობიოს ნასახიც არ იყო, საღამოს ისევ წყალწყალა რაღაც, ოღონდ ამჯერად მას ყავა ერქვა, და კიდევ თითო ნაჭერი პური. შვიდ საათზე საკნის კარი ხმაურით გაიღო. რუსის წინასწარმეტყველება გამართლდა: იგი გაიყვანეს. ის ძველი ნაცნობივით გამოემშვიდობა დაპატიმრებულებს.

— ორი კვირის შემდეგ კაფე „შპერლერში“ გამოვივლი, — დაუბარა შტაინერს. — იმედია, მაგ დროისთვის თქვენც მანდ იქნებით და მაშინ ეგებ რამე მოვიფიქრო თქვენთვის. ნახვამდის.

რვა საათისთვის სრულუფლებიანი მოქალაქე შულერი ამხანაგური ურთიერთობისთვის მომწიფდა. სიგარეტის კოლოფი ამოიღო და საკანში მყოფთ შესთავაზა. ყველამ გააბოლა. მწუხრის მკრთალმა სინათლემ და სიგარეტების ცეცხლმა საკანში თითქმის შინაურული ატმოსფერო შექმნეს. ჯიბგირმა განაცხადა: პოლიცია ახლა იმას არკვევს, ბოლო ექვსი თვის განმავლობაში სადმე დიდი ქურდობა ხომ არ ჩამიდენია, არა მგონია, რამე გამომიჩხრიკონო. მერე დაპატიმრებულებს კარტის თამაში შესთავაზა და ჯიბიდან დახელოვნებული ილუზიონისტივით კარტის დასტა ამოაძვრინა.

ჩამობნელდა, მაგრამ შუქს მაინც არ ანთებდნენ. შულერი ამასაც მომზადებული შეხვდა. ამჯერად მან საიდანღაც სანთელი და ასანთი გააჩინა. სანთელი კედლის შვერილზე მიაწებეს. საკანში მოლიცლიცია, მქრქალი შუქი დადგა.

პოლონელი, პულე და შტაინერი შულერთან მივიდნენ.

— ფულზე ხომ არ ვთამაშობთ? — იკითხა პულემ.

— რა თქმა უნდა, არა, — გაელიმა შულერს.

— შენ არ ითამაშებ? — ჰკითხა შტაინერმა კერნს.

— კარტის თამაში არ ვიცი.

— უნდა ისწავლო, ბაღლო. თორემ საღამოობით თავს რითი შეიქცევ.

— ხვალ ვისწავლი. დღეს ხასიათზე ვერა ვარ.

შტაინერი მისკენ შებრუნდა. მქრქალმა შუქმა სახე დაულარა.

— გაწუხებს რამე?

კერნმა თავი გააქნია.

— არა. ცოტა დავიღალე. იქით, ტახტზე მივწვები.

შულერმა კარტი აურიო. მან ელეგანტურად, ტკაცატკაცით შეაცურა ბანქო ერთმანეთში.

— ვინ დაარიგებს? — იკითხა პულემ.

სრულუფლებიანმა მოქალაქემ სათითაოდ ყველას თითო კარტის ალება შესთავაზა. პოლონელს ცხრიანი ერგო, პულეს ქალი, შტაინერსა და შულერს ტუზები. შულერმა სწრაფად შეავლო თვალი შტაინერს.

— გაჭერით.

მან კვლავ ტუზი ამოიღო, გაიღიმა და დასტა შტაინერს უკმუნოდა. შტაინერმა დაუდევარი ექსტით გადააბრუნა დასტის ქვეშ კარტი — ისევ ჯვრის ტუზი.

— რა საოცარი დამთხვევაა! — გაიციხა პულემ.

შულერს არ ეცინებოდა.

— საიდან იცით ეს ფანდი? — ჰკითხა შტაინერს გაოცებულმა. — პროფესიონალი ხართ?

— არა, მოყვარული. მით უფრო ორმაგად მახარებს პროფესიონალის აღიარება.

— საქმე ეგ არაა! — თვალეში შეხედა შულერმა. — ეს ფანდი ჩემი მოგონილია.

— რას ამბობთ! — შტაინერმა სიგარეტი ჩააქრო. — ბუდაპეშტში, ციხეში ვისწავლე, გათავისუფლებამდე ცოტა ხნით ადრე, ვინმე კაჩერისგან.

— კაჩერი! ახლა გასაგებია! — ჯიბგირმა შვებით ამოისუნთქა. — აი, თურმე როგორ ყოფილა საქმე! კაჩერი ჩემი მოწაფეა. კარგად აგითვისებიათ.

— დიახ, — მიუგო შტაინერმა, — როცა მუდამ გზაში ხარ, გინდა არ გინდა, ბევრ რამეს ისწავლი.

შულერმა კარტის დასტა მას გადასცა და ყურადღებით შეხედა სანთლის ალს.

— ცუდი განათებაა. თუმცა ჩვენ ხომ მაინც გასართობად ვთამაშობთ. ხომ ასეა, ბატონებო? პატიოსნად...

კერნი ტახტზე წამოწვა და თვალეში დახუჭა. გულზე გაურკვეველი ნაღველი აწვა. დილის დაკითხვის შემდეგ განუწყვეტლივ ფიქრობდა მშობლებზე — პირველად კარგა ხნის შემდეგ. თვალწინ დაუდგა ის დღე, როცა მამამისი პოლიციიდან დაბრუნდა. ის კონკურენტმა დაასმინა გესტაპოში ანტისახელმწიფოებრივი ლაყბობისათვის, რათა მისი საპნის, სუნამოს და ტუალეტის წყლის პატარა ფაბრიკა გაენადგურებინა და მერე ჩალის ფასად შეეძინა. ეს გეგმა ისევე წარმატებით განხორციელდა, როგორც სხვა მრავალი მისთანა იმ დროში. კერნის მამა ძალზე მოტეხილი დაბრუნდა. თვე-ნახევრის პატიმრობის შემდეგ. თუ რა გადახდა გესტაპოში, ამაზე სიტყვა არ დაუძრავს. ფაბრიკა სასაცილო ფასად მიჰყიდა თავის კონკურენტს. ამას მოჰყვა ქვეყნიდან გაძევება, აქედან დაიწყო მათი უსასრულო ხეტიალი დრეზდენიდან პრაღაში, პრაღიდან ბრიუნში, იქიდან, ღამით საზღვრის არალეგალურად გადალახვის შემდეგ, ავსტრიაში, საიდანაც მეორე დღესვე პოლიციამ უკან დააბრუნა ჩეხეთში, მერე ორიოდ დღეში კვლავ ღამით ფარულად გადავიდნენ ვენაში. სწორედ მაშინ წაიქცა წკვარამში კერნის დედა და ხელი მოიტეხა. არტაშანად ხის ორი ტოტი დაადეს ბნელში. მერე ვენიდან უნგრეთში გადავიდნენ, ორიოდ კვირით დედის ნათესავებთან დარჩნენ, მაგრამ

მათ კვლავ მიაგნო პოლიციამ, და, სხვა რა გზა ჰქონდათ, დედას გამოემშვიდობნენ, რომელსაც ნათესავებთან დარჩენის უფლება მისცეს, რადგან წარმოშობით უნგრელი იყო. მერე ისევ საზღვარი, ისევ ვერა, დამამცირებელი ხელზე ვაჭრობა საპნით, ტუალეტის წყლით, გამამყობითა და ფეხსაცმლის ზონრებით, დასმენისა და განდევნის მუდმივი შიშით, სალამო, როცა მამა აღარ დაბრუნდა, მარტოობის უსასრულო დღეები, ერთი სამალავიდან მეორეში გადასვლა...

კერნმა გვერდი იცვალა და ვილაცას მიაწყდა. თვალები გაახილა და სიბნელეში შავ ფუთასავით დაგდებული კაცი შეამჩნია. ეს იყო საკნის ბინადარი ორმოცდაათიოდე წლის კაცი, რომელიც თითქმის მთელი დღე არ განძრეულა.

— მაპატიეთ, — მოუბოდიშა კერნმა, — ვერ შეგამჩნიეთ.

კაცმა ხმა არ გასცა. უაზროდ, ფართოდ გახელილი თვალებით შესტქეროდა. ასეთი სულიერი მდგომარეობა კერნისთვის უცხო არ იყო. ემიგრაციაში აქეთ-იქით ხეტიალისას ხშირად წაწყდომია ასეთ მოვლენას. ამ შემთხვევაში ჯობს ადამიანი არ შეაწუხო.

— დასწყევლოს ეშმაკმა! — მოულოდნელად წამოიძახა პულემ კარტის თამაშის დროს. — რა შტერი ვარ, რა ჩამოყალიბებული შტერი!

— რატომ? — მშვიდად შეეპასუხა შტაინერი. — გულის ქალის ჩამოსვლა შეცდომა არ იყო.

— მაგას არ ვგულისხმობდი! იმ რუსს ხომ შეეძლო ჩემი პულე შემოეგზავნა აქ. ღმერთო, რა გამოთაყვანებული ვარ, რა გამოუსწორებელი რეგვენი!

პულეს ისეთი სახე ჰქონდა, მის დამნახველს ეგონებოდა, ქვეყნიერება დაიღუპაო. უცებ კერნმა იგრძნო, რომ იცინოდა. უნდოდა სიცილი შეეწყვიტა, მაგრამ ამაოდ. თავი ველარ შეიკავა და ახარხარდა. მთელი სხეულით ცახცახებდა. თან ვერ ხვდებოდა, რა აცინებდა. ალბათ რალაც მიზეზი იყო, რომელშიც დომხალივით არეულიყო კაეშანი, წარსული და ყველა საფიქრალი.

— რა დაგემართა, ბალო? — გაუკვირდა შტაინერს და კერნს გადმოსხედა.

— არ ვიცი. მეცინება.

— სიცილი სასარგებლოა.

შტაინერმა დააძრო ყვავის მეფე და გამარჯვებაში დარწმუნებულ პოლონელს კარტი გაუჭრა.

კერნმა სიგარეტი გააბოლა. მოულოდნელად ყველაფერი გაუადვილდა. გადაწყვიტა, ხვალიდან კარტის თამაშს ვისწავლიო, და რატომღაც ისეთი გრძნობა გაუჩნდა, რომ ეს გადაწყვეტილება მთელ მის მომავალ ცხოვრებას შეცვლიდა.

ხუთი დღის შემდეგ შულერი გაუშვეს. მის დასადანაშაულებლად ვერავითარ სამხილს ვერ მიაგნეს. იგი მეგობრულად გამოემშვიდობა შტაინერს, ვის წვრთნასაც მოხანდომა საკანში გატარებული დღეები —



ის ცანდები დაახვეწინა, რომლებიც მისი მოწაფისგან — კაჩერისგან
 ჰქონდა ნასწავლი. გამოთხოვებისას კარტის დასტა დაუტოვა, და შტა-
 ინერიც დაუყოვნებლივ შეუდგა კერნის წვრთნას. ასწავლს სკატი, ია-
 სი, ტაროკი და პოკერი. სკატი ემიგრანტებთან გამოადგებოდა, იასი
 შვეიცარიაში, ტაროკი ავსტრიაში და პოკერი ყველგან.

თოთხმეტი დღის შემდეგ კერნი ზემოთ აიყვანეს. მისი მტკობრმა
 ოთახში შეიყვანა, სადაც ხნიერი კაცი იჯდა. კერნს ოთახი ისეთი დიდი
 და ნათელი მოეჩვენა, რომ უნებურად თვალები დაახამხამა. იგი უკვე
 ბნელ საკანს იყო მიჩვეული.

— თქვენა ხართ ლუდვიგ კერნი, მოქალაქეობის არმქონე, სტუ-
 დენტი, დაბადებული 1914 წლის 30 ნოემბერს დრეზდენში? — გულგ-
 რილად ჰკითხა მოხელემ და საქალაქოში ჩაიხედა.

კერნმა თავი დაუქნია. ლაპარაკი არ შეეძლო, რადგან მოულოდ-
 ნელად ყელი გაუშრა. მოხელემ გაკვირვებით შეხედა.

— დიას, — როგორც იქნა, ხრინწიანი ხმით უპასუხა კერნმა.

— თქვენ საბუთების გარეშე, პოლიციაში განუცხადებლად ცხოვ-
 რობდით ავსტრიაში... — მოხელემ სწრაფად ჩაიკითხა ოქმი: — თქვენ
 მოსული გქონდათ თოთხმეტი დღით პატიმრობა, რომლის ვადაც უკვე
 გაგითავდათ. თქვენ ავსტრიიდან გაგაძევებენ. ყოველი დაბრუნებისათ-
 ვის სასჯელი დაგემატებათ. აგერ, სასამართლოს გადაწყვეტილება გა-
 ძევების თაობაზე. აი აქ ხელი მოაწერეთ, რომ გაცნობილი ხართ სასა-
 მართლოს გადაწყვეტილებას და იცით, რომ დაბრუნების შემთხვევაში
 სასჯელი მოგელით. აქ, მარჯვნივ.

მოხელემ სიგარეტს მოუკიდა. კერნი მონუსხული უყურებდა მის
 ვენებდაბერილ, დუნე ხელს, რომელშიც ასანთი ეჭირა. ეს კაცი ორიოდ
 საათში საწერ მაგიდას ჩაკეტავდა და სავახშმოდ წავიდოდა. შემდეგ
 ალბათ ტაროკს ითამაშებდა და ორიოდ ჭიქა ახალ ღვინოსაც დალე-
 ვდა, თერთმეტ საათზე დაამთქნარებდა, ფულს გადაიხდიდა და იტყოდა,
 დავიღალე, შინ მივდივარ დასაძინებლადო. შინ! დასაძინებლად! ამ
 დროს კი საზღვრისპირა ტყეებსა და მინდვრებზე უკუნი ღამე ჩამოწ-
 ვება, ირგვლივ სიბნელე, უცხო გარემო, შიში... და ამ წკვარამში ჩაკა-
 რგული სიცოცხლის პაწაწინა, მოციმციმე ნაპერწკალი — მარტოდმარ-
 ტო, ბორძიკით მიმავალი, ქანცგამოლეული ლუდვიგ კერნი, რომელ-
 საც ადამიანები ენატრება და ადამიანების ეშინია. ყოველივე ამის მი-
 ზეში ფარატიხა ქალაღდი იყო, რომელსაც პასპორტი ერქვა და მაგი-
 დასთან მჯდომ მოწყენილ მოხელესა და მას ერთმანეთისაგან მიჯნავდა.
 მათ სისხლის ერთნაირი ტემპერატურა ჰქონდათ, მათი თვალები ერთ-
 ნაირი აგებულებისა იყო, მათი ნერვები ერთნაირად რეაგირებდნენ გა-
 მადიზიანებელზე, მათი ფიქრები ერთნაირ კალაპოტში მიედინებოდ-
 ნენ — და მაინც მათ შორის უფსკრული იყო, მათ საერთო არაფერი
 გააჩნდათ, ერთს რაც სიამოვნებდა, ის მეორეს ტკივილს აყენებდა, ერ-
 თი მქონებელი იყო, მეორე — უქონელი, განდევნილი, და უფსკრული,
 რომელიც მათ ერთმანეთს აშორებდა, ქალაღდის პატარა ფურცელი იყო,
 რაზეც მხოლოდ გვარ-სახელი და რამდენიმე უმნიშვნელო მონაცემი
 ეწერა.



— აქ, მარჯვნივ, — უთხრა მოხელემ, — სახელი და გვარი.
კერძი ფიქრებიდან გამოერკვა და ქალაქს ხელი მოაწერა.

— რომელ საზღვარზე გირჩევნიათ მივიყვანო? — ჰკითხა მოხელემ.

— ჩეხეთის.

— კეთილი. ერთ საათში გაგამგზავრებენ. გამყოლი

— იმ სახლში, სადაც ვცხოვრობდი, ნივთები დამრჩა. შეიძლება თან წავიღო?

— რა ნივთებია?

— ჩემოდანი თეთრეულით და სხვა წვრილმანი.

— კეთილი. გამყოლს უთხარით, რომელმაც საზღვრამდე უნდა მივიყვანოთ. მასთან ერთად გაიარეთ ნივთების წამოსაღებად.

ინსპექტორმა კერძი საკანში დააბრუნა და შტაინერი წაიყვანა.

— რაო, რა გითხრეს? — მოუთმენლად ჰკითხა პულემ.

— ერთ საათში გაგვიშვებენ.

— იესუს ხრისტუს! — თქვა პოლონელმა. — მაშ, ისევ იწყება გაწიმაწია.

— შენ რა, აქ ყოფნა გირჩევნია? — გაუკვირდა პულეს.

— საჭმელი თუ უკეთესი... და კალფაქტორის* ერთი პატარა თანამდებობა... სიამოვნებით.

კერძმა ცხვირსახოცი ამოიღო და კოსტიუმი გულმოდგინედ გაიწმინდა. თოთხმეტ დღეში პერანგი ძალზე გაჭუჭყიანებოდა. მანქეტები გაისწორა, ამ ხნის განმავლობაში გადაკეცილი ჰქონდა, უფროსილდებოდა, არ დამესვაროსო. პოლონელი თვალს ადევნებდა.

— ერთ-ორ წელიწადში მაგისტანა რამეები ყურადღებას აღარ მი-
აქცევ, — უწინასწარმეტყველა მან.

— საით მიემგზავრები? — ჰკითხა პულემ.

— ჩეხეთში. შენ უნგრეთში?

— შვეიცარიაში. ასე ვამჯობინე. წამო, ერთად წავიდეთ. იქიდან საფრანგეთში გადაგვაგზავნიან.

კერძმა თავი გააქნია.

— არა, პრალაში უნდა მოვხვდე.

ორიოდე წუთში შტაინერი დააბრუნეს საკანში.

— იცი, რა გვარია ის პოლიციელი, სახეში რომ გამარტყა? — უთხრა კერძს. — ლეოპოლდ შეფერი. ტრაუტენგასეს ოცდაშვიდში ცხოვრობს. ეს ოქმშია ჩაწერილი. ჩაწერილია არა იმიტომ, რომ გამარტყა, არამედ იმიტომ, თითქოს მე მას ვემუქრებოდი. — შტაინერმა კერძს შეხედა. — როგორ გგონია, დამავიწყდება როდესმე მისი გვარი და მისამართი?

— არა, — უპასუხა კერძმა, — ნამდვილად არ დავავიწყდება.

— მეც ასე ვფიქრობ!

სამოქალაქო ტანსაცმელში გამოწყობილმა პოლიციელმა შტაინერი და კერძი წაიყვანა. კერძი ღელავდა. ქუჩაში რომ გადიოდნენ, უნებუ-

* პატიმარი, რომელიც ციხეში საჭმლის დამტარებლის მოვალეობას ასრულებს.

რად სადარბაზო კარებში შეჩერდა. სამხრეთის სიო სახეზე მიელამუნა. ცა იყო ღურჯი და ოდნავ დაბინდული, ჩამავალ მზის სხივებს სახლების ფრონტონები მოწითალოდ აეღვარებინა, დუნაი ციმციმებდა, ქუჩაში მოსეირნე და შინ მიმავალ ხალხის ნაკადში მზეზე აკისრებული ავტობუსები მილოლავენ. ნათელ ფერებში გამოწყობილი ფიგურებმა სიცილ-კისკისით ჩაიქროლეს მათ წინ. კერნმა გაიფიქრა, მშვენიერება ჯერ არასოდეს მინახავსო.

— აბა, დავიძრათ, — უთხრა მათ პოლიციელმა.

კერნი შეკრთა. დარცხვენელმა ტანისამოსზე დაიხედა. ვიღაც გამვლელი მოურიდებლად ათვალთვლებდა. ისინი ქუჩაში გავიდნენ. პოლიციელი მათ შუა მიდიოდა. კაფეების წინ მაგიდები და სკამები დაედგათ, ყველგან მხიარულად მოსაუბრე ხალხი იჯდა. კერნმა თავი ჩალუნა და ნაბიჯს აუჩქარა. შტაინერი ირონიული ღიმილით უყურებდა.

— რაო, ბაბლო, ჩვენ არა ვართ ასეთი ცხოვრების ღირსნი?

— არა, არა ვართ, — უპასუხა კერნმა და ტუჩები მოკუმა.

ისინი პანსიონში მივიდნენ. პანსიონის დიასახლისი მათ წყენანარევი თანაგრძნობით შეხვდა. შტაინერსა და კერნს დაუყოვნებლივ გამოუტანა თავ-თავიანთი ნივთები. ყველაფერი ხელუხლებლად იყო. საკანში ყოფნისას კერნი ფიქრობდა, აქედან რომ გავალ, პერანგს გამოვიცვლიო, მაგრამ მერე, ქუჩაშივე გადაიფიქრა. ჰოდა, ახლა დანჯღრეული ჩემოდნიდან არაფერი ამოულია, ილღიაში ამოიჩარა და დიასახლისს მადლობა გადაუხადა.

— ვწუხვარ, ასეთი უსიამოვნება რომ შეგხვდათ ჩემ გამო, — უთხრა კერნმა დიასახლისს.

ქალმა ხელი აიქნია.

— ეგ არაფერი. თქვენც კარგად იყავით, ბატონო შტაინერ. ახლა საითკენ მიდიხართ?

შტაინერმა მხრები აიჩეჩა.

— საზღვრის რწყილივით ბუჩქიდან ბუჩქზე გადავალ ხტუნვა-ხტუნვით.

დიასახლისი ცოტა შეყოყმანდა, მერე შუა საუკუნეების ციხესიმაგრის ფორმაზე გამოჩუქურთმებულ კაკლის კარადას მიაჩურა.

— გზაზე ხართ დამდგარი. თითო ჭიქით დაილოცეთ...

დიასახლისმა კარადიდან ბოთლი და სამი ჭიქა გამოიღო და სასმელი ჩამოასხა.

— სლივოვიცაა? — ჰკითხა შტაინერმა.

დიასახლისმა თავი დაუქნია და პოლიციელსაც შესთავაზა. პოლიციელმა უღვაშზე ხელი გადაისვა.

— ბოლოს და ბოლოს ჩვენ, პოლიციელები, ხომ ჩვენს მოვალეობას ვასრულებთ, — მოიბოდინა მან.

— რა თქმა უნდა! — დიასახლისმა შეუვსო ჭიქა. — თქვენ რატომ არ სვამთ? — ჰკითხა კერნს.

— არ შემიძლია... ასე, მშიერ კუჭზე...

— აი, თურმე რა! — დიასახლისი გამომცდელად დააკვირდა. ქალის გაფიქვინებულმა, ცივმა სახემ მოულოდნელად თბილი იერი შეიძი-

ნა. — ღმერთო ჩემო, ჯერ მთლად ბავშვია, — ჩაიბუტბუტა მან. —
ფრანცი! — დაიძახა მერე. — ბუტერბროდი მოიტანე!

— გმადლობთ, საჭირო არაა, — კერნი გაწითლდა. — არ მშია
კელნერმა ქალმა შაშხიანი ბუტერბროდის ორმაგი ულუფა მო-
ტანა.

— ნუ იბრანჭებით, — უთხრა კერნს დიასახლისმა. — მედღეღამეობა
გერეთ.

— ნახევარი არ გინდათ? — ჰკითხა კერნმა შტაინერს. — ამდენი
ვერ მოვერევი.

— ნუ ლაყობ! ჭამე! — უბასუხა შტაინერმა.
კერნმა ბუტერბროდები შესანსლა და ზედ ერთი ჭიქა სლივოვიცაც
დააყოლა. შემდეგ დიასახლისს გამოემშვიდობნენ ტრამვაით აღმოსავ-
ლეთის ვაგზლამდე მივიდნენ. მატარებელში კერნი უცბად მოეშვა. ვა-
გონის რახრახში თვლემა მოეძალა. თითქოს სიზმარივით ჩაიქროლა სახ-
ლებმა, ფაბრიკის ეზოებმა, ქუჩებმა, ტრაქტირების ბალებში დარგულმა
მალალმა კაკლის ხეებმა, ყანებმა, მინდვრებმა და ნაზმა, მოლურჯო და-
ისმა. სავსე კუჭი ბანგივით მოქმედებდა. აზრი დაეფანტა, ზმანება ეწ-
ვია — აყვავებულ წაბლის ხეებში მდგარი თეთრი სახლი, საზეიმო ფრა-
კებში გამოწყობილი მოხელეების დეპუტაცია, საპატიო მოქალაქის
სიგელს რომ სთავაზობდა, და მუნდირიანი დიქტატორი, რომე-
ლიც დაჩოქილი იცრემლებოდა და პატიებას სთხოვდა.

თითქმის ბნელოდა, საბაჟოს ჯიხურს რომ მიაღწიეს. პოლიციელმა
ისინი საბაჟოს დაცვას გადააბარა, თავად კი უკან გაბრუნდა და იასამ-
ნისფერ ბინდში გაუჩინარდა.

— ჯერ ადრეა, — უთხრა მათ საბაჟოს მოხელემ და მანქანების
რეგისტრაცია განაგრძო, რომლებიც საზღვარზე გადადიოდნენ, — ჯობს
ათის ნახევრამდე დაიცადოთ.

კერნი და შტაინერი სკამზე დასხდნენ და საბაჟოს წინ გამავალ მა-
ნქანებს დაუწყეს ყურება. მერე მეორე მოხელეც გამოჩნდა. მან ისინი
ბილიკით წაიყვანა, რომელიც საბაჟოდან მარჯვნივ უხვევდა. მინდო-
რი გადაიარეს, სადაც ნესტისა და მიწის მძაფრი სუნი იდგა, ჩაუარეს
ფანჯრებგანათებულ ორიოდე სახლს და ოლეს. მალე მოხელე შეჩერდა.

— აქეთ წადით. მარცხენა მხარე გეჭიროთ, ბუჩქებით იქნებით და-
ფარული, სანამ მდინარე მარშს მიაღვებოდეთ. წყალი ახლა ღრმა არ
იქნება და მდინარეზე ადვილად გადახვალთ.

კერნი და შტაინერი გზას გაუდგნენ. წყნარი ღამე იდგა. ცოტა რომ
გაიარეს, კერნმა უკან მოიხედა. პორიზონტზე მოხელის შავი სილუეტი
ასვეტილიყო. მათ უთვალთვალებდა. ლტოლვილებმა გზა განაგრ-
ძეს.

მარშის ნაპირზე ტანთ გაიხადეს და ტანსაცმელი ფუთად შეკრეს.
მდინარის მდორე წყალზე მოყავისფრო-ვერცხლისფერი ანარეკლი ციმ-
ციმებდა. ღრუბლებშორის, აქა-იქ ვარსკვლავები კიაფობდნენ ცაზე და
დროდადრო მთვარეც გამოანათებდა ხოლმე.

— მე წინ წავალ, — უთხრა შტაინერმა კერნს. — უფრო მაღალი
ვარ.

მდინარეში შევიდნენ. კერნი გრძნობდა, როგორ მოიწევდა სულ მალე მდინარის ცივი, იდუმალი წყალი, თითქოს სამუდამოდ თავისთან დატოვებას უპირებდა. მის წინ ფსკერის სინჯვა-სინჯვით ფრთხილად მიდიოდა შტაინერი. თავს ზემოთ ტანსაცმელი და ზურგჩანთა ეჭირა. განიერი მხრები მთვარის შუქზე თეთრად უქათქათებდა. შტაინერი მდინარის შუაგულში შეჩერდა და უკან მოიხედა. გუნდში მყოფებს მიპყვებოდა. შტაინერმა გამამხნეველად გაუღიმა და თავი დაუქნია.

ისინი მოპირდაპირე ნაპირზე აბობლდნენ და ტანი საჩქაროდ შეიმშრალეს პირსახოცებით. ჩაიცვეს და გზას გაუდგნენ. ცოტა რომ გაიარეს, შტაინერი შეჩერდა.

— საზღვარი უკვე გადავლახეთ, — უთხრა მან კერნს. მთვარის შუქზე მის თვალებს ფერი დაჰკარგოდა და შუშასავით უბრწყინავდა. კერნს შეხედა. — ვითომ აქ სხვა ხეები იზრდება? ვითომ აქ ქარი სხვანაირად უბერავს? ვითომ აქ სხვა ვარსკვლავები ანათებენ? ვითომ აქ ადამიანი სხვანაირად კვდება?

— მართალი ხარ, — უპასუხა კერნმა, — მაგრამ მაინც თავს როგორღაც სხვანაირად ვგრძნობ.

უცხო თვალს რომ მორიდებოდნენ, თავი ბებერ წიფელს შეაფარეს. მათ წინ ოდნავ დამრეცი ფერდობი იწყებოდა. შორს სლოვაკური სოფლის სინათლეები მოჩანდა. შტაინერმა ზურგჩანთა გახსნა და სიგარეტი ამოიღო. ამ დროს კერნის ჩემოდანს მოჰკრა თვალი.

— ჩემი გამოცდილებით ზურგჩანთა უფრო მოხერხებულია ჩემოდანთან შედარებით. თვალში არავის მოხვდება. ყველა შემხვდურს უვნებელი ტურისტის ეგონები.

— საბუთებს ტურისტებსაც უმოწმებენ, — გამოეპასუხა კერნი. — ყველას ამოწმებენ, ვისაც ღარიბულად აცვია. კარგია მანქანით ვიყო, მაგრამ სად არის.

სიგარეტი გააბოლეს.

— ერთ საათში უკან დაბრუნებას ვაპირებ, — თქვა შტაინერმა. — შენ რას იზამ?

— შევეცდები პრაღაში მოვხვდე. იქ ნორმალური პოლიციაა. ორიოდღე დღით დარჩენის ნებართვის მიღება არ გამიჭირდება. შემდეგ კი ვნახოთ. ეგებ მამაჩემი ვიპოვო და ის დამეხმაროს. როგორც გავიგე, იქ უნდა იყოს.

— მისი მისამართი იცი?

— არა.

— ფული რამდენი გაქვს?

— თორმეტი შილინგი.

შტაინერმა პიჯაკის ჯიბე მოიქექა.

— აჰა, ესეც დაუმატე. პრაღამდე როგორმე გეყოფა.

კერნი შეყოყმანდა.

— ნუ გეშინია, — უთხრა შტაინერმა. — ჩემთვისაც საკმაოდ დავიტოვე.

მან ბანკნოტები დაანახა კერნს. კერნმა სიბნელეში ვერ გაარჩია, რამდენი იყო. მცირე ყოყმანის შემდეგ შეთავაზებული ფული აიღო.

— გმადლობ, — უთხრა შტაინერს.

შტაინერმა ხმა არ გასცა. აბოლებდა. მოქაჩვისას სიგარეტის ცეცხლი ღვიოდა და ჩამუქებულ სახეს უნათებდა.

— ერთი მითხარი, შენ რატომღა დაეხეტები მიუსაფრად? უბედავად ჰკითხა კერნმა. — შენ ხომ ებრაელი არ ხარ?

შტაინერი ერთხანს დუმდა.

— არა, ებრაელი არ ვარ, — უპასუხა ბოლოს.

ბურჩქებში რაღაც გაშლიგინდა. კერნი წამოხტა.

— კურდღელი ან ბოცვერი იქნებოდა, — დაამშვიდა შტაინერმა. შემდეგ მისკენ შებრუნდა. — როცა სასოწარკვეთილება შეგიპყრობს, გაიხსენე ხოლმე, რომ შენ საზღვარგარეთ ხარ, მამაშენიც საზღვარგარეთ არის, დედაშენიც. მეც საზღვარგარეთ ვარ, ჩემი ცოლი კი გერმანიაშია, და მე მის შესახებ არაფერი ვიცი.

მათ უკან კვლავ რაღაც გაშლიგინდა. შტაინერმა სიგარეტი ჩააქრო და წიფელს მიეყრდნო. ქარმა დაუბერა. პორიზონტზე მთვარე დაეკიდა. ის ისეთივე ცარცისფერი და შეუბრალებელი იყო, როგორც იმ უკანასკნელ ღამეს...

საკონცენტრაციო ბანაკიდან გაქცევის შემდეგ შტაინერი ერთი კვირა მეგობართან აფარებდა თავს. ჩაკეტულ სხვენში იმალებოდა. მუდამ მზად იყო სახურავიდან გაქცეულიყო, თუ ქვემოდან საეჭვო ხმაური შემოესმებოდა. მეგობარს მისთვის ღამით მოჰქონდა პური, კონსერვი და ორი ბოთლი წყალი. ყოველ მეორე ღამეს ორიოდვე წიგნსაც მოუტანდა ხოლმე. შტაინერი მთელი დღე წიგნს კითხულობდა, რათა არ ეფიქრა. შუქს არ ანთებდა, არც ეწეოდა. ტუალეტის მაგივრობას ღამის ქოთანს უწევდა, რომელსაც მუყაოს ყუთში მალავდა. მეგობარს ქოთანი ღამით ჩაჰქონდა ქვევით და დაცლილს უკან უბრუნებდა. სიფრთხილის გამო ერთმანეთს ჩურჩულითაც კი არ ელაპარაკებოდნენ. გვერდით ოთახში მოსამსახურე ქალებს ეძინათ, ჰოდა, შიშობდნენ, ვაითუ გაიგონონ და დაგვასმინონო.

— მარიმ იცის? — ჰკითხა შტაინერმა პირველ ღამეს.

— არა. მის სახლს უთვალთვალებენ.

— რამე ხომ არ დამართნია?

მეგობარმა თავი გააქნია და წავიდა.

შტაინერი ყოველ ღამე ეკითხებოდა ამას, ბოლოს, მეოთხე ღამეს, მეგობარმა ახარა, მარი ვნახე და გადავეცი, რომ შენ ჩემთან ხარ, ხვალ შეიძლება ისევ ვნახო საკვირაო ბაზრობის ორთმტრიალშიო. შტაინერი მთელი დღე წერილს წერდა, რომელიც მეგობარს ფარულად უნდა გადაეცა მარისთვის. საღამოს წერილი დახია. შტაინერმა არ იცოდა, უთვალთვალებდნენ თუ არა მის ცოლს. ამიტომ ღამით მეგობარი გააფრთხილა, მარის აღარ შეხვედროდა. ის კიდევ ოთხი ღამე დარჩა სხვენზე. ბოლოს მეგობარმა ფული, ბილეთი და ტანსაცმელი მოუტანა. შტაინერმა თმა შეიკრიჭა და წყალბადის ზეჟანგით გამოიხუნა. უღვაში მოიპარსა. შუადღისას სახლი დატოვა. მონტიორის კურტაკი ეცვა და ხელში ხელსაწყო-იარაღების ჩანთა ეჭირა. აპირებდა, დაუყოვნებლივ გასცლოდა ქალაქს. მაგრამ ნერვებმა უმტყუნა. ორი წელი იყო ცოლი არ

ენახა. შტაინერი ბაზრობაზე წავიდა. ერთი საათის შემდეგ ცოლს მოპ-
კრა თვალი. შტაინერი აკანკალდა. ქალმა გვერდით ჩაუარა, მაგრამ
ვერ შეამჩნია. შტაინერი აედევნა და, როცა უკნიდან წამოვიდა, უთხრა:

— არ მოიხედო! ეს მე ვარ! იარე! იარე!

ქალმა მხრები აიწურა და თავი ოდნავ მოატრიალა. მერე გზა გა-
ნაგრძო. მთელი მისი არსება სმენად იქცა.

— რამე ხომ არ დაგიშავეს? — ჰკითხა ხმამ ^{შტაინერის} ხურგსუკან.

ქალმა თავი გააქნია.

— გითვალთვალევენ?

ქალმა თავის დაქნევით დაუდასტურა.

— ახლაც?

ქალი შეჟოვნდა, მერე თავი გააქნია.

— მე დაუყოვნებლივ უნდა გავცილდე აქაურობას. შევეცდები სა-
ხლვარზე გადავიდე. წერილს ვერ მოგწერ. ეს შენთვის ძალზე სახიფა-
თოა.

ქალმა თავი დაუქნია.

— განქორწინების განცხადება უნდა შეიტანო.

ქალი წამით შედგა, მერე გზა განაგრძო.

— განქორწინების განცხადება უნდა შეიტანო. ხვალვე მიმართე
სასამართლოს. ასე თქვი, რომ ჩემი პოლიტიკური მრწამსის გამო გი-
ნდა გამეყარო, რომ მანამდე ამის შესახებ არაფერი იცოდი. ხომ გეს-
მის?

ქალს თავი არ გაუნძრევია. გაშეშებული მიდიოდა.

— გამიგონე, — ჩურჩულებდა შტაინერი, — ეს მხოლოდ იმის-
თვისაა საჭირო, რომ საფრთხეს გადაურჩე. შენ რომ რამე დაგემართოს,
ჭკუაზე შევიშლები! გამეყარე და ხელს აღარ გახლებენ!

ქალი არ პასუხობდა.

— მიყვარხარ, მარი, — კბილებშუა წყნარად გამოსცრა შტაინერ-
მა, რომელიც ნერვიულობის გამო უნებურად თვალებს ახამხამებდა. —
მიყვარხარ, მარი! არ წავალ, ვიდრე ამ თხოვნის შესრულებას არ დამ-
პირდები! უკან დავბრუნდები, თუ არ დამპირდები! გესმის?

შტაინერს მოეჩვენა, რომ დრო უსასრულოდ გაიჭიმა, ვიდრე ქალი
თანხმობის ნიშნად თავს დაუქნევდა.

— მაშ, მპირდები?

ქალმა ნელა დაუქნია თავი და მხრები უსუსურად ჩამოყარა.

— ახლა მე მარჯვენა შესახვევში შევუხვევ. შენ მარცხნივ შეუხვეი
და ჩემს შესახვედრად წამოდი. არაფერი თქვა, არაფერი გააკეთო! მინდა,
ერთხელ კიდევ შეგხედო. მერე მე წავალ. თუ ჩემს შესახებ ვერაფერს
შეიტყობ, ესე იგი, გადავრჩენილვარ.

ქალმა თავი დაუქნია და ნაბიჯს აუჩქარა.

შტაინერმა მოუხვია და მარჯვენა შესახვევს გაუყვა. შესახვევში
ჩარიგებული საყასბოების დახლებთან კალათიანი ქალები ყასბებს ევაჭ-
რებოდნენ. სისხლისფერ ხორცში ქონი თეთრად ქათქათებდა. იქაურობა
აუტანლად ყარდა. ყასბები ყაყანებდნენ... უცებ ყველაფერი გაქრა. ჩახა-
ჩუხი, რომელიც ცულებს კუნძებზე გაუდიოდათ, ცულების წყნარ მარი-

შურად გადაიქცა. გამოჩნდა მინდორი, პურის ყანა, თავისუფლება, არ-
ყის ხეები, ქარი, საყვარელი სიარული და საყვარელი სახე. ქალს ოდნავ
მოეჭუტა თვალები და დაძაბულად იყურებოდა. ამ თვალებში ყველა
ფერი იყო: ტკივილი და ბედნიერება, სიყვარული და განშორება. მათ
თავეს მალლა კი ლივლივებდა ცხოვრება, ისეთი ტკბილი, ისეთი ვე-
ლური და ისეთი სისხლსავსე! და ასეთ ცხოვრებაზე უარი უნდა მიეცა
გამალებით ტრიალებდა ათასობით ელვარე დანა...

ისინი მიდიოდნენ და იმავდროულად თითქოს ადგილზე იდგნენ. მი-
დიოდნენ და არ იცოდნენ, რომ მიდიოდნენ. მერე შტაინერს თვალში
ვცა უცნაური სიცარიელე და მხოლოდ რაღაც დროის შემდეგ დაუბრუ-
ნდა უნარი, გაერჩია ფერები და უაზროდ მბრუნავი კალეიდოსკოპი,
რომელსაც მისი გონება ვერ აღიქვამდა.

შტაინერმა ბორძიკით განაგრძო გზა, მერე ნაბიჯს აუჩქარა, ოლ-
ონდ ცდილობდა ყურადღება არ მიეპყრო. მუშამბაგადაფარებულ მაგი-
დასთან გავლისას დაკლულ ღორს წამოედო. ყასბის გინება შტაინერს
დოლის ბრაგუნით ჩაესმა ყურში. სორცის რიგი ჩაიარა, მოუხვია და
შეჩერდა.

შტაინერმა დაინახა, როგორ გამოვიდა მარი ბაზრიდან, აუჩქარებ-
ლად მივიდა ქუჩის კუთხემდე და შემობრუნდა. კარგა ხანს იდგა უკან
თავგადაწეული და ფართოდ თვალგახელილი. ქარი კაბას უფრიალებდა
და ტანზე ატმასნიდა. შტაინერმა არ იცოდა, ხედავდა თუ არა ქალი მას.
ვერ ბედავდა, რამეთი ენიშნებინა, ეშინოდა, ვაითუ მარიმ თავი ვერ შე-
აკავოს და ჩემკენ გამოიქცესო. მერე ქალმა ხელები ნელ-ნელა ასწია,
გეგონება, მისკენ უნდა გაიწვდინოსო, და მკერდზე დაიწყო. თითქოს
მარი მისკენ მიისწრაფოდა, რათა მტკივნეულ წარმოსახვაში მაინც ჩა-
კონებოდა მონატრებულ ქმარს, თვალდახუჭული და ბაგეათროლოლებუ-
ლი. შემდეგ ქალი ნელა შეტრიალდა და ქუჩის ბნელ გვირაბში ჩაინთქა.

სამი დღის შემდეგ შტაინერი საზღვარზე გადავიდა. ღამე იყო ნა-
თელი და ქარიანი, ცაში ცარცივით თეთრი მთვარე მიცურავდა. შტა-
ინერი ძლიერი ნებისყოფის კაცი იყო, მაგრამ როცა ცივ ოფლში გაწუ-
წულმა საზღვარი გადალახა, პირი იქით იბრუნა, საიდანაც მოდიოდა
და ცოლის სახელი წარმოთქვა.

შტაინერმა კოლოფიდან სივარეტი ამოიღო. კერნმა სანთებელა
მიაწოდა.

— რამდენი წლისა ხარ? — ჰკითხა შტაინერმა.

— ოცდაერთის. მალე ოცდაორის გავხდები.

— მაშ, მალე ოცდაორისა, ხომ? ეს უკვე სახუმარო არაა. შენ რას
იტყვი, ბაბლო?

კერნმა დასტურად თავი დაუქნია.

შტაინერი ჩაფიქრდა, მერე უთხრა:

— ოცდაერთი წლისა მე უკვე ფრონტზე ვიყავი, ფლანდრიაში.

არც ეს იყო სახუმარო. ჩვენი ახლანდელი მდგომარეობა ასჯერ უკეთე-
სია. გესმის?

— დიას, — კერნი მისკენ შეტრიალდა. — რა თქმა უნდა, ჯობს
ამ დღეში იყო, ვიდრე მკვდარი. ეს ყველაფერი კარგად მესმის.

— მაშ, უკვე ბევრი რამ გცოდნია. ომამდე ეს ცოტას თუ ეს-
მოდა.

— ომამდე... მას შემდეგ ხომ ასი წელი გავიდა.

— ათასი წელი... ოცდაორი წლისა ლაზარეთში ვიწვევი. /იქაც ზო-
გი რამ ვისწავლე. გინდა მოგიყვე?

— დიახ.

— კეთილი. — შტაინერმა სიგარეტი მოქაჩა. — განსაკუთრებული
არაფერი მჭირდა. კუნთში გამჭოლი ჭრილობა მქონდა. ტკივილი არ
მაწუხებდა. მაგრამ ჩემ გვერდით მეგობარი იწვა. ვილაც კი არა, ჩემი
მეგობარი. ჭურვის ნამსხვრევით მუცელში იყო დაჭრილი. იწვა და ყვი-
როდა. მორფს არ აძლევდნენ, გესმის? ოფიცრებისთვისაც კი არ ჰყო-
ფნიდათ. მეორე დღეს ისე დასუსტდა, ძლივსლა გვენსოდა. მეხვეწებოდა,
ბოლო მომიღეთ. თხოვნას შევუსრულებდი, რომ მცოდნოდა, როგორ.
მესამე დღეს პირველად მოგვიტანეს ცერცვის წვნიანი, მშვიდობიანობის
დროს რომ ამზადებენ ისეთი—მსუყე, გემრიელი. მანამდე ჭურჭლის ნა-
რეცხის მაგვარი სითხე მოქქონდათ. ჩვენც იმას ვჭამდით. იმ დროს,
როცა გამგელებული, სიამოვნებით გაბრუებული ვთქვლევდი წვნიანს,
ჯამის კიდედან გადმოვიხედე და ჩემი მეგობრის სახე, მისი სიმწრით
დაკბენილი, ფართოდ გახსნილი ბაგეები დავინახე. ვხედავდი, რა ტან-
ჯვით კვდებოდა, და მართლაც ორიოდ საათში გარდაიცვალა, მე კი
ვჭამდი და თანაც ისე მაღიანად, როგორც არასოდეს მიჭამია ჩემს სი-
ცოცხლეში.

შტაინერმა შეისვენა.

— მერე რა, თქვენ ხომ ძლიერ გშიოდათ, — უთხრა კერნმა.

— არა, მაგიტომ არა. აქ სხვა რამეა. შენ გვერდით ვილაც კვდება,
შენ კი არაფერს გრძნობ. კეთილი, ვთქვათ, რომ თანაუგრძნობ, მაგრამ
ტკივილს მაინც არ განიცდი! ჯანსაღი კუჭი თავისას ითხოვს — საქმე
ესაა. შენგან ორიოდ ნაბიჯზე ადამიანი ტანჯვა-წამებით მიდის ამ
ქვეყნიდან, შენ კი არაფერს გრძნობ. ესაა უბედურება! გახსოვდეს ეს,
ბაღლო! ამიტომ მიდის წინ ქვეყნიერება ასე ნელა და ასე სწრაფად მი-
ექანება უკან. ასე არაა?

— არა, — უპასუხა კერნმა.

შტაინერმა ჩაიციხა.

— გასაგებია. ოღონდ ხანდახან მაინც იფიქრე ამაზე. ეგებ რამეში
გამოგადგეს. — იგი წამოდგა. — დროა, უკან მივდივარ. მებაჟეს ფიქ-
რადაც არ მოუვა, ასე მალე თუ დავბრუნდები. ის პირველი ნახევარი სა-
ათი ყურადღებით იდგომება სადარაჯოზე. ხვალ დილითაც ფხიზლად
იქნება. ასეთია მებაჟის ფსიქოლოგია. მაღლობა ღმერთს, უმეტეს შემ-
თხვევაში, როცა ცოტა გამოცდილებას შეიძენს, დევნილი ჭკუით სჯო-
ბნის მდევარს. იცი რატომ?

— არა.

— იმიტომ რომ დევნილი უფრო მეტს რისკავს. — მან კერნს ბე-
ჭებზე დაჰკრა ხელი. — ამიტომ არიან ებრაელები ყველაზე მოხერხე-
ბულები სხვა ხალხთა შორის. დაიხსომე ცხოვრების პირველი კანონი:
საშიშროება ამასვილებს მგრძნობელობას.

შტაინერმა კერნს ხელი გაუწოდა. დიდი, თბილი, მშრალი ხელი ჰქონდა.

— კარგად იყავი. იქნებ კიდევ შევხვდეთ ერთმანეთს. სალომონობით კაფე „შპერლერში“ ვიქნები ხოლმე. იქ მიკითხე.



კერნმა თავი დაუქნია.

ეროვნული

— მაშ ასე, კარგად იყავი. კარტის თამაში არ დაგაგიწყდეს. გასართობია, ფიქრისთვის დრო აღარ გექნება. უსახლკარო ადამიანის უმთავრესი მიზანიც ხომ ესაა. იასსა და ტაროკს კარგად თამაშობ, პოკერში კი მეტი უნდა გარისკო, გაბედულად იბლეთო.

— კარგი, — დაეთანხმა კერნი. — გაბედულად ვიბლეთებ. შენი მადლობელი ვარ ყველაფრისთვის.

— მადლიერების გრძნობა უნდა დაივიწყო. თუმცა არა, ნუ დაივიწყებ. ცხოვრებას გაგიიოლებს. არა, ადამიანებთან ურთიერთობას კი არა — მათთვის არაფითარი მნიშვნელობა არა აქვს, მადლიერი იქნები თუ არა, თავად შენ გაგიიოლდება რაღაც. როცა მადლიერებას გრძნობ, გული გითბება. და ერთი რამ გახსოვდეს: ომს ყველაფერი სჯობს! მშვიდობით, ბაღლო!

— მშვიდობით, შტაინერ!

კერნი ერთხანს იჯდა. ცა გადაიწმინდა, გარშემო სიმშვიდემ დაისადგურა. ადამიანის ჭაჭანება არსად იყო.

კერნი წიფლის ძირში იჯდა მდუმარედ. ნათელი, გამჭვირვალე მწვანე ფოთლების ვარჯი ვეებერთელა იალქანივით გადმოშობოდა თავზე, თითქოს ქარი დედამიწას ნაზად მიაცურებდა უსასრულო, ლურჯ კოსმოსში შუქურებივით მიმოფანტულ ვარსკვლავებსა და მთვარის მანათობელ დისკოს შორის.

კერნმა გადაწყვიტა, ღამით პრესბურგამდე მისულიყო და იქიდან გამგზავრებულყო პრალაში. უსაფრთხოების თვალსაზრისით ქალაქში ყოფნა სჯობდა. ჩემოდანი გახსნა და სუფთა პერანგი და წინდები ამოიღო. ტანსაცმელი უნდა გამოეცვალა. იმ შემთხვევაში, თუ გზად ვინმე შემოხვდებოდა, ამას დიდი მნიშვნელობა ჰქონდა. თანაც ციხის სუნის მოცილება უნდოდა.

მთვარის შუქზე სევდა მოეძალა. თავი მიტოვებული ბავშვივით იგრძნო. მერე ბალახზე გაფენილ პერანგს დასწვდა და სწრაფად გადაიცვა თავზე. პერანგი ლურჯი ფერისა იყო, რასაც პრაქტიკული გამართლება ჰქონდა, ჭყუჭყი ნაკლებად დაეტყობოდა. მთვარის სინათლეზე პერანგს მონაცრისფრო-იისფერი მიეცა. კერნმა გადაწყვიტა, იმედი არ დაეკარგა.

კერნი პრალაში ნაშუადღევს ჩავიდა. ჩემოდანი ვაგზალზე შემნახველ საკანში დატოვა და მაშინვე პოლიციის განყოფილებისკენ გაემართა. არა, ის პოლიციაში გამოცხადებას არ აპირებდა, უბრალოდ, უნდოდა მშვიდ გარემოში მოეფიქრა, შემდგომ როგორ მოქცეულიყო.

საამისოდ კი პოლიციის შენობა შედგამოჭრილი იყო. იქ პოლიციელები ჩხრეკას არ აწარმოებდნენ და საბუთებს არ ამოწმებდნენ.

კერნი დერეფანში სკამზე დაჯდა. მის პირდაპირ ერთ-ერთ განყოფილებაში უცხოელების საბუთების გაფორმება ხდებოდა.

— თხაწვერა მოხელე კვლავ იმ ოთახში ზის? — ჰკითხა კერნმა მის მეზობლად მჯდომ კაცს.

— ვერ გეტყვით. ვისაც მე ვიცნობ, წვერი არა აქვს.

— პოო! ეტყობა, შეუცვლიათ. ნეტავ, ახლები როგორები არიან?

— არა უშავთ რა, — უპასუხა უცნობმა. — ორიოდე დღით ცხოვრების ნებართვას იძლევიან, ოღონდ მეტზე რა მოგახსენოთ. მსურველების მოზღვავებაა.

კერნი ჩაფიქრდა. თუ რამდენიმე დღით ცხოვრების ნებართვა ექნებოდა, ლტოლვილთა შემწეობის კომიტეტში დაახლოებით ერთი კვირით კვებისა და ღამის გასათევ ტალღებს მისცემდნენ. ეს წარსული გამოცდილებით იცოდა. თუ ცხოვრების ნებართვაზე უარს ეტყოდნენ, მაშინ დაპატიმრება და უკან, სახლვარზე გადაგზავნა ემუქრებოდა.

— თქვენი რიგია, — უთხრა მეზობელმა.

კერნმა შეხედა.

— იქნებ გნებავთ პირველი შეხვიდეთ? მე არ მეჩქარება.

— კეთილი.

უცნობი წამოდგა და ოთახში შევიდა. კერნმა დარჩენა და დალოდება გადაწყვიტა, რათა გაეგო, როგორ იყო საქმე, რომ მერე შესაბამისად ემოქმედა, ან შესულიყო ან არა. იგი მოუსვენრად დაწრიალებდა დერეფანში. როგორც კი უცნობი ოთახიდან გამოვიდა, კერნმა მას მი-აშურა.

— რა ქენით? — ჰკითხა უცნობს.

— ათი დღე! — უპასუხა სახეგაბრწყინებულმა უცნობმა. — რა ბედნიერი ვარ! თანაც არაფერი უკითხავს. ეტყობა, კარგ გუნებაზეა. ან იქნებ იმიტომ, რომ დღეს მთხოვნელი ბევრი არაა. წინა მოსვლაზე მხოლოდ ხუთი დღე მომცეს.

კერნი გამოცოცხლდა.

— თუ ეგრეა, მეც ვცდი ბედს.

მოხელეს წვერი არ აღმოაჩნდა. და მაინც კერნს იგი ეცნაურა. ის იყო, ვისაც კერნი იცნობდა, ოღონდ უწვეროდ. მოხელე ხელში ღამაზ ჯაყვა-დანას ათამაშებდა. დანას სადაფის ტარი ჰქონდა. მოხელემ დაღლილი სახე მიაპყრო კერნს.

— ემიგრანტი ხართ?

— დიას.

— გერმანიიდან ჩამოხვედით?

— დიას. დღეს.

— რამე საბუთი გაქვთ?

— არა.

მოხელემ თავი დააქნია. დანა დაკეცა და ფრჩხილის ქლიბი გაშალა. კერნმა შეამჩნია, სადაფის ტარში საცობის საძრობიც იყო. მოხელე გულდასმით შეუდგა ცერა თითის ფრჩხილის ქლიბვას.

კერნი ელოდა. ეგონა, მის წინ მჯდომი დაღლილი კაცის ფრჩხილზე უფრო მნიშვნელოვანი ქვეყანაზე არა იყო რა. სუნთქვასაც ვერ ბედავდა, ვაითუ ხელი შეეშალოს და გამიჯავრდესო. ოღონდ ვე ვერ, ზურგს უკან დამალულ ხელებს რაც ძალი და ღონე ჰქონდა ღრმად უჭერდა.

როგორც იქნა, მოხელემ ფრჩხილები დაიქლიბა, ^{ერქვენი} კმ ~~კმ~~ შეათვალიერა და კერნს ამოხედა.

— ათი დღე, — უთხრა მან. — ათი დღე შეგიძლიათ აქ დარჩენა. შემდეგ აქედან უნდა გაემგზავროთ.

კერნი ერთბაშად მოეშვა. ეგონა, ახლა ძირს გაეადენო ზღართანს. საბედნიეროდ ერთი ღრმად ამოისუნთქა და სწრაფად მოეგო გონს. იცოდა, ბედნიერი შემთხვევის ხელიდან გაშვება არ ეგებოდა.

— თქვენი დიდად მადლიერი დავრჩები, ორ კვირას თუ მომცემთ, — უთხრა მოხელეს.

— არ შეიძლება. მაინც რატომ?

— საბუთების გადმოგზავნას ველოდები. ამისთვის გთხოვთ. შემდეგ ავსტრიაში წასვლას ვაპირებ.

კერნს შეეშინდა, ბოლო მომენტში ყველაფერი არ გაეფუჭო. მაგრამ ახლა გვიან იყო უკან დახევა. იგი წარბშეუხრელად, უყოყმანოდ ცრუობდა. სიმართლის თქმა უფრო სასიამოვნო იყო, მაგრამ იცოდა, უნდა ეცრუა. მოხელე სვდებოდა, რომ იგი ცრუობდა, მაგრამ იძულებული იყო დაეჯერა, რადგან შემოწმება არ შეეძლო. ასე რომ, ორივეს თითქმის სჯეროდა — სიმართლეს ვამბობო.

მოხელემ ქლიბიანი ჯაყვა დაკეცა.

— კარგი, — თქვა მან, — გამონაკლისის სახით ორ კვირას მოგცემთ. ოღონდ მერე არავითარი ვადის გაგრძელება.

მოხელემ ფურცელი დაიდო და წერას შეუდგა. კერნი ისეთი მოწინებით შესცქეროდა, თითქოს მის წინ მთავარანგელოზი მჯდარიყო. ბოლომდე ვერ იჯერებდა, თუ საქმე ასე კარგად აეწყობოდა. ბოლო წამამდე ეშინოდა, მოხელე კარტოთეკაში ჩაიხედავდა და დაადგენდა, რომ კერნი უკვე ორჯერ იყო ნამყოფი პრალაში. ამიტომ სიფრთხილის გულისთვის ყალბი მონაცემები ჩააწერინა მოხელეს — მოგონილი სახელი, დაბადების თარიღი და დაბადების ადგილი, რათა ჩავარდნის შემთხვევაში ემტკიცებინა, მაშინ აქ მე კი არა, ჩემი ძმა იყო.

მაგრამ მოხელე ისე დაქანცული იყო, რაიმეს შემოწმების ხალისი არ გააჩნდა. მან კერნს საბუთი გაუწოდა.

— აი, აიღეთ. გარეთ კიდევ ვინმე მუშაობდა?

— არა, არა მგონია. ყოველ შემთხვევაში, მე რომ შემოვდიოდი, არავინ ყოფილა.

— კეთილი.

მოხელემ ჯიბიდან ცხვირსახოცი ამოიღო და ჯაყვა სათუთად გაწმინდა. არც შეუმჩნევია, როგორ გადაუხადა მადლობა კერნმა, რომელიც ისე სწრაფად გავიდა ოთახიდან, თითქოს ეშინოდა, საბუთი არ წამართვანო.

კერნი პოლიციის კარებში შეჩერდა და მიმოიხედა. ღმერთო, გაიფიქრა გულათრთოლებულმა, ღმერთო! მგონი, გადავრჩი! ორი კვირა,

სრული თოთხმეტი დღე და თოთხმეტი ღამე, არაფრის შიში არ მექნება! ეს ხომ მარადისობაა! ღმერთო, შენ დალოცე სადაფისტარიანი ჯაყვის პატრონი! კიდევ ამოვინე ჯაყვა საათითა და დქროს მაკრატლით!

იქვე პოლიციელი გაჩერდა. კერნმა ხელი მოისვა ჯიბეზე, სადაც საბუთი ედო. მერე თამამად მივიდა პოლიციელს.

— რომელი საათია, ვახშისტრო? — ჰკითხა.

კერნს საათი თან ჰქონდა, მაგრამ თავს უარი ვერ უთხრა იმ იშვიათ განცდაზე, როცა პოლიციელის წინ დგახარ და მისი შიში არ გაქვს.

— ხუთი, — წაიბურტყუნა პოლიციელმა.

— გმადლობთ. — კერნმა აუჩქარებლად ჩაიარა საფეხურები, თუმცა ერთი სული ჰქონდა, გაქცეულიყო. მხოლოდ ახლა დაიჯერა, რომ ყველაფერი, რაც თავს გადახდა, სიზმარი არ იყო.

ლტოლვილთა შემწეობის კომიტეტის დიდი მოსაცდელი დარბაზი ხალხით იყო სავსე და მაინც, რაღაც უცნაური მიზეზით, კაცს ცარიელი ეჩვენებოდა. ადამიანები აჩრდილებივით იდგნენ ან ისხდნენ ბინდბუნდში. ხმას თითქმის არავინ იღებდა. თითოეულს ასჯერ მაინც ჰქონდა ნათქვამი და სხვისთვის გაზიარებული ის, რაც პირადად აწუხებდა. ერთიღა დარჩენოდათ: ლოდინი. ეს იყო უკანასკნელი ჯებირი სასოწარკვეთამდე.

მომლოდინეთა ნახევარზე მეტი ებრაელი იყო. კერნის მახლობლად მსხალივით თავწაწვეტებული, ფერმიხდილი კაცი იჯდა, მუხლებზე ვიოლინოს ფუტლარი ედო. გვერდით ჩაცუცქულ ბერიკაცს ამობურცულ შუბლს ნაჭრილობევი უსერავდა. იგი ნერვულად შლიდა და მუჭავდა ხელებს. მის მეზობლად ერთმანეთს მიტმასნილი ქერა ყმაწვილი და შავგრემანი გოგონა იჯდა. ხელები მაგრად ჩაეჭიდათ ერთმანეთისთვის, თითქოს ეშინოდათ, წამით რომ ყურადღება მოვადუნოთ, ვაითუ ერთმანეთს დაგვაშორონო. ისინი ერთმანეთს როდი უცქერდნენ, სადღაც შორს, წარსულისკენ იყურებოდნენ. მათი მზერა ყოველგვარი გრძნობისგან იყო დაცლილი. უკანა სკამზე სქელი ქალი უხმოდ ტიროდა, თვალებიდან ჩამოცვენილი ცრემლი ლოყებსა და ნიკაპზე მოცურავდა და კაბაზე ეწვეთებოდა. ქალი ამას ყურადღებას არ აქცევდა, ხელები უღონოდ ჩაეწყო კალთაში და თავის შეკავებას არც ცდილობდა.

გამოუთქმელი დარდითა და მორჩილებით დამუხტულ დარბაზში ვიღაც ბავშვი ღაღობდა. ექვსიოდე წლის შავკულულებიანი, თვალცქრიალა გოგონა მხიარულად, ანცად დარბოდა აქეთ-იქით. ბოლოს მსხლისთავა მოხუცთან შეჩერდა, ერთხანს უცქირა და ბოლოს მუხლებზე დადებულ ფუტლარზე მიუთითა.

— შიგ ვიოლინო გიდევს? — ჰკითხა მომთხოვნი, წკრიალა ხმით.

ბერიკაცი ბავშვს მიაჩერდა, თითქოს კითხვა არ გაუგონიაო. ბოლოს უხმოდ დაუქნია თავი.

— მიჩვენე, — მოსთხოვა გოგონამ.

— რატომ?

— მინდა ვნახო.

მევიოლინე წამით შეყოყმანდა, მერე ფუტლარი გახსნა, იისფერ აბრეშუმში გახვეული ინსტრუმენტი ამოიღო და ქსოვილი სათუთად მოაცილა. გოგონამ კარგა ხანს უყურა ვიოლინოს, პაწია ხელი ასწია და სიმებს ფრთხილად შეახო.

— რატომ არ უკრავ? — ჰკითხა მოხუცს.

მევიოლინემ ვერ უპასუხა.

— დაუკარი რამე, — გაუმეორა გოგონამ.

— მირიამ! — გაისმა თავდაჭერილი დაძახილი დარბაზის მოპირდაპირე მხრიდან, სადაც ჩვილბავშვიანი ქალი იჯდა. — მოდი ჩემთან, მირიამ!

გოგონამ მის ძახილს ყური არ ათხოვა, ის მევიოლინეს შესცქეროდა.

— დაკვრა არ იცი?

— როგორ არა...

— მაშ, რატომ არ უკრავ?

მევიოლინე დაბნეული ჩანდა. დიდი, დაღლილი ხელი საკრავის ყელზე შემოეჭდო. ახლოს მსხდომი ადამიანები გაფაციცებით შესცქეროდნენ. მევიოლინემ არ იცოდა, თვალები სად წაეღო.

— აქ დაკვრა არ შემიძლია, — უთხრა ბოლოს გოგონას.

— ვითომ რატომ? — ჰკითხა გოგონამ. — დაუკარი რა! აქ ისეთი მოწყენილობაა...

— მირიამ! — დაუძახა დედამ.

— ბავშვი მართაღს ამბობს, — ჩაერია შუბლნაიარევი ბერიკაცი, რომელიც მევიოლინეს გვერდით იჯდა. — დაუკარით. ეგებ ცოტა გავხალისდეთ. თანაც ეს ალბათ აკრძალული არ არის.

მევიოლინე ცოტა კიდევ ყოყმანობდა. მერე ფუტლარიდან ხეში ამოიღო, სიში დაჭიმა და ვიოლინო მხარზე მიიღო. დარბაზში პირველი ნათელი ბგერები გაჟღერდა.

კერნს მოეჩვენა, თითქოს უხილავი ხელი შეეხო მის სულს. უნდოდა ამ შეგრძნებისთვის წინააღმდეგობა გაეწია, მაგრამ საკუთარი კანი არ ანებებდა. უეცრად შეაჩრქოლა და კანი დაეჭიმა. შემდეგ მოეშვა და სხეულში სითბო ჩაეღვარა.

კაბინეტის კარი გაიღო და მდივანმა თავი გარეთ გამოყო. მერე გამოვიდა და კარი ღია დატოვა. კარის ღიობში სინათლე გამოვიდა. ოთახში ლამპები ენთოთ. მათ შუქზე მდივნის პატარა, დამახინჯებული სილუეტი ჩანდა. ეტყობა, რალაცის თქმას აპირებდა, მაგრამ მერე თავი გვერდზე გადახარა და ყური მუსიკას მიუგდო. მის ზურგს უკან კარი ნელ-ნელა, უხმაუროდ მოიხურა, თითქოს ვიღაც უხილავის ხელმა მოსწიაო.

ვიოლინო კვლავ ჟღერდა. მისი ხმა ავსებდა დარბაზის დამძიმებულ, უსიცოცხლო ატმოსფეროს და ყველაფერს ასხვაფერებდა, თითქოს ალღობდა კედლის ჩრდილში მიყუჟული პატარა ადამიანების უტყვე მარტოობას და მათ ერთ დიდ სევდასა და დარდში ადუღებებდა.

კერნმა ხელები მუხლებზე დაილაგა, თავი ჩალუნა და გრძნობათა დინებას მიენდო. დინება სადღაც მიაცურებდა, თითქოს რალაც ძალზე

უცხოსკენ. შავთმიანი, პატარა გოგონა მევიოლინეს წინ ჩაცუცქულიყო და ხმის ამოუღებლად, წყნარად შესცქეროდა მას.

ვიოლინო დადუმდა. კერნი როიალზე უკრავდა და მუსიკის იმდენი მაისც გაეგებოდა, რომ მევიოლინეს ვირტუოზული შესრულება დაეფასებინა.

— შუმანი იყო? — ჰკითხა მევიოლინეს მეზობელი მკვლამა ბერიკაცმა. მანაც თავის დაქნევით დაუდასტურა.

— კიდევ დაუკარი, — სთხოვა გოგონამ. — ისეთი რამე დაუკარი, რომ გავიცინოთ, თორემ აქ ისეთი მოწყენილობაა...

— მირიამ! — ხმადაბლა დაუძახა დედამ.

— კარგი, — დაეთანხმა მევიოლინე და სიმებს ხემი გაუსვა.

კერნმა დარბაზს მოაგლო თვალი. იგი ხედავდა ჩაქინდრულ და აწეულ თავებს, გაფითრებულ სახეებს, ხედავდა სევდას, სასოწარკვეთას და ნაზ შვებას, რაც რამდენიმე წამით მოჰფინა დარბაზს ვიოლინოს მელოდიაში. უყურებდა ყველაფერ ამას და ფიქრობდა მრავალ მსგავს დარბაზზე, რომელიც ადრე ენახა — ისინი სავსე იყო დევნილებით, განკიცხულებით, რომელთა ერთადერთ დანაშაულს ის წარმოადგენდა, რომ დაიბადნენ და ცოცხალი იყვნენ. ასეთი იყო სინამდვილე. და უცებ ამ დიდი სევდისა და ტკივილის გვერდით ასეთი წარმტაცი მუსიკა! ამის გაგება გონებას არ შეეძლო. ეს იყო უსასრულო ნუგეში და აუტანელი დაცინვა ერთდროულად. მევიოლინეს თავი ისე მიესვენებინა ვიოლინოზე, როგორც შეყვარებულის მხარზე. არა, არ უნდა დავიღუპო, ფიქრობდა კერნი დაბინდულ ვეებერთელა დარბაზში, არ უნდა ჩავიძირო, სიცოცხლე ხომ ასე ტკბილი და მჩქეფარეა, მე მას ჯერ კარგად არც ვიცნობ, ის მელოდიასავეითაა, მოწოდებასავეითაა, დაძახილივეითაა შორეული ტყიდან, ჰორიზონტის მიღმიდან, შეუცნობელი ღამიდან. არა, არ უნდა დავიღუპო.

კარგა ხნის შემდეგ მიხვდა, მუსიკა აღარ უღერდა.

— რა იყო ეს? — იკითხა გოგონამ.

— ფრანც შუბერტის „გერმანული ცეკვები“, — ხრინწიანად უპასუხა მუსიკოსმა.

ბერიკაცმა მის მეზობლად გაიცინა.

— გერმანული ცეკვები! — თქვა მან და ნაჭრილობევეზე გადაისვა ხელი. — გერმანული ცეკვები!

მდივანმა კართან შუქი აანთო და გამოაცხადა:

— შემდეგი...

კერნს მისცეს მიმართვა სასტუმრო „ბრისტოლში“ და ათი სადილის ტალონი სტუდენტურ სასადილოში ვენცილპლატცეზე. ტალონების აღებისთანავე მწვავე შიმშილი იგრძნო. შეშინებული, არ დამაგვიანდესო, ქუჩაში გავარდა.

არც შემცდარა. სასადილოში ყველა ადგილი დაკავებული აღმოჩნდა და ამიტომ ლოდინი მოუხდა. მოსადილეთა შორის თავისი უნივერსიტეტის ყოფილი პროფესორი იცნო. დააპირა მისულიყო და მისალმებოდა, მაგრამ მერე გადაიფიქრა, თავი შეიკავა. იცოდა, ბევრს ემიგრანტთაგან არ სიამოვნებდა წარსული ცხოვრების გახსენება.

მალე სასადილოში მევიოლინე შემოვიდა და დაბნეული დადგა. კერნმა თავი დაუქნია. მევიოლინემ გაკვირვებით შეხედა და ნელა წავიდა მისკენ. კერნი შეცბა. უცებ რომ დაინახა, რატომღაც დიდი ხნის ნაცნობი ეგონა, მაგრამ მერე გაახსენდა, მეორედ რომ ხედავდა მხოლოდ და ჯერ სიტყვაც არ ეთქვათ ერთმანეთისთვის.

— მაპატიეთ, — მიმართა კერნმა, — ახლახან თქვენს დაქვემდებარებაში ვუსმინე. ვიფიქრე, აქაური წესები არ ეცოდინება-მეთქი.

— მართლაც არ ვიცი. თქვენ?

— მე კი ვიცი. ორჯერ ვარ აქ ნამყოფი. დიდი ხანია, რაც მომთაბარეობთ?

— ორი კვირაა. აქ დღეს ჩამოვედი.

კერნმა დაინახა, რომ პროფესორი და მისი მეზობელი მაგიდიდან წამოდგნენ.

— იქ ორი ადგილი გათავისუფლდა, — აჩქარებით უთხრა მევიოლინეს. — წამოდით!

ისინი მაგიდებს შორის გაძვრნენ. პროფესორს ვიწრო გასასვლელში შეეჩხენენ. პროფესორმა კერნს შეხედა, წამით შეყოყმანდა და შეჩერდა.

— მითხარით, ჩვენ ერთმანეთს ხომ არ ვიცნობთ?

— თქვენი სტუდენტი ვიყავი, — უპასუხა კერნმა.

— აჰ, ეგრეა... — პროფესორმა თავი დაუკრა. — მითხარით, გეთაყვა, ვინმეს მტვერსასრუტი ხომ არ სჭირდება? ათი პროცენტის დაკლებით და განვადებით? ან გრამოფონი შიგ ჩამონტაჟებული რადიოთი?

კერნი წამით შეცბუნდა. პროფესორი მსოფლიოში აღიარებული ავტორიტეტი იყო სიმსივნეების კვლევის სფეროში.

— არა, სამწუხაროდ არა, — დანაწიებით უპასუხა კერნმა. კარგად უწყობდა, რას ნიშნავდა მტვერსასრუტისა და გრამოფონის გასაღების მცდელობა.

— ამას თავად უნდა მივხვედრილიყავი. — პროფესორმა დაბნეულად შეხედა კერნს. — მაპატიეთ, გეთაყვა, — უთხრა შემდეგ ისე, თითქოს სხვას ელაპარაკებოდა, და გზა განაგრძო.

სადილად ქერის ბურღულის წვნიანი იყო საქონლის ხორციით. კერნმა თავისი ჯამი უცბად ამოასუფთავა, თავი ასწია და დაინახა, რომ მევიოლინე გაუნძრევლად იჯდა, ხელები მაგიდაზე დაეწყობდა და საჭმელს არც მიკარებოდა.

— თქვენ რა, არ ჭამთ? — ჰკითხა გაკვირვებულმა კერნმა.

— არ შემიძლია.

— ავად ხომ არა ხართ?

უბაჟურო მაგიდის ლამპის მკრთალ შუქზე მევიოლინეს სახესა და მსხალივით თავის ქალაზე ყვითელი, უსიცოცხლო ფერი დასდებოდა.

— არა.

— უნდა ჭამოთ, — ურჩია კერნმა.

მევიოლინემ არაფერი თქვა, სიგარეტს მოუკიდა და ხარბად მოქაჩა. შემდეგ წვნიანი გვერდზე გააჩოჩა.

— არა, ასე ცხოვრება შეუძლებელია! — აღმოხდა უცებ.

კერნმა თანაგრძნობით შეხედა.

— პასპორტი არა გაქვთ? — ჰკითხა მუსიკოსს.

— მაქვს. მაგრამ... — მუსიკოსმა სიგარეტის ნამწვი წერვულად გასრისა. — ასე ცხოვრება შეუძლებელია! ყველაფრის გარეშე! ყოველგვარი დასაყრდენის გარეშე!

— ღმერთო ჩემო! — უთხრა კერნმა. — თქვენ სომ გაქვთ პასპორტი და ვიოლინო...

მევიოლინემ თავი ასწია.

— რაში მარგია? — გაღიზიანებულმა უპასუხა კერნს. — ნუთუ არ გესმით?

— და მაინც?

კერნი უზომოდ გაწბილებული დარჩა. ეგონა, ასეთი ვირტუოზი მუსიკოსი განსაკუთრებული ადამიანი იქნებოდა, ვისგანაც რამეს ისწავლიდა. მის წინ კი გულგატეხილი კაცი იჯდა, მასზე სულ ცოტა თხუთმეტი წლით უფროსი და მაინც თავნება ბავშვივით იქცეოდა. თუმცა ასეთია ემიგრანტობის პირველი სტადია. იმედია, მერე უფრო მშვიდად აიტანსო ყველაფერს.

— წვნიანის ჭამას ნამდვილად არ აპირებთ? — ჰკითხა მევიოლინეს.

— არა.

— თუ ეგრუა, მე დამითმეთ. რაღაც ვერ დავნაყრდი.

მევიოლინემ ჯამი მისკენ მიაჩოჩა. კერნი ნელა ჭამდა. წვნიანის თითოეული კოვზი იყო დამატებითი ძალა, რაც გაჭირვებას გადაატანინებდა. სულ ცოტას დატოვებაც კი არ ეგებოდა. ბოლოს წამოდგა.

— გმადლობთ წვნიანისათვის. ისე კი, ჯობდა თქვენ თავად მიგეროძით.

მევიოლინემ ამოხედა. მისი სახე ნაოჭებს დაეღარა...

— ჩემი მდგომარეობა ჯერ თქვენთვის ძნელი გასაგებია, — საყვედურნარევი კილოთი უთხრა კერნს.

— თქვენ რომ გგონიათ, არც ისე ძნელი, — შეეპასუხა კერნი. — თქვენ უბედური ხართ და მეტი არაფერი.

— მეტი არაფერი?

— არა. თავდაპირველად კაცს ჰგონია, ეს რაღაც განსაკუთრებული მოვლენააო. მაგრამ მალე, თუ ემიგრაციაში მოვიწევთ დარჩენა, მიხვდებით, რომ უბედურება ჩვეულებრივი მოვლენაა ცხოვრებაში.

კერნი ქუჩაში გავიდა. გაუკვირდა, როცა მოპირდაპირე მხარეს, ტროტუარზე წინ და უკან მოსეირნე პროფესორი დაინახა. თავისი დამახასიათებელი პოზა ჰქონდა: უკან გადაჭდობილი ხელები და წინ წახრილი სხეული. ასე იცოდა ხოლმე, როცა უნივერსიტეტში გათედრასთან წინ და უკან დადიოდა და თან კიბოს კვლევის სფეროში ახალ, რთულ აღმოჩენას უხსნიდა სტუდენტებს. ოღონდ ამჯერად ალბათ მტვერსასრუტსა და გრამოფონზე ფიქრობდა.

კერნი წამით შეყოვნდა. იგი პროფესორს არასდროს დალაპარაკებია. მაგრამ ახლა, მევიოლინესთან საუბრის შემდეგ, გაბედა მისუღიყო.

— ბატონო პროფესორო, — მიმართა კერნმა, — მაპატიეთ, რომ გაწუხებთ. ვერასდროს წარმოვიდგენდი, რომ გავბედავდი და რჩევას მოგცემდით. მაგრამ ახლა ვალდებული ვარ ასე მოვიქცე.



პროფესორი შეჩერდა.

— სიამოვნებით მოვისმენთ, — უპასუხა კერნს დაბნელებული დიდი სიამოვნებით. მადლიერებით მივიღებ ნებისმიერ რჩევას, მართლა, რა გქვიათ?

— კერნი. ლუდვიგ კერნი.

— ნებისმიერი რჩევისთვის მადლობას გიძღვნით, ბატონო კერნ. გულითად მადლობას!

— ამას რჩევაც არ ეთქმის. ეს გამოცდილების ერთგვარი გაზიარებაა. თქვენ აპირებთ მტვერსასრუტებისა და გრამოფონების გაყიდვას. გირჩევთ, თავი დაანებოთ ამ საქმეს. ამაოდ გაირჯებით. ასობით ემიგრანტი არის დაკავებული ამ საქმით. ეს ისეთივე უაზრობაა, როგორც სიცოცხლის დაზღვევის მსურველთა ძებნა.

— მე კი სწორედ მაგ საქმისთვის ვაპირებდი ხელის მოკიდებას, — შეაწყვეტინა გამოცოცხლებულმა პროფესორმა. — ვილაცამ მითხრა, დაზღვევის საქმე ძნელი არაა, ამ გზით ცოტაოდენი ფულის შოვნა შეიძლება.

— და საკომისიოს შეგპირდით ყოველი დადებული ხელშეკრულებისთვის, არა?

— რასაკვირველია. კარგ საკომისიოს.

— და სხვას არაფერს? არც ხარჯების ანაზღაურებას და არც მუდმივ ხელფასს?

— არა.

— ამის შემოთავაზება ხომ მეც შემიძლია. ეს არაფერს ნიშნავს. ბატონო პროფესორო, ერთი მტვერსასრუტი ან გრამოფონი თუ მაინც გაგიყიდიათ?

პროფესორმა უსუსური გამომეტყველება მიიღო.

— არა, — უპასუხა საწყალი კაცისთვის ჩვეული მორიდებით. — მაგრამ ვიმედოვნებ, უახლოეს დროში...

— შეეშვით ამ საქმეს, — უთხრა კერნმა. — გირჩევთ, შეიძინოთ ერთი შეკვრა ფეხსაცმლის ზონარი, რამდენიმე კოლოფი ფეხსაცმლის საცხი, ინგლისური ქინძისთავების ორიოდუ პაკეტი, მოკლედ, წვრილმანი საქონელი, რომელიც ყოველთვის საჭიროა. ასეთი ვაჭრობით ბევრს ვერ მოიგებთ, მაგრამ დროდადრო რამეს მაინც გაყიდით. ასობით ემიგრანტი ასე ვაჭრობს. ინგლისური ქინძისთავი უფრო გასაღდება, ვიდრე მტვერსასრუტი.

პროფესორმა დაფიქრებით შეხედა.

— პოო, მაგაზე არ მიფიქრია.

კერნმა მორცხვად გაუღიმა.

— მჯერა. მაგრამ დღეიდან იფიქრეთ. ასე გიჯობთ. ეს გამოცდილი საქვს. ერთ დროს მეც მტვერსასრუტების გაყიდვას ვაპირებდი.

— ალბათ თქვენ მართალი ხართ. — პროფესორმა ხელი გაუწოდა. — მადლობას გიხდით გულისხმიერებისათვის, — დაურთო მოუ-

ლოდნელად ხმადაბლა, მაამებლური კილოთი, იმ მოწაფესავით, გაკვეთილი რომ ცუდად იცის.

კერნმა ტუჩზე იკბინა.

— არც ერთი თქვენი ლექცია არ გამიცდენია, — უთხრა მან.

— დიახ, დიახ... — პროფესორმა მსუბუქად ეჩივნა ხელი. — გმადლობთ, ბატონო... ბატონო...

— კერნ. თუმცა ამას რა მნიშვნელობა აქვს.

— არა, ნამდვილად აქვს, ბატონო კერნ. მაპატიეთ, გეთაყვა, ამ ბოლო დროს გულმავიწყობა დამჩემდა. დიდი მადლობა. ვფიქრობ, თქვენი რჩევით ვისარგებლო, ბატონო კერნ.

სასტუმრო „ბრისტოლი“, რომელიც ლტოლვილთა შემწეობის კომიტეტს ჰქონდა დაქირავებული, პატარა, დაძველებული შენობა აღმოჩნდა. იმ ოთახში, სადაც კერნს საწოლი გამოუყვეს, ორი ლტოლვილი უკვე ცხოვრობდა. სადილის შემდეგ კერნს დაღლილობა მოეძალა და დაუყოვნებლივ დაწვა დასაძინებლად. მობინადრენი ოთახში არ დახვედრიან და არც მათი დაბრუნება გაუგია.

კერნს შუალამისას გაეღვიძა. ყვირილი შემოესმა და ამან წამოახტუნა. დაუფიქრებლად დასტაცა ხელი ჩემოდანსა და ტანსაცმელს, კარს მიაშურა და დერეფანში გავარდა.

დერეფანში სიწყნარე სუფევდა. კერნი კიბის ბაქანზე შეჩერდა, ჩემოდანი ძირს დადო და მიაყურადა. მერე სახე მუშტებით მოისრისა. სად იმყოფებოდა? სად იყო პოლიცია?

ნელ-ნელა გონს მოეგო. გარშემო მიმოიხედა და შვეებით გაიღიმა. ის პრალაში, სასტუმრო „ბრისტოლში“ იმყოფებოდა, ჰქონდა ორი კვირით დარჩენის ნებართვა. შიშის არავითარი საფუძველი არ არსებობდა. ეტყობა, რაღაც ესიზმრა. კერნი თავის ოთახისკენ გაემართა. ასეთი რამ აღარ უნდა გამეორდეს, გაიფიქრა მან. ესლა მაკლია, ნერვიულობა დავიწყო. მაშინ დავლუპულვარ და ეგაა.

ოთახის კარი გააღო და სიბნელეში ხელის ცეცებით დაუწყო ძებნა თავის საწოლს. მისი საწოლი მარჯვნივ, კედელთან იდგა. ჩემოდანი ფრთხილად დადო იატაკზე, ტანსაცმელი საწოლის ძვიდეზე გადაკიდა და საბანზე ხელი მოაფათურა. ის იყო უნდა დაწოლილიყო, რომ ხელი რაღაც რბილს, თბილს, ცოცხალს შეახო და ადგილზე გაქვავდა.

— ვინ არის აქ? — იკითხა ქალიშვილის ნამძინარევა ხმამ.

კერნმა სული განაბა. ოთახი შეშლოდა.

— არის-მეთქი ვინმე აქ? — ხელმეორედ იკითხა ხმამ.

კერნი ბოძივით გაუნძრევლად იდგა. ოფლმა დაასხა. მალე შემოესმა, ვილაცამ როგორ ამოიოხრა და გვერდზე გადაბრუნდა. ორიოდ წუთი დაელოდა. რაკი ირგვლივ სიჩუმემ დაისადგურა და ბნელში მხოლოდ ადამიანის სუნთქვა ისმოდა, კერნმა უხმაუროდ აკრიფა თავისი ნივთები და ფეხაკრეფით გამოვიდა ოთახიდან.

დერეფანში, იმ ოთახის კართან, სადაც კერნი ცხოვრობდა, პერანგიანი კაცი იდგა და სათვალის ზემოდან ათვალიერებდა კერნს. მან დაინახა, როგორ გამოვიდა კერნი სხვისი ოთახიდან და თან ნივთები

გამოიტანა. კერნი დაბნეული იყო, ახსნა-განმარტების თავი არ ჰქონდა. უსიტყვოდ ჩაუარა უცნობს, რომელიც არც განძრეულა გზის დასათმობად, და ოთახში შევიდა. ნივთები დააბინავა და საწოლში ჩაწვა. წინასწარ ლოგინზე ხელი ფრთხილად გადაუსვა. დარწმუნდა, რომ საწოლი თავისუფალი იყო.

უცნობი ერთხანს კვლავ კარის ღიობში იდგა. დერეფნის მხმამამა მავალ სუსტ სინათლეზე სათვალის შუშები უბრჭყვიალებდა. მერე ოთახში შემოვიდა და კარი ჯახუნით მიხურა.

იმავე წამს ყვირილი გაისმა. კერნმა ამჯერად სიტყვები გაარჩია: ნუ მცემთ! ნუ მცემთ! ღვთის გულისათვის, ნუ მცემთ! გემუდარებით, გემუდარებით! ვაი, ვაი...

ყვირილს სასოწარკვეთილი ხრიალი მოჰყვა და მერე შეწყდა. კერნმა საწოლზე წამოიწია.

— რა ხდება? — იკითხა მან სიბნელეში.

ელექტროჩამრთველმა გაიჩხაკუნა და ოთახი განათდა. სათვალის კაცი ადგა და მეზობელ საწოლთან მივიდა, რომელზეც ოფლში გაწუნული, თვალეზარეული კაცი იწვა და მძიმედ ხვნეშოდა. სათვალისანმა ჭიქა აიღო, წყლით გაავსო და მწოლიარეს პირთან მიუტანა.

— აი, დალიეთ. თქვენ სიზმარში იყავით. ნურაფრის გეშინიათ.

კაცმა ხარბად მოსვა წყალი. გამხდარ ყელზე ხორხი სწრაფად აუდჩაუდიოდა. შემდეგ უღონოდ გადაწვა ზურგზე, ღრმად ამოიხვნეშა და თვალეზი დახუჭა.

— რა მოხდა? — კვლავ იკითხა კერნმა.

სათვალისანი მის საწოლს მიუახლოვდა.

— რა მოხდა? ადამიანს აბოდებს. ხმამალლა აბოდებს. იგი ორიოდე კვირის წინ გაათავისუფლეს საკონცენტრაციო ბანაკიდან. ნერვები აქვს მოშლილი. გაიგეთ?

— დიას, — უპასუხა კერნმა.

— თქვენ აქ ცხოვრობთ? — ჰკითხა სათვალისანმა.

კერნმა თავი დაუქნია.

— ეტყობა, ნერვები არც მე მაქვს წესრიგში. წელან მაგან რომ წამოიყვირა, მე გავიქეცი. მეგონა, პოლიციელები მოვიდნენ-მეთქი. მერე ოთახი შემეშალა.

— რას ამბობთ...

— მაპატიეთ, გეთაყვა, — თქვა მათმა მეზობელმა, — ამიერიდან ვიფხიზლებ, ჩემი ბოდვით აღარ შეგაწუხებთ. მაპატიეთ.

— რას ამბობთ! — სათვალისანი თავის საწოლისკენ გაბრუნდა. — ძილში შემთხვევით წამოგაბოდათ, ჩვენ ეგ ვერ შეგვაშინებს. ასე არაა, ახალგაზრდავ?

— ნამდვილად ასეა, — დაეთანხმა კერნი.

ელექტროჩამრთველი გაჩხაკუნდა და ოთახში დაბნელდა. კერნი გაიზმორა. დიდხანს ვერ დაიძინა. ის უცნაური ამბავი არ ასვენებდა, მეზობელ ოთახში რომ შეემთხვა. კერნი ისევ გრძნობდა თხელი ზეწრით დაფარული რბილი მკერდის სითბოს. ხელიც თითქოს გადაუსხვაფერდა.

კარგა ხნის შემდეგ შემოესმა, როგორ წამოდგა კაცი, რომელიც ძილში ყვიროდა, და ფანჯარასთან დაჯდა. მისი წინწახრილი თავი მუქ ლაქად მოჩანდა გარიჟრაჟის მღვრიე ბინდში, თითქოს ვიდრეცას მონის პირქუში ბიუსტი დაუდგამსო. კერნი ერთხანს გაერთო მისი ცქერით. მერე ძილმა წაართვა თავი.

ერქვენი

ბიზნიუსი

იოზეფ შტაინერს საზღვარზე უკან გადასვლა არ გასჭირვებია. იგი გამოცდილი ჯარისკაცი იყო და დაზვერვაში სიარული მისთვის ჩვეულებრივ ამბავს წარმოადგენდა. ომის დროს ასეულს მეთაურობდა და უკვე 1915 წელს რკინის ჯვრით დააჯილდოვეს წარმატებით ჩატარებული რისკიანი დაზვერვითი ოპერაციისათვის, საიდანაც ტყვე მოიყვანა.

ერთ საათში საშიში ზონიდან გააღწია და სადგურისკენ გაემურა. ვაგონში ხალვათობა იყო. კონდუქტორს მისი დანახვა გაუკვირდა.

— უკვე უკან მიემგზავრებით?

— ერთი ბილეთი ვენამდე, უბრალო, — უთხრა შტაინერმა.

— მალე დაბრუნებულხართ, — განაგრძობდა კონდუქტორი.

შტაინერმა ცივად შეხედა.

— ნაცნობი ამბავია, — აუხსნა კონდუქტორმა. — ამ გზით დღეში ორჯერ მაინც მიჰყავთ ეტაპი საზღვრისაკენ. ძალაუნებურად ვცნობ გამცილებულ პოლიციელებს. მართლაც რომ მძიმე ჯვარია. თქვენ ხომ ამ ვაგონით მიჰყავდით. ნუთუ დაგავიწყდათ?

— არ მესმის, რაზე ლაპარაკობთ.

კონდუქტორს გაეცინა.

— კარგად იცით, რაზეც. უკანა ბაქანზე დადებით. თუ კონტროლიორი გამოჩნდა, გადახტით. თუმცა ამ დროს მათი გამოჩენა ნაკლებ მოსალოდნელია. თანაც ბილეთის ფულიც დაგეზოგებათ.

შტაინერი წამოდგა და ვაგონის ბოლოში გავიდა. ქარი სახეზე ელამუნებოდა. უყურებდა მევენახეთა პატარა სოფლების სინათლეებს, უკან რომ რჩებოდა. იგი ხარბად ისუნთქავდა ჰაერს და თვრებოდა ამქვეყნად უძლიერესი ბანგით — თავისუფლების განცდით. გრძნობდა ძარღვებში სისხლის მოძრაობას, კუნთების სითბოს. ის ცოცხალი იყო, დაჭერას გადაურჩა. ის ცოცხალი იყო. სიფათს თავი დააღწია.

— სივარეტი აიღე, ძმობილო, — შესთავაზა კონდუქტორს, რომელიც მასთან ბაქანზე გავიდა.

— უარს არ გეტყვი. ოღონდ ახლა ვერ მოვწევ — სამსახურში ვარ.

— მე ხომ შეიძლება მოვწიო?

— კი. — კონდუქტორმა გულკეთილად გაუღიმა. — ჩემთან შედარებით ეს უპირატესობა გავაჩნია.

— ჰო, — დაეთანხმა შტაინერი და ნათაზი დაარტყა. — ესაა ჩემი უპირატესობა.

შტაინერი იმ პანსიონში მივიდა, სადაც ახლახან დააპატიმრა პოლიციამ. დიასახლისი ჯერ კიდევ კანტორაში იჯდა. შტაინერის დანახვაზე შეკრთა.

— აქ თქვენი ცხოვრება აღარ შეიძლება, — განუცხადა შტაინერს.

— შეიძლება, — შტაინერმა ზურგჩანთა მოიხსნა.

— ბატონო შტაინერ, ეს შეუძლებელია! ერთიც ვნახოთ და პო-
ლიცია გვეწვიოს, მაშინ ხომ პანსიონს საერთოდ დამიხურავენ!

— ძვირფასო ლუიზა, — მშვიდად მიუგო შტაინერმა, — ყველაზე უსაფრთხო თავშესაფარი ახლაფეთქებული ნაღმის ორმოა. თითქმის არასდროს მომხდარა, მასში მაშინვე მეორე ნაღმი ჩავარდნილიყო. ამიტომაც ახლა თქვენი ბუნაგი ყველაზე უსაფრთხო ადგილია ვენაში!

სასოწარკვეთილმა დიასახლისმა თმაში იტაცა ხელი.

— თქვენ მე დამლუპავთ! — პათეტიკურად წამოიძახა მან.

— რა მშვენიერია! სულ იმაზე ვოცნებობდი, ვინმე დამელუპა! რა რომანტიკული ქალი ხართ, ლუიზა! — შტაინერმა მიმოიხედა. — ყავა აღარ დაგრჩათ? ერთი სირჩა არაყიც გექნებათ.

— ყავა? არაყი?

— ჰო, ლუიზა! ვიცოდდი გამიგებდით. რა მშვენიერი ქალი ხართ! სლივოვიცა ისევ კარადაშია?

დიასახლისი დანებდა.

— რა თქმა უნდა, იქვეა, — უპასუხა მან.

— სწორედ ეგ მჭირდება ახლა! — შტაინერმა კარადიდან ბოთლი და ორი ჭიქა გამოიღო. — თქვენც ხომ დალევთ?

— მე?

— ჰო, თქვენ! მაშ, აბა ვინ?

— არა.

— დალიეთ, ლუიზა. ხატრი გამიწიეთ. მარტო დალევას, აბა, რა გემო აქვს. ინებეთ... — მან ჭიქა შეაფსო და ქალს მიაწოდა.

დიასახლისი ჯერ შეყოყმანდა, მერე ჭიქა გამოართვა.

— კარგი, ეგრე იყოს! ოღონდ მერე წახვალთ, არა?

— მხოლოდ ორიოდ დღით დავრჩები, — დაამშვიდა შტაინერმა. — მეტს არ დაგახანებ. თქვენ ჩემთვის იღბალი მოგაქვთ. ერთი ჩანაფიქრი მაქვს. — მან გაიღიმა. — ახლა კი ყავა დავლიოთ, ლუიზა!

— ყავა? ყავა გამითავდა.

— გაქვთ, პატარავ. აგერ თაროზე დგას. დაგენაძლევებით, კარგი ხარისხისა იქნება.

დიასახლისმა ირონიულად გაიციინა.

— თქვენც კაი ვინმე ხართ, აი! მე ლუიზა კი არა, ტერეზა მქვია.

— ტერეზა! სახელი კი არა, ოცნებაა!

დიასახლისმა ყავა მოუტანა.

— აქ ბებერი ზელიგმანის ნივთები დარჩა, — უთხრა შტაინერს და ჩემოდანი უჩვენა. — რა ვუყოთ?

— ეს ის ებრაელია, ჭაღარა წვერი რომ ჰქონდა?

დიასახლისმა თავი დაუქნია.

— ასე მითხრეს, მოკვდაო. მეტი არაფერი ვიცი...

— ცალკეული ადამიანის შესახებ ამის ცოდნაც საკმარისია. ეგებ იცით, სად არიან მისი შვილები?

— საიდან მეცოდინება? ეგ სადარდებელილა მაკლია!

— მართალი ხართ. — შტაინერმა ჩემოდანი ახლოს მიიჩოჩა და გახსნა. ჩემოდნიდან ფერადი კოჭის ძაფები გადმეცვივდა. შიგ ეწყო გულდასმით შეკრული თასების პაკეტი, კოსტიუმი, ფეხსაცმელი, ებრაული წიგნი, ცოტაოდენი თეთრეული, რამდენიმე მუყაო რქის ღილებით, ტყავის პატარა საფულე ერთშილინგიანი მონეტებით, ორი სარიტუალო სარტყელი და პაპიროსის ქალაქში შეხვეული თეთრი სარიტუალო სალათი.

— არცთუ ბევრი დაუგროვებია სიცოცხლის განმავლობაში, არა, ლუიზა? — თქვა შტაინერმა.

— ზოგს ამდენიც არ გააჩნია.

— ეგეც მართალია. — შტაინერმა ებრაული წიგნი დაათვალიერა და ყდის შიდა მხარეს ჩამალული ქალაქი აღმოაჩინა, რომელზეც მისამართი ეწერა. — გასაგებია! ამ მისამართზე მივაკითხავ. — შტაინერი წამოდგა. — გმადლობთ ყავისა და სლივოვიცასთვის, ტერეზა! დღეს გვიან დავბრუნდები. ჯობს პირველ სართულზე, ეზოს მხარეზე დამაბინავოთ. თუ რამე მოხდა, ადვილად გავიქცევი.

დიასახლისი უარის თქმას აპირებდა, მაგრამ შტაინერმა ხელის აწევით შეაჩერა.

— არა, არა, ტერეზა! კარი რომ ჩაკეტილი დამხვდეს, გენის პოლიციას სულ აქ შეგიყრით. თუმცა დარწმუნებული ვარ, კარი ღია იქნება! უსახლკაროთა შეფარება ხომ ღვთის ერთ-ერთი მცნებათაგანია. სამაგიეროდ საუკუნო ნეტარება გარანტირებული გექნებათ ზეცაში. ზურგჩანთას თქვენთან ვტოვებ.

შტაინერი წავიდა. კარგად ესმოდა, ზედმეტი ლაპარაკი არ იყო საჭირო. იცოდა, რა ძალა ჰქონდა სხვის დანატოვარ ნივთს ბურჟუაზიული ყაიდის ადამიანზე. მისი ზურგჩანთა უფრო უკეთეს კვარტირმაისტრობას გაუწევდა, ვიდრე თხოვნა-მუდარა. დიასახლისის სიჯიუტის საბოლოოდ დასაძლევად მისი იქ ყოფნის უტყუვი მოწმე იყო საჭირო.

შტაინერი კაფე „შპერლერში“ წავიდა რუს ჩერნიკოვთან შესახვედრად. მათ საპატიმროში მოილაპარაკეს, შტაინერს რომ გამოუშვებდნენ, პირველ ან მეორე დღესვე გვიან საღამოს შეხვედროდნენ ერთმანეთს ამ კაფეში. გერმანელებთან შედარებით რუსებს თხუთმეტი წლით მეტი სტაჟი ჰქონდათ ემიგრაციაში ყოფნისა. ჩერნიკოვი შეპირებული იყო, ვენაში ვეცდები, რაღაც გზები გამოვნახო და ყალბი საბუთები გიშოვოთო.

შტაინერი მაგიდას მიუჯდა. უნდოდა სასმელი შეეკვეთა, მაგრამ კელნერები ყურადღებას არ აქცევდნენ. ჩვეულებრივ მომსვლელები აქ არც არაფერს უკვეთავდნენ — უმეტესობას ხომ საამისო ფული არ გააჩნდა.

კაფე ჩვეულებრივ ემიგრანტულ ბირჟას წარმოადგენდა. იგი გადაჭედილი იყო ხალხით. ზოგი მაგიდებსა და სკამებზე იჯდა და ეძინა, ზოგი იატაკზე ჩამჯდარიყო და კედელს მიყრდნობილი თვლებდა.

ისინი დროს არ კარგავდნენ, კაფეს დაკეტვამდე გამოძინებას ეშურებოდნენ. დილის ხუთი საათიდან შუადღემდე ელოდებოდნენ კაფეს გაღებას. მათი უმეტესობა ინტელექტუალი იყო. ყველაზე მეტად სწორედ მათ უჭირდათ თავის გატანა.

შტაინერის მაგიდასთან კუბოკრულკოსტიუმისანი კაცი დაჯდომულნი მელსაც სახე სავსე მთვარეს მიუგავდა. ერთხანს მოუსვენარნი მუცლით აკვირდებოდა შტაინერს.

— ყიდით რამეს? — ჰკითხა მერე. — სამკაულს? ნახმარ ტანსაცმელს? ნაღდს გადაგიხდით.

შტაინერმა თავი გააქნია.

— თეთრეულს? ფეხსაცმელს? — კაცი დაჟინებით მისჩერებოდა. — ნიშნობის ბეჭედს?

— მომწყდით თავიდან, შე ლეშიჭამია, — შეუბღვირა შტაინერმა. მას სძაგდა ქორვაჭრები, რომლებიც რალაც გროშების ფასად ხელიდან სტაცებდნენ უკანასკნელ ნივთებს საცოდავ ემიგრანტებს.

— გამიგონეთ! ერთი კონიაკი მომიტანეთ! — მიაძახა შტაინერმა კელნერს, რომელმაც მის მაგიდასთან ჩაიქროლა.

კელნერმა უნდო მზერა ესროლა და მასთან მივიდა.

— ადვოკატი გნებავთ? დღეს აქ ორნი არიან. იქით, კუთხეში, ბერლინის სააპელაციო სასამართლოს ადვოკატი ზილბერი ზის, რომელიც შილინგს იღებს კონსულტაციაში, ხოლო კართან, მრგვალ მაგიდასთან — ბაჰარიის მიწის სასამართლოს წევრი ეპშტაინი. მისგან ორმოცდაათ გროშად შეგიძლიათ კონსულტაციის მიღება. ჩვენში დარჩეს, ზილბერი სჯობია.

— შე ადვოკატი კი არა, კონიაკი გთხოვეთ, — უთხრა შტაინერმა. კელნერმა ხელი ყურთან მიიტანა.

— სწორად გაგიგეთ? კონიაკი?

— დიახ, სასმელი. თანაც ჯობს, თუ დიდი ჭიქით მომიტანთ.

— ძალიან კარგი. მაპატიეთ, ცოტა ყურს მაკლია. თანაც ამას გადავეჩვიე. აქ თითქმის ყველა მხოლოდ ყავას თხოულობს.

— კეთილი. თუ ეგრეა, კონიაკი ყავის ფინჯნით მომიტანეთ.

კელნერმა კონიაკი მოუტანა და მაგიდასთან გაჩერდა.

— რა მოხდა? — ჰკითხა შტაინერმა. — გინდათ მიყუროთ, როგორ დავლევ?

— წინასწარ უნდა გადაიხადოთ. აქ ასეთი წესია. ასე რომ არა, გავკოტრდებით.

— აი თურმე რა! ისე მართალი ხართ!

შტაინერმა ფული მიუთვალა.

— აქ ზედმეტია, — უთხრა კელნერმა.

— რაც ზედმეტია, ეგ თქვენი ფეხის ქირაა.

— ფეხის ქირა? — კელნერმა აშკარა სიამოვნებით გაიმეორა ეს სიტყვები. — ღმერთო დიდებულო! — თქვა მერე გულაჩუყებულმა. — ეს პირველია რამდენი წლის შემდეგ. დიდი მადლობა, ჩემო ბატონო! ახლა კვლავ ვიგრძენი თავი ადამიანად!

ორიოდე წუთში კაფეში რუსი შემოვიდა, მაშინვე შეამჩნია შტაინერი და მასთან დაჯდა.

— მეგონა, ვენაში აღარ იყავით, ჩერნიკოვ.

რუსმა გაიცინა.

— რაც დასაჯერებელია, ისიც კი დაუჯერებელი გაჩვენება მუ-
დამ. ყველაფერი გავიგე, რაც თქვენ გაინტერესებთ.
შტაინერმა კონიაკი გადაკრა.

— საბუთები იშოვება?

— დიას. თანაც ძალზე კარგი. საუკეთესოა იმ ყალბ საბუთებს
შორის, რაც კი ამ ბოლო წლებში მინახავს.

— აქედან უნდა გავაღწიო! — თქვა შტაინერმა, — საბუთები მჭი-
რდება! ამ ყოველდღიურ გაწამაწიას და შიშს, უპასპორტობის გამო არ
დამაპატიმრონ-მეთქი, კატორლაზე მოხვედრა მირჩევნია! რა ნახეთ?

— „ჰელეზარდეში“ ვიყავი. ეს ხალხი იქ იკრიბება. ახლაც იგივე
ხალხია, ვინც შვიდი წლის წინათ იყო. ამ საქმეში მათი ნდობა შეიძლება.
ოღონდ ეგაა, ყველაზე იაფი საბუთი ოთხასი შილინგი ღირს.

— მაგ ფასად რას იძლევიან?

— გარდაცვლილი ავსტრიელის პასპორტს, რომელსაც კიდევ ერ-
თი წლის ვადა აქვს.

— ერთი წლის მერე?

ჩერნიკოვმა გაკვირვებით შეხედა შტაინერს.

— საზღვარგარეთ ალბათ მისი ვადის გაგრძელება მოხერხდება.
თუ არადა, გაწაფული ხელი თარიღს გადაასწორებს.

შტაინერმა თავი დაუქნია, გავიგეო.

— კიდევ არის ორი გარდაცვლილი გერმანელი ლტოლვილის პა-
სპორტი, მაგრამ თითოეული რვაასი შილინგი ღირს. სრულყოფილ
ყალბ პასპორტს კი ათას ხუთასზე ნაკლებ ვერ იშოვი. თუმცა მე არც
ერთს არ გირჩევთ. ჩერნიკოვმა სიგარეტს ფერფლი მოაცილა. — ერ-
თა ლიგის დახმარების იმედი არ გქონდეთ. ვინც აქ არალეგალურად,
საბუთების გარეშე ჩამოდის, მისი მდგომარეობა უიმედოა. ნანსენი,
ვინც ჩვენთვის პასპორტები გაახერხა, მკვდარია.

— ოთხასი შილინგი, — თქვა შტაინერმა. — მე კი მხოლოდ ოც-
დახუთი მაქვს.

— შევაჭრება შეიძლება. ალბათ სამას ორმოცდაათად მოგცემენ.

— როცა მხოლოდ ოცდახუთი შილინგი გაქვს, ეგ სულ ერთია. სხვა
გამოსავალი არაა: როგორმე ფული უნდა ვიშოვო. სად მდებარეობს
„ჰელეზარდე“?

რუსმა ჯიბიდან ფურცელი ამოიღო.

— აი მისამართი და კელნერის გვარი, რომელიც შუამავლობს ამ
საქმეში. მოელაპარაკეთ და ის ტელეფონით გამოიძახებს თქვენთვის
საჭირო ხალხს. ამაში ხუთ შილინგს იღებს.

— კეთილი. ვნახოთ, რამეს გავახერხებ. — შტაინერმა ფურცელი
გულდასმით დაკეცა და ჯიბეში შეინახა. — გულითადი მადლობა, ჩემ-
თვის რომ გაისარჯეთ, ჩერნიკოვ!

— რას ამბობთ, გეთაყვა! — რუსმა პროტესტის ნიშნად ხელები
ასწია. — რითაც შეგვიძლია, ერთმანეთს უნდა დავეხმაროთ. ყოველი

ჩვენთაგანი ხომ ნებისმიერ დროს შეიძლება აღმოჩნდეს ამგვარ მდგომარეობაში.

— მართალია. — შტაინერი წამოდგა. — მე ისევ აქ მოვიმსახურებ და შედეგებს შეგატყობინებთ.

— კეთილი. ამ დროს აქ ხშირად ვარ ხოლმე. ჭადრაკს ვეყავი და სამხრეთ გერმანიის ჩემპიონთან. აგერ, იქ ზის ხუჭუჭთმიანი ლურ დროში ეგეთ სახელოვან ოსტატთან თამაშს ვინ მალირსებდა. — ჩერნიკოვმა გაიღიმა. — ჭადრაკი ჩემი ვნებაა.

შტაინერი თავის დაკვირვებით გამოემშვიდობა. მერე რამდენიმე მიძინებულ ახალგაზრდას გადააბიჯა, რომლებიც პირდია იწვნენ კედელთან, და კარისკენ გაემართა. სასამართლოს წევრის ეპშტაინის მაგიდასთან სახეგაფიქვინებელი ებრაელი ქალი იჯდა. ქალს გულხელი დაეკრიბა და ისე შესცქეროდა დათაფლული ენით მოქადაგე ეპშტაინს, როგორც არასაიმედო ღმერთს. მის წინ მაგიდაზე წინასწარ მომზადებული ორმოცდაათგროშიანი იდო. ეპშტაინის ბანჯგლიანი მარცხენა ხელი მსხვერპლს ჩასაფრებულ დიდი ობობასავით ესვენა ფულის ახლოს.

ქუჩაში გამოსულმა შტაინერმა ღრმად ამოისუნთქა. კაფეში დასადგურებული უსიცოცხლო, კვამლიანი და ნალვლიანი გარემოს შემდეგ ღამის საამო სიომ ღვინოსავით დაათრო. აქედან უნდა გავალწიო, გაიფიქრა მან, რაღაც უნდა დამიჯდეს, უნდა გავალწიო! საათზე დაიხედა. უკვე გვიან იყო, მაგრამ მაინც გადაწყვიტა შულერი მოეძებნა.

პატარა ბარი, რომელიც შულერმა თავის ძირითად სამყოფელად დაუსახელა, თითქმის ცარიელი იყო. მხოლოდ ორი გადაპრანჭული ქალიშვილი იჯდა მალალ სკამზე ბართან ნიკელის ხარისაზე წამოსკუპებული თუთიყუშივით.

— ფრედი აქ ხომ არ ყოფილა? — ჰკითხა შტაინერმა ბარმენს.

— ფრედი? — ბარმენმა დაკვირვებით შეხედა. — რად გინდათ ფრედი?

— „მამაო ჩვენო“ უნდა წავიკითხოთ ერთად, ძმობილო, სხვა რა უნდა მინდოდეს.

ბარმენი ერთხანს ფიქრობდა.

— ერთი საათია, რაც წავიდა, — უთხრა ბოლოს.

— დაბრუნდება?

— წარმოდგენა არა მაქვს.

— კეთილი. დავუცდი. ერთი არაყი დამისხით.

შტაინერმა დაახლოებით ერთი საათი იცადა. ფიქრობდა, რა გაეყიდა, რომ ფული ეშოვა. მაგრამ საბოლოო ჯამში დიდი-დიდი სამოცდაათი შილინგი გამოუდიოდა.

ქალიშვილებმა ერთი გადმოხედეს შტაინერს და ზურგი შეაქციეს, ერთხანს კიდევ ისხდნენ, მერე მალალი ქუსლების ბაკუნით გარეთ გავიდნენ. ბარმენმა მალალი ჭიქით კამათელი გააგორა.

— ხომ არ გვეთამაშა? — შესთავაზა შტაინერმა.

— რატომაც არა.

გააგორეს. შტაინერმა მოიგო. კიდევ ითამაშეს. შტაინერმა ორჯერ ღუშაში გააგორა.

— ეტყობა, დღეს ბედი მწყალობს, — თქვა მან.
 — თქვენ საერთოდ ბედი გწყალობთ, — უთხრა ბარმენმა. — ზოდიაქოს რომელი ნიშნის ქვეშ ხართ დაბადებული?

— არ ვიცი.

— ეტყობა, ლომი ხართ. უკიდურეს შემთხვევაში თქვენს ლომის ზოდიაქოში უნდა იმყოფებოდეს. ამ საქმისა ცნობა-გამოცემა, მოდი, ერთხელაც გავაგოროთ. ფრედი მაინც აღარ დაბრუნდება. ის ასე გვიან არასდროს მოსულა. თამაშისას ხელი რომ არ აუკანკალდეს, დროზე იძინებს.

კამათელი ერთხელაც გააგორეს. შტაინერმა კვლავ მოიგო.

— ხომ ხედავთ, — უთხრა კმაყოფილმა ბარმენმა და ხუთი შილინგი მისცა. — ეჭვი არაა, ლომი ხართ, თან ნებტუნიც გმფარველობთ. მე ასე მგონია. რომელ თვეში დაიბადეთ?

— აგვისტოში.

— მაშასადამე ნამდვილი ლომი ყოფილხართ, წლეულს ბრწყინვალე შანსები გექნებათ!

— თუ ეგრეა, მზად ვარ ლომებით სავსე ულრან ტყეში შევიდე. — შტაინერმა ჭიქა დაცალა. — შეგიძლიათ ფრედს გადასცეთ, რომ მე აქ ვიყავი? უთხარით, შტაინერმა გიკითხათ-თქო. მე ხვალ შემოვივლი.

— კარგი.

შტაინერი პანსიონში დაბრუნდა. გზა გრძელი აღმოჩნდა. ქუჩები ცარიელი იყო. ცა ვარსკვლავებს მოეჭედა. ალაგ-ალაგ, მესრებს იქიდან აყვავებული იასამნის მძაფრი სურნელი გამოდიოდა. ღმერთო, მარი, როდემდის უნდა გაგრძელდეს ასე...

IV

კერნი ვენცელპლატცეს ახლოს მდებარე აფთიაქში შევიდა. ვიტრინაში ტუალეტის წყლის ფლაკონები შეამჩნია, რომლებსაც მამამისის ფაბრიკის ეტიკეტი ეკეთა.

— ტუალეტის წყალი „ფარ“! — კერნი ხელში ატრიალებდა ფლაკონს, რომელიც პროვიზორმა თაროდან ჩამოუღო. — საიდან გაქვთ ეს? პროვიზორმა მსრები აიჩეჩა.

— აღარ მახსოვს. მგონი, გერმანიიდან ჩამოგვიტანეს. დიდი ხანია გვაქვს. გინდათ შეიძინოთ?

— ერთი კი არა, ექვსი...

— ექვსი?

— დიან, ჯერჯერობით ექვსი. შემდეგ კიდევ წავიღებ. გადასაყიდად. რა თქმა უნდა, იმედია, ფასს ჩამომიკლებთ.

პროვიზორმა გაკვირვებით შეხედა კერნს.

— ემიგრანტი ხართ? — ჰკითხა მან.

კერნმა ფლაკონი დახლზე დადო.

— იცით რა, — უპასუხა გულმოსულმა, — ეგ კითხვა ძალზე მაღიზიანებს, განსაკუთრებით, როცა სამოქალაქო პირი მისვამს. ჯიბე-

ში ბინადრობის ნებართვა მიღევს. ჯობს მითხრათ, რამდენს დამიკლებთ?

— ათ პროცენტს.

— მასხარად მიგდებთ? მე რალა დამრჩება?

— ეგ ფლაკონები შეგიძლიათ ოცდახუთი პროცენტის დაკლებით წაიღოთ, — შესთავაზა მეორე ოთახიდან გამოსულმა აფთიაქის მკურნალმა. — თუ ათ ცალს აიღებთ, ოცდაათ პროცენტსაც დაგიკლებთ. კმაყოფილი დავრჩები, თუ მაგ სისაძაგლეს მომაშორებთ.

— სისაძაგლეს? — კერნმა გამკიცხავი მზერა ესროლა მეპატრონეს. — ეს ხომ ბრწყინვალე ტუალეტის წყალია! ნუთუ ეს არ იცით? აფთიაქის მეპატრონემ თითით გულგრილად გამოიფხიკა ყური.

— შესაძლოა. თუ ეგრეა, მაშინ თქვენ ოც პროცენტზეც ყაბულს უნდა იყოთ.

— ოცდაათზე შეიძლება დაგყაბულდეთ. ხარისხი აქ არაფერ შუაშია. ოცდაათს დამიკლებთ თუ ნაკლებს, ამით ტუალეტის წყლის ხარისხი არ შეიცვლება. ასე არაა?

მეპატრონემ ტუჩები მობრიცა.

— ყველა ტუალეტის წყალი ერთნაირია. ის სჯობს, რომელიც რეკლამირებულია. ეს არის მთელი საიდუმლოება.

კერნმა დაკვირვებით შესედა.

— ამ წყალს, თუ დამიჯერებთ, დიდი ხანია რეკლამას აღარ უწევენ. მაშასადამე, ის ძალზე ცუდად უნდა ჩაითვალოს. ასე რომ, სამართლიანობა მოითხოვს, ოცდათხუთმეტი პროცენტი დამიკლოთ.

— ოცდაათი, — უპასუხა მეპატრონემ. — ხანდახან მაინც გამოუჩნდება ხოლმე მყიდველი.

— ბატონო ბურეკ, — ჩაერია პროვიზორი, — ვფიქრობ, შეგიძლია ოცდათხუთმეტი პროცენტის ფასდაკლებით დავუთმოთ, თუ ერთბაშად თორმეტ ფლაკონს აიღებს. ამ წყლით ხომ მხოლოდ ერთი კაცია დაინტერესებული, რომელიც ხანდახან შემოივლის ხოლმე. თანაც კი არ ყიდულობს, პირიქით, მისი დამზადების რეცეპტი უნდა შემოგვასალოს.

— რეცეპტი? ღმერთო ჩემო, ეგლა გვაკლია! — ბურეკმა სახეზე ხელები აიფარა, თითქოს თავს იცავსო.

— რეცეპტი? — კერნმა ყურები ცქვიტა. — ვინ არის ის კაცი, რომელსაც თქვენთვის რეცეპტის მოყიდვა უნდა?

პროვიზორმა გაიციინა.

— ვილაც კაცია, რომელიც გვარწმუნებს, პარფიუმერიის ფაბრიკა მქონდაო. რა თქმა უნდა, ცრუობს. ემიგრანტები რას არ მოჩმახავენ ხოლმე.

კერნს წამით სუნთქვა შეეკრა.

— ხომ არ იცით, სად ცხოვრობს ის კაცი? — ჰკითხა მან.

პროვიზორმა მხრები აიჩეჩა.

— დაიცათ, სადღაც მისი მისამართი უნდა მქონდეს. ერთი ორჯერ დატოვა. რად გინდათ?

— ჩემი აზრით, მამაჩემი უნდა იყოს.

მეპატრონეს და პროვიზორს თვალეები გაუფართოვდათ.

— მართლა? — ჰკითხა პროვიზორმა.

- დიას. დარწმუნებული ვარ ისაა. დიდი ხანია ვეძებ.
- ბერტა! — გასძახა მეპატრონემ ქალს, რომელიც აფთიაქის სიღრმეში საქმიანობდა. — იმ კაცის მისამართი ხომ არა გაქვს შენახული, რომელსაც ჩვენთვის ტუალეტის წყლის რეცეპტის მოყიდვა უნდოდა?
- ვისზე მეკითხებით, ბატონ შტრანზე თუ იმედიანზე? — გასძახა ქალი.
- დასწყევლოს ეშმაკმა! — აფთიაქის მეპატრონემ დარცხვენით შეხედა კერნს. — მაპატიეთ! — და აჩქარებით გავიდა მეორე ოთახში.
- ასე ხდება, როცა შენს თანამშრომელს ეკურკურები, — უტიფარი ღიმილით აუხსნა პროვიზორმა კერნს.
- მაღე აქოშინებულმა მეპატრონემ ფურცელი შემოიტანა.
- აი მისამართი. ის ბატონი კერნი ყოფილა, ზიგმუნდ კერნი.
- მამაჩემია.
- მართლა? — მეპატრონემ ფურცელი კერნს მიაწოდა.
- აქ მისამართი წერია. ის ჩვენთან ბოლოს სამი კვირის წინ იყო. ბოდიშს გიხდით წელანდელი გამონათქვამისთვის. ხომ იცით...
- არა უშავს. მე ახლა უნდა წავიდე. ფლაკონებს მერე წავიღებ.
- რა თქმა უნდა! რა საჩქაროა!
- სახლი, სადაც სავარაუდოდ კერნის მამას უნდა ეცხოვრა, დახურული ბაზრის მახლობელ ქუჩაზე იდგა. დახავსებულ, ჩაბნელებულ კიბეზე ნესტისა და მუხავე კომბოსტოს სუნი იგრძნობოდა. კერნი ნელა შეუყვავა კიბეს. უცნაური იყო, მაგრამ რატომღაც ეშინოდა ამდენი ხნის უნახავ მამასთან შეხვედრა — იგი უკვე შეგუებული იყო ამის, რომ კარგის იმედი აღარ უნდა ჰქონოდა. მეოთხე სართულზე დარეკა. მაღე კარს იქით რაღაც გაფაჩუნდა. სათვალთვალო ხვრელის მუყაოს საფარი გვერდზე გაიწია. კერნმა შავი თვალი დაინახა, რომელიც მას უყურებდა.
- ვინ არის? — ბუზღუნით იკითხა ქალის ხმამ.
- ერთი კაცი მინდოდა შენახა, რომელიც აქ ცხოვრობს, — უბასუხა კერნმა.
- აქ არავინ ცხოვრობს.
- როგორ თუ არავინ! თქვენ ხომ ცხოვრობთ აქ! — კერნმა კარზე მიკრულ აბრას დახედა. — ქალბატონი მელანია ეკოვსკა, ხომ ასეა? ოღონდ მე თქვენთან კი არა, სხვასთან მინდოდა დალაპარაკება.
- მაინც ვისთან?
- ერთ კაცს მინდა დაველაპარაკო, რომელიც აქ ცხოვრობს.
- აქ საერთოდ არ ცხოვრობს კაცი.
- კერნი შავ, მრგვალ თვალს დააკვირდა. შეიძლება ასეც იყო და მამამისს დიდი ხანია მისამართი გამოეცვალა. უცბად საშინელი სიცარიელე და იმედგაცრუება იგრძნო.
- რა გვარია ის კაცი? — ჰკითხა კარს იქიდან ქალმა.
- იმედმოცემულმა კერნმა თავი ასწია.
- ამას მთელი სახლის გასაგონად ხომ ვერ ვიყვირებ. კარი გამიღეთ და გეტყვი.

სათვალთვალს ხვრელში თვალი გაქრა. ჯაჭვმა გაიჩხაკუნა. ნამდვილი ციხესიმაგრეა, გაიფიქრა კერნმა. დარწმუნებული იყო, მამამისი ისევ აქ ცხოვრობდა. ასე რომ არ ყოფილიყო, ქალი არაფერს შეეკითხებოდა.

კარი გაიღო. ფართო სახიანმა, ლოყებლაუდაჟა, ბრვე ჩეხმაქალაქში კერნი თავიდან ფეხებამდე შეათვალიერა.

— მე ბატონ კერნთან დალაპარაკება მინდოდა.

— კერნი? არ ვიცნობ. აქ არ ცხოვრობს.

— ბატონი ზიგმუნდ კერნი. მე ლუდვიგ კერნი ვარ.

— მართლა? — ქალი ეჭვიანად უყურებდა. — ეგ ხომ ყველას შეუძლია თქვას.

კერნმა ჯიბიდან ბინადრობის ნებართვა ამოიღო.

— აი, გუთაყვა, ჩემი საბუთი ნახეთ. სახელი შეცდომით სხვა წერია, მაგრამ დანარჩენი სწორია.

ქალმა საბუთი გულდასმით წაიკითხა, რასაც კარგა ხანი მოუნდა. მერე კერნს დაუბრუნა.

— ნათესავი ხართ?

— დიახ. — კერნმა მეტის თქმისაგან რატომღაც თავი შეიკავა. ახლა მას ეჭვი არ ეპარებოდა, რომ მამამისი აქ იყო.

ქალი ყოყმანობდა.

— აქ არ ცხოვრობს, — მოკლედ მოუჭრა ბოლოს.

— კეთილი, — უთხრა კერნმა. — მაშინ მე გეტყვით, სად ვცხოვრობ: სასტუმრო „ბრისტოლში“. აქ კიდევ ორიოდ დღე დავრჩები. მინდოდა გამგზავრებამდე ბატონ ზიგმუნდ კერნს დავლაპარაკებოდი. რაღაც უნდა გადავცე, — დაურთო მან და მრავლისმეტყველად შეხედა ქალს.

— მართლა?

— დიახ. მაშ ასე: სასტუმრო „ბრისტოლი“, ლუდვიგ კერნი. ღამე მშვიდობისა.

კერნი კიბეს ჩაუყვა. ღმერთო ჩემო, გაიფიქრა მან, ნამდვილი ტერორით დარაჯობს მამაჩემს! თუმცა ისევ დარაჯობა სჯობს გაცემას.

კერნი აფთიაქში დაბრუნდა. მეპატრონე მისკენ გამოემართა.

— ნახეთ მამათქვენი? — სახეზე დაუფარავი ცნობისმოყვარეობა ეწერა. ეტყობა, მისი ცხოვრება სენსაციებით ღარიბი იყო.

— ჯერ ვერა, — თავადაც რომ არ ელოდა, ისე ბოლმინად მიუგო კერნმა, — მაგრამ იქ ცხოვრობს. შინ არ დამხვდა.

— საკვირველია! რა არ ხდება ამქვეყნად!

მეპატრონე იდაყვებით დახლს დაეყრდნო და ცხოვრებისეულ მოულოდნელობებსა თუ უცნაურობებზე სასაუბროდ მოემზადა.

— ჩვენთვის, ემიგრანტებისთვის, საკვირველი არაფერია, — უთხრა კერნმა. — ჩვენთვის ნებისმიერი უცნაური მდგომარეობა ნორმალური მდგომარეობაა. ჰა, როგორ შევთანხმდეთ ტუალეტის წყალზე? ახლა მხოლოდ ექვსი ფლაკონი შემიძლია შევიძინო. ამჟამად მეტის ფული არ გამაჩნია. რამდენს დამიკლებთ?

მეპატრონე წამით ჩაფიქრდა.

— ოცდათხუთმეტ პროცენტს, — დიდსულოვნად განუცხადა მერე. — ასეთი ამბავი ხომ ყოველდღე არ ხდება.

— ძალიან კარგი.

კერნმა საფასური გადაიხადა. პროფიზორმა ფლაკონები შეუსვია. ქალი, რომელსაც ბერტა ერქვა, მათთან გამოვიდა, რათა დაეხალგაზრდა კაცს გასცნობოდა, მამა რომ იპოვა. აღელვებულმა კაცმა მისევე ამოძრავებდა, თითქოს რაღაცას ლეჭავსო.

— იცით, რას გეტყვით, — მიმართა მეპატრონემ კერნს, — ეს ტუალეტის წყალი ძალზე კარგი ხარისხისაა, ნამდვილად ძალზე კარგი.

— მადლობას მოგახსენებთ. — კერნმა პაკეტი ამოიღლია. — იმედი მაქვს მალე კვლავ გეწვევით და დანარჩენსაც წავიღებ.

კერნი სასტუმროში დაბრუნდა. თავის ოთახში შესვლისთანავე პაკეტი გახსნა და ორი ფლაკონი ტუალეტის წყალი რამდენიმე ნაჭერსა და ორიოდე შუშა იაფფასიან სუნამოსთან ერთად პორტფელში ჩაალაგა. უნდოდა დაუყოვნებლივ ეცადა ბედი — ეგებ რამე გაეყიდა.

დერეფანში გასასვლელად კარი რომ გამოაღო, მეზობელი ოთახიდან გამოძვარილი საშუალო სიმაღლის ქალიშვილი დაინახა, რომელსაც ღია ფერის კაბა ეცვა და იღლიაში წიგნების შეკვრა ამოეჩარა. თავდაპირველად კერნს მისთვის ყურადღება არ მიუქცევია. იმაზე ფიქრობდა, თუ რა ფასად გაეყიდა ტუალეტის წყალი. უცბად გონს მოეგო: ქალიშვილი ხომ იმ ოთახიდან გამოვიდა, სადაც კერნი ღამით შეცდომით შევიდა. კერნი შეცბა. შეეშინდა, ვაითუ ქალიშვილმა მიცნოსო.

ქალიშვილს მისკენ არც მიუხედავს, ისე ჩაუყვია კიბეს. კერნმა ერთხანს დააყოვნა, მერე დერეფანი სწრაფად გაიარა. უეცრად ძალზე მოუნდა ენახა, როგორი სახე ჰქონდა ქალიშვილს. კიბე ჩაირბინა და მიიხედ-მოიხედა. ქალიშვილი არსად ჩანდა. კერნი გარეთ გავიდა და თვალის მოაფლო ქუჩას. დამტვერილი ქუჩა ცარიელი იყო. მხოლოდ ორი ნაგავი უღრენდა ერთმანეთს.

კერნი სასტუმროში დაბრუნდა.

— ახლახან არავინ გასულა გარეთ? — ჰკითხა კარისკაცს, რომელიც ამავე დროს კელნერისა და შიკრიკის მოვალეობასაც ასრულებდა.

— თქვენ გარდა არავინ! — მიუგო კარისკაცმა და მომლოდინედ შეაჯერდა სახეში, თითქოს ელოდა, როდის აუტყდებოდა ხარხარი კერნს მის ანგლობაზე.

კერნს არ ეცინებოდა.

— მე ქალიშვილზე გეკითხებით, — აუხსნა კერნმა. — ახალგაზრდა ქალბატონზე.

— აქ ქალბატონები არ ცხოვრობენ, — წაიბუზღუნა კარისკაცმა. ნაწყენი დარჩა, ანგლობა რომ გაუცუდდა. — აქ მხოლოდ ქალები არიან.

— ესე იგი, გარეთ არავინ გასულა?

— თქვენ რა, პოლიციიდან ხართ, ასე რომ იძიებთ? — ახლა კარისკაცი ამკარად მტრულად განეწყო.

კერნმა გაკვირვებით შეხედა. კარისკაცის გაღიზიანების მიზეზს ვერ ხვდებოდა. მისი ანგლობა საერთოდ არ შეუმჩნევია. ჯიბიდან სიგარეტი ამოიღო და კარისკაცს მოწვევა შესთავაზა.

— გმადლობთ, — ცივად იუარა კარისკაცმა. — მე უკეთეს მა-
რკას ვეწევი.

— უჭვიც არ მეპარება.

კერნმა სიგარეტი შეინახა. ერთხანს იდგა და ფიქრობდა. როგორც ჩანს, ქალიშვილი სასტუმროდან არ გასულა. ალბათ პოლში დარჩა. კერნი უკან გაბრუნდა.

გრძელი, ვიწრო პოლი ცემენტდასხმულ ტერასაზე გადიოდა. იქიდან ბაღში ჩასასვლელი იყო, სადაც იასამნის ორიოდ ბუჩქი იდგა.

კერნმა შინიან კარში გაიხედა. ქალიშვილი იჯდა, იდაყვები მაგიდაზე დაეყრდნო და კითხულობდა. პოლში სხვა არავინ იყო. კერნი სურვილს ვერ მოერია, კარი შეაღო და შევიდა. კარის ხმაურზე ქალიშვილმა მოიხედა. კერნი დაიბნა.

— საღამო მშვიდობისა, — მორიდებულად მიმართა ქალიშვილს. ქალიშვილმა შეხედა, თავი დაუქნია და კითხვა განაგრძო.

კერნი კუთხეში დაჯდა. მცირე ხანში ადგა და გაზეთები აიღო. უცბად წარმოიდგინა, რა სასაცილოდ გამოიყურებოდა და ინანა, ნეტავ არ შემოვსულიყავით. მაგრამ ახლა არ ივარგებდა, რომ ნაჩქარევად წამომდგარიყო და გარეთ გასულიყო. კერნმა გაზეთები გაშალა და თვალღერებას შეუდგა. მერე დაინახა, რომ ქალიშვილმა ხელჩანთა გახსნა, ვერცხლის პორტსიგარი ამოიღო და ტკაცუნით გააღო. მაგრამ სიგარეტი არ ამოუღია. პორტსიგარი ისევ ტკაცუნით დახურა და ჩანთაში ჩადო.

კერნმა გაზეთები სწრაფად მიყარა გვერდზე და წამოდგა.

— როგორც ჩანს, სიგარეტის წამოღება დაგვიწყნიათ, — უთხრა მან ქალიშვილს. — ნება მომეცით შემოგთავაზოთ.

კერნმა ჯიბიდან სიგარეტი ამოიღო. რას არ გაიღებდა, ახლა რომ ხელში პორტსიგარი ჰქონოდა. დასრესილი სიგარეტის კოლოფი ქალიშვილს მიაწოდა.

— თუმცა არ ვიცი, ასეთი ხარისხისას თუ მოსწევთ. კარისკაცმა ახლახან დამიწუნა. ხარისხი არ მოეწონა.

ქალიშვილმა სიგარეტის ეტიკეტს დახედა.

— მეც სწორედ მაგას ვეწევი. — უთხრა მან.

კერნმა გაიცინა.

— ეს ყველაზე იაფია. ამ აღიარებით თითქმის მთელი ჩვენი ცხოვრება წინ გადავუშალეთ ერთმანეთს.

ქალიშვილი დაკვირვებით შეაცქერდა.

— მე თუ მკითხავთ, ჩვენი სასტუმრო ისედაც მკაფიოდ მეტყველებს ამაზე.

— მართალი ხართ.

კერნმა ასანთი აანთო და ქალიშვილს სიგარეტი მოაკიდებინა. წითელმა სუსტმა შუქმა ხორბლისფერი მოგრძო სახე გაანათა. ქალიშვილს სქელი, შავი წარბები, დიდრონი, სხივიანი თვალები და სავსე, ამობურ-

ცული ტუჩები ჰქონდა. კერნმა ვერ დაადგინა, ლამაზი იყო თუ არა ქალიშვილი, მოსწონდა თუ არა იგი. მაგრამ რალაცნაირი შორეული სიახლოვის ნეტარი გრძნობა დაეუფლა, ალბათ იმის გამო, რომ ქალიშვილის მკერდზე უნებლიეთ მოუხვდა ხელი ჯერ კიდევ მაშინ, სანამ ერთმანეთს გაიცნობდნენ. კერნმა ქალიშვილის სუნთქვა-ჩაქრუნვები, თუმცა იცოდა სულელურად იქცეოდა, ხელები უცებ ჩამადგა.

— დიდი ხანია ემიგრაციაში ხართ? — ჰკითხა ქალიშვილს.

— ორი თვეა.

— არ ყოფილა დიდი ხანი.

— რას ამბობთ, ეს უსასრულობაა.

კერნმა გაკვირვებით შეხედა ქალიშვილს.

— მართალი ხართ, — დაეთანხმა მერე. — ორი წელიწადი ცოტა დროა, ორი თვე კი უსასრულობაა. თუმცა ამას ერთი უპირატესობა გააჩნია: რაც უფრო მეტი წელი და თვე გავა, დროც უფრო სწრაფად გაიქროლებს.

— როგორ გგონიათ, კიდევ დიდხანს გასტანს ასე?

— არ ვიცი. ვცდილობ ამაზე აღარ ვიფიქრო.

— მე კი სულ ამაზე ვფიქრობ.

— მეც იგრე ვიქცეოდი ემიგრაციაში ყოფნის პირველ თვეებში. ქალიშვილი ფიქრებში ჩაეფლო. სიგარეტს ღრმა ნაფაზით ეწეოდა. კერნი თვალს ვერ აცილებდა მის სქელ, ოდნავ დატალღულ თმას, ჩარჩოსავით რომ შემორტყმოდა სახეზე. უნდოდა რალაც ბრძნული, რალაც საინტერესო ეთქვა, მაგრამ თავში არაფერი მოსდიოდა. შეეცადა გაეხსენებინა, როგორ მოიქცეოდნენ მსგავს ვითარებაში წაკითხული წიგნების გმირები მაღალი საზოგადოებიდან, მაგრამ მესსიერება დაშრეტოდა. ეგეც არ იყოს, ის გმირები ხომ არასოდეს მოხვედრილან პრალის ემიგრანტულ სასტუმროში.

— არ გიჭირთ სიბნელეში კითხვა? — ჰკითხა ბოლოს ქალიშვილს.

ქალიშვილი შეკრთა, თითქოს დავიწყნოდა, სად იყო. მერე წიგნი დახურა.

— არა, მაგრამ კითხვა მომწყინდა. აზრი არა აქვს.

— არა, რატომ. ხანდახან კარგია გულის გადასაყოლებლად. — უთხრა კერნმა. — როცა ხელში კრიმინალური რომანი ჩამივარდება, სულმოუთქმელად წავიკითხავ ხოლმე.

ქალიშვილმა ოდნავ გაიღიმა.

— ეს კრიმინალური რომანი არაა, ორგანული ქიმიის სახელმძღვანელოა.

— რას ამბობთ! უნივერსიტეტში სწავლობთ?

— დიახ, ვიურცბურგში.

— მე კი ლაიფციგში. მეც თავდაპირველად თან დამქონდა სახელმძღვანელოები. არ მინდოდა ცოდნა დამეკარგა. მოგვიანებით წიგნები გავყიდე. მძიმე სატარებელი იყო. მათში აღებული ფულით ტუალეტის წყალი და საპონი ვიყიდე გადასაყიდად. ახლა ამით ვარსებობ.

ქალიშვილმა დაბნეულად შეხედა.

— ვერ ვიტყვოდი, რომ თქვენმა ნათქვამმა გამამხნევა.

— არ მინდოდა თქვენთვის გული გამეტეხა, — აჩქარებით მოუბოდიშა კერნმა. — ჩემი მდგომარეობა სხვანაირი იყო. მე საბუთი არ გამაჩნდა, თქვენ კი ალბათ პასპორტი გექნებათ.

ქალიშვილმა თავი დაუქნია.

— პასპორტი კი მაქვს, მაგრამ ექვს კვირაში გაუდის ვადა.

— ეგ არაფერია. შემდეგ ალბათ გაგიგრძელებენ.

— არა მგონია.

ქალიშვილი წამოდგა.

— კიდევ ხომ არ მოსწევთ? — ჰკითხა კერნმა.

— გმადლობთ, არა. ისედაც ბევრს ვეწევი.

— ვილაცამ თქვა, ერთი სიგარეტი საჭირო დროს ნებისმიერ იდეალს სჯობსო.

— მართალია. — ქალიშვილმა გაიღიმა და უეცრად კერნს ძალზე ლამაზი ეჩვენა. კერნი ყველაფერს გაიღებდა, ოღონდ მასთან საუბრის განგრძობის საშუალება მისცემოდა. მაგრამ არ იცოდა, რა ექნა, როგორ შეეჩერებინა იგი.

— თუ რამეთი შემიძლია დაგეხმაროთ, — აჩქარებით უთხრა მან, — ამას დიდი სიამოვნებით გავაკეთებ. პრადას კარგად ვიცნობ. აქ უკვე ორჯერ ვარ ნამყოფი. მე ლუდვიგ კერნი მქვია. ჩემი ოთახი თქვენი ოთახის მეზობლად, მარჯვნივ არის.

ქალიშვილმა ალმაცერად შეავლო თვალი და კერნს მოეჩვენა, თავი გავეციო. მაგრამ ქალიშვილმა ალაღად გაუწოდა ხელი. კერნმა მისი მტკიცე ხელმოჭერა იგრძნო.

— სიამოვნებით მოგმართავთ, თუ რამე დამჭირდა, — უპასუხა ქალიშვილმა. — დიდად გმადლობთ.

ქალიშვილმა მაგიდიდან წიგნები აკრიფა და კიბისკენ გაემართა. კერნი ერთხანს დარჩა პოლში. უცბად ყველაფერი მოაგონდა, რაც ქალიშვილისთვის უნდა ეთქვა.

— ერთხელაც გავიმეოროთ, შტაინერ, — უთხრა შულერმა. — ღმერთია მოწმე, თავად რომ გამოვდიოდე ჟოკეი კლუბში, ისე არ ვინერვიულებდი, როგორც ვნერვიულობ თქვენს დებიუტზე ლუდსანაში.

ისინი ბარში ისხდნენ. ფრედი გენერალურ გამოცდას უტარებდა შტაინერს. დასაწყისისათვის ფრედი დაბალი რანგის შულერებთან სათამაშოდ უშვებდა შტაინერს გადაღმა მდებარე სამიკიტნოში. ფულის მოვნის ერთადერთ გზას შტაინერი ამაში ხედავდა, თუ, რა თქმა უნდა, ქურდობას ან ყაჩაღობას არ მიჰყოფდა ხელს.

ნახევარი საათი კიდევ წაივარჯიშეს ტუზების ფანდზე. ბოლოს კმაყოფილი ჯიბგირი წამოდგა. ის სმოკინგში იყო გამოწყობილი.

— ჩემი წასვლის დროა. ოპერაში მივდივარ პრემიერაზე. დღეს ლემანი მღერის. ნამდვილი დიდი ხელოვნება ხელს გვიწყობს ჩვენს საქმიანობაში. ამ დროს ადამიანს ყურადღება სხვა რამეზე აქვს გადატანილი. გასაგებია, არა? — მან შტაინერს ხელი გაუწოდა. — მოიცა... ახლა გამახსენდა. ფული რამდენი გაქვთ?

— ოცდათორმეტი შილინგი.



— ძალზე ცოტაა. მამაძალღებმა ბლომა ფული თუ არ დაინახეს, ისე ანკესზე არ წამოეგებიან. — შულერმა ჯიბიდან ასშილინგიანი ბანკნოტი ამოიღო და შტაინერს გაუწოდა. — აიღეთ ამით ყაფის ხარჯი გაისტუმრეთ. ფულს რომ დაინახავენ, თავად მოგაკრთხავენ. ჩემი ვალი ბარმენტან დატოვეთ. ერთიც დაიხსომეთ: დიდხანს არ მიშვამოთ და, როცა ოთხი ქალი მოგივათ, ყურადღებით იყავით! ღმერთს სხელი მოგიმართოთ!

შტაინერმა ფული გამოართვა.

— თუ წავაგე, ვალს ვერ დაგიბრუნებთ.

ჯიბგირმა მხრები აიჩეჩა.

— ჯანდაბას, ქარსაც წაულია. ხელოვნების ხარკად ჩათვალეთ. მაგრამ თქვენ არ წააგებთ. მე კარგად ვიცნობ მაგათ. მხოლოდ გაუთლელი გლახულების გამოჭერა შეუძლიათ. დაბალი კლასისა არიან. პა, ხომ არ ნერვიულობთ?

— არა მგონია.

— ეგეც არ იყოს, თქვენ ერთი უპირატესობაც გაქვთ: მათ არ იციან, რომ თქვენც რალაც გაგეგებათ კარტის თამაშში. სანამ ამას შეამჩნევენ, მახეში გაბმული გეყოლებათ და თავს ველარ დაიძვრენენ. აბა, კარგად.

— კარგად იყავით.

შტაინერი სამიკიტნოსკენ გაემართა. გზად გაიფიქრა, რა უცნაურია ცხოვრება, სხვა არავინ იმის მეოთხედ ფულსაც არ მანდობდა, რაც შულერმა მომცა უყოყმანოდ. მადლობა ღმერთს, რომ ხანდახან ასე უმართლებსო კაცს.

სამიკიტნოს წინა ოთახში ტაროკის თამაში გაეხურებინათ. შტაინერი ფანჯარასთან დაჯდა და შნაპსი შეუკვეთა. ჯიბიდან აუჩქარებლად ამოიღო საფულე, რომელშიც წინასწარ ქალაღლები ჩატენა, რათა უფრო სქელი გამოჩენილიყო, და ხარჯი ასშილინგიანით გაისტუმრა.

წუთსაც არ გაევილო, ერთი ხმელი კაცი მაგიდასთან მიუჯდა და პოკერის თამაში შესთავაზა. შტაინერმა უხალისოდ იუარა. მაგრამ უცნობი არ ეშვებოდა.

— არ მცალია, — განუცხადა შტაინერმა. — დიდი-დიდი ნახევარი საათი დრო მქონდეს, ეს კი თამაშისთვის ცოტაა.

— რას ამბობთ, რას ამბობთ! — გაიღიმა ხმელმა კაცმა და დაჭიანებული კბილები გამოაჩინა. — ნახევარ საათში ზოგი ბედს ეწევა ხოლმე, მეგობარო!

შტაინერმა დანარჩენი ორი პარტნიორი შეათვალა, რომლებიც გვერდით მაგიდას უსხდნენ. ერთს მსუქანი სახე და მელოტი თავი ჰქონდა, მეორეს — შავი ბანჯგვლიანი ხელები და დიდი ცხვირი. ისინი გულგრილად უყურებდნენ მას.

— კარგით, ოღონდ მხოლოდ ნახევარი საათი, — ვითომდა ყოყმანობდა შტაინერი. — რაც არის, არის, ბედსა ვცდი.

— რა თქმა უნდა, რა თქმა უნდა, — აცმუკდა ხმელი კაცი.

— და როცა მინდა, შემიძლია თამაშიდან გავიდე?

— ნამდვილად, მეგობარო, ნამდვილად!

— მოგებულებ რომ ვიყო?

სქელმა ტუჩები ოდნავ მობრიცა და შავგვრემანს გადახედა: ნახე, რა გორსალა ჩაგვიყარდა ხელშიო.

— სწორედ მაშინ უნდა გახვიდეთ თამაშიდან, მეგობარო, — სწორედ ხარულით აკიკინდა ხმელი კაცი.



შტაინერი მათთან დაჯდა. სქელმა კარტი აურია და დააარტიგა. შტაინერმა რამდენიმე შილინგი მოიგო. როცა მისი დარიგების რიგი მოვიდა, კარტის კიდევები მოსინჯა და ოდნავ გამოსწია, რომლებიც ეეჭვა. მერე კელნერი მოიხმო, სლივოვიცა შეუკვეთა და შეამჩნია, რომ მოჭრილი დასტის ზედა კარტების ქვეშ მოქცეული იყო ოთხი მეფე. ოთხივეს კუთხე ოდნავ ჩამოჭრილი ჰქონდა. კარტი კვლავ აურია და დაარტიგა.

თხუთმეტობდუ წუთში ოცდაათამდე შილინგი მოიგო.

— ძალზე კარგია, ძალზე კარგი! — კიკინებდა ხმელი. — ფსონი ხომ არ გაგვეზარდა?

შტაინერმა თავი დაუქნია. ფსონის გაზრდის შემდეგ ჯერზეც მოიგო. ამასობაში სქელის დარიგების რიგმა მოაწია. სქელს პატარა, ფუნთუშა ხელები ჰქონდა, კარტის ფანდისთვის სრულიად უვარგისი, თუმცა ის გაწაფულად არიგებდა კარტს. შტაინერმა თავის კარტში ჩაიხედა — სამი ქალი აღმოაჩნდა.

— რამდენი? — ჰკითხა სქელმა. თან ნერვიულად ღეჭდა სიგარას.

— ოთხი, — უპასუხა შტაინერმა.

სქელი შეცბა. წესით შტაინერს მხოლოდ ორი კარტის გამოცვლა უნდა მოეთხოვა. სქელმა ოთხი კარტი მიუთვალა. შტაინერმა შეამოწმა და პირველივე კარტი ქალი აღმოჩნდა — ის, რომელიც მას აკლდა. ახლა, კიდევაც რომ მოენდომებინა, ვერავითარ კომბინაციას ველარ მოახერხებდა. კარტი მაგიდაზე დაყარა და დაურთო:

— წყეულიმც იყოს! მივქარე!

მოთამაშებმა ერთმანეთს გადახედეს და პასი გამოაცხადეს. შტაინერს ესმოდა, რამე უნდა მოემოქმედნა, როცა მისი დარიგების ჯერი მოვიდოდა, რადგან მისი შანსი ამ დროს ერთი მასთან იყო. სწრაფად უნდა გარჯილიყო, ვიდრე მოთამაშეები რამეს მიხვდებოდნენ.

შტაინერმა ტუჩების ფანდი გამოიყენა, ოღონდ გამარტივებული სახით. ხმელი ეთამაშა და წაავო. შტაინერმა საათს დახედა.

— ჩემი წასვლის დროა. ბოლო წრე დავარიგოთ.

— ნუ ჩქარობთ, მეგობარო! — დაიკიკინა ხმელმა. მისი ორი მეგობარი დუმდა.

შემდეგ ჯერზე შტაინერს თავიდანვე ოთხი ქალი აღმოაჩნდა ხელზე. მან მხოლოდ ერთი კარტი მოითხოვა, — ცხრიანი ერგო. ბანჯგულიანმა შავმა კაცმა ორი კარტი მოითხოვა. შტაინერმა შეამჩნია, ხმელმა ხელის მარდი მოძრაობით როგორ გამოუძვრინა დასტის ქვემოდან ორი კარტი. შტაინერი ყველაფერს მიხვდა, მაგრამ მაინც ოც შილინგამდე ივაჭრა და მერე დანებდა. შავმა გაკვირვებით შეავლო თვალი და ბანკი აიღო.

— რა კარტი გქონდათ? — დაიკიკინა ხმელმა და შტაინერის კარტი სწრაფად გადააბრუნა. — ოთხი ქალი! და თქვენ პასი თქვით!

დმერთო მწყალობელო! თქვენ სომ შეგეძლოთ ყველაფერი მოგეგოთ! თქვენ კი რა გქონდათ? — მიუბრუნდა შავს.

— სამი მეფე, — უპასუხა შავმა და სახე გვერდზე მოქცა.

— ხომ ხედავთ! ხომ ხედავთ! თქვენ მოგება შეგეძლოთ, მეგობარო!

— შევცდი, — თავი იმართლა შტაინერმა. ^{ხაზ-შეკრება, მხოლოდ} სამი ქალი მყავდა. ერთი ქალი ვალეტში ამერია.

— რა არ ხდება!

შავმა დაარიგა. შტაინერს სამი მეფე შეხვდა და ზედ მეოთხეც მიაყიდა. მან თხუთმეტ შილინგამდე ივაჭრა და შემდეგ პასი გამოაცხადა. ხმელმა რალაცნაირი სრუტუნით შეიწოვა პაერი. შტაინერი ოთხმოცდაათ შილინგს იყო მოგებას. კიდევ ორი დარიგება რჩებოდა.

— რა კარტი გქონდათ, მეგობარო?

ხმელმა სწრაფად სცადა კარტი გადაებრუნებინა. შტაინერმა ხელი აუკრა.

— ეს რა, აქ მოდაშია? — ჰკითხა შტაინერმა.

— ბოდიშს მოგიხდით. რა ვქნა, ძალზე ცნობისმოყვარე ვარ.

მომდევნო წრეში შტაინერმა რვა შილინგი წააგო. მეტზე არ წავიდა. მერე მისი რიგი მოვიდა. კარტი აურიო. ძალზე ყურადღებით იყო და მოახერხა ოთხი მეფე დასტის ქვემოდან ამოედო, რათა ისინი სქელისთვის დაერიგებინა, ფანდი გამოუვიდა. შავმა მისი ჩათრევის მიზნით თამაშის სურვილი გამოთქვა. სქელმა ერთი კარტი მოითხოვა. შტაინერმა ბოლო მეოთხე მეფეც შეუცურა. სქელმა დაიქსუტუნა და მრავლისმეტყველად გადახედა კომპანიონებს. შტაინერმა ეს მომენტი ტუხების ფანდისთვის გამოიყენა. თავისი სამი კარტი გამოცვალა და დანარჩენი ორი ტუხი მიაყიდა. რომლებიც დასტის ზემოდან ედო.

ვაჭრობა სქელმა დაიწყო. შტაინერმა თავისი კარტი მაგიდაზე დადო და ყოყმანით აჰყვა. შავმა თანხა გააორმაგა. ის ას ათ შილინგზე თამაშიდან გავიდა. სქელმა ფსონი ას ორმოცდაათამდე აიყვანა. შტაინერმა მხარი აუბა, თუმცა ბოლომდე თავდაჯერებული არ იყო. იცოდა, სქელს ახლა ოთხი მეფე ჰყავდა. მის მენსუთე კარტზე კი წარმოდგენა არ ჰქონდა. ის რომ ჯოკერი აღმოჩენილიყო, შტაინერი წაგებულნი დარჩებოდა. ხმელი ცქმუტავდა.

— შეიძლება ვნახო? — და შტაინერის კარტს წაეტანა.

— არა, — შტაინერმა კარტს ხელი დაადო. მას უკვირდა ხმელის გულუბრყვილო უტიფრობა. ხმელს მაგიდის ქვეშ ფეხის მსუბუქი შეხებით შეეძლო სქელისთვის ეცნობებინა, რა კარტი ეჭირა შტაინერს.

სქელი შეყოყმანდა. შტაინერი მანამდე ძალზე ფრთხილად თამაშობდა, მაგრამ ახლა უთუოდ მაგარი კარტი ჰქონდა და რაკი სქელს გაუბედაობა შეატყო, ფსონი მკვეთრად გაადიდა. სქელი ას ოთხმოც შილინგზე შეჩერდა. მან მაგიდაზე ოთხი მეფე დააწყო. შტაინერმა შვებით ამოისუნთქა და თავისი ოთხი ტუხი უჩვენა.

ხმელს სტვენა აღმოხდა. ოთახში ღრმა სიჩუმე ჩამოწვა. შტაინერმა ფული ჯიბეში ჩაიდო.

— ერთი წრე კიდევ უნდა ვითამაშოთ, — მკაცრად გამოაცხადა შავმა.



— ძალზე ვწუხვარ, არ გამოვა, — თქვა შტაინერმა.

— ერთი წრე კიდევ უნდა ვითამაშოთ, — გაიმეორა შავმა და ნიკაპი წინ გამოწია.

შტაინერი წამოდგა.

— სხვა დროს.

იგი დახლთან მივიდა და დანახარჯი გადაიხადა. მერე მჭუმჭუმად კეცილი ასშლინგიანი გაუწოდა ბარმენს.

— გთხოვთ, ეს ფრედს გადასცეთ.

ბარმენს გაკვირვებისგან წარბები მაღლა წაუვიდა.

— ფრედს?

— დიას.

— კეთილი, — ბარმენი გაიღრჩია. — მოტყუვდით, ძამიკოებო! ვირთევზას დაჭერას აპირებდით და ზვიგენს კი გადაეყარეთ.

სამი პარტნიორი კართან დადგა.

— ერთი წრე კიდევ უნდა ვითამაშოთ, — თქვა შავმა და გზა გადაულობა.

შტაინერმა თვალი გაუსწორა.

— ასე არ გამოვა, მეგობარო, — კიკინებდა ხმელი. — არ გამოვა, სერ!

— ერთმანეთის მოტყუება რა საკადრისია, — თქვა შტაინერმა. — ომი ომია. კაცი ზოგჯერ წაგებასაც უნდა შეურიგდეს.

— მხოლოდ არა ჩვენ, — უთხრა შავმა. — ერთ წრეს კიდევ ვითამაშებთ.

— ან დაგვიბრუნეთ ის, რაც მოგვიგეთ, — დაურთო სქელმა.

შტაინერმა თავი გააქნია:

— ჩვენ პატიოსნად ვითამაშობდით, — თქვა მან ირონიული ღიმილით. — თქვენ იცოდით, რა გინდოდათ, და მეც ვიცოდი, რაც მიხდოდა. კარგად იყავით!

შტაინერმა შავსა და თხელს შორის გავლა დააპირა, თანაც შავს დაბერილი კუნთები მოუსინჯა.

ამასობაში საქმეში ბარმენი ჩაერია.

— ჩემს რესტორანში აყალმაყალის უფლებას არ მოგცემთ, ბატონებო!

— არც ვაპირებ, — უთხრა შტაინერმა. — მე წასვლა მინდა.

— ჩვენც მოვდივართ, — თქვა შავმა.

ხმელი და შავი წინ წავიდნენ, მათ უკან შტაინერი მიდიოდა, ბოლოში სქელი. შტაინერმა აწონ-დაწონა: ნამდვილი საფრთხე მხოლოდ შავისგან ემუქრებოდა. ოღონდ შავი შეცდა, წინ რომ წავიდა. იმ დროს, როცა კარში გადიოდა, შტაინერმა წიხლი ჩაართვა მუცელში უკან მომავალ სქელს და, რაც ძალი და ღონე ჰქონდა, მუშტი უროსავით სთხლიშა კეფაში შავს. შავი კიბეზე წაბარბაცდა და ხმელს შეასკდა. შტაინერი ერთი ნახტომით გადაეწვლო მათ და, სანამ მოწინააღმდეგეები გონს მოვიდოდნენ, ქუჩაში გავარდა. შურდულივით მიქროდა. ეს იყო მისი ერთადერთი ხსნა — ქუჩის სიხალვათეში ხომ სამ კაცთან ვერაფერს გააწყობდა. უკნიდან ყვირილი ესმოდა. მაგრამ, როცა უკან მოიხედა, მღევარი აღარ ჩანდა. ჩანს, მეტოქეები მოულოდნელობამ დააბნია.

შტაინერმა ნაბიჯი შეანელა. მალე ხალხმრავალ ქუჩაზე გავიდა. მოდური ტანსაცმლის მალაზიის ვიტრინასთან შეჩერდა და სარკეში თავი შეათვალიერა. აი, შე შულერო და აფერისტო, უთხრა თავის თავს გუნებაში, რას იზამ, სამაგიეროდ პასპორტის ნახევარი უკვე ჯიბეში მიღვეს... საკუთარ ორეულს თავი დაუკრა და გზა გააგრძელა.

შ. ჩხავაძე

V

კერნი ებრაელთა სასაფლაოს ზღუდეზე იჯდა და ქუჩის ლამპიონის შუქზე ნავაჭრს ითვლიდა. მთელი დღე ჰაილიგენკროიცბერგის რაიონში ტრიალებდა. ამ რაიონში ღარიბები სახლობდნენ, მაგრამ კერნმა გამოცდილებით იცოდა, რომ გაჭირვებული ადამიანი გულმოდგინება და პოლიციასაც არასოდეს გამოიძახებს. ეს დღე იღბლიანი აღმოჩნდა: ოცდათვრამეტი კრონა მოგება დარჩა. ფული გულდასმით შეინახა ჯიბეში და კედელზე მიყუდებულ, ძველ, კიდებჩამომტვრეულ საფლაგის ქვაზე წარწერის წაკითხვა სცადა.

— რაბი იზრაელ ლევი, — წარმოთქვა კერნმა. — გარდაცვალების თარიღი გაურკვეველია. ეჭვი არაა, ერთ დროს მაღალგანსწავლული პიროვნება იყავი, ახლა კი მიწად იქეცი. რას მირჩევ, ახლა როგორ მოვიქცე? ამით დავკმაყოფილდე და შინ დავბრუნდე, თუ ბუდი ვცადო და სპეკულანტობა განვაგრძო, ეგებ მონაგები ორმოცდაათ მარკამდე შევავსო? — მან ჯიბიდან ხუთკრონიანი მონეტა ამოიღო. — თუმცა ეს შენ რაში გენაღვლება, მოხუცო. ასე არაა? მაშინ ემიგრანტის ბუდის განმგებელს — შემთხვევას დავეკითხები: თოხანი — თავს ვანებებ, ალჩუ — ვაჭრობას განვაგრძობ.

კერნმა მონეტა ბზრიანად ააგდო ჰაერში და დასაჭერად ხელი შეუშვირა. მაგრამ მონეტა ხელიდან გაუვარდა და საფლაგის ქვაზე დაეცა. კერნი საფლაგის ლოზეზე გადაძვრა და ფული ფრთხილად აიღო.

— ალჩუა! შენს საფლაგზე, რაბი! მაშასადამე, შენ მირჩევ ამას! აბა, წავედი! — და კერნმა ისე გამალებით მიაშურა უახლოეს სახლს, თითქოს ციხესიმაგრეზე იერიში მიაქვსო.

პირველ სართულზე კარი არავინ გააღო. კერნმა შეიცადა და კიბეს აუყვია. მეორე სართულზე გარეთ კოპწია მოსამსახურე გოგო გამოვიდა. კერნის ჩანთას რომ შეხედა, ტუჩები მოპრუწა და უსიტყვოდ მიუკეცა კარი.

კერნი მესამე სართულზე ავიდა. ორჯერ მოუხდა ზარის დარეკვა. ბოლოს კარში კაცი გამოჩნდა, რომელსაც დიღებჩახსნილი ჟილეტი ეცვა. კერნმა ლაპარაკი დაიწყო თუ არა, წამსვე აღშფოთებით შეაწყვეტინა:

— რაო? ტუალეტის წყალი? სუნამო? რა თავხედობაა! თქვენ რა, კითხვა არ იცით? როგორ მიბედავთ მე — „ანდრეა პარფიუმის“ ფირმის გენერალურ წარმომადგენელს თქვენი ნაგავი შემომთავაზოთ? წაეთრიეთ აქედან!

კაცმა კარი მიუჯახუნა. კერნმა ასანთი გაკრა და კარზე მიხრახნილ სპილენძის დაფას შეხედა. მართლაც ასე იყო: ბატონი იოზეფ შიმეკი იავად ყიდდა ბითუმად სუნამოს, ტუალეტის წყალსა და საპონს.

კერნმა საყვედურით გააქნია თავი:

— რაბი იზრაელო ლევი, რას ჰგავს ეს? ნუთუ ერთმანეთს გავუგეთ?

კერნმა მეოთხე სართულზე დარეკა. კარი ხალისიანმა, სქელმა ქალმა გაუღო.

— შინ შემოდით, — დანახვისთანავე შესთავაზა კერნს. — გერმანელი ხართ, არა? ლტოლვილი? შინ შემოდით!

ქალი კერნს ოთახში შეუძღვა.

— დაჯექით, — შესთავაზა ქალმა. — დაღლილი იქნებით.

— არც მაინცდამაინც.

პრალაში პირველად შესთავაზეს სკამი. კერნმა ეს იშვიათი შესაძლებლობა გამოიყენა და დაჯდა. მაპატიე, რაბი, გაიფიქრა მან, მე ავიქარდი. მაპატიე, ჯერ მთლად ახალგაზრდა ვარ, გამოუცდელი, რაბი იზრაელო. მერე ჩანთა გახსნა. ტანსრულ დიასახლისს მკერდზე ხელები დაეკრიფა, ფეხები გაეჩაჩხა და ისე დასცქეროდა ზემოდან.

— ეს სუნამოა? — ჰკითხა მან და პატარა შუშაზე მიუთითა.

— დიახ. — კერნი ელოდა, ქალი პირველ რიგში საპნით დაინტერესდებოდა. თითქოს ძვირფასი ქვააო, შუშა ზარზედით ასწია მაღლა. — ესაა კერნის „ფარ“ ფირმის განთქმული სუნამო. განუმეორებელი რამაა! „ანდრეა პარფიუმის“ ნაწარმივით მთხლე როდია, რომლის წარმომადგენელიც — ბატონი შიმეკი ერთი სართულით ქვემოთ ცხოვრობს.

— რას ამბობთ...

კერნმა შუშას სახურავი მოხსნა, მერე სუნამოში შუშის წკირი ჩაყო და ქალს მსუქან ხელისგულზე წაუსვა.

— თავად ნახეთ...

ქალმა ხელისგული დაყნოსა და თავი დააქნია.

— კარგი ჩანს. მაგრამ მარტო პატარა შუშები გაქვთ?

— აგერ უფრო მოზრდილი. აი კიდევ, ოღონდ ეს მეტად დიდია და ორმოცი კრონა ღირს.

— არაფერია. დიდი სჯობს, იმას დავიტოვებ.

კერნი საკუთარ ყურებს არ უჯერებდა. წმინდა მოგება თვრამეტი კრონა რჩებოდა.

— თუ თქვენ დიდ შუშა სუნამოს აიღებთ, ერთ ნაჭერ ნუშის საპონსაც დაგიმატებთ უფასოდ, — უთხრა გახარებულმა.

— კეთილი. საპონი ყოველთვის საჭიროა.

ქალმა სუნამო და საპონი აიღო და გვერდით ოთახში გავიდა. კერნმა თავისი საქონელი კვლავ ჩანთაში ჩაალაგა. ნახევრად ღია კარში ცეცხლზე შემოდგმული ხორცის წენიანის ოხშივარი გამოდიოდა. გადაწყვიტა, ამ საღამოს საკუთარ თავს მდიდრული ვახშმით გამასპინძლებოდა. რაც ვენცელპლატცეზე სტუდენტურ სასადილოში დადიოდა, ერთხელაც ვერ გამოძღა.

ქალი დაბრუნდა.

— მაშ ასე. დიდი მადლობა და მშვიდობით, — ალერსიანად უთხრა კერნს. — აი, ეს ბუტერბროდიც თან წაიღეთ.

- გმადლობთ, — კერნი წამოდგა და მომლოდინედ შეაცქერდა.
- რამე გნებავთ? — ჰკითხა ქალმა.
- დიახ, რა თქმა უნდა, — კერნმა გაიღიმა. — თქვენ ჩემთვის
 ჯერ ფული არ მოგიციიათ.
- ფული? რა ფული?
- ორმოცი კრონა, — უპასუხა განცვიფრებულმა კერნმა.
- აი, თურმე რა! ანტონ! — გასძახა ქალმა მეზობელ ოთახში. —
 ერთი აქეთ მოდი! აქ ვილაც-ვილაცები ფულს თხოულობენ!
 ოთახიდან აჭიმებიანი კაცი გამოვიდა. უღვაშზე ხელს ისვამდა და
 თან ილუკმებოდა. კერნმა შეამჩნია, კაცს ოფლიანი პერანგი კანტიან
 შარვალში ჰქონდა ჩატანებული. უცბად გულმა რეჩხი უყო.
- რა ფული? — იკითხა კაცმა და ყური გამოიქექა.
- ორმოცი კრონა, — უპასუხა კერნმა. — თუ გეძვირებათ, სუ-
 ნამო დამიბრუნეთ, საპონი კი თქვენ დაიტოვეთ.
- ასე, ასე! — კაცი მიუახლოვდა. კერნს ცხვირში ამჟავებული
 ოფლისა და ღორის ქონის სუნი ეცა. — აქეთ მოდი, ჩემო ბიჭუნა! —
 იგი მეორე ოთახთან მივიდა და კარი ფართოდ გამოაღო. — იცი, ეს რა
 არის? — და სკამის საზურგეზე გადაფენილი მუნდირი დაანახა. —
 გინდა ახლა ჩავიცვა და პოლიციის წავიდეთ?
- კერნმა ნაბიჯი უკან გადადგა. წარმოიდგინა, როგორ ჩასვამდნენ
 ორი კვირით საპატიმროში უნებართვო ვაჭრობისათვის.
- მე ბინადრობის ნებართვა მაქვს, — რაც შეიძლებოდა გულგ-
 რილად უთხრა მან. — შემიძლია გიჩვენოთ.
- მაგას სჯობს მუშაობის ნებართვა მიჩვენოთ, — უპასუხა კაცმა
 და სახეში მიაშტერდა.
- სასტუმროში დამრჩა.
- მაშინ სასტუმროში გასეირნება მოგვიწევს. იქნებ ჯობია ჩავთ-
 ვალოთ, რომ სუნამო გვაჩუქე?
- ეგრე იყოს. — კერნი კარისკენ შებრუნდა.
- აი, ეს ბუტერბროდი წაიღეთ თან, — უთხრა მოლიმარმა ქალმა.
- გმადლობთ, არ მჭირდება. — კერნმა კარი გამოაღო.
- უყურე შენ! ეს რა უმადური ვინმე ყოფილა!
 კერნმა კარი გაიჯახუნა და კიბეზე დაეშვა. მას აღარ გაუგონია,
 რა ხარხარი ატყდა მისი გაქცევის შემდეგ.
- რა მაგარი ხარ, ანტონ! — იჭაჭებოდა ქალი. — ნახე, როგორ
 მოკურცხლა? თითქოს შარვალში ბზიკი შეუძვრაო. იმ ებრაელზე
 სწრაფად გაიქცა, დღეს რომ გვესტუმრა. აშკარაა, პოლიციის კაპიტანი
 ეგონე და თავი უკვე საკანში წარმოიდგინა!
- ანტონი თვითკმაყოფილად გაიღმიჭა.
- მუნდირის ყველას ეშინია! თუნდაც ფოსტალიონის მუნდირისა.
 ჩვენც ამით ვხეირობთ. ემიგრანტები გვარიანად გვეხმარებიან. ასე
 არაა? — და ცოლს მკერდზე ხელი მოუთათუნა.
- კარგი სუნამოა. — ქალი ქმარს მიეხუტა. — ბევრად სჯობს
 ბებერი ებრაელის მიერ იმ დღეს მოტანილ ლოსიონს.
- ანტონმა შარვალი ზემოთ აიქაჩა.

— მაშ, ამ საღამოს ბარაქიანად დაიპყრე და მეც გრაფის ქალთან ვიკოტრიალებ ლოგინში. ქვაბში ხორცი კიდევ დარჩა?



კერნი ქუჩაში იდგა.

— რაბი იზრაელ ლევი, — სასაფლაოსკენ საყვედურით უკვირებოდა. — თქვენ მე გამანადგურეთ. ორმოცი კრონა დამაკარგვინებთ, ხოლო ბარაქიანად კი სულაც ორმოცდასამი. ეს ხომ ოცდაოთხი კრონა სუფთა ზარალია!

კერნი სასტუმროში დაბრუნდა.

— არავის ვუკითხივარ? — ჰკითხა კარისკაცს.

კარისკაცმა თავი გააქნია.

— არავის.

— ნამდვილად არავის?

— არა. არც ჩენოსლოვაკიის პრეზიდენტს.

— იმას არც ველოდებოდი, — უთხრა კერნმა.

კერნი კიბეს აუყვია. უკვირდა, მამამისმა ხმა რომ არ მოაწვდინა. იქნებ ის იქ მართლაც აღარ ცხოვრობდა ან ამასობაში პოლიციას ჩაუყვარდა ხელში. გადაწყვიტა ორი დღე დაეცადა და მერე კვლავ სწვეოდა ფრაუ ეკოვსკას. კერნი თავის ოთახში შევიდა. იქ ის კაცი დახვდა, ღამით რომ ყვიროდა. ის გვარად რაბე იყო. კაცი ტანთ იხდიდა.

— თქვენ რა, უკვე დაწოლას აპირებთ? — გაუკვირდა კერნს. — ჯერ ხომ ცხრა საათიც არაა.

რაბემ თავი დაუქნია.

— ამაზე უფრო ჭკვიანურს ვერაფერს გავაკეთებ. თორმეტ საათამდე მაინც ვიძინებ. ეს ის დროა, როცა მუდამ მეღვიძება. ისინი ბუნკერში ჩვეულებრივად შუალამისას მოდიოდნენ ხოლმე. ორი საათი ფანჯარასთან ვიჯდები, მერე ძილის წამალს დავლევი, ასე რომ, გამოსავალი ვიპოვე.

კაცმა საწოლთან ჭიქით წყალი დაიდგა.

— იცით, ყველაზე უფრო რა მამშვიდებს, როცა ღამით ფანჯარასთან ვზივარ? ლექსებს ვიხსენებ, სკოლაში ნასწავლ ლექსებს.

— ლექსებს? — გაოცდა კერნი.

— დიახ, სულ უბრალო ლექსებს. აი, მაგალითად, ასეთს, ბავშვებს რომ უმღერიან დაძინების წინ:

დავიღალე, მეძინება,
თვალები მეხუჭება.
ღვთის იმედი და წყალობა
ძილშიც ნუ მომაკლდება.

ღმერთო, თუ რამ შევცოდე,
გვედრები შემინდე.
ჰე, იესო ჯვარცმულო,
ცოდვები გამიქარწყლე.

თეთრსაცვლიანი კაცი დაღლილი, კეთილი მოჩვენებასავით იდგა ბინდიან ოთახში, ჩამქრალი თვალები ფანჯარაზე მომდგარი ღამისკენ მიეპყრო და წყნარად, მონოტონურად ღიღინებდა იავნანას.

— აი, ეს მამშვიდებს, — გაიმეორა მან და გაიღიმა. — არ ვიცი რატომ, მაგრამ მე ეს მამშვიდებს.

— შესაძლოა, — დაეთანხმა კერნი.

— ალბათ ეს სულელურად ჟღერს, მაგრამ მართლაც მამშვიდებს. ვწყნარდები და მეჩვენება, თითქოს კვლავ ჩემს სახლში ვარ.

კერნს გუნება წაუხდა, და თითქოს შეამცივდა — კუნძულად დაეხორკლა.

— ზეპირად აღარც ერთი ლექსი არ მახსოვს. ყველა დამავიწყდა. ასე მგონია, უსასრულოდ დიდი ხნის წინათ იყო, სკოლაში რომ დავდიოდდი.

— მეც აღარ მახსოვდა. მაგრამ, თქვენ წარმოიდგინეთ, მოულოდნელად ყველა გამახსენდა.

კერნმა თავი დაუქნია და წამოდგა. გარეთ გასვლას აპირებდა. ამასობაში რაბეს დაეძინებოდა და კერნიც მასზე აღარ იფიქრებდა.

— ოღონდ მაცოდინა, სალამოობით რა ვაკეთო! — თქვა კერნმა. — სალამო დაწყევლილი დროა. წასაკითხი კარგა ხანია აღარაფერი მაქვს. არც ის მეხალისება, ქვემოთ ვიჯდუ და ვიწუწუნო, რა კარგი იყო გერმანიაში, ნეტავ როდის დაბრუნდება-მეთქი ის ძველი დრო.

რაბე საწოლზე დაჯდა.

— კინოში წადით. დროის მოსაკლავად კინოს არაფერი სჯობს. მართალია მერე აღარ გახსოვს, რა ნახე, მაგრამ მთავარი ისაა, კინოს ყურებისას შენს სადარდელზე აღარ ფიქრობ.

რაბემ წინდები გაიხადა. კერნი ჩაფიქრდა.

— კინო, — ჩაილაპარაკა მან. მეზობელი ქალიშვილი ხომ არ დამეპატიჟებინა კინოშიო, გაიფიქრა უცებ.

— იცნობთ ვინმეს ჩვენი სასტუმროს მდგმურებიდან? — ჰკითხა რაბეს.

რაბემ წინდები სკამზე დააწყო და შიშველი ფეხის ცერები აათამაშა.

— ზოგიერთს. რატომ მეკითხებით? — თავის ცერებს ისე უკვირდებოდა, თითქოს პირველად ხედავსო.

— მეზობელ ოთახიდან?

რაბე ჩაფიქრდა.

— მანდ მოხუცი ქალი შიმანოვსკა ცხოვრობს. ის ომამდე ცნობილი მსახიობი იყო.

— მაგაზე არ გეკითხებით.

— მაგას მშვენიერი ყმაწვილი ქალი რუთ პოლანდი აინტერესებს, — თქვა სათვალღიანმა კაცმა, ოთახის მესამე ბინადარმა, რომელიც ერთი ხანია ღია კარში უსმენდა მათ საუბარს. ის რაინსტაგის ყოფილი დეპუტატი იყო, გვარად მარილი. — ასე არაა, კერნ, დონ ჟუანო? ხომ მართალი ვარ?

კერნი გაწითლდა.

— რა უცნაურია, — განაგრძო მარილმა. — ადამიანებს ბუნებრივზე უბუნებრივესი რამე აწითლებს, უხამსობა კი არა. დღეს კარგად ივაჭრეთ, კერნ?

— სრული მარცხი განვიცადე. ნაღდი ფული დავკარგე.

— თუ ეგრეა, ცოტაც მიახარჯეთ. ეს საუკეთესო საშუალებაა კომპლექსებისგან თავის დასახსნელად.

— სწორედ მაგას ვაპირებ, — უთხრა კერნმა. — კინოში მრავალი დივარ.

— ბრავო! ჩემი ვარაუდით, რაც თქვენს მორიდებულ გამოცდილებას ეფუძნება, რუთ პოლანდთან ერთად, არა?



— არ ვიცი. მე ხომ მას არ ვიცნობ.

— ჩვენ ადამიანების უმეტესობას არ ვიცნობთ. მაგრამ ოდესმე ხომ უნდა გაბედოთ და გაიცნოთ. წინ გასწით, კერნ. გამბედაობა ახალგაზრდობის უმშვენიერესი სამკაულია.

— როგორ გგონიათ, წამომყვება?

— რა თქმა უნდა. ესაა უბედური ემიგრანტული ცხოვრების ერთ-ერთი უპირატესობა. შიშისა და მოწყენილობის ტყვეობაში ჩავარდნილი ნებისმიერი ჩვენთაგანი მაღლიერი დაგრჩებათ გართობისთვის. ასე რომ, თავიდან მოიშორეთ მორცხვობა! შეუტიეთ! მუხლები არ აგიკანკალდეთ!

— „რიალტოში“ წადით, — ურჩია ლოგინში ჩაწოლილმა რაბემ. — იქ მაროკოზე ფილმს უჩვენებენ. ჩემი გამოცდილებით, ფილმი რაც უფრო უცხო ქვეყანას შეეხება, მით უფრო გავიწყებს საფიქრალს.

— მაროკო... ასეთი ფილმი მუდამ სასიამოვნოა, — შენიშნა მარილმა. — სხვათა შორის, ყმაწვილ ქალებისთვისაც.

რაბე ხვნეშით გაეხვია საბანში.

— ხანდახან ვნატრობ, ნეტავ ერთი ათი წლით დამაძინა-მეთქი!

— და ათი წლითაც დაგაბერათ? — ჰკითხა მარილმა.

რაბემ უნდობლად შემოხედა.

— არა, — უპასუხა მან. — მაშინ ხომ ჩემს შვილებსაც მოემატებათ ასაკი.

კერნმა მეზობელ კარზე დააკაკუნა. კარს იქიდან ვიღაც გამოეპასუხა. კარი გაიღო. კერნი შეცბა: მის წინ მოხუცი შიმანოვსკა იდგა. ქალს სახე ბუს მიუგავდა. პუდრის სქელი ფენით დაფარული ღრმა ნაოჭები დათოვლილ მთა-ბორცვებს მოაგონებდა კაცს. ღრმად ჩამჯდარი შავი თვალები თითქოს ჭიდან იყურებიანო. დედაბერი ისე მიაშტერდა კერნს, თითქოს ცოტაც და კლანჭებით სახეში ჩააფრინდებო. ხელში სინგურისფერი შალის ნაქსოვი ეკაგა შიგ გარჭობილი ორი ჩხირით. უეცრად სახე დაემანჭა. კერნმა იფიქრა, ახლა მეძგერებო, მაგრამ იმწამსვე ქალს რაღაც ღიმილის მაგვარმა გადაუარა სახეზე.

— რა გნებავთ, ახალგაზრდა მეგობარო? — ჰკითხა მან პათეტიკურად, დაბალი, თეატრალური ხმით.

— ფროილან პოლანდს მინდოდა დავლაპარაკებოდი.

ღიმილი, თითქოს არც ყოფილაო, ისე გაქრა.

— აჰ, ეგრეა?

შიმანოვსკამ ამრეზით შესედა კერნს და ჩხირები გამალებით ააჩხაკუნა.

რუთ პოლანდი საწოლზე მიწოლილიყო და კითხულობდა. კერნმა იაზრა, ეს ის საწოლი იყო, იმ ღამით რომ მიადგა. უეცრად წამოახურა.

— შეიძლება რაღაც გკითხოთ? — მიმართა ქალიშვილს.

ქალიშვილი წამოდგა და დერეფანში გაჰყვა, შიმანოვსკამ მათ ზურგს უკან დაჭრილი ფაშატივით დაიფრუტუნებოდა.

— მინდოდა შეკითხვა, კინოში ხომ არ წამოსხვიდათ რაღაც უთხრა კერნმა დერეფანში. — ორი ბილეთი მაქვს, — იცრუა მან.

რუთ პოლანდმა ყურადღებით შეხედა თვალებში.

— იქნებ არ გცალიათ? თუ ასეა...

ქალიშვილმა თავი გააქნია.

— არა, მცალია.

— მაშინ წავიდეთ კინოში! მთელ საღამოს ოთახში ხომ არ გაატარებთ.

— ამას უკვე მივეჩვიე.

— მით უარესი. ორიოდუე წუთი დავყავი თქვენს ოთახში და ერთი სული მქონდა, გარეთ როდის გამოვიდოდი. მეგონა, თქვენი მეზობელი შემჭამდა.

ქალიშვილმა გაიცინა და მოულოდნელად ბავშვს დაემსგავსა.

— შიმანოვსკა მხოლოდ გარეგნულად არის ასეთი. სინამდვილეში კეთილი გულის პატრონია.

— შეიძლება ეგრეცაა, მაგრამ ეს შუბლზე არ აწერია. ფილმი თხუთმეტ წუთში დაიწყება. წამოხვალთ?

— კარგი, — დაეთანხმა რუთი. ისეთი კილოთი, თითქოს რაღაც სერიოზული გადაწყვეტილება მიიღო.

კერნი საღაროებთან დაწინაურდა.

— ერთი წუთით დამელოდეთ. ჩვენთვის გადანახულ ბილეთებს გამოვართმევ.

კერნმა ორი ბილეთი აიღო. იმედოვნებდა, ქალიშვილი ვერაფერს შეამჩნევდა. თუმცა ამას რაღა მნიშვნელობა ჰქონდა. რაც მთავარია, ქალიშვილი უკვე გვერდით ეჯდა.

დარბაზში შუქი ჩაქრა. ეკრანზე მზით გაჩახახებული, თვალწარმტაცი მარაკეშის ციხესიმაგრე გამოჩნდა, უდაბნოს ბზინვა გაუდიოდა... აფრიკის ცხელი ღამის სიჩუმეს ფლეიტების და ტამბურილების ხმები არღვევდა.

რუთ პოლანდი სავარძლის საზურგეს მიეყრდნო. მუსიკა მონოტონურ, თბილ წვიმასავით გადმოიღვარა, გონებაში მტკივნეული მოგონებანი ამოტივტივდა...

რუთი ნიურნბერგის ციხესიმაგრის დამცავ თხრილთან იდგა. ეს იყო აპრილში, საღამო ხანს. მის წინ სიბნელეში სტუდენტ ჰერბერტ ბილინგის ფიგურა ჩანდა, რომელსაც ხელში დაჭმუჭნილი გაზეთი ეჭირა.

— გაიგე, რა ვითხარი, რუთ?

— დიას, გავიგე, ჰერბერტ! ეს ხომ ადვილი გასაგებია.

ბილინგი ნერვიულად ჭმუჭნიდა „შტიურმერს“.

— გაზეთში მლანდავენ როგორც ურიების ლაქიას, როგორც რასის წამბილწველს! ეს ხომ ნამდვილი კატასტროფაა? გესმის?

— დიას, ჰერბერტ.

— რამე გამოსავალი უნდა მოვნახო. მთელი ჩემი კარიერა საფრთხეშია. ამ გაზეთს ხომ ყველა კითხულობს! გაიგე?

— დიას, ჰერბერტ. გაზეთში მეც ვარ მოხსენიებული.

— ეგ სულ სხვა საქმეა! ამას შენთვის რაღა მნიშვნელობა აქვს? შენ ხომ ისედაც დაგითხოვეს უნივერსიტეტიდან.

— მართალი ხარ, ჰერბერტ.

— ასე რომ, მორჩა, არა? ერთმანეთს ვცილდებით, და ჩვენ შორის ვეყლაფერი გათავდა.

— გათავდა. მშვიდობით.

რუთი შებრუნდა და წავიდა.

— მოიცა, რუთ. ერთი წამით გაჩერდი!

რუთი შედგა. ჰერბერტი მიუახლოვდა. სახე ისე ახლოს მიუტანა, რომ რუთმა მისი სუნთქვა იგრძნო.

— მომისმინე, — მიმართა ჰერბერტმა, — ახლა სად მიდიხარ?

— შინ.

— რა გეჩქარება... — ვაჟი აჩქარებით სუნთქავდა. — რასაკვირველია, როგორც მოვილაპარაკეთ, ყველაფერი ისევე დარჩება. ასე არაა? მაგრამ შენ შეგვიძლია... ჩვენ შეგვიძლია... სწორედ ამ საღამოს ჩვენთან სახლში არავინ იქნება, ხომ გესმის? ვერავინ დაგვინახავს. — ვაჟმა მკლავში წაავლო ხელი. — რატომ უნდა დავცილდეთ ერთმანეთს ასე ოფიციალურად... ხომ შეგვიძლია ერთხელაც...

— გამშორდი! — უთხრა ქალიშვილმა. — ახლავე გამშორდი!

— გონიერება გამოიჩინე, რუთ. — ვაჟმა ხელი მოხვია.

რუთი შესცქეროდა ვაჟის ლამაზ სახეს, ვაჟისა, რომელიც უყვარდა და რომლისაც ბრმად სჯეროდა. მერე სილა გააწნა.

— გამშორდი! — დაუყვირა რუთმა და ცრემლი წასკდა. — გამშორდი!

ბილინგი წაბარბაცდა.

— რას მიბედავ! გამარტყი? მე გამარტყი? შე ბინძურო ებრაელო ღორო, მე გამიბედე გარტყმა?

ისეთი სახე ჰქონდა, ლამის სცემოდა ქალიშვილს.

— გამშორდი! — დაუკივლა რუთმა.

დამფრთხალმა ბილინგმა ირგვლივ მიმოიხედა.

— ხმა ჩაიკმინდე! — გამოსცრა მან. — გინდა სალხი შემიყარო? რასაკვირველია, ეს შენ ხელს გაძლევს! ჰო, მივდივარ, მორჩი, მივდივარ! მადლობა ღმერთს, შენგან თავი დავიხსენი.

„Quand l'amour meurt* — მოისმოდა ეკრანიდან ქალის ხავერდოვანი ხმა კაფეს ხმაურსა და კვამლში. რუთ პოლანდმა შუბლზე ხელი გადაისვა. ახლა სხვა ყველაფერს მნიშვნელობა დაეკარგა: ნათესავების

* როცა სიყვარული კვდება (ფრანგ.).

შიშს, რომლებთანაც ის ცხოვრობდა, ბიძის წუწუნს, საჩქაროდ აქედან გაემგზავრე, თორემ მეც დამაპატიმრებენო... ანონიმურ წერილს, რომლითაც აფრთხილებდნენ, თუ სამ დღეში აქაურობას არ გაეცლები, როგორც არიული რასის წამბილწველს, თავს გადაგპარსავენ, მკერდზე და ზურგზე სამარცხვინო წარწერით ოთხთვალით მთელ ქალაქს მოგატარებენო... დედის საფლავზე გასვლას... წვიმიან დღეებში დაღუპულ მეომართა ძეგლთან დგომას, საიდანაც მამაშისის გვარი ამოეფხიკათ, რომელიც 1916 წელს ფლანდრიაში დაიღუპა... მამა ებრაელი იყო... დაბოლოს უკანმოუხედავად გაქცევას პრაღაში, როდესაც მართომ გადალახა საზღვარი... ჯიბეში დედის დანატოვარი ორიოდუ სამკაული ედო...

ეკრანზე კვლავ აქლერდნენ ფლეიტები და ტამბურინები. მათი ხმა უცხოური ლეგიონის მარშმა გადაფარა. გაისმა ბუკის მკვეთრი, აღმგზნები მოწოდება, რომელმაც უდაბნოში ლასლასით მიმავალი უგვართომო მეომრების ასეულებს გადაუარა.

კერნი რუთისკენ გადაიხარა.

— მოგწონთ?

— დიას.

კერნმა ჯიბიდან პატარა ფლაკონი ამოიღო და ქალიშვილს გაუწოდა.

— ოდეკოლონია, — წასჩურჩულა მან. — აქ ძალზე ცხელა. ეგებ ცოტა გაგაგრილოთ.

— გმადლობთ.

რუთმა ორიოდუ წვეთი დაისხა ხელისგულზე. კერნს არ შეუმჩნევია, როგორ აუცრემლდა თვალები ქალიშვილს.

— გმადლობთ, — გაიმეორა რუთმა.

შტაინერმა კვლავ მიაკითხა კაფე „ქელებარდეს“. კელნერს ხუთ-შილინგიანი მისცა და ყავა შეუკვეთა.

— დაფრეკო? — ჰკითხა კელნერმა.

შტაინერმა თავი დაუქნია. ბოლო ხანს იგი მეტ-ნაკლები წარმატებით თამაშობდა სხვადასხვა რესტორანში და უკვე თითქმის ხუთას შილინგს მოუყარა თავი.

კელნერმა გაზეთების დასტა მოუტანა და წავიდა. შტაინერმა გაზეთი გაშალა და კითხვა დაიწყო. მაგრამ მალე მიატოვა. მსოფლიოს ამბები მაინცდამაინც არ აინტერესებდა. წყალში ჩაძირული მხოლოდ იმას ფიქრობს, ზედაპირზე როგორ ამოტივტივდეს. მისთვის არავითარი მნიშვნელობა არა აქვს, რა ფერის თევზები დაცურავენ მის ირგვლივ.

კელნერმა ყავა და ჭიქა წყალი მოუტანა.

— ის ბატონები ერთ საათში მოვლენ.

კელნერი მაგიდასთან შეყოვნდა.

— რა კარგი ამინდია დღეს, არა? — თქვა მან ცოტა ხნის მერე.

შტაინერმა თავი დაუქნია და კედელზე გაკრულ რეკლამას შეხედა, რომელიც იუწყებოდა: ქერის ლუდი სვით, თუ გსურთ სიცოცხლე გაიხანგრძლივოთო.

კელნერი დახლისკენ წაფრატუნდა. მალე ლანგარით ისევ მოუტანა ჭიქა წყალი.

— მაგას სჯობს ალუბლის არაყი მომიტანოთ, — უთხრა შტაინერმა.

— როგორც გენებოთ! ახლავე!

— თქვენთვისაც მოიტანეთ. ერთად დავლიოთ.

კელნერმა თავი დაუკრა.

— გმადლობთ, ჩემო ბატონო! გეტყობათ, ჩვენისთანებულნი ვართ. ეს დიდი იშვიათობაა დღეს.

— რაებს ამბობთ! — უპასუხა შტაინერმა. — უბრალოდ, მომწინდა მარტო სმა და სხვა არაფერი.

— ისეთ ხალხსაც ვიცნობდი, ვისაც მოწყენილობის გამო გაცილებით უარესი აზრები მოსვლია თავში, — შენიშნა კელნერმა.

კელნერმა არაყი გადაკრა და ხვანჩი მოიფხანა.

— მომისმინეთ, ბატონო, — უთხრა იდუმალი ხმით. — ვიცი, თქვენ რაც გაინტერესებთ. თუ ნებას დამრთავთ, რჩევას მოგცემთ. გირჩევთ გარდაცვლილი ავსტრიელის პასპორტი აიღოთ. არის კიდევ გარდაცვლილი რუმინელების პასპორტები, რომლებიც ამაზე უფრო იაფია, მაგრამ, ერთი მითხარით, რუმინული ვინ იცის?

შტაინერი დაუინებით დააცქერდა. კელნერი ხვანჩს შეეშვა და კეფა მოიფხანა. ერთდროულად ფეხს ძალღვივით აფხაჭუნებდა იატაკზე.

— რა თქმა უნდა, ყველაზე უკეთესი ამერიკულია ან ინგლისური, — ჩაფიქრებით თქვა მან, — მაგრამ ამერიკელი ავსტრიაში ძალზე იშვიათად თუ მოკვდება. ვთქვამთ, კიდევ რომ დაიღუპოს ავტოკატასტროფაში, როგორ გინდა პასპორტი ჩაიგდო ხელში?

— ჩემი აზრით, ავსტრიულს გერმანული სჯობს, — უთხრა შტაინერმა. — გაცილებით ძნელი შესამოწმებელია.

— მართალია. მაგრამ სამუშაოს ნებართვას არ მოგცემენ, მხოლოდ ბინადრობის ნებართვა გექნებათ. მიცვალებული ავსტრიელის საბუთით კი მთელს ავსტრიაში მუშაობა შეგეძლება.

— სანამ არ დამიჭერენ.

— კი, რა თქმა უნდა! მაგრამ, ერთი მითხარით, ვის იჭერენ ავსტრიაში! უკიდურეს შემთხვევაში, თუ სხვა ეგონებით...

შტაინერს უნებურად გაეცინა.

— მაშ, ზოგჯერ შეიძლება სხვაში შეეშალო. ასე რომ, მაინც საშიშია.

— იცით, რას გეტყვით, ბატონო, — მიუგო კელნერმა. — მე რომ მკითხოთ, ზოგჯერ ცხვირის გამოჩინებაც საშიშია.

— მართალია. ოღონდ ამისთვის ციხეში არ ამოგაყოფინებენ თავს. კელნერმა ცხვირი ნაზად მოისრისა.

— მე თქვენთვის კარგი მინდა, ბატონო, — უთხრა მან. — ამ საქმეში რაღაც გამეგება. დამიჯერეთ, მკვდარი ავსტრიელის საბუთი ყველაზე რეალურია.

ათი საათი სრულდებოდა, პასპორტით მოვაჭრე ორი კაცი რომ შემოვიდა კაფეში. ლაპარაკი ჩიტისთვალეა ცქვიტმა კაცმა წამოიწყო. მეორე — სქელი, ტანშიმე კაცი, რომელიც მოლაპარაკებას ესწრებოდა, ხმას არ იღებდა.



ეროვნული
ბიბლიოთეკა

პირველმა გერმანული პასპორტი ამოიღო.

— ჩვენს წრეში გავიკითხეთ. ეს პასპორტი თქვენს სახელზე შეიძლება გაფორმდეს. გარდაცვლილის ანკეტურ მონაცემებს ამოვფხვკო და თქვენს ნამდვილ მონაცემებს ჩავწერთ. რასაკვირველია, გარდა დაბადების ადგილისა. აუგსბურგზე დათანხმება მოგიწოდებენ იქაური ბეჭედი აზის. ოღონდ ეს დამატებით ორასი შილინგად დაგხატებათ. თავად გესმით, რთული გასაკეთებელია.

— მაგდენი ფული არა მაქვს, — უთხრა შტაინერმა. — თანაც ჩემთვის სულ ერთია, პასპორტი ჩემს გვარზე იქნება თუ არა.

— მაშინ როგორც არის, ისე აიღეთ, გადაუკეთებლად, ჩვენ მხოლოდ ფოტოს შევცვლით. ბეჭდის კიდეს, რომელიც ფოტოზე ემჩნევა, უფასოდ გაგიკეთებთ.

— მაინც არ გამომადგება. მე მინდა ვიმუშავო. მაგ პასპორტით კი მუშაობის ნებართვას ვერ მივიღებ.

ორატორმა მხრები აიჩეჩა.

— მაშინ მხოლოდ ავსტრიული პასპორტილა რჩება. ამ საბუთით მუშაობა შეგიძლება.

— იმ პოლიციის განყოფილებას შეკითხვა რომ გაუგზავნონ, რომელმაც პასპორტი გასცა?

— რატომ შეეკითხებიან, თუკი თქვენ არაფერს დააშავებთ?

— სამასი შილინგი, — უთხრა შტაინერმა.

ორატორი აღშფოთდა:

— ჩვენ მტკიცე ნიხრით ვიმუშაობთ, — ხუთასი. გროშიც არ დააკლდება.

შტაინერი დუმდა.

— გერმანული შეიძლება ნაკლებადაც მოგცეთ, გერმანულ პასპორტს ხშირად ვმოულობთ, ავსტრიული კი იშვიათობაა. და საერთოდ, რაში სჭირდება ავსტრიელს პასპორტი? სამშობლოში არაფერში გამოადგება, საზღვარგარეთ კი ის თითქმის არ გადის. მით უმეტეს, რომ ვალუტის გატანა ძალზე შეზღუდულია. ხუთას შილინგად, ჩათვალეთ, ნაჩუქარია!

— სამას ორმოცდაათი.

ორატორი გაწიწმატდა:

— სამას ორმოცდაათი ჩვენ თავად გადავუხადეთ გარდაცვლილის ოჯახს. ვერ წარმოიდგენთ, როგორ გავწვალდით. ამას დაურთეთ საკოძისიო და ზედნადები ხარჯები. გარდაცვლილის მიმართ მოწიწება ძვირი ჯდება, ბატონო! სასაფლაოდან მობრუნებულ ჭირისუფალს რამე რომ დასტყუო, ნაღდი უნდა ჩაუჩხრიალო! მხოლოდ ნაღდი ფული თუ შეუშრობს ცრემლს და გაუნელებს დარღს. ოთხას ორმოცდაათად დაგიტომობთ ჩვენდა საზარალოდ და მხოლოდ იმიტომ, რომ კარგი თვალით შემოგხედეთ.

ბოლოს ოთხასზე შეთანხმდნენ. შტაინერმა საფულედან თავისი ფოტო ამოიღო, რომელიც ქუჩის ავტომატზე ერთ შილინგად გადაიღო. პასპორტით მოვაჭრეებმა ფოტო წაიღეს და ერთ საათში მზა პასპორტი მოიტანეს. შტაინერმა საფასური გადაუხადა და პასპორტი საგულდაგულოდ შეინახა ჯიბეში.

— ბედნიერებას ვისურვებთ! — უთხრა ორატორმა. — და ერთ რჩევასაც მოგცემთ. როცა ვადა გაუვა, გასაგრძელებლად ჩვენ მოგვაკითხეთ. თარიღს ამოვფხვკეთ და ახალს დავუსვამთ. ადვილი საქმეა. ერთადერთ სირთულეს ვიზა წარმოადგენს. რაც უფრო გვიან დაგვირდებათ ვიზა, მით უკეთესი... მით უფრო დიდი ხნით შეიძლება ვიზის ვადის გაგრძელება.

— ამის გაკეთება ხომ ახლავე შეიძლებოდა, — უსაყვედურა შტაინერმა.

ორატორმა თავი გააქნია.

— თქვენთვის ასე სჯობს. თქვენ ახლა ნამდვილ პასპორტს ფლობთ, რომელიც ნაპოვნითაა. ფოტოს გამოცვლა იმდენად არ ისჯება, რამდენადაც ჩანაწერის გადასწორება. ასე რომ, ერთი წელიწადი შეგიძლიათ მშვიდად იყოთ. ამ ხნის განმავლობაში შეიძლება ბევრი რამ მოხდეს.

— იმედია.

— რასაკვირველია, საიდუმლო მკაცრად უნდა დაიცვათ. შევთანხმდით, არა? ეს ჩვენი საერთო ინტერესებიდან გამომდინარეობს. უკიდურეს შემთხვევაში, თუ სოლიდური რეკომენდაციით გამოგვიგზავნით ვინმეს, ჩვენი მოგება აღარ გაგიჭირდებათ. მაშ, ღამე მშვიდობის.

— ღამე მშვიდობის.

— Strzelt miecze* — სქელმა კაცმა, როგორც იქნა, დაარღვია ღუმელი.

— მაგან გერმანული არ იცის, — ჩაიციხა ორატორმა შტაინერის გაკვირვებული შემოხედვის პასუხად. — სამაგიეროდ ყალბი ბეჭდების დამზადების გასაოცარი ოსტატია. მაგარი სპეციალისტია!

შტაინერი ვაგზალზე გავიდა და ზურგჩანთა შემნახველ საკანში ჩააბარა. პანსიონიდან წინა სალამოს წამოვიდა და ღამე ვაგზლის მიმდებარე პარკში გაათენა. დილით ტუალეტში ულვაში გაიპარსა და ფოტო გადაიღო. რალაცნაირ მძაფრ კმაყოფილებას გრძნობდა: ის ახლა მუშა იყო! იოჰან ჰუბერი გრაციიდან.

გზაში შეჩერდა. ერთი საქმე გაახსენდა იმ დროიდან ვალად გადმოყოლილი, როცა გვარად შტაინერი იყო. ტელეფონის ჯიხურში შევიდა და ტელეფონების ცნობარი გადაფურცლა.

— ლეოპოლდ შეფერი, — ბუტბუტებდა ის, — ტრაუტენგასე 27. — ეს სახელი და გვარი მეხსიერებაში ჩაებეჭდა.

ნომერი იპოვა და დარეკა. ყურმილში ქალის ხმა გაისმა.

— პოლიციელი შეფერი შინაა? — ჰკითხა შტაინერმა.

— დიახ. ახლავე დავუძახებ.

— აუცილებელი არაა, — სწრაფად უთხრა შტაინერმა. — ჩვენ ელიზაბეთპრომენადედან გირეკავთ, პოლიციის სამმართველოდან. თორმეტ საათზე ჩხრეკა ტარდება. პოლიციელი შეფერი, თორმეტს თხუთმეტი რომ დააკლდება, აქ უნდა იყოს. გაიგეთ?

* მაგრად იყავით (პოლონ.).

— დიას. თორმეტს რომ თხუთმეტი დააკლდება.

— კეთილი. — შტაინერმა ყურმილი დაკიდა.

ტრაუტენგასე ვიწრო, წყნარი ქუჩა აღმოჩნდა, სადაც წვრილფეხა ბიურგერების უსახური სახლები იდგა. შტაინერმა გულდასმით შეათვალიერა სახლი № 27. ის არაფრით განსხვავდებოდა სხვებისგან და მაინც შტაინერს განსაკუთრებით უგვანი ეჩვენა. მისი სახლიდან ცოტა მოშორებით ჩასაფრდა.

პოლიციელი შეფერი აჩქარებით, რიხიანად გამობრაგუნდა ქუჩაში. შტაინერი ისეთი ვარაუდით დაიძრა მისკენ, რომ ბნელ ადგილას შეხვედროდა. გაუსწორდა თუ არა, მხარი ღონივრად გაჰკრა.

შეფერი წაბარბაცდა.

— მთვრალი ხარ, შე ოხერო? — დაულრიალა მან. — ვერ ხედავ, რომ შენ წინ ფორმიანი პოლიციელია?

— ვერა, — უპასუხა შტაინერმა. — მე მხოლოდ ბინძურ ნაბუშარს ვხედავ! ნაბუშარს, გაიგე?

შეფერს წამით ლაპარაკის უნარი წაერთვა.

— ჰეი, შენ, — წამოიძახა მერე. — გეტყობა, გიჟი ხარ! ამას ახლავე გავარკვევთ! აბა, წამო უბანში!

რევოლვერის ამოღება დააპირა. შტაინერმა ხელში წიხლი სთხლიშა, ელვისუსწრაფესად მიეჭრა და მამაკაცისთვის ყველაზე დამამცირებელი რამ აკადრა: ორივე ლოყაში რიგრიგობით სილა გააწნა.

პოლიციელმა ერთი ამოიხრიალა და შტაინერს ეცა. შტაინერმა დარტყმა აიციდინა და შეფერს ცხვირში მარცხნიდან სვინგი უთავაზა. შეფერს მაშინვე სისხლი წასკდა.

— ნაბუშარო! — ბურღლუნებდა შტაინერი. — მყრალო ნეხვო! მძორო!

მძლავრი პირდაპირი დარტყმით შეფერს ტუჩები გაუხეთქა. იგრძნო, კბილები ჩაუმტვრია. შეფერი ძლივს იდგა ფეხზე.

— მიშველეთ! — იყვირა მან ქალის გამკიფანი ხმით.

— მოკეტე! — დაუჯაჯლანა შტაინერმა. ნიკაპში მარჯვენა სთხლიშა და მყისვე მოკლედ მოქნეული მარცხენა უთავაზა მზის წნულში. შეფერმა გომბეშოსავით დაიყიყინა და მოჭრილი ხესავით დაეხეთქა მიწას.

აქა-იქ ფანჯრებში შუქი აინთო.

— რა მოხდა, რა ამბავია? — დაიძახა ვიღაცამ.

— არაფერი, — სიბნელიდან უპასუხა შტაინერმა. — მთვრალია.

— ეშმაკმაც წაიღოს ლოთების თავი! — გაჯავრებით დაიძახა იმავე ხმამ. — პოლიციაში წაიყვანეთ.

— გზაც სწორედ იქითკენ აქვს!

— მანამ ერთი-ორი უთავაზეთ გამოთაყვანებულ სიფათში!

ფანჯარა მიიხურა. შტაინერმა ჩაიციინა და თავი უახლოეს კუთხეს შეაფარა. დარწმუნებული იყო, შეფერი სიბნელეში მის შეცვლილ სახეს ვერ იცნობდა. რამდენიმე ქუჩა გაიარა და ხალხმრავალ უბანში ამოყო თავი. აქ ნაბიჯი შეანელა.

ყველაფერი ეს უცნაური და თანაც გულისამრევია, გაიფიქრა მან, ასე ვთქვათ, სასაცილო შურისძიებაა! და მაინც ერთგვარი საზღაურია მიუსაფრობასა და მალვაში გატარებული წლების წილ! ცხოვრება ისეთი

უნდა მიიღო, როგორც არის! შტაინერი ფარნის ქვეშ გაჩერდა და პასპორტი ამოიღო. იოჰან ჰუბერი! მუშა! შენ მკვდარი ხარ და სადღაც გრაცში, მიწაში წევხარ, შენი პასპორტი კი ცოცხალია და კვლავ ცხელია. მე — იოზეფ შტაინერი — ცოცხალი ვარ, მაგრამ მოხელეების თვალში უპასპორტოდ მკვდრად ვითვლები. იოჰან ჰუბერო, შტაინერი ვცვალოთ: წაიღე ჩემი უსაბუთო სიკვდილი და მომეცი შენი საბუთიანი სიცოცხლე! რაკილა ცოცხლები არ გვშველიან, მკვდრებო, თქვენ მაინც გვიშველეთ!

VI

კვირა საღამოს სასტუმროში დაბრუნებულ კერნს ოთახში მარილი დახვდა. ძალზე აღელვებული იყო.

— როგორც იქნა, ვიღაც გამოჩნდა! — წამოიძახა მან. — ამ წყეულ ბუნაგში, როცა საჭიროა, კაციშვილს ვერ იპოვი! ყველა სადღაც დაწანწალებს! ყველას რაღაც საქმე აქვს! სასტუმროს პატრონიც სადღაც დაიკარგა, ღმერთმა დასწყევლოს მისი თავი!

— რა მოხდა? — ჰკითხა კერნმა.

— ვინმე შეანი ქალის მისამართი ხომ არ იცით? ან ექიმის, ექიმ-გინეკოლოგის ან ვინმესი?

— არა.

— რა თქმა უნდა, არ გეცოდინებათ! — მარილი სახეზე დააკვირდა. — თქვენ შეგნებული კაცი ჩანხართ, კერნ. წამომყევით. ქალთან უნდა დაგტოვოთ. მე წავალ და შეანს მოვძებნი. შეძლებთ ამას?

— რას?

— ყურადღება უნდა მიაქციოთ, ქალს ბევრი მოძრაობის საშუალება არ მისცეთ, ელაპარაკეთ, მოკლედ, რამე გააკეთეთ!

მარილმა კერნი წაიყვანა, რომელიც ვერ ხვდებოდა, რა მოხდა. დერეფანი გაიარეს, კიბეს ჩაუყვინნ და ქვემო სართულზე პატარა ოთახში შევიდნენ. ერთადერთ საწოლზე ქალი იწვა და კვნესოდა.

— მეშვიდე თვეშია! ნაადრევი მშობიარობაა თუ რაღაც ამდაგვარი! დაამშვიდეთ, თუ შეგიძლიათ! მე ექიმს მოვიყვან. — კერნს გონს მოგება არ აცალა, ისე გაფარდა გარეთ.

ქალმა დაიკვნესა. კერნი ფეხაკრეფით მივიდა საწოლთან.

— გნებავთ რამე? — ჰკითხა კერნმა.

ქალი კვნესოდა. გამოსუნებული ქერა თმა ოფლისგან შეწებებოდა. გაფითრებულ სახეზე შავ ლაქებად აჩნდა უჩვეულოდ მსხვილი ჭორფლი. თვალები გადატრიალებოდა, ნახევრად ღია ქუთუთოებში მხოლოდ თვალის თეთრი გარსი მოუჩანდა. ბინდში თეთრად დაკრეჭოდა კბილებიც.

— გნებავთ რამე? — გაუმეორა კერნმა.

კერნმა ოთახს მოავლო თვალი. სკამის საზურგეზე დაუდევრად მიეგდოთ იაფფასიანი თხელი საწვიმარი. საწოლთან გაცვეთილი ფეხსაცმელები ეყარა. ქალი საწოლში ტანსაცმლიანად იწვა. ეტყობა, ერთბაშად წაიქცა. მაგიდაზე წყლიანი ბოთლი იდგა, პირსაბანთან ჩემოდანი.

ქალი კვნესოდა და ლოგინში წრიალებდა. კერნი დაიბნა. გაახსენდა მარილის დანაბარები და ის მცირე ცოდნა, რაც უნივერსიტეტში ერთი წლის განმავლობაში შეიძინა, და სცადა ქალისთვის მხრები დაე-

ჭირა. მაგრამ ეს ისეთივე ძნელი აღმოჩნდა, როგორც გველის ხელში დაჭერა. კერძი მის შეკავებას ლამობდა, მაგრამ ქალი გაუსხლტდა და ხელი ჰკრა, მერე მოულოდნელად ხელები მალლა შემართა და მისვე მთელი ძალით კერძს მკლავში ჩააფრინდა.

კერძი მილურსმულივით იდგა. ვერასდროს ეჭვით იდგენდა, თუ ქალი ასეთი ღონიერი აღმოჩნდებოდა. ქალი თავს სხვათა მსგავსად მულღით ატრიალებდა და თან შემადრწუნებლად, ყრუდ გმინავდა, თითქოს ხმა ჭის სიღრმიდან ამოდისო.

უცბად ქალი ერთიანად დაიკრუნჩხა, საბანი გადაეხადა და კერძმა მოშავო-მოწითალო ლაქა დაინახა ზეწარზე, რომელიც თანდათან იზრდებოდა. კერძი შეეცადა თავი გაეთავისუფლებინა, მაგრამ ქალს მარწუნავით შემოეჭდო ხელები. კერძი მოჯადოებულებით უცქერდა ლაქას, რომელიც თანდათან ფართო ზოლად გადაიქცა, ზეწრის კიდეს მიადწია და წვეთ-წვეთად გადაედინა. მალე იატაკზე შავი გუბე დადგა.

— გამიშვით! გამიშვით! — კერძი განძრევას ვერ ბედავდა, — ქალი არ შევაწუხოო. — გამიშვით! — კბილებს შუა ცრიდა იგი. — გამიშვით!

მოულოდნელად ქალი მოდუნდა, კერძს ხელი გაუშვა და ბალიშზე გადაწვა. კერძმა საბანს სტაცა ხელი და ოდნავ ასწია. სისხლი ტყაპანით გადმოედინა იატაკზე. კერძი წამოხტა და რუთ პოლანდის ოთახისკენ გაქანდა.

რუთი მარტო იჯდა ლოგინზე გაშლილ წიგნებს შორის.

— წამოდით! — დაუძახა კერძმა. — ქვემოთ ქალი სისხლისგან იცლება.

მათ ქვემოთ ჩაირბინეს. ოთახში უფრო ჩამობნელებულიყო. ფანჯარაზე მომდგარი დაისის შუქი მაგიდასა და იატაკზე იღვრებოდა. სხივის წითელი ანარეკლი წყლიან ბოთლში ლალივით კიაფობდა. ქალი აღარ ინძრეოდა და თითქმის აღარც სუნთქავდა.

რუთ პოლანდმა საბანი გადახადა. ქალი სისხლში ცურავდა.

— სინათლე აანთეთ! — დაუძახა რუთმა კერძს.

კერძმა ჩამრთველს მიაშურა. ოთახი ელნათურის მქრქალი შუქისა და ჩამავალი მზის სხივების ნაზავმა გაანათა. მოყვითალო-წითელ ბურუსში მწოლიარე ქალი მოჩანდა. ისეთი შთაბეჭდილება იქმნებოდა, თითქოს საწოლზე ქალი კი არა, უფორმო მუცელი ეგდო, ხოლო ზემოდან სისხლიანი, დაჭმუჭნილ-დასრესილი კაბა ჰქონდა წაფარებული. საიდანაც წინდებჩამოჩაჩული, უცნაურად შებრუნებული, მოდუნებული ფეხები გამოჩრილიყო.

— პირსახოცი მომაწოდეთ! სისხლის დენა უნდა შევუჩეროთ! იქნებ სადმე რამე იპოვოთ!

რუთმა მკლავები დაიკაპიწა და ქალის განდას შეუდგა. კერძმა პირსახანთან დაკიდებული პირსახოცი ჩამოიღო და მიაწოდა.

— მალე ექიმი მოვა! მარილია წასული მის მოსაყვანად!

კერძი სახვევების ძებნაში ჩემოდანს დასწვდა და გადმოაპირქვავა.

— რასაც იპოვით, მაშინვე მომაწოდეთ! — დაუძახა რუთმა.

ჩემოდნიდან იატაკზე ჩვილის თეთრეული გადმოიყარა. პაწაწინა

პერანგები, სახვევები, ცხვირსახოცები, ვარდისფერი და ღია ცისფერი ძაფით ნაქსოვი ორი პატარა ჟაკეტი, ლენტები და აბრეშუმის ქობით გაწყობილი. ბოლოს ნაზი ცისფერი შალის ძაფის გორგალი გადმოვარდა და უხმაუროდ გაგორდა იატაკზე.

— მომეცით! — რუთმა სისხლიანი პირსახოცი გადააგდო. კერნმა სახვევები და ცხვირსახოცები მიაწოდა. მალე კიბეზე ფეხის ქვეშავეს დაეხრებოდა, კარი გაიღო და ოთახში მარილი და ექიმი შემოვიდნენ.

— ღმერთო ჩემო, ეს რა ამბავია!

ექიმმა საწოლს მიაშურა, რუთი გვერდზე გასწია და ქალისკენ დახარა. მალე გასწორდა და მარილს მიმართა:

— საჩქაროდ დარეკეთ ნომერზე 2167. უთხარით, ბრაუნი სასწრაფოდ წამოვიდეს და თან ყველაფერი წამოიღოს, რაც ნარკოზსა და ბრასტონპიკსის ოპერაციას სჭირდება. გაიგეთ? გარდა ამისა, ყველაფერი, რაც სისხლის დენის შესაჩერებლად არის საჭირო.

— კარგი.

ექიმმა მიმოიხედა.

— თქვენ გარეთ გადით! — უთხრა კერნს. — ფროილაინ, თქვენ დარჩით. წყალი მომიტანეთ. ჩემი ჩანთა მომაწოდეთ.

ათიოდე წუთში მეორე ექიმიც მოვიდა. კერნისა და სხვა მდგმურების მცდელობით მეზობელი ოთახი საოპერაციო პალატად გადაკეთდა. საწოლები კედლისკენ გააჩოჩეს, მაგიდები გააერთიანეს და ინსტრუმენტები გაამზადეს. სასტუმროს მეპატრონემ, რაც კი ყველაზე კაშკაშა ნათურები ჰქონდა, მოიტანა და ჭალს გაუკეთა.

— ჩქარა, ჩქარა!

პირველი ექიმი მოუთმენლობისგან ადგილზე ვერ ჩერდებოდა. თერთრი ხალათი გადაიცვა და რუთს სთხოვა, ზურგზე შემიკარიო.

— თქვენც ჩაიცვიო! — ქალიშვილს ხალათი გადაუგდო. — შესაძლოა დაგვჭირდეთ. სისხლის დანახვას ხომ იტანთ? ცუდად ხომ არ ხდებით?

— არა, — უპასუხა რუთმა.

— კეთილი! ყოჩაღ!

— ეგებ მეც რამეში გამოგადგეთ, — მიმართა ექიმს კერნმა. — სამედიცინოზე ორი სემესტრი მაქვს გავლილი.

— ჯერჯერობით არა. — ექიმმა ინსტრუმენტები შეამოწმა. — შეგვიძლია დავიწყოთ.

ნათურის შუქი მის მელოტ თავზე ირეკლებოდა. კარი ანჯამებიდან ჩამოიღეს. ოთხმა კაცმა მეორე ოთახში საწოლიანად გადაიყვანა ქალი, რომელიც ხმადაბლა კვნესოდა. თვალები ფართოდ გაეღო. ტუჩები უცანცხანებდა.

— აბა, აფწიოთ! — ბრძანა ექიმმა. — მაღლა ასწიეთ! ფრთხილად, დასწყევლოს ღმერთმა!

ქალი საკმაოდ მძიმე აღმოჩნდა. კერნს შუბლზე ოფლმა დაასხა. მისი თვალები რუთის თვალებს შეეფეთა. სახეგაფითრებულ ქალიშვილს თავი მშვიდად ეჭირა. იმდენად შეცვლილი მოეჩვენა, რომ კერნმა ძლივს იცნო. რუთის მთელი არსება დაკავებული იყო მშობიარე ქალით, რომელიც სისხლისგან იცლებოდა.

— ასე! ახლა ყველა აქედან გავიდეს, ვისაც აქ არ ესაქმება! — ხმამალლა ბრძანა ექიმმა. მერე ქალის ხელი აიღო. — არ გეტკინებათ. ადვილად გადაიტანთ. — მოულოდნელად დედასავით ალერსიანი ხმით დაამშვიდა ექიმმა.

— ბავშვი გადაარჩინეთ, — წაიჩურჩულა მეტარქინეშვილი.

— ორივე, ორივე... — დაუყვავა ექიმმა.

— ბავშვი...

— ბავშვს ოდნავ გავასწორებთ, რათა მხრებით წამოვიდეს, და ტყვიასავით გამოვარდება. ოღონდ თქვენ მშვიდად, ძალზე მშვიდად იყავით. აბა, ნარკოზი!

კერნი, მარილი და კიდევ რამდენიმე კაცი ქალის დაცარიელებულ ოთახში იმყოფებოდნენ და, თუ საჭირო შეიქნებოდა, მზად იყვნენ მისახმარებლად. მეზობელი ოთახიდან ექიმების დახშული ხმები მოისმოდა. იატაკზე ვარდისფერი და ცისფერი შალის ჟაკეტები ეყარა.

— დაბადება! — პათეტიკურად მიმართა მარილმა კერნს. — ასეა მუდამ: ადამიანის ამქვეყნად მოვლენას თან ახლავს სისხლი, სისხლი და ყვირილი. გაიგეთ, კერნ?

— დიას.

— არა, — უთხრა მარილმა. — არც თქვენ და არც მე არაფერი გავგეგვება! მხოლოდ ქალს, მხოლოდ ქალს შეუძლია გაიგოს! თავს ღორად არ გრძნობთ?

— არა, — უპასუხა კერნმა.

— არა? შე კი! — მარილმა სათვალე გაიწმინდა და კერნს დააკვირდა. — ქალთან გიცხოვრიათ? გეტყობათ არა, თორემ თავს თქვენც ღორად იგრძნობდით. ახლა მართლაც რომ მისწრება იქნებოდა შნაპსი. კართან მდგომი კელნერი მარილს მიუახლოვდა.

— ნახევარი ბოთლი კონიაკი მოგვიტანეთ, — უთხრა მარილმა. — ჰო, ჰო, მაგის სამყოფი ფული მაქვს! ჩქარა მოიტანეთ!

კელნერი გაუჩინარდა. მას სასტუმროს მეპატრონე და კიდევ ორი კაცი გაჰყვა. ოთახში მარტო მარილი და კერნი დარჩნენ.

— ფანჯარასთან დავსხდეთ, — შესთავაზა მარილმა და დაისზე მიუთითა: — რა ლამაზია, არა?

კერნმა თავი დაუქნია.

— დიას, — თქვა მარილმა. — და ეს ყველაფერი ერთმანეთის გვერდით არსებობს. იქ, ბალში, რა ხეა? იასამანია?

— დიას.

— იასამანი და ნარკოზი! სისხლი და კონიაკი! აბა, დავლიოთ!

— ოთხი სირჩა მოვიტანე, ბატონო მარილ, — უთხრა კელნერმა და ლანგარი მაგიდაზე დადგა, — ვიფიქრე, იქნებ... — მან თავი მეზობელი ოთახისკენ გადააქნია.

— კეთილი. — მარილმა ორი სირჩა შეავსო. — ხომ დალევთ, კერნ?

— ცოტას.

— თავშეკავება — ეს თქვენი, ებრაელების, თანდაყოლილი ნაკ-

ღია. სამაგიეროდ ქალებისა სხვებზე უკეთ გესმით. მაგრამ ქალებს სულაც არ სურთ, რომ მათი ესმოდეთ. გაგვიმარჯოს!

— გაგვიმარჯოს!

კერნმა სირჩა დაცალა და თავი უკეთ იგრძნო.

— ეს ნაადრევი მშობიარობაა თუ უფრო სერიოზული პრობლემაა? — ჰკითხა მარილმა.

— ნაადრევი მშობიარობაა, ვადაზე ოთხი კვირით ადრე. მიზეზი გადაძაბვაა: მგზავრობა, ერთი ტრანსპორტიდან მეორეში გადაჯდომა, ნერვიულობა, ფაციფუცი და ასე შემდეგ, ყოველივე ის, რაც ფეხმძიმე ქალს ვნებს. ხომ გესმით?

— კი მაგრამ, რისთვის გააკეთა ეს ყველაფერი?

მარილმა კვლავ შეავსო სირჩები.

— რისთვის? — გაიძეორა მან შეკითხვა. — იმისთვის, რომ უნდოდა მისი ბავშვი ჩეხად დაბადებულიყო. იმისთვის, რომ არ უნდოდა მისი შვილისთვის სკოლაში ეფურთხებინათ და „ურია“ ეძახათ.

— გასაგებია, — უთხრა კერნმა. — ქმარი არ ჩამოჰყოლია?

— მის ქმარს ორი თვის წინ ციხეში ამოაყოფინეს თავი. რატომ? იმიტომ რომ მას სავაჭრო პქონდა და უფრო წესიერი და მუყაითი ვაჭარი იყო, ვიდრე მისი კონკურენტი. ხოლო რას აკეთებს ასეთ შემთხვევაში კონკურენტი? პოლიციაში მიდის და მუყაით ვაჭარს დაასმენს, სამშობლოს ღალატს მოუწოდებდა, მთავრობას ლანძღავდა, კომუნისტურ იდეებს ქადაგებდაო. მოკლედ, ისეთ რამეს დასწამებს, რისთვისაც წესიერს აპატიმრებენ, ხოლო მისი მუშტარი კონკურენტს რჩება. მიხვდით?

— ეგ ჩემთვის ნაცნობი ამბავია, — უთხრა კერნმა.

მარილმა სირჩა დაცალა.

— მკაცრი დროა! მშვიდობას ქვემეხებითა და ბომბდამშენებით ინარჩუნებენ, ადამიანობას — საკონცენტრაციო ბანაკებითა და დარბევებით. ჩვენ ფასეულობათა გადაფასების ხანაში ვცხოვრობთ, კერნ. აგრესორი დღეს მშვიდობის დამცველად გვევლინება, დაჩაგრული და ნაკვეში კი მშვიდობის მტრად. და თქვენ წარმოიდგინეთ, არიან ერები, რომლებსაც ეს სჯერათ!

ნახევარი საათის შემდეგ მეზობელი ოთახიდან სუსტი კნაფილი მოისმა.

— უყურე შენ! — წამოიძახა მარილმა. — ყოჩაღ, გადაარჩინეს! დედამიწას ერთი ჩეხი შეემატა! მოდი, კერნ, ამის აღსანიშნავად ერთიც დავლიოთ! ამქვეყნად ყველაზე დიდ საიდუმლოს — დაბადებას გაუმარჯოს! იცით, რატომ არის საიდუმლო? იმიტომ რომ მას გარდუვალი სიკვდილი მოსდევს. გაგვიმარჯოს!

კარი გაიღო. ოთახში გაოფლიანებული და სისხლში გასვრილი მეორე ექიმი შემოვიდა. ხელში კიბორჩხალასავით წითელი არსება ეჭირა, რომელსაც ჭყვივლი გაჰქონდა და ექიმი ზურგზე ხელს უტყაპუნებდა.

— ცოცხალია, — წაიბურღლუნა ექიმმა. — კიდევ რამე არის აქ... — მან ცხვირსახოცების დასტას დაავლო ხელი. — გაჭირვებისას ესეც გამოდგება... ფროილაინ!

ექიმმა ჩვილი და ცხვირსახოცები რუთს გადასცა.

— დაბანეთ და შეახვიეთ. ოღონდ მაგრად არა. ამას სასტუმროს დიასახლისი გასწავლით. მანამ კი სასწრაფოდ ნარკოზიდან გამოიყვანეთ, აბა, ჩქარა სააბაზანოში...

რუთმა ჩვილი ხელში აიყვანა. კერნს მოეჩვენა, თითქოს ქალიშვილს თვალები ორჯერ უფრო დიდი გახდომოდა. ექიმი მაგიდას მიუჯდა.

— თუ არ ვცდები, კონიაკი გქონიათ?

მარილმა კონიაკი დაუსხა.

— რა გუნებაზე დგებით, — ჰკითხა მარილმა ექიმს, — როცა ხედავთ, რომ საავადმყოფოების შენების მაგიერ ყოველდღე სულ ახალ და ახალ ბომბდამშენებსა და ქვემეხებს უშვებენ? თუმცა მათი დანიშნულება ხომ ისაა, რომ საავადმყოფოები არ მოცდეს.

ექიმმა ყურადღებით შეხედა მარილს.

— ეს უმსგავსობაა, — უპასუხა მან, — ნამდვილი უმსგავსობა! საინტერესო რამ გამოდის: დაჭრილებს დიდი მონდომებით კერავენ და ამთელებენ, რათა მერე ასეთივე მონდომებით ბარბაროსულად ნაფლეთებად აქციონ. ამას არ სჯობია, მაშინვე მოკლან, როგორც კი დაიბადება? ეს ხომ უფრო ადვილია!

— ჩემო კარგო, — გამოეპასუხა ექიმს რაიხსტაგის ყოფილი დეპუტატი, — ჩვილის მოკვლა მძიმე დანაშაულია, მოზრდილთა დახოცვა კი ეროვნული ღირსების საქმეა.

— მომავალ ომში ქალებიცა და ბავშვებიც ბლომად დაიხოცებიან — ჩაიბურტყუნა ექიმმა. — აი, სიტყვაზე, გამალებით ვიბრძვით ქოლერის აღმოსაფხვრელად, არადა, ის ხომ ნებისმიერ, თუნდაც მცირე, ომთან შედარებით უმნიშვნელო რამ არის.

— ბრაუნ! — დაიძახა ექიმმა მეზობელი ოთახიდან. — ჩქარა!

— მოვდივარ!

— დასწყევლოს ეშმაკმა! ჩანს, რალაც საქმე კარგად ვერაა, — შეწუხდა მარილი.

ბრაუნი მალე დაბრუნდა. საოცრად დაღვრემილი სახე ჰქონდა.

— საშვილოსნოს ყელი აქვს დაზიანებული, — უხალისოდ თქვა მან. — ვერაფერს ვშველით. ქალი სისხლისგან იცლება.

— ნუთუ არაფერი ეშველება?

— ყველაფერი ვცადეთ, მაგრამ სისხლდენა ვერ შევუჩერეთ.

— სისხლის გადასხმა რომ სცადოთ? — თქვა რუთმა, რომელიც კართან იდგა. — სისხლს მე გავიღებ.

ექიმმა თავი გააქნია.

— ვერაფერს უშველის, გოგონა, თუ სისხლდენა არ შეუჩერდა...

ექიმი უკან გაბრუნდა. კარი ღია დატოვა. განათებული ოთხკუთხედი რალაცნაირ იდუმალ შთაბეჭდილებას ახდენდა. მამაკაცები დუმდნენ. ოთახში კელნერი შემოვიდა.

— შეიძლება აგალაგო?

— არა.

— დალევთ რამეს? — ჰკითხა მარილმა რუთს.

ქალიშვილმა თავი გააქნია.

— გირჩევთ რამე დაღროთ. უკეთ განდებით. — მარილმა სანახევროდ შეუვსო სირჩა.

ჩამობნელდა. შორს პორიზონტზე, სასურავებს მიღმა უკანასკნელი სხივების მომწვანო და მონარინჯისფრო ანარეკლები ღივლილებდა. მათ შორის მკრთალი მთვარე მიცურავდა, რომელსაც ისე დასჩნულობდა ღრმულები, როგორც თითბრის დაჟანგულ შაურიანს. ქუჩიდან ხმამაღლა ლალი, ხალისიანი, უდარდელი ლაპარაკი მოისმოდა. კერნს მოულოდნელად შტაინერის ნათქვამი გაახსენდა: „როცა შენს გვერდით ვილაც კვდება, შენ ამას ვერ გრძნობ“. აი, ესაა მთელი უბედურება. თანაგრძნობა ტკივილის განცდას არ ნიშნავს. თანაგრძნობა ფარული სიხარულია, თითქოს შვებით ამოსუნთქვას, რომ შენ არ კვდები და არც შენი საყვარელი ადამიანი. კერნმა შეფარვით შეხედა რუთს, მაგრამ სიბნელეში მისი სახე ვერ გაარჩია.

— რა იყო ეს? — ყური ცქვიტა მარილმა.

ჩამოწოლილ ბინდში გაბმულად, მსუყედ გაიჟღერა ვიოლინომ. ხმა მიწყდა, მერე ისევ გაძლიერდა, ცაში აიჭრა ამაყი და მოზეიმე, შემდეგ ნელი და ნაზი რულადები გადმოიღვარა და ბოლოს უბრალო, სევდიანი მელოდია შეიკრა, ისეთი, როგორიც წარმავალ საღამოს შეეფერება.

— აქვე, სასტუმროში უკრავენ, — დაასკვნა მარილმა და ფანჯარაში გაყო თავი. — ჩვენს ზემოთ, მეხუთე სართულზეა.

— ვგონებ, ვიცნობ ვინცაა, — თქვა კერნმა. — მაგ მევიოლინეს ერთხელ უკვე მოვუსმინე. თუმცა არ ვიცოდი, აქ თუ ცხოვრობდა.

— ის უბრალო მევიოლინე არაა, რაღაც გაცილებით მეტია.

— ხომ არ წავსულიყავი და მეთქვა, დაკვრა შეწყვიტეთ-მეთქი?

— რატომ?

კერნმა წასვლა დააპირა. მარილის სათვალის შუშებმა გაიბრწყინა.

— არა. რატომ? დარდი არსად გაგვექცევა. სიკვდილიც ყველგანაა. ისინი ხომ ხელისუფლებული დადიან.

ისხდნენ და უსმენდნენ ვიოლინოს ჰანგებს. კარგა ხნის შემდეგ მესობელი ოთახიდან ბრაუნის გამოვიდა.

— გათავდა, — თქვა მან. — ბევრი არ უწვალთ. მოვასწარით გაგვეგებინებინა, რომ ბავშვი გადარჩა.

კაცები ფეხზე წამოდგნენ.

— კვლავ აქ შემოვიტანოთ, — უთხრა მათ ბრაუნმა. — ის ოთახი ხომ მდგმურებს სჭირდებათ.

სისხლიან ზეწრებსა და ტამპონებს, სისხლითა და ბამბით სავსე ვედროებსა და თასებს შორის მწოლიარე ქალს სახე საოცრად დაპატარავებოდა და ზედ უცხო, მკაცრი გამომეტყველება ეწერა. ამქვეყნიური ამბავი მას აღარ აწუხებდა. მელოტი ექიმი, რომელიც მის გარშემო დაფუსფუსებდა, როგორღაც უხამსად გამოიყურებოდა. ერთ მხარეს სიცოცხლე იყო თავისი ჭამა-სმით, ლეჭვა-ყლაპვით, ექსტრემენტების გამოყოფით, მეორე მხარეს — ყოფიერების მშვიდი აღსასრული.

— ნუ გადახდით, — გააფრთხილა ექიმმა რუთი. — უკეთესია, თუ არ ნახავთ. ხომ ასეა, ფროილაინ?

რუთმა თავი გააქნია.

— თქვენ კარგად გეჭირათ თავი. არ დაგიწუწუნიათ იცით, ბრაუნ, ახლა რა გუნებაზე ვარ? მინდა თავი ჩამოვიხრჩო! აგერ, ამ ფანჯრის ჩარჩოზე!

— თქვენ ბავშვს სიცოცხლე შეუნარჩუნეთ. ~~ეს მარტინის ძალიან მიღწევია!~~

— მაინც თავის ჩამოხრჩობა მინდა! გესმით ჩემი? ვიცი, ყველაფერი ვიღონე, თავს ზემოთ ძალა არაა, მაგრამ მაინც თავის ჩამოხრჩობა მინდა!

სიმწრით სული ეხუთებოდა, ხორციანი სახე წამოწითლებოდა. თეთრი ხალათი სისხლით ჰქონდა გათხვრილი.

— ოცი წელიწადია ამ საქმეში ვარ და, თუ ვინმე ხელში შემომაკვდა, თავის ჩამოხრჩობა მინდებოდა. რა უაზრობაა! — იგი კერნს მიუბრუნდა. — გეთაყვა, პიჯაკის მარცხენა ჯიბიდან სიგარეტი ამომიღეთ და პირში ჩამჩარეთ. დიას, პატარა ქალო, ვიცი, რასაც ფიქრობთ. კარგია... ახლა მომიკიდეთ. დასაბანად მივდივარ. — რეზინის ხელთათმანებს ისე დახედა, თითქოს ყველაფერი მათი ბრალი იყო. მერე მძიმე ნაბიჯით წავიდა სააბაზანოსკენ.

კაცებმა მიცვალებული საწოლიანად გამოიტანეს დერეფანში და მის ოთახში დაასვენეს. დერეფანში რამდენიმე ადამიანი იდგა, რომლებიც დიდ ოთახში ცხოვრობდნენ.

— ნუთუ კლინიკაში წაყვანა არ შეიძლებოდა? — უკმაყოფილება გამოთქვა ხმელმა ქალმა, გაყლინწული კისრით ინდაურს რომ ჰგავდა.

— არა, — მიუგო მარილმა. — თორემ ასეც ვიზამდით.

— და მას მთელი ღამე აქ დატოვებთ? მიცვალებული გვერდით ოთახში... ასე დაძინება შეუძლებელია!

— თქვენც ნუ დაიძინებთ, ბებო, — ურჩია მარილმა.

— მე ბებო არა ვარ, — აიფხორა ქალი.

— გეტყობათ კიდევ.

ქალმა გაავეებული მზერა ესროლა.

— ოთახს ვინ დაასუფთავებს? რა მოაშორებს ამ სუნს. შეიძლება მომდევნო მე-10 ოთახი გამოგეყენებინათ!

— უყურეთ ერთი ამას, — მიუბრუნდა მარილი რუთს. — აგერ მკვდარი ქალი ასვენია, რომელიც შეიღეს სჭირდება და ალბათ მის ქმარსაც, ეს უნაყოფო ფიცარი კი ცოცხალია და, როგორც ჩანს, ღრმა სიბერეს მიაღწევს ნათესავების გულის გასახეთქად. ამ გამოცანას ამოხსნას ვერ უპოვი.

— ბოროტი უფრო ძლიერია, უფრო მეტს უძლებს, — უპასუხა შუბლშეკრულმა რუთმა.

მარილმა გაკვირვებით შეხედა.

— როდის მოასწარით ამის სწავლა?

— ამისი სწავლა დღეს ადვილია.

მარილმა არაფერი უთხრა. მხოლოდ ყურადღებით შეხედა თვალებში.

ექიმები დაბრუნდნენ.

— ჩვილი დიასახლისს ჩავაბარეთ, — თქვა მელოტმა ექიმმა. —

მალე წაიყვანენ. ამის თაობაზე უკვე დავრეკე. ქალის წაყვანის თაობაზეც. ახლოს იცნობდით?

მარილმა თავი გააქნია.

— ორიოდ დღეა, რაც ჩამოვიდა. მხოლოდ ერთხელ ველაპარაკე.

— ალბათ, საბუთები ექნება. პოლიციას უნდა ჩავაბარო.

— მაგ საქმეს მე მივხედავ.

ექიმები წავიდნენ. მარილმა მიცვალებულის ჩემოდანი გაჩხრიკა.

მასში ჩვილის ნივთები, ჭრელი საჩხარუნებელი, ლურჯი კაბა და ცოტა თეთრეული იყო. მარილმა ნივთები ისევ ჩემოდანში ჩაალაგა.

— უცნაურია, თითქოს ეს ნივთებიც მოკვდნენო.

ქალის ხელჩანთაში პასპორტი და ოდერის ფრანკფურტის პოლიციის მიერ გაცემული პირადობის მოწმობა იპოვა. შუქთან ახლოს მიიტანა. — კატარინა პირშფელდი, ქალიშვილობის გვარი ბრინკმანი, მიუნსტერიდან, დაბადებული 1901 წლის 17 მარტს.

მარილი ადგა და მიცვალებულს დახედა: ქერა თმა, მოგრძო, მკვეთრნაკვთებიანი ვესტფალური სახე.

— კატარინა ბრინკმანი, გათხოვების შემდეგ პირშფელდი. — მან კვლავ პასპორტში ჩაიხედა. — სამი წლის ვადა დარჩა, — ჩაიბურტყუნა შერე. — სამი წელი სხვას გამოადგება. დასაფლავებისთვის პირადობის მოწმობაც იკმარებს. — საბუთები ჯიბეში ჩაიდო. — ამ საქმეს მე მოვაგვარებ, — უთხრა კერნს. — სანთელსაც მოვიტან. კარგად არც ვიცი, მგონი, მასთან ვინმე უნდა დარჩეს. ვერ გეტყვით, რისთვისაა ეს საჭირო... მაგრამ ისეთი გრძნობა მაქვს, რომ მასთან ვინმე უნდა დარჩეს.

— მე დავრჩები, — უთხრა რუთმა.

— მეც, — მხარი აუბა კერნმა.

— კეთილი. მე მოგვიანებით შემოვიერთდებით და შეგცვლით.

მთვარეს ნათელი მოემატა. ცა მალლა აიზიდა, გაგანიერდა, მუქი ლურჯი გახდა. ოთახში მიწისა და ყვავილების სურნელით ღამე შემოიპარა.

კერნი რუთთან ერთად ფანჯარასთან იდგა. ეჩვენებოდა, თითქოს სადღაც შორს იყო წასული და ახლახან დაბრუნდა. მას ჯერაც არ განულებოდა ის ძრწოლვა, მშობიარის კივილმა და სისხლიანი სხეულის კონვულსიების ხილვამ რომ მოჰგვარა. კერნი უსმენდა გვერდით მდგომი ქალიშვილის წყნარ სუნთქვას და თვალს ვერ აცილებდა მის რბილ, ნორჩ ტუჩებს. უცებ მიხვდა, რომ ეს ქალიშვილიც იმ მკაცრი საიდუმლოების ნაწილი იყო, რომელიც ტრაგიკულ რგოლად გარს ერტყა სიყვარულს. მიხვდა, რომ ეს ღამეც, ყვავილებიც, მიწის მძაფრი სურნელიცა და სახურავებზე გადმოდინებული ვიოლინოს დამატკბობელი ხმაც იმ საიდუმლოს ნაწილი იყო. იცოდა, თუ უკან მიიხედავდა, მისი მზერა სანთლის მოფარფატე ალით განათებული მკვდრის ფერმკრთალ, ნიღბად ქცეულ სახეს წააწყდებოდა. ამის წარმოდგენაზე ისე მძაფრად იგრძნო სითბო კანქვეშ, რომ გააძაგდა, და კიდევ მეტი სითბო მოუნდა...

ვიღაცამ მისი ხელი აიღო და გვერდით მდგომი არსების გლუვ, ნორჩ მხრებზე მოახვევინა.



ბ ა რ ბ ა რ ა

გახსოვს ბარბარა
იმ დღეს იქ ბრესტში მთელი დღე წვიმდა
მოაბიჯებდი წვიმაში სველი
მოლიმარი და სახენათელი
გახსოვს ბარბარა
მთელი დღე წვიმდა მაშინ იქ ბრესტში
სიამის ქუჩაზე ერთმანეთს შევხვდით
ილიმებოდი
მეც ვილიმებოდი
გახსოვს ბარბარა
მე არ ვიცნობდი
არც შენ მიცნობდი
გახსოვს ბარბარა
ის დღე ხომ გახსოვს
ნუ დაივიწყებ
ვიღაც გამვლელი ჭიშკარქვეშ იდგა
შენი სახელი წამოიყვირა
ბარბარა
შენ კი წვიმაში მისკენ გაქანდი
სველი ლამაზი სახენათელი
იმ კაცს მკლავებში ჩაუვარდი და
წვიმა შხაპუნით ზედ გედვრებოდათ
გახსოვს ბარბარა
შენობით მოგმართავ ნუ გეწყინება
ასე მივმართავ ყველას ვინც მიყვარს
ჰოდა ამიტომ არ დაგწყდეს გული
ასე მივმართავ მათ ვისაც უყვართ
შეყვარებულებს რომც არ ვიცნობდე
გახსოვს ბარბარა
არ დაივიწყო
ის ბედნიერი წვიმის წვეთები
ბედნიერ სახეზე რომ გეცემოდა
ის წვიმა
ბედნიერ ქალაქს რომ აწვიმდა

პორტს ზღვასა და უესანისკენ მიმავალ გემს რომ
ეცემოდა

ოი ბარბარა

უაზრობაა ომი შენ ბრესტში
რა მოგელოდა ლამაზ არსებებს
იმ ტყვიის ცეცხლის სისხლის წვიმაში
და იგი მაშინ რომ გესვეოდა
სინაზით ვნებით და სიყვარულით
ვინ იცის მოკლეს ან დაიკარგა
მაგრამ ან იქნებ სულ არ მომკვდარა

ოი ბარბარა

ბრესტს ახლაც ისევ მთელი დღე აწვიმს
როგორც იქ მაშინ იმ დღეს აწვიმდა
მაგრამ ახლა კი ყველაფერი აქ
სხვანაირი და ფერშეცვლილია
ეს წვიმა არის ძაძით მოსილი
ტანჯვის ვაების მწუხარე წვიმა
და არა სისხლის ტყვიის ღვართქაფი

ხედავ იმ ღრუბლებს ბრესტის ზეცაზე
ძაღლების ხროვას ხომ მართლა ჰგვანან
იფანტებიან და ბრესტის მიღმა
სამარადისოდ გახრწნას იწყებენ.

ფრანგულიდან თარგმნა
ილია ბასვიანმა



დილის საუზგე

მოწყენილ დილას ოთახში ვზივარ,
ქუფრი ჩამოწვა სარკმლებთან ფარდად,
ცაზე ღრუბლები ირევა გრგვინვით,
გამირბენს ფიქრიც, — იწვიმებს ალბათ.

მოულოდნელად იღება კარი
და წვიმის სუსხი ძვალ-რბილში გაჯდა,
იქვე მიაგდო ლაბადა სველი,
იგი მოვიდა, ჩემ გვერდით დაჯდა.

ახლაც არ ვიცი, რამ შემძრა მაშინ,
მისმა დანახვამ თუ წვიმის სუსხმა,
რამ გამიხსენა ჭრილობა სულის,
გულმა გულცივმა თუ მწერამ უტყვმა.



ეროვნული
ბიბლიოთეკა

უჩუმრად, უხმოდ დაისხა ყავა,
არც შემომხედა, ვითომ ვერ მცნობდა.
ვედრების თვალით ავხედე ზეცას,
მაგრამ ჩემს ტკივილს ვერც ზეცა გრძნობდა.

თამბაქოს ბოლი სურნელოვანი
მალლა ავიდა, ღრუბლებს შეერთო,
და მე გამკენწლა აზრმა მკრეხელმა —
რა დაჯაშავე ასეთი, ღმერთო?!

თვალთ დამიბნელა წარსულის სევდამ,
ვერ გავერკვიე, თუ რა ხდებოდა.
ვხედავდი, ნეტავ არ დამენახა,
ის წასასვლელად ემზადებოდა.

სიგარის ფერფლში მე ვცნობდი ჩემს ბედს,
კვამლის რგოლებში ვუმზერდი ჩემს თავს
და თან ვიყავი დარწმუნებული,
რომ უმისობა მე მალე მომკლავს,

წამოდგა... ქუჩას გახედა — წვიმდა,
ტაატით იწყო ლაბადის ჩაცმა,
ის შეერია პარიზულ ნისლს და
ისე წავიდა, ხმაც კი არ გამცა.

უმალვე გაქრა, ვით მოჩვენება,
შემოებურა ნისლი წყეული,
და მე ავტირდი გულამოსკვნილი,
რადგან ვიგრძენი, ვიყავ ეული.

ფრანგულიდან თარგმნა
პეპა საღუნოშვილმა



ფრანგულიდან

თარგმნა რადი იაშვილმა

ცხოვრება შეცდომით ნაპოვნ ბავშვად დავიწყე. სინამდვილეში ქუჩაში, გადასასვლელთან გაჩერებულ მანქანასთან ერთად მომიპარეს. მომდევნო წლებში, როცა ჭამა არ მინდოდა და გავჯიუტდებოდი ხოლმე, მაპიტა მეუბნებოდა, დამტვრეული მანქანების სადგომზე წავიყვან და იქ დაგტოვებო, მაშინ შეშინებული სწრაფად ვისანსლებოდი და ჭამის დამთავრებისთანავე ყველაფერს უკან ვასხამდი. ერთი მხრივ ეს უკეთესიც იყო: გასუქებაში მიშლიდა ხელს. მიშვილეს, დავრჩი მათთან და დავიმკვიდრე ჩემი ადგილი.

ბოშებისთვის ბავშვი წმიდათაწმიდაა. ის უნდა იყოს რაც შეიძლება მსუქანი პრესტიჟისათვის. ოთხი წლისა ის უკვე ბუთხუშათა მეფეა, შემდეგ კი თვითონ გაიტანს თავს. მე თავი ისე გავიტანე, მეფე არ ვყოფილვარ: არც დიდი სიმაღლიდან ვხტებოდი, არც კედლებზე დავფოფხავდი, არც არაფერს განსაკუთრებულს ვამბობდი და ყველაზე გამხდარიც ვიყავი. ვცდილობდი არავის ყურადღება არ მიმეპყრო და მივალწიე კიდევ ამას.

ხშირად ლამლამობით საშინელ სიზმარს ვხედავდი: დამტვრეული მანქანების ავტოამწე მოდიოდა, რათა ჩემი უადგილო ადგილზე გაჩერებული მანქანა წაეყვანა მანქანების სასაფლაოზე, სადაც თუნუქთა ქვეშ ვიჭყლიტებოდი; საბედნიეროდ, მაპიტას ფურგონში ყოველთვის აღმოჩნდებოდა ხოლმე ერთი ჩხავანა მეფე; სიზმარი იმ დროს წყდებოდა, როცა ჯერ კიდევ სული მედგა და ხელახლა შემეძლო მშვიდად დაძინება. ვიცოდი, რომ არა საფრთხე არ მელოდა ამ მსუქან ბავშვებში თბილად ჩაყუჩულს. მათ კისერზე უამრავი ჯაჭვი და მედალიონი ეკიდათ, სიბნელეში რომ წკრიალებდნენ. ყველანი წამდაუწუმ მეუბნებოდნენ, ბედნიერი ხარო. ეს ერთხმად იყო აღიარებული უხუცესთა საბჭოზე, რის გამოც უფრო და უფრო მაღლიერი გახლდით ჩემი ბედისა. ბებერმა ვაზილმა ლე რომმა ისე მომიპარა, არც დავუნახივარ. მანქანის უკანა სკამზე კალათაში მეძინა თურმე, გარშემო კი საშობაო საჩუქრები ეყარა. ... მან ყველაფერს წამოავლო ხელი და წამოიღო; მანუშს ჩემი უკან დაბრუნება მოუნდომებია, მაგრამ ვაზილმა არ დამთმო. გარდა ამისა, რადგან კალათაზე წარწერა არ იყო, იფიქრა, რომ ღვთის საჩუქარი ვიყავი. წინააღმდეგობა ვეღარ გაუწიეს, მაშინ უკვე ძალიან

1. ფრანგი მწერალი, დაიბადა 1960 წელს, მიიღო გონკურების პრემია სწორედ ამ რომანისთვის (იგი ოცდახუთ ენაზეა თარგმნილი).

ბებერი იყო. სიბერე კი ჩვენი ადათით დიდი სიბრძნეცაა. მანქანა სიტროენის მარკის Ami-ნ იყო; ჰოდა, მეც Ami-ნ დამარქვეს სამასსოვროდ. ესაა ჩემი ფესვები. მაშ. დროთა განმავლობაში ჩემი სახელი აზიზი შეიქნა. მამიტა რომი რუმინეთში იყო დაბადებული, სადაც ნაციისტებმა სტერილიზაცია გაუკეთეს. ჰოდა, ყოველთვის ამბობდა, უზრობაა შენთვის ამ სახელის დარქმევა, ფრანგს ჰგავხარ და არაბული სახელი ხელს შეგიშლის ცხოვრებაშიო.

ძალიანაც მომწონს, არაბი რომ ვარ, ისინი ბევრნი არიან. ეს კი ჩემს უსაფრთხოებას უზრუნველყოფს. მას შემდეგ, რაც მანქანების რადიოებით დავიწყე თავის გატანა და დაპატიმრების შემთხვევისთვის საჭირო შეიქნა ყალბი საბუთები, გვარიც ვიშოვე — ქემალი. წარმოდგენა არა მაქვს, საიდან მოიტანეს. ალბათ ქ-ს წელიწადი იყო.²

ვფიქრობდი ხოლმე ჩემს ნამდვილ მშობლებზე, რომლებიც, უეჭველია, წუხდნენ და ელოდნენ, როდის მოსთხოვდნენ გამოსასყიდს და ალბათ იმედს არ კარგავდნენ, რადგან ჩემი გვამი ნაპოვნი არ იყო. ერთ დღეს გადავწყვიტე, „პროვანსალში“ განცხადებას გამოვაქვეყნებ-მეთქი: „შობა დღეს Ami-ნ-დან მოპარული ბავშვი ეძებს მშობლებს. მისწერეთ აზიზ ქემალს. ცისფერი ესტაფეტა, ვაზილის პიცის საცხობი ფოლკსვაგენის პირდაპირ. ვალონ-ფლერი, ჩრდილო მარსელი“. მაგრამ ყოველთვის ვაგვიანებდი ვაგზავნას. როცა ბოლოს და ბოლოს ოჯახის წევრად გთვლიან, გული არ უნდა ატკინო, დარტყმა არ უნდა მიაყენო. მერჩია ამ ეჭვებით მეცხოვრა ბოლომდე და სათუთად შემენახა ჩემი ოცნება. არ მაინტერესებდა, საიდან გახლდით, იმითაც კმაყოფილს, რომ იქ ვიყავი.

ხშირად წარმოვიდგენდი, რომ მარსელის „ოლიმპიკის“ თავდამსხმელის შვილი ვიყავი, რომელსაც თავისი გარაჟი უფროსმა Ami-ნ ათხოვა მერსედესების დასათვალთვინებლად. ხან ვფიქრობდი, მარსელის საპნის მწარმოებლის მემკვიდრე ვარ, ან დოკერების ოჯახის ნაბოლარა, წარამარა გაფიცვებს რომ აწყობენ. წვიმიან დღეებში ვფიქრობდი, ჩემმა მშობლებმა ჩემ მაგივრად ალბათ სხვა ბავშვი გააჩინეს-მეთქი.

მერე კი თვრამეტი წლისას სიმართლე მითხრეს. სხვა სიმართლე, უფრო მძიმე თუ უფრო მარტივი, არც გამიგონია. მოხუც ვაზილს არ მოუპარავს ჩემი Ami-ნ, მას თავისი პიცის საცხობიანი ფოლკსვაგენით დაჯახებია, როცა ფრიუნის ერთ-ერთ აკრძალულ მოსახვევში გასწვრებას ცდილობდა. მშობლები იმწამსვე დახოცილან, ჩემი ამოთრევა კი მოუსწრია დამსხვრეული მანქანიდან, სანამ აფეთქდებოდა. ახლა კი ვიცოდი ვაგრძელება. ვაზილს აღარასოდეს განუახლება თავისი ხელობა, საჭეს აღარ მიჰკარებია, პიცის საცხობიც აღარ აუნთია. სწორედ ამიტომ ვხედავდი მის ფოლკსვაგენს ერთსა და იმავე ადგილზე სუროთი და ხავსით დაფარულს, შიგ კი წმინდა მარიამის ხატი ესვენა.

1. რუმინეთში დაბადებული ბოშების კინობითი სახელი.

2. საფრანგეთში კინოლოგთა საზოგადოება აცხადებს ხოლმე ანბანის ამა თუ იმ ასოს წელიწადს და თუ ჯიშისანი ძაღლის პასპორტის აღება გსურთ, ძაღლის სახელი ამ ასოზე უნდა იწყებოდეს.

თავიდან ძალიან გულაჩუყებული და ამავე დროს ცოტა შეურაცხ-
ყოფილიც ვიყავი, რომ მთელი დასახლება ამდენი ხნის განმავლობაში
მეთვალთმაქცებოდა, ჩემთვის დარდი რომ აეცილებინა. პოდა, ჩავიცვი
ჩემი საუკეთესო შორტები და ვაზილთან წავედი მადლობის სათქმელად,
რომ გადამარჩინა და არ მომკლა. მან პლედიდან მთლად დანათქმუნდა
თითი გამოყო და სიცარიელეს თვალმიშტერებულმა ყრუ ხმივით მთხრობდა

— შობილი და არა ქმნილი, ერთარსი მამისა, რომლისაგან ყოვე-
ლი შეიქმნა.

ეს, ეტყობა, რაღაც გამოცანა იყო, რომლის პასუხი მე არ ვიცო-
დი; ის ახლა უკვე მთლად გამოშტერებული ბებრუცანა ბრძანდებოდა და
მხოლოდ დღესასწაულებზე გამოჰყავდათ. იქნებ სულაც არ არსებობდა
პასუხი.

ვწუხდი ჩემს მშობლებზე. რა თქმა უნდა, ძნელია იტირო იმათზე,
ვისაც არ იცნობ. მერე თავი დავიმშვიდე, ბოლოს და ბოლოს ჩემი და-
კარგვით მაინც არ იტანჯებიან-მეთქი. მომდევნო თვეებში, უცნაურია,
მაგრამ ძალიან დამაკლდა ის პატარა განცხადება, მე რომ ძილის წინ
ოცნებაში ვწერდი, ვალამაზებდი, ვასწორებდი, ვცდილობდი უფრო
მოქნილი და სხარტი გამეხადა, ის პატარა განცხადება, რომელსაც გუ-
ლით ვატარებდი, რომ ერთ დღეს, როცა დრო და ადგილი იქნებოდა,
დამეწერა და რედაქციისათვის გამეგზავნა. ამიერიდან ის აღარაფერს
ერითმებოდა ჩემს გულში და მე ობოლი გავხდი — ფრაზის ობოლი.

მაგრამ გვეყო, ცხოვრება გრძელდებოდა. მე აღმოვჩნდი მარსელ-
ში დროებით მცხოვრები მაროკოელი, და ყოველი ახალი ცნობის აღე-
ბისას ფული უნდა მეხადა. ერთადერთი ადგილი, სადაც სირთულეები
მექმნებოდა, ფეხბურთის მოედანი იყო. სასაცილოა, მაგრამ როცა ვა-
ლონ-ფლიორის რომებში ვთამაშობდი რომე-მირაბოს არაბების წინაა-
ღმდეგ, თავს მოლალატედ ვგრძნობდი და არა მარტო მოლალატედ, არა-
მედ უზურპატორადაც, რადგან კარგად ვიცოდი, რომ ბოშებს ბოლო-
მდე თავისიანად არ მივაჩნდი. წინა ხაზის მოთამაშე თუ თავისი მოდგ-
მის საკადრის ბურთს ვერ გაიტანდა, მაინც კარგ მოთამაშედ და კარგ
ტიპად რჩებოდა. ასე და ამგვარად, ბოლო-ბოლო არბიტრად ვიქეცი.

დასახლებებს შორის მუშტი-კრივში საქმე უკეთ მიმდიოდა. ინს-
ტიტუტურად მე ყოველთვის ჩემი მამობილის ოჯახის მხარეს ვიჭერდი,
თუმცა რომე-მირაბოელებთან ჩხუბი გულს მტკენდა. უმეტესად თავს
ვარიდებდი ჩხუბს და ამიტომ ლაჩრად მიმიჩნევდნენ, მაგრამ ეს არცთუ
მუდარდებოდა, რადგან გოგოს, რომელიც მიყვარდა, ჩემი არ ერცხვი-
ნებოდა.

ლილა ჩემსავით ცხრამეტი წლისა იყო. ბავშვობიდან ვიცნობდით
ერთმანეთს, ახლა კი ფრთხილად უნდა ვყოფილიყავით. ჩემი წარმო-
შობის გამო. ძმებს მის საბედოდ მათსავეთ წმინდა სისხლის მანუში!
რაეკო ჰყავდათ შეგულებული — მერსედესების სპეციალისტი. როცა
დასახლებაში პირისპირ გადავეყრებოდით ხოლმე ერთმანეთს, გამარ-
ჯობა-ნახვამდით ვკმაყოფილდებოდით და თან განზე ვიყურებოდით.
მაგრამ კვირაში ერთხელ ლილა ჯდებოდა ჩქარ მატარებელში, მე ვი-

1. ბოშების წმინდა სისხლის კლანი.

პარავდი მოტოციკლეთს და ერთმანეთს ნიოლონის ყურეში ვხვდებოდით, რომელიც ამქვეყნად ჩემთვის საუკეთესო ადგილი იყო — იმ დროს ჯერ კიდევ ბუმ-დე-რონის გარდა არაფერი მქონდა ნანახი.

ლილა დედამისივით ხელზე მკითხაობდა. მე მხოლოდ ეს მითხრა: მალე გაჩერდები გზაჯვარედინზე და მერე ისევ გზას გაუდგებიო. მას შავი თმა, მწველი თვალები და ივნისში აყვავებული კვანძის სურნელი ჰქონდა. წითელი ან ლურჯი კაბა ეცვა კოჭებად და როცა ცეკვავდა, კაბა უფრიალებდა... მაგრამ აქ შევჩერდები, რადგან ყოველივე ამის გახსენება გულს მტკენს.

ათასჯერ მომიყვა თავისი ქვეყნის — ინდოეთის — ამბავი, საიდანაც იყო წარმოშობით და სადაც არასოდეს ყოფილა. მიყვებოდა ადათ-წესებზე, წმინდა ძროხებზე, ყვავილებით შემკულ კოცონზე, სადაც ქვრივს წვავენ სოლმე, თუ გარდაცვლილი ქმარი წმინდა სისხლისა იყო. სიმართლე გითხრათ, არც ვუსმენდი. ჩემს ცხოვრებაში ძალიან ცოტა რამისთვის მისმენია, გარდა სკოლისა, სადაც აღარ დავდიოდი. იმ დღეებში, როცა სიყვარულს ვეძლეოდით, მე ზევიდან, ის კი პირქვე დაწოლილი, როცა ფრთხილად უნდა ვყოფილიყავით და პატივი გვეცა ქორწინებისათვის — მისი ქორწინებისათვის — ეს ყველაფერი არ არსებობდა. ვიყავით თავისუფლები და მარტონი მთელ ქვეყნიერებაზე. და ამ დროს თავს მართლა შინ ვგრძნობდი. ის თავის ენაზე მეუბნებოდა, მიყვარხარო. მე არაფერს ვამბობდი, რადგან არ მქონდა საკუთარი ენა, მინდა ვთქვა საიდუმლო ენა, მაგრამ მთელი გულითა და სულით მიყვარდა. ვფიქრობდი, რომ მისი დაქორწინების შემდეგ აღარ იქნებოდა საჭირო სიფრთხილე და თვალი-თვალში გაყრილებს შეგვეძლებოდა ერთმანეთი გვეყვარებოდა.

სალამობით თუ უძილო ღამეებში თითოეული იხსენებდა თავის წარმოშობას, ტრადიციებს, ქვეყანას, სადაც მათი ფესვები იყო, იხსენებდა იმის გაუნელებელი სინანულით, რომ კალდერასის დიდება მოკვდა. ათაღან ბაბამდე ქვაბების მკალავებს ხელში გიტარები და გარმონიკები ეჭირათ, ჰყვებოდნენ დევნაზე, ტანჯვა-წვალებაზე, დარბევებსა და დაჭერებზე, რომელთა გამო გაქცევა უწყევდათ. მეოცნებე მოგზაურებს სულ ქარავნები ელანდებოდათ ვალონ-ფლიორისა და ბუმ-დე-რონის აგურებში გამოჭედილებს. მე იქ ვიყავი და ხმას არ ვიღებდი. პატივისცემის ნიშნად თავს ვიქნევდი: სხვაგან ჰქროდა ჩემი ფიქრი. არ მიყვარდა იმის მოსმენა, თუ საიდან მოდიოდნენ სხვები. მსურდა ყოველგვარი ისტორიის გარეშე ვყოფილიყავი Ami ნ-ის ისტორიის გარდა. თუმცა კი ამის გამო მარტო ვრჩებოდი.

ჰოდა, ბედნიერება იყო, სკოლაში რომ წავედი. ბედნიერება იყო სწავლა. მე სხვა ოჯახი აღმოვაჩინე, სადაც მხოლოდ მე ვიყავი სიტყვებთან და ციფრებთან ერთად, რომელთა შეცვლაც ჩემს გემოზე შემეძლო: ვუმატებდი, ვაუღლებდი, ვაკლებდი და ყველას ესმოდა ჩემი. დაფასთან გასული ვყვებოდი ბრძოლებზე, მდინარეებზე და ისე მისმენდნენ, თითქოს ეს ყველაფერი ჩემი საკუთარი ამბავი იყო. მილიონობით დაღუპული, წყალდიდობები, ადამიანთა სიძულვილი ხუთიანებად იქცეოდა. ჩემთვის ყველაზე დიდი ჯილდო ქვეყნის კლიმატისა და რელიეფის შესწავლა გახლდათ არა იმიტომ, რომ იქიდან ვიღაც იყო წამოსული ან

წარმოშობილი, არამედ იმიტომ, რომ ის ქვეყანა არსებობდა. ეს მხოლოდ დასაწყისი იყო. იმდენი რამ მქონდა სასწავლი და გასაგები, მთელი ცხოვრება დამჭირდებოდა.

მაგრამ მე სწავლა უნდა შემეწყვიტა მეექვსე კლასში, ვალონ-ფლერის გამო, რომელსაც არ უყვარდა ზედმეტი მუქთამჭამელები. მთელი წლისა „მთირავი“ ხარ, ფეხით მოსიარულეების მოთვალთვალე, შვიდისა პირველად იპარავ ჩანთებს, თერთმეტისა „ტოროლა“ ხდები, მოძრავი ქონების მოთვალთვალე, და წყვეტ სკოლაში სიარულს. ეს ასეა.

ბატონმა ჟიროდომ, გეოგრაფიის მასწავლებელმა, მითხრა: ძალიან, ძალიან ვწუხვარ, რომ მიდიხარო. ჩვენ ხშირად გვისაუბრია გაკვეთილების შემდეგ. ლაპარაკი მეუხერხულებოდა და თითქმის ვერ ვიტყვოდი აზრს, ისევე როგორც თევზებს თევზაობისას, რომლებიც იბრძვიან, სხმარტალებენ — სჯობია მოცურავეთ უყურო და არ დაიჭირო. ბატონმა ჟიროდომ მითხრა, ცხოვრება ცუდადაა მოწყობილიო, და მან ეს ალბათ ძალიან კარგად იცოდა: ორმოცდაათი წლისა იყო. სხვათა შორის, მისი თქმით, მარსელის სხვა უბნებში გახლდათ კოლეჯები, სადაც არც ნარკოტიკები იყო, არც ძალადობა, არც ქურდობა და რომ მე უკეთესი ცხოვრების ღირსი ვიყავი, რადგან სწავლა მწყუროდა. მას ძალიან მოწყენილი სახე ჰქონდა. არასოდეს მენახა ასეთი სევდიანი ადამიანი და ვფიქრობდი, ალბათ უკეთესია, სკოლას თავს რომ ვანებებ, ხომ შეიძლება მეც ასეთი სევდიანი გავხდე-მეთქი.

მან წარმატება მისურვა და არაჩვეულებრივი წიგნი მაჩუქა: სამკილოიანი ატლასი — „მსოფლიოს ლეგენდები“. ვერაფერი ვერ ვუთხარი, მეშინოდა, ტირილი არ ამვარდნოდა, რადგან სულ მიმეორებდნენ, არაბი ამაყს ნიშნავსო. ეს კია, ვიფიქრე: წინასწარმეტყველი იყოს ყოველთვის შენი მეგზური-თქო. ეს არ იყო ჩემი ნამდვილი რელიგია. ეს ამბები ყურმოკვრით ვიცოდი, მაგრამ ამ ნათქვამს მთელი გული კი ჩავატანე.

როცა პირველად მოვიპარე რადიო — გრუნდინგის მარკისა — მას გავუგზავნე ფოსტით, როგორც სამადლობელო საჩუქარი, და დავაწერე: „თქვენი სიკეთისათვის, VI-ბ კლასი, აზიზი“. თავს პირობა მივეცი, როცა გავიზრდებოდი და მანქანის მართვის ნებას მომცემდნენ, მისთვის მანქანა მომეპარა, რადგან ყოველთვის ავტობუსში ვხედავდი ხოლმე. მერე გადამაფიწყდა, მერე კი დრო აღარ მქონდა იმ ფათერაკის გამო, თავს რომ დამატყდა.

კოცონის გარეშე ღამისთევისას, როცა სხვები ჰყვებოდნენ რუმინეთზე, თურქეთსა თუ ჩრდილო ინდოეთზე, ყველა იმ ადგილზე, საიდანაც გამოდევნეს, მე ზეპირად ვსწავლობდი მსოფლიოს ლეგენდებს, განსაკუთრებით არაბეთისას, რადგან არაბს ვგავდი. რაკი არავინ იცოდა, ზუსტად რომელი ქვეყნიდან ვიყავი, უმჯობესი იყო გამოგონილი ამბები მესწავლა, ვიდრე ყოველდღიურობაზე მეფიქრა, ისეთებზე, „პროვანსალის“ გვერდებზე რომ გადავაწყდებოდი ხოლმე, როცა მათში მოპარულ ავტორადიოებს ვახვევდი გასაყიდად. თანაც თვალს ვაპარებდი ლილასკენ, რომელიც თავისი დანიშნულის — მერსედესების სპეციალისტის გვერდით იჯდა და ცდილობდა ჩემი მზერა არ შეემჩნია. რაჟ-

კო გიტარის აკომპანიმენტზე მას თავიანთი დევნა-შევიწროების ამბებს მოუთხრობდა. მე ტკივილისა და წუხილის აკომპანიმენტზე ჩემსავე თავს მოვუთხრობდი იმილიშის შეყვარებულთა ამბავს: აიტ ბრაჰმის სიგიჟემდე შეუყვარდა აიტ იაზა მტრულად განწყობილი ტომიდან. მათი ცრემლებით ორი ტბა გაჩნდა: ისლი — საქმროს ტბა და ტახტოვანთა ტბა, გვერდი 143 ჩემს ატლასში; ოჯახის წევრებმა მხსნა მხსნა იქვე ცრემლებისგან შექმნილ ტბებში დაახრჩვეს ცალ-ცალკე, თავიდან რომ აეცილებინათ შეუფერებელი ქორწინება.

ივლისის ერთ ნაშუადღევს ყურეში კლდეზე მიწოლილმა სიყვარულობანას შემდეგ ლილას ყურეში ჩავჩურჩულე აიტ ბრაჰმის ამბავი. მას ეგონა, რომ ჩემს ძმაკაცზე ვუყვებოდი არაბების დასახლებიდან, ადგა და ზღვაში ჩაყვინთა ზღარბების დასაჭერად.

როცა მარსელში ჩავდიოდი ახალი ავტორადიოების გასაცნობად და ფასების გასაგებად, ვხედავდი სხვა ახალგაზრდათა ოჯახებს და ხანდახან სურვილი მიჩნდებოდა მათ ადვილას ვყოფილიყავი. მაგრამ ეს მალე გამივლიდა ხოლმე. სითბო, რომელიც ვალონ-ფლიორში მაკლდა, „საქმეზე“ წასვლის დროს ძმაკაცობით მინაზღაურდებოდა. აქ მე ნამდვილად კლანის წევრი ვიყავი: მომხიბვლელი ღიმილი მქონდა, ხელსწრაფიც გახლდით და სწრაფადაც გავრბოდი.

ერთ-ერთი ჩვენი სპეციალობა იტალიური იერიში იყო. იტალიელები მას ბოშების იერიშს ეძახიან, მაგრამ ბოშები ცოტანი არიან, ამიტომ იტალიური სჯობია: მიდიხარ მანქანით, შუქნიშანთან წითელ შუქზე გიხვრეტენ საბურავს, გესმარებიან საბურავის გამოცვლაში და... მიდიხარ შენი მანქანით. პოლიცია სხვათა შორის აფროთხილებს იმ ხალხს, ვინც ჩვენი კვარტალი უნდა გაიაროს, რომ არ გაჩერდნენ წითელ შუქზე. თავაზიანი გაფროთხილებაა, მაგრამ ვინც არ აჩერებს, მას ეჯახებიან. მერე ფაქტის დასამოწმებლად გადმოდიან მანქანიდან და შენს მანქანასაც სულ სხვა გზას გაუყენებენ ხოლმე. ეს ბელგიური იერიშის ნაირსახეობაა. მანქანას დასახლებაში მიიყვან, იქ მას სპეციალისტების მთელი ჯგუფი შლის მარტივ მამრავლების: მოტორების, საბურავების, ფარების, აქსესუარების თუ ავტორადიოების სახით. ამ უკანასკნელთა სპეციალისტი კი მე გახლავართ. ძირითადად მერსედესებზე ვმუშაობთ და ცხოვრება რომ არ გავიროთულოთ საწყობის არსებობით, ვინმე რაუკოსნაირი მაგარი ტიპი მხოლოდ შეკვეთებზე მუშაობს. ეტყვი: რაუკო, მჭირდება 500 SL-ის ესა და ეს ნაწილი, და მეორე დღეს მოგართმევს.

როცა მხოლოდ კარკასილა რჩება, მას დასახლების გასასვლელთან გამხირზე ვაგდებთ, ნაგავი რომ მოვიშოროთ. სხვაგვარად უპატრონო ნაყარნუყარის მთელი ხროვა დაგვიგროვდებოდა. ჩვენთან ყაჩაღობა, ბინების გატეხვა არ ხდება, ვალონფლერი ჩვენი სიამაყეა: ყვავილებიც კი დავრგეთ, სახელი რომ გაგვემართლებინა. მამიტა მართალია: დროთა განმავლობაში სახელი თავის კვალს ამჩნევს საგნებს.

იმდენად, რამდენადაც აზიზ ქემალი თხუთმეტი წლისა გახდა, მეც მუსლიმობის პერიოდი დამიდგა. მაგრამ დროზე შევჩერდი, ძალიან მი-

1. ყვავილი (ფრანგ.).

ყვარდა ლილას სახე და სულაც არ მინდოდა მასზე ჩადრის ჩამოფარება. დაეუბრუნე თავისი ყურანი საიდს, დუკების დასახლების მცველს, ჩემ- პიონს, რომელმაც უკვე ერთი წელი იყო, რაც სახელი და დიდება მორ- პოვა: ბეისბოლის ჯონით კორპუსის შესასვლელი გადაუკეტა ნარკო- ტიკების გადამყიდველებს. მე ისევ განვაგრძობდი „მარსელ“ ჟურნალის კის“ მხარდაჭერას.

ბიზნისი

ვალონ-ფლიორში ცხოვრება მშვიდად მიედინებოდა. იშვიათად იყო ჩამოვლები. თუ რომელიმე პოლიციელს თავში მოუვიდოდა ჩრდი- ლო კვარტალში პირადობის მოწმობების გასინჯვა, ეგრევე გაგსვამდნენ საზღვრის იქით. შემდეგ მას პრეფექტი საპონს აძლევდა, რადგან ლო- ნისძიებები, რომელთაც ეს უკანასკნელი მიმართავდა კრიმინალური მდგომარეობის გამოსასწორებლად, მხოლოდ ის იყო, რომ არ შეემჩნია, რა ხდებოდა. ჩრდილო მარსელი ოფიციალური უდაბნო გახდა. ჩვენი დასახლება აღარ იყო რუკაზე აღნიშნული. დარჩა ოცდაათიოდე შტა- ტიანი პოლიციელი ორას ათას არარსებულ პირზე; ამიტომ მაშინვე გა- დაწყვიტეთ დაგვეცვა ისინი, რათა საბოლოოდ არ გადაშენებულიყ- ვენ.

არ ვიკვებნი, მაგრამ, მგონი, პრეფექტი თავისებურად საკმაოდ ეშ- მაკი კაცი იყო: თუ პოლიციელს ვცემდით, კარგად ვიცოდით, რომ მის ჩივილს მისი უფროსები არასოდეს მისცემდნენ მსვლელობას სტატის- ტიკის გამო, ამიტომ გვეცოდებოდნენ და მათი ცემა-ტყუების ნაცვლად თვითონვე ვაწესრიგებდით სიტუაციას. ვიცოდით, რომ სექტორის ზე- დამხედველთა ბრიგადები ორ ჯგუფად ხუთ-ხუთი მანქანით მორიგეობ- დნენ ხოლმე: ერთი შუადღიდან ცხრამეტ საათამდე და მეორე ცხრამე- ტიდან ღამის ოთხ საათამდე. ჩვენც ოთხიდან შუადღემდე ვმუშაობდით, მაშინ როცა მათ ეძინათ, და ყველანი კმაყოფილები ვიყავით. ჩვენი დელიკატურობის სამადლობლად სხვათა შორის ჩვენთან გახსნეს სსბ — სახალხო სარგებლობის ბაზრობა, სადაც ურიკებით მივდიოდით და უფასოდ ვიღებდით, რაც გვინდოდა. აღარ გვიწევდა იმ ბებრუსანების- თვის განკუთვნილი „ლექრერკისა“ ან „კაზინოს“ გატეხვა, რომელ- თაც ანგარიში არ ჰქონდათ ბანკში. აი უკვე ათიოდე წელი იყო, რაც მათი ბინების ფასიც ჩვენი მეზობლობის გამო სამ-ოთხჯერ ნაკლები გახდა.

საბოლოო ჯამში ჩრდილო მარსელი საკმაოდ კარგად ფუნქციონი- რებდა. სხვათა შორის ჩვენთან პარიზის ატრაქციონმაც კი ჩაიარა. ეს იყო მდგომარეობის შემსწავლელი კომისია, რომელიც ცხოვრების პი- რობების გაუმჯობესებას გვთავაზობდა. გასულ წელს ცხოვრების პი- რობები ფრიად გააუმჯობესეს ვალონ-ფლიორში: სკალპივით წააცალეს თავი დასახლების გვერდით მდგარ კოშკს — კრიმინალი ძალზე მალაღ- სართულიანი სახლებიდან მოდისო. ამ მხრივ ჩვენ, ბოშებს, არაფერი გვემუქრებოდა: ბოშებს, ჩემსავით ნაშვილებსაც კი, არ უყვართ ხოლმე სიმაღლე. ჩვენ არ შეგვიძლია კოშკში ცხოვრება, საერთოდ ჩაკეტილ სივრცეში. მაგალითად, ბარაკში: ესეც იგივე კოშკია, ოღონდ ჰორიზონ- ტალურად გაწოლილი. ესეც არ უნდა იყოს კარგი ხერხი კრიმინალის

1. სურსათის იაფფასიანი მაღაზიები.

აღსაკვეთად; მას მერე, რაც ბარაკი განთავისუფლდა, იაფფასიანი ბინების ოფისმა ის გაქირავების ნაცვლად ამოქოლა. მე მგონი, ეს უფრო იაფი დაჯდა, ვიდრე შეკეთება დაუჯდებოდათ.

კომისიის მოსვლამ ვალონ-ფლიორში ძალიან კარგად ჩაიარა. ფრიად თავაზიანები ვიყავით. მივართვით სასმელები მოკიდან გამოსაყვანად — ბას-რობიერის კომორიდან მოდიოდნენ, სადაც უწინააღმდეგაროდან გამოსროლილი მაცივარი მოხვდათ თავში. ცოტა მუსიკა, მანუშების ჯაზი, ფლამენგო, გიპსი-კინგი და ნერვებიც დაუწყნარდათ. კომისიამ ძადლობა გადაგვისადა გულთბილი მიღებისათვის, თან წაიღო კალათები, ბავშვებმა რომ აჩვენეს, მათ კი საჩუქრები ეგონათ. შემდეგ ახალ ამბებში გამოაცხადეს, ბოჰემიელები ცუდად გრძნობენ თავს ფურგონებში და ყველა გაუგებრობა აქედან მომდინარეობს, განსაკუთრებით, როცა მათ კარგად არ იცნობო. ჰოდა, პატარა სოფლის ნაცვლად „ბუიგუეს“ სახლები აგვიშენეს.

ძალიან კმაყოფილნი ვიყავით, ნება მივეცით აეშენებინათ. ცემენტიც კი არ მოგვიპარავს მშენებლობიდან, რადგან ჩვენთვის შენდებოდა და გვეჩქარებოდა მათი დამთავრება. ბოლო სახლიც რომ ააშენეს, მობრუნდნენ პრეფექტის, ტელევიზიისა და ბუიგუეს გამოგზავნილ კაცთა თანხლებით, რომ ჩვენთვის ოფიციალურად გადმოეცათ გასაღებები.

მაგრამ სადღა იყო გასაღებები — სხვათა შორის აღარც კარები და აღარც ფანჯრები ჩანდა, აღარც საჭირო ოთახები. ყველაფერი დავშალეთ და ნაწილ-ნაწილ გავყიდეთ კრამიტის გარდა. კრამიტი სამთრისთვის შევინახეთ, სამთარში მეტი ფასი აქვს ხოლმე. ბუიგუეს გამოგზავნილმა კაცმა თავი გაიგიჟა, საფლავებიდან ამოგვითხარა წინაპრები და „დაგვილოცა“ შთამომავლობა, ტელევიზია უკან გაუშვა. პრეფექტმა აღარ იცოდა, რა ექნა. პირფერულად ვუთხარით, რომ კმაყოფილები ვართ პავილიონით, რომ ისეთი ხედია, როგორიც ქარაგნის სარკმლიდან, რომ ეს ლამაზ და კარგ გარემოს ქმნის. ათასჯერ მოვუბოდიშეთ, დავდნით ზრდილობად და ბუფეტიც გაიხსნა.

არ დააკარეს პირი მათ პატივსაცემად მიტანილ ღვინოს, არც პურმარილს, საგანგებოდ მათთვის რომ იყო მოპარული „ფოშონ მარინიანის“ საწყობიდან.

იდოტებივით დავრჩით მათი წასვლის შემდეგ ერთი ტონა ეელეში ჩაწყობილი კვერცხებითა და ორაგულებით. სულ შევჭამეთ ყველაფერი გულდაწყვეტილებმა.

პინიოლი მოვიდა საჩივარზე ხელის მოსაწერინებლად, რადგან ეს ჩვენი პირადი დანაშაული იყო, და საჭმლის მოთავებაში ფრიად დაგვეხმარა.

პინიოლი ჩემი ბავშვობის მეგობარი იყო. სკოლაში გავიცანიით ერთმანეთი. იგი ჩემზე მეტხანს სწავლობდა და ზოგჯერ, ჩემი ცხოვრების შემხედვარე, ძალზე ნანობდა. თავიდან სარკინიგზო საინჟინრო ინსტიტუტში უნდოდა შესვლა, მაგრამ კონკურსში ვერ გავიდა. მაშინ მამამისის პროფესიას გაჰყვა. ზოგჯერ მოსალოცია, ობოლი რომ ხარ. პო-

1. ცნობილი ფრანგი ინჟინერი.

ლიციის სკოლა ორ ცხელ დასახლებას შორის იყო მოთავსებული, რათა მოსწავლეებს თავი მოსახლეობისგან მოწყვეტილად არ ეგრძნოთ. მხრივ მიზანი ნამდვილად იყო მიღწეული: ისინი ლექციებს მავთულ-ხლართების იქით შეყუჟულნი ისმენდნენ, ალყაშემორტყმულნი და მათთან და ლუდის ბოთლებით დაბომბილნი, რათა კარგად შეესწავლათ თავიანთი პროფესია. ბუნკერიდან მარტო გამოსვლის ნებაც კი არ ჰქონდათ. სალამოს მილიციის მანქანას მიჰყავდა ისინი დასაძინებლად. ამას „კანონის მხარეს დგომას“ ეძახდნენ. დასაძინებლად ჟან-ჟორესში მიჰყავდათ, კიდევ ერთ მეტად საშიშ დასახლებაში, სადაც მათ მთელი ღამე საზედამხედველო ბრიგადების მანქანები იცავდა, რომელთაც მხოლოდ პოლიციის შეგირდების დაცვა ევალებოდათ მათივე მომავალი დანაშაულისაგან. ერთადერთი განათლება, რომელსაც ამ სასწავლებლიდან იღებდნენ, სიძულვილი იყო. და რადგან ჩვენთან ამას გასაგალი არ ჰქონდა, ლიონის ჩვენზე ნაკლებად ცივილიზებულ დასახლებებში აგზავნიდნენ.

კვირას მივდიოდი ხოლმე პინიოლის სანახავად სასწავლებლის მისაღებში. ცოტა მეცოდებოდა კიდევ, ისეთი ძლიერი იყო ფრანგულში და ნამდვილად სამწუხარო იყო, ტყუილად რომ ცდებოდა სროლის გაკეთილშობილთა და კარტის თამაშით. სკოლის გისოსებში გამოკეტილს მომავალი არაფერს უქადდა დაღუპული ახალგაზრდობის სანაცვლოდ. მაშინ კი ქუჩის გომბიოების და განარკომანებული ლაწირაკების გამოსწორების ერთ-ერთი ინსტრუქტორთაგანი იყო. პოლიციელებს, ადრე მარსელში წესრიგს რომ ამყარებდნენ, არაფერი აქვთ დღეს საბაქი-ბუქო.

ვცდილობდი დავხმარებოდი პინიოლს, როგორც შემეძლო. მივანიშნებდი ხოლმე იმ საშიშ ადგილებზე, რომელთაც უნდა მორიდებოდა. ეს ნორმალურია, ერთმანეთს უნდა დავეხმაროთ: ადრე, სკოლაში, კარნახს სულ მისგან ვიწერდი.

ერთ სალამოს, როცა ლუდს მიეძალა, მოვუყევი ერთ-ერთი ლეგენდა ჩემი ატლასიდან. ეს ამბავი კუბაში ხდებოდა. ერთი ჩვენი კბილა ბიჭის — ხოსე ლუისის თავგადასავალი იყო, რომელიც ვოდუუს მაგიის წყალობით იაგუარად გადაიქცა. ამ მაგიის საშუალებით შენს ფიქრსა და ოცნებას ისეთ ფორმას მისცემდი, როგორიც მოგესურვებოდა. მან მთელი ღამეები მდედრი იაგუარის დამორჩილებას მიუძღვნა, რომელსაც სულაც არ უნდოდა ჩვენი ხოსე. ის ძალიან გაუბედურდა და იმის მაგივრად, თავისი საიაგუარო საქმეები ეკეთებინა, ენადირა და თავისი პატარები გამოეკვება, დღედაღამ იწვა და სასოწარკვეთილი ხან ერთ, ხან მეორე მდედრზე კვნესოდა. იმდენი იკვნესა, რომ ბოლოს ვოდუუს სული ყელში ამოუვიდა და ერთ დილას ხოსე ლუისი თავის საწოლში იპოვეს ისევ ადამიანის სხეულში დაბრუნებული, მისი ოცნების იაგუარს რომ დაებღვნა.

პინიოლმა მხრები აიჩეჩა და მითხრა, უტოპისტი ხარო. ცოტა გული მეტკინა, ჩემი მონათხრობის აზრი რომ ვერ გაიგო: თუ იმედი გადაგეწურა, დარდი და ნალველი შეგჭამს.

მოვძებნე სიტყვა უტოპისტი დიდ ფრანგულ განმარტებით ლექსიკონში. ვიღაც ბ-ნ მორუს გამოუგონია ეს არსებითი სახელი 1516 წ. ბერძნულ სიტყვაზე დაყრდნობით, რაიც ნიშნავდა: „ის, რაც არსად არ არსებობს“. მშვენიერია. ამ დღიდან მოყოლებული იმ ფაქტერაკამდე, რაც შემემთხვა, აღარასოდეს აღარავისთვის მომხსენებია ლეგენდები; მათ ჩემთვის ვინახავდი, ეს ჩემი პირადი სინამდვილე იყო, რაც შეეყვანა არც ლილასი ღირდა და არც პინიოლისა. ნელ-ნელა ეს ძველი, წითელი და ოქროსფერი, სულ გვერდებჩაკეცილი და დაძენძილი წიგნი იმდენჯერ გადავიკითხე, რომ იგი ჩემს ნამდვილ ქვეყნად იქცა, ჩემი წინაპრების სამშობლოდ. იქ იყო ერთი ამბავი, რომელსაც ხშირად ვკითხულობდი. ეს ავსტრიაში მოხდა. ბიჭი ცურავს გუბურაში და თეთრ ღუმფარას უახლოვდება, რათა დატკბეს მისი სილამაზით. იგი ისეთი ნაზი და ლამაზი ეჩვენა, რომ უბრალო სოფლელი ბიჭი, ყვავილებსა და ებრაელებს ქვებს რომ ესროდა, სულ სხვა ადამიანად იქცა. ის ხელს სწევს ღუმფარას მოსაფერებლად, ამ დროს კი ერთ-ერთი მცენარის ღერო ფეხზე ეხვევა და წყლის სიღრმეში ითრევს, სადაც გასაოცარ სამყაროს აღმოაჩენს ქალთევზებითა და მეგობრული წყალმცენარეებით სავსეს. იქ უკეთ სუნთქავს, ვიდრე ზემოთ.

დიდი სურვილი მქონდა ლამით მოვფერებოდი ღუმფარას და არა მარტო სოფლელი ბიჭის მიბაძვით. ერთ ადგილზე მყოფ მომთაბარეებში აღზრდილს ხშირად ძალიან მინდოდა სადმე მარტოდმარტო წასვლა. მარტო წასვლა იგივე დარჩენაა. ლილა არ გამომყვებოდა, სანამ არ დაქვრივდებოდა, რაჟკო კი მშვენივრად გრძნობდა თავს.

ლეგენდიდან ლეგენდამდე ხანდახან თავგზა მერეოდა ხოლმე. წარმოვიდგენდი გუბურას ფსკერს, მე რომ უთუოდ მელოდა. ერთ დღეს ამ სიტყვებით გართული ისე ჩამითრიეს მათ, რომ აღარაფერი იყო სამყაროში ჩემსა და გადაშლილ წიგნს გარდა.

ერთ დღეს მე და ლილა საცურაოდ წავედით ნავეებით გაჭედდით, მთებში ჩამჯდარ პატარა ნავსადგურში. იქიდან სადგურის ცისფერდარაბებიანი შენობა მოჩანდა, ფრიზები თითქმის რომ სულ ჩამომტვრეული ჰქონდა. ოდესღაც შეღებილი სახურავის საღებავის ნარჩენებს ბელურები ანადგურებდნენ. კლდის ჩრდილში წყალში ვეძლეოდით სიყვარულს, გარშემო თეთრი სტუდენტები ყვინთავდნენ; მათი სიცილი და კიჟინა ფარავდა ჩვენსას. არხეინად ვსვამდით კაფე „ფრანსისის“ ტერასაზე, სიამოვნებით გავყურებდი საღამოს მზით განათებულ პატარა ყურეს, როცა ლილამ თავისი გრძელი და მძიმე თმა გაწურა, დაიწნა და თქვა:

— ესეც ასე.

მისმა კილომ შემაწუხა. თითქოს რაღაც ფატალურობას უსვამდა ხაზს, რომელიც ჯერ მეტეოროლოგიური სამსახურის ცნობასავით მომესმა, თითქოს მძიმე ღრუბლები მოგროვდნენ ჩემს თავზე, თითქოს წვიმის წვეთი გაისრისა ჩემს მკლავზე. ვუთხარი, მომავალ კვირას უკეთეს დროს გავატარებთ-მეთქი. მან შეშფოთებულმა მიპასუხა, არაო. მაშინ მივხვდი, რომ მისი და რაჟკოს საქმე უკვე გადაწყვეტილიყო. ვიცოდი, გასულ მარიაშობის უქმეებზე ერთად რომ წავიდნენ სალოცა-

ვად სენტ მარიში.¹ ცოტა ასანებდნენ ქორწილს მზითვების გამო: ლილას ძმები დიდ საქმეში იყვნენ გარეულები — ერთ-ერთი საამშენებლო ოფისისთვის უნდა მიეყიდათ დეკემბერში მოპარული ათასი დაჯავშნული კარი. ერთი მხრივ გული მეტკინა, მაგრამ მეორე მხრივ პატივს ვცემდი რაჟკოს, დიდებული სპეციალისტი იყო: მან მასწავლა დიოებთან, სიგნალიზაციასა და საიდუმლო კოდებთან დაკავშირებული ყველა პრობლემის გადაწყვეტა. ლილა უარეს დღეში შეიძლება ჩავარდნილიყო. ვიცოდი, რაჟკოს უბიწოების შესასვლელი რომ გაუღო, მაგრამ არ ვეჭვიანობდი. მხოლოდ იმას ვთხოვდი, უკნიდან შესვლა ისევ გამეგრძელებინა. ყველაფერს რომ თავი დავანებოთ, სიყვარული ერთმანეთის თვალებში ცქერა კი არა, ერთი მიმართულებით ცქერაა, როგორც ადრე თქვა ბატონმა სენტ-ევზიუბერიმ იმ მოთხრობაში, რომლის კარნახისას მხოლოდ სამი შეცდომა დავუშვი.

— აჰა, უკვე საქმე საქმეზეა მისული? გაყიდეს შენმა ძმებმა კარები? — ლილამ ლამაზი შიშველი მხრები აიჩეჩა, როცა წყლის ზევით ალბათ იმ დღეს უკანასკნელად მეჭირა, და თქვა:

— ეს ხომ მოულოდნელი არ იყო?

— ხომ ისევ შევხვდებით ერთმანეთს? — ძლივს ამოვთქვი. ყელში რაღაც მეჩხირებოდა, მახრჩობდა.

— არა, რაჟკომ ჩვენი ამბავი იცის, მაგრამ მაინც მოინდომა ჩემზე დაქორწინება. შევფიცე, რომ შენთან საქმე უკვე მოთავებული მაქვს, რომ შენ ჩემთვის აღარ არსებობ.

დაუთანხმდი და სადგურამდე მივაცილე. ჩვენი ამბავიც აქ დამთავრდა მზით, სველი მაისურებით, მარილიანი კანითა და ბედნიერი წყვილებით გადაჭედებულ ბაქანზე. შევყურებდი, როგორ ადიოდა ჩქარ მატარებელში დუნდულებზე კაბამიწებებული, და ნათლად წარმოვიდგინე, ათიოდე წლის მერე დედამისივით ას ოცი კილო რომ გახდებოდა. რას იზამ, მემკვიდრეობას ვერსად გაექცევი. ეჰ, შეგვეძლო ერთად გავსუქებულიყავით! მაგრამ მე ისევ გამხდარი დავრჩი. მაინც რაღაც უცნაური იმედი მიკიაფებდა გულის სიღრმეში და უიმედობის ნებას არ მძლევდა. ყოველთვის მქონდა ხოლმე წინათგრძნობა, ხელზე მკითხაობა არ ვიცოდი ლილასავით, რომელიც სულ მიმეორებდა, ორმაგი ცხოვრების ხაზები გაქვსო. მისი ერთგული ვიყავი და ეს ცოტა მაღიზიანებდა. მაგრამ ყოველთვის, როცა რაიმე ცუდი მელოდა, წინასწარ ვგრძნობდი.

მათ ქორწინებამდე ათი დღით ადრე შუალამისას რაჟკო მერსედესების გადაყიდველთან ვაჭრობისას ლამის მორიგე პოლიციელმა მიახვრიტა. მე მადლობა ვუძღვენი სენტ-მარის ღვთისმშობელს, ალაჰს, მარსელის „ოლიმპიკსა“ და მარსელის ყველა ღმერთს. ეს არ იყო ბოროტება, ეს სიყვარული იყო: მე მხოლოდ იმაზე ვლოცულობდი, რომ ერთ მშვენიერ დღეს ლილა დაქვრივებულიყო, მაგრამ არცთუ ისე გვიან, სანამ ძალიან ბევრს აიწონიდა.

ვალონ ფლიორში ყველამ იცოდა, რომ რაჟკომ მას ავანსი გამოართვა ქორწინებამდე: მოკლედ, ლილას პატივი აყარა და სწორედ ეს

იყო ჩემი ბედი. მეც ავდექი და მის უფროს ძმას მატეოს, მივადექი ლილას ხელის სათხოვრად. ბელგად თორმეტი ფაიონიერ დაზერი და ორმოცი ბოუზის მარკის დინამიკი ვიკისრე. უკეთეს ვარიანტს ვერც იპოვნინდნენ ყურმოტეხილი ქოთნისთვის. დიდი სჯავბასილი გაიმართა უხუცესთა კარავში. კენჭისყრა ორი ხმით მოვიგე. — მონუსტვაზილ-მა მომცა ეს ხმები. მას საკუთარი სახელიც აღარ ახსოვდა, მაგრამ მისი სიტყვა სიბერის გამო ორმაგად ფასობდა. მატეო იძულებული გახდა თანხმობა მოეცა, გულში კი ბოლბით სკდებოდა. მაგარი სასაცილოები არიან ხანდახან ეს მანუშები: ურჩევნიათ ქალი პატივყარილი, მთელი ცხოვრება შეურაცხყოფილი და მარტოხელა დარჩეს მათდა სამარცხვინოდ, ვიდრე ჩემნაირ ტიპს მიათხოვონ, ვინც ამ სამარცხვინო ლაქასაც წაშლის და მათგანაც შორს წაიყვანს.

ლილა სიხარულისგან არ ატაცებულა, როცა ჩემი წარმატების ამბავი შეიტყო. მან ამოიოხრა და მოწყენილმა მითხრა:

— ნუ ოცნებობ რა, აზიზ.

ვიფიქრე, ამას იმიტომ ამბობს, რომ ჯერ კიდევ ძაძები აცვია-მეთქი. მხოლოდ ერთი თვის შემდეგ ჩვენი ნიშნობის პურ-მარილზე გავიარე მისი ეს ნათქვამი, როცა ჩემი პირველი ცხოვრება შეწყდა.

ნიშნობისათვის კაფე „მარჩელი“ ავირჩიე ჩვენი დასახლების საზღვართან პატარა ხიდზე, ავტოსტრადის ზემოთ. იქ ირჩეოდა ხოლმე ნარკოტიკების საქმეები, რადგან ჩვენთან დასახლებაში არ გვინდოდა ამაზე ლაპარაკი. პრინციპის საკითხი იყო. ჩვენ კომერციაში ვიყავით ჩართულები, რაც მთელ სექტორს მოიცავდა — მანქანის მოპარვა საშუალებას გაძლევს, რომ ის ახლად გაასაღო და გაჰყიდოს, მაშინ როცა ერთი ჩეკი წამალი ანგრევს კლიენტს, თუ იმასაც არაფრად ჩავთვლით, თავიდან რომ უფასოდ უჩხირავ, მერე ეჩვევა, ჩლუნგდება და ამაზე დამოკიდებული ხდება. ვაჭრებს მე პირადად თავ-ყბას ვუნგრევდი. და როცა ჩემს ესტაფეტაში სიკვდილი დამემუქრა, მე ის გადავლებე.

სწორედ აქ, მარჩელის კაფეში გადავწყვიტე ჩემი და ლილას ნიშნობის გამართვა. ნამდვილი ტილოს სუფრები ჰქონდათ, გემრიელი მენიუ და სადღესასწაულო მორთულობანი. გარდა ამისა ჩვენი დასახლების გარეთ ყოფნა ჩვენთვის უკვე საქორწინო მოგზაურობას უდრიდა.

დავბატოვე ასოცკილოიანი დედამისი, ტირიფის სავარძლით რომ მოაბრძანეს, მისი თორმეტი ძმა თავიანთი ცოლებითა და კიდევ ბიძები. ლაპარაკი თავის ენაზე — სინტოზე — დაიწყეს, რომლისაც არაფერი გამეგებოდა. მამიტასთან, ნათელი დაადგეს მის სულს, უფრო კალდერაშის დიალექტზე ვლაპარაკობდით. ისე კი სხვადასხვა კლანები ერთმანეთს მარტო ფრანგულით აგებინებდნენ.

ცოტა დაძაბული ვითარება შეიქნა და ეს ცოტა არ იყოს გულს მწყვეტდა. კარგად, ლამაზად მოვაწყვე რაღაც-რაღაცები — მაგალითად, დეკორაციები, დანარჩენისთვის დრო აღარ დამრჩა პოლიციის თავდასხმის გამო.

1. ჰეროინის დოზა.

პინიოლი შეეებულებაში იყო და არ გამიფრთხილებია. ოთხი პო-
ლიციელი ერთად შემოვარდა პისტოლეტებით ხელში: „ხელები მალე,
პირით კედლისკენ!“ — აწეულ ხელებში ჭიქები გვეჭირა, სადღეგრძე-
ლოს ვამბობდით. ბუნებრივია, შევიპატიეთ, მაგრამ ცუდად გაგვიგებ
და კედლებზე აგვაკრეს მუჯღუგუნებით, მერე ციგნურად გაგვიგებულნი
არ ვამბობ, გვბეთქეს-მეთქი, რადგან მხოლოდ მე მბეთქეს. ვიკითხე: „მეცა
დავაშავეთ, ცუდს რას ჩავდივართ-მეთქი. მიპასუხეს, მოკეტეო. მეგო-
ნა, პინიოლის შემცვლელ გოგონასთან იწონებენ თავს და სამაგალითო
ოპერაციის ჩასატარებლად მოვიდნენ. მანქანაში მხოლოდ ერთი ადგი-
ლი ჰქონდათ და მაინცდამაინც მე ჩამტენეს. ერთმანეთს ეუბნებოდნენ,
ეს შეწყვეტს ეთნიკურ კონფლიქტსო, და არც ტყუოდნენ.

მანუშებმა ხელიც არ გაანძრიეს ჩემს გადასარჩენად. მატეომ ერ-
თი კარგი სილა გააწნა ლილას, რომელმაც ისტერიულად იკივლა: აზი-
იზ! „მარჩელის“ პატრონს ჩვეულებრივი, მომლიმარი იერი ჰქონდა,
ვითომ აქ არაფერიო, და ჭიქებს გასცქეროდა, გულდაგულ აპრიალებ-
და. გავიგონე, როგორ გამოემშვიდობა პოლიციელებს, კარგად ბრძან-
დებოდეთ, ბატონებოო, — იფ, რა ზრდილი ბრძანდებოდა — როცა
რისინი კარის წკარუნში მიმათრევდნენ. ფული წინასწარ მქონდა გადახ-
დილი და, ვფიქრობ, უჩემოდაც მშვენივრად შესანსლავდნენ ჩემი ნიშ-
ნობის პურ-მარილს.

ლილა ცოტა ხანს მოსდევდა რენო 19-ს, ხელში თეთრი ფეხსაცმე-
ლები ეჭირა და ასკილომეტრიან გინებებს ისროდა. უხვად ჰქონდა და-
ბერტყილი ეს ნიჭი, საოცრად მდიდარ, ჯოჯოხეთურ, სულისშემძვრელ
ლექსიკას ფლობდა ამ სფეროში; მერე შეჩერდა, მხრები აიჩეჩა და ხე-
ლით, უფრო სწორად, მთელი მკლავით ღირსეული და მრავლისმეტყ-
ველი ჩესტი გააკეთა. ოღონდ ვერ მივხვდი, მე მეკუთვნოდა თუ პოლი-
ციელებს. მერე დავინახე, როგორ მიბრუნდა „მარჩელის“ კაფესაკენ,
სადაც ალბათ მისიანები იერიშით იღებდნენ შესასვლელს. უცნაურია,
მაგრამ ვიგრძენი, რომ ჩვენს ამბავს ჯვარი დაესვა. კი, ასე იყო, საქ-
მროს, რომელსაც ართმევდნენ და, სადილს, რომელიც უცვივდებოდა,
მან სადილი არჩია. თუმცა ცოტა უსამართლო ვარ; პატარაზე ხომ გა-
მოიქცა. მაგრამ ჩემს პონტში მე ასტირიოს მაკედონელი ვარ, ბერძენი
გრძნეული ჩემი წიგნის 115-ე გვერდიდან, რომელმაც ქათმის ღვიძლზე
ამოიკითხა, მისი ბატონი ეპირანდასი რომ მოკლავდა, და ეს მას უთხრა.
მე ყოველთვის წინასწარ ვიცი, თუ რა ვერავობას მიმზადებენ სხვები.

შემაგდეს ცხაურიან საერთო საკანში, სადაც ხალხს აგროვებდნენ,
რომ მერე გადაერჩიათ და სხვა საკნებში გადაენაწილებინათ. ცოტა შემ-
რცხვა, ისე ვიყავი გამოწკეპილი. დანიელ ჰეშტერის თეთრი კოსტუმი
მეცვა, შარვლის ნაწიბურები გარედან იყო დაგვირისტებული, რო-
გორც ამას მოდა მოითხოვდა, პერანგი ოქსფორდული, რომლის ზო-
ლებიც პიერ კარდენის წმინდა აბრეშუმის ჰალსტუხს ეხამებოდა. არ
დამცალდა ამეხსნა, ჩემი ნიშნობის დღე რომ იყო, იმწამსვე გამიყვანეს
დასაპირისპირებლად. და აი მაშინ კი მართლა შოკში ჩავვარდი.

კომისრის ბიუროში სავარძელში ღიპზე ხელებგადაჯვარედინებუ-
ლი პლასვანდომის პანიეს ოქრომჭედელი იჯდა, ვისთანაც ლილასთვის

ბეჭედი ვიყიდე. ვიყიდე, იმიტომ რომ, თუ თავმოყვარე კაცი ხარ, ნიშნობის ბეჭედი უნდა იყიდო და არ მოიპარო. მინდოდა ბეჭედი პრესტიჟულ მაღაზიაში მეყიდა, რომელსაც თვალში საცემი აბრა ექნებოდა, და ვიყიდე კიდევ. მოწითალო ტყავის აბრაზე ეწერა: „პარიზის პლას-ვანდომი“. შესანიშნავი იყო. კომისარმა მიბრძანა: „დავჯექი უკაცრავად, დაბრძანდით!“ — ეტყობა, პრეფექტმა გააფრთხილა და ვიყიდე მთელი. დავჯექი პირდაღებული.

პლას-ვანდომმა განაცხადა, რომ მე იგი დავაყაჩაღე. კომისარი შემეკითხა, თუ გეცნობა ბეჭდის კოლოფი. რა თქმა უნდა, მეცნობოდა, ის ჯიბეში მიპოვეს კაფეში ჩხრეკისას; აპერიტივის დროს ხომ არ გადავცემდი საჩუქარს? ამათ ვინ ვგონივარ? მაგრამ მე ფული გადავიხადე ბეჭედში, რვა ათას ორი, თუ გაინტერესებთ! პლას-ვანდომმა თქვა, ფასი კი სწორია, მაგრამ მოიპარეო.

კომისარმა მეკითხა, ჩეკი თუ გაქვსო. მე მხრები ავიჩეჩე: ბეჭედს ჩეკით ხომ არ ვაჩუქებდი, ასე არ იყო წესად, მე კი კარგი მანერები მაქვს! მან მითხრა, ყველაფერი, რაც თქვი, შენს საწინააღმდეგოდ მეტყველებსო. ამაზე მწარედ გამეცინა, თუმცა კი ტირილი მინდოდა, რადგან ნათლად გამახსენდა, სად დადო იმ ტიპმა ჩეკი, მაგრამ ამის განცხადება დამავიწყდა. ისე კი პირადად მე არაფრის ყიდვის ჩვევა არ მქონდა.

— პლას-ვანდომს მოსთხოვეთ, — ვთქვი მე, — ჩეკი მას აქვს.

ვიგრძენი, გინდ ეს მეთქვა, გინდ სხვა რამ, მაინც აზრი არ ექნებოდა. პარიზის პლას-ვანდომმა ამოიოხრა, თავი გადააქნია და თვალე-ბი ჭერს მიაპყრო. მისთვის ერთი კარგი სილის გაწნა მოვიხდომე, მაგრამ გამქაჩეს, ადგილზე დამსვეს, რასაც დანიელ ჰერშეტის პიჯაკის სახელო შეეწირა. მეტი აღარაფერი მქონდა სათქმელი. უეცრად ვიკითხე, პინიოლი როდის დაბრუნდება-მეთქი შვებულებიდან; ესეც არ იყო ჭკვიანური საქციელი. მათ სხვანაირად გაიგეს ჩემი ნათქვამი, საკანში შემავდეს და თან ღრიალებდნენ, რომ მათი თანამშრომლის დასვრა მინდოდა. პოდა, ავტირდი გოგოსავით „ნარკუშებით“ სავსე საკანში, ავტირდი იმიტომ, რომ ცხოვრებაში პირველად შევეჯახე უსამართლობას.

შემდეგ ჩემი ატლასი გამახსენდა, ესტაფეტაში რომ დამრჩა გადაშლილი. თუ ვინმე მომპარავდა, ეს ბევრად უარესი იქნებოდა, ვიდრე ლილას დაკარგვა. ლილა მომწონდა, ერთად გავიზარდეთ, მაგრამ მსოფლიოს ლეგენდები მაინც სულ სხვა რამ იყო, ისეთმა კაცმა მაჩუქა, რომელიც სულაც არ იყო ვალდებული ჩემთვის რამე ეჩუქნა, კაცმა, რომელმაც სწავლის სიხარულს მაზიარა. ეს უფრო წმინდა რამ იყო, ვიდრე ყველაფერი დანარჩენი დედამიწაზე, ეს ჩემი ფესვები იყო, ყველაფერი შეეძლოთ ჩემთვის წაერთმიათ. ... პო, მართლა, პალსტუხი არ წამართვეს და ამით თავის ჩამოხრჩობის სურვილი მომისპეს; არარაობა ვიყავი, არარაობა და ლაჩარი, და მაინც ძალიან მინდოდა სიცოცხლე.

დღემ მოგონებასავით ჩაიარა, არაფრის მოგონებასავით; დამივიწყეს. ეს ყველაფერი რალაციის დასასრული იყო, თუმცა სინამდვილეში

დიდი არაფრისა. მე არ ვწუწუნებდი: ცხრამეტი ბედნიერი წელი ისე გა-
 ვატარე, არაფრისთვის ცუდი არ გამიკეთებია; გამონაკლისი პლას-ვან-
 დომი იყო, რომელსაც ახლა წარმოდგენაში კისერს ვუგრებდი, ჩანგლით
 ვგლეჯდი და შემდეგ თითებით ვჭამდი მოხარშულს; ეპ, ნიშნობის კა-
 რტი პურ-მარილი იყო. მერე ფეხებზე დავიკიდე ყველაფერი. ლილა
 ბებური ბოზი გახდებოდა, კილოგრამზე ხუთფრანკიანი. მით, ლილა
 ბისთვის; მე ის ძალიან მიყვარდა, ასე დიდხანს სხვა არაფერს მიყვარებია.
 ცხოვრება ისეთი მშვენიერი იყო მასთან ერთად ნილონის ზღვაში.
 ეპ, ვაზილს ჩემს Ami ნ-ში უნდა ჩავეტოვებინე ფრიუნის მოსახვევში
 და უნდა დავმწვარიყავი.

დალამდა, ჩემ გარშემო ხვრინავდნენ. მე კი თვალდაჭყეტილი ვი-
 ჯექი და საკუთარ თავს ვესაუბრებოდი, ვეკამათებოდი, თავი რომ გა-
 მერთო და არ მეფიქრა ჩემს ატლასზე, რათა გული კიდევ უფრო მეტად
 არ მტკენოდა.

მეორე დღეს ერთადგილიან საკანში ჩამსვეს. ვილაც მუქკოსტიუ-
 მიანი ტიპი, რომელსაც მე არ ვიცნობდი, მოვიდა და კარგად დამათვა-
 ლიერა. მთხოვა ავმდგარიყავი, შევტრიალ-შემოვტრიალებულიყავი და
 გამეღიმა. ბოლოს კმაყოფილი და ბედნიერი იერი მიიღო და კომისარს
 უთხრა:

— კარქი, ძალიან კარქი, ეს გამოდგება.

კომისარმა მადლობა გადამიხადა და საკნის კარი ჩაკეტა. თავის
 გასართობად მამადუ მ'ბა გავიხსენე ეთიოპური ლეგენდიდან, წარმოვიდ-
 გინე, მონასავით როგორ გამყიდდნენ ბაზარზე, მაგრამ ამან ვერ გა-
 მართო. ერთადერთი, ვისი სახეც თავში მიტრიალებდა, რაჟკო იყო, მი-
 სი ღიმილი, მისი გიტარა, მისი მუშტი, მისი ოქროს ხელები: მან შე-
 მასწავლა ჩემი ხელობა, მის ხელში ღილა აუცილებლად ბედნიერი იქ-
 ნებოდა. რა ტყუილუბრალოდ დაიღუპა. გულში პატიება ვთხოვე.

შემდეგ პინიოლი დაბრუნდა შვებულებიდან. მეგონა, გამანთავი-
 სუფლებდა, მაგრამ დანახვისთანავე მივხვდი, ვცდებოდი. მითხრა, სუ-
 ლაც არა ვარ შენ წინააღმდეგ განწყობილი, მაგრამ გერაფრით დაგეს-
 მარები და ეს უნდა გამიგოო. ვუთხარი, ძალიანაც მინდა გაგიგო, მაგ-
 რამ პლას-ვანდომის მზაკვრობა მძიმე ლოდად მაწევს-მეთქი გულზე-
 თქვა, პლას-ვანდომი მხოლოდ ერთი დეტალიაო. აჰ, რას ამბობ-მეთქი,
 გავიკვირვე. მართალი იყო, მთავარი ჩემი ატლასი გახლდათ. ვთხოვე
 ჩემთან წასულიყო და ატლასი მოეტანა. მიპასუხა, ჩემი კოლეგები უკ-
 ვე იყვნენ ჩხრეკის ჩასატარებლად, მაგრამ ვერაფერი იპოვესო.

— ვერაფერი?

მან მხარზე ხელ ამაღო და მითხრა, რომ ჩემი სახლი მანამდე
 უკვე მოენახულებინა... „მონახულების“ შემდეგ კარგად წარმოვიდგინე
 ჩემი ესტაფეტის ობლად დარჩენილი კარკასი, რას იზამ. აღარ ჩავე-
 ძიე. ატლასი რომ გადაჭრით მომეთხოვა, ტყუილუბრალოდ უსიამოვნება
 შემხვდებოდა. ჩვენთან პირუტყვებით არიან და ეს ბუნებრივია: რო-
 ცა იქ ხარ, გეხმარებიან, როცა ვინმე დაიჭრება, კლავენ კომუნის ინ-
 ტერესებისთვის. ვერაფერს იტყვი.

პინიოლმა დაუმატა, საბუთები უკეთ უნდა გაგვეკეთებინა, ამკარად ყალბი იყო, თან იგინებოდა. არაფერი ვუპასუხე. პლას-ვანდომმა კარგად მომამარაგა, ახლა კი ყველაფერი ჩემ საწინააღმდეგოდ ტრიადდებოდა, რადგან ჩვენი არ მქონდა. თქრომჭედლები ორმაგ/სამსახურს ეწვევიან და ეს ყველასათვის ცნობილია: ნახევრად ჩამშვები არიან და ნახევრად ნაქურდალის გამსაღებლები. ესეც მუშაობს იყო პრეფექტურაში, მე კი არავითარი წონა არ მქონდა.

— აზიზ, იცი, შინ ვაგზავნიან.

მადლობა მოვახსენე, ნუ შეწუხდებიან-მეთქი; მე აღარც სახლი მაქვს და ლილაც დავკარგე; მოკლედ, სამართალმა თავისი გზა მონახოს.

— არა, შენ ვერ გამიგე, აზიზ, ეს შენს ქვეყანაში ვაგზავნას ნიშნავს.

— ჩემს ქვეყანაში?

— ჰო, მაროკოში.

ცოტა დრო დამჭირდა აზრზე მოსასვლელად; მერე გამახსენდა, რომ ჩემი საბუთებით მართლაც მაროკოელი ვიყავი, ისევე როგორც უწერიათ ხოლმე ტუნისელი, ალჟირელი ან სირიელი; ეს სწორიც იყო და არც იყო სწორი, ეს არ იყო მტკიცებულება.

— აზიზ, სამაგალითო აქციის ჩატარება უნდათ. ვალდებულნი არიან იქ გაგიშვან, საიდანაც ჩამოხვედი.

აქ კი ვთქვი: ბოდიში. დიხაც მინდა სამაგალითო ვიყო. კი, მე ვცხოვრობ საფრანგეთში უცხოელის სტატუსით, მაგრამ არ დაიწყებ უცხოელად ცხოვრებას ქვეყანაში, სადაც მართლმე ვიცი, რომ ჩემს სამშობლოში არა ვარ. უკვე საკმაო გაჭირვება ვნახე ბოშებთან. მე ვარ აზიზი ციტროენის მარკის Ami n-ის შვილი და ვარ შენსავით მარსელელი, პინიოლ, რამ გამოგაშტერა, ეშმაკმა დალახვროს. ეს ცხადზე უცხადესია: ჩვენ ერთ ენაზე ვლაპარაკობთ, ერთმანეთისა გვესმის!

მაგრამ ნათლად ვიგრძენი, რომ საკმარისი არგუმენტები არ მქონდა; საკუთარი თავიც ჩემ წინააღმდეგ იყო მომართული, მთლად გაყიდული და ნალალატევი. მის წინაშე რომ არ ავტირებულყავი, ვთხოვე პრეფექტისთვის ჩემგან მადლობა გადაეცა.

— აზიზ, ეს ამბავი უფრო ხევიდან მოდის. მთავრობამ მიიღო არალეგალების საწინააღმდეგო ღონისძიებების ჩატარების გადაწყვეტილება. ისევე არალეგალების სასარგებლოდ. ესაა ადამიანთა უფლებათა დაცვის და სმო-ს, საერთაშორისო მიგრაციის ოფისის ერთობლივი ოპერაცია.

ზოგადად ამიხსნა, რომ საფრანგეთში რასიზმის წინააღმდეგ საბრძოლველად საჭირო იყო ემიგრანტების დაბრუნება თავიანთ ქვეყნებში. ვდუმდი, მაგრამ უცნაურად მეჩვენებოდა იდეის წინააღმდეგ პრაქტიკულად განხორციელებული ბრძოლა. მან დაუმატა, რომ ხვალ დილით მარინიანში ჩავუდებოდი თვითმფრინავში, ჩემთვის საგანგებოდ ჩამოსულ „ჰუმანიტარულ ატაშესთან“ ერთად, რომელიც მაროკოში ჩამიყვანდა, ხელახლა „დამაფუძნებდა“, მიპოვიდა სამუშაოს, ბინას, მერე კი, როგორც სამინისტროს ცირკულარი იუწყებოდა, „შეატყობინებდა“

საფრანგეთის მთავრობას სამშობლოში დაბრუნებული მისი მეგობრის კარგ ახალ ამბებს“.

პინიოლმა დასძინა, ჰუმანიტარული ატაშე უკვე დღეს დილით უნდა ყოფილიყო, მაგრამ დაავიანდა ჩქარ მატარებელზე და შემდეგ მოემგზავრებო. ვთქვი, ყველაფერი მშვენივრად მოწყობილად მეთქი. თავისუფალ, არხეინ ტიპს ვთამაშობდი, ცხოვრებას იუმორით უყურებს. სინამდვილეში მთლად დათრგუნული ვიყავი, ასევე ლიტ. კოლეგამ ლაუძახა, მან თავს ზემოთ ძალა არააო, მანიშნა და ჩემს ორმოში ჩამკეცა. სადილზე წავიდა. მომიტანეს კარდალი და ჩანგალი. ჩანგალი დაფერიხე და ისევ პლას-ვანდომის როლში შევიჭერი, ისევ ხელით ვჭამდი იმავე საჭმელს. დრო თითქოს გაჩერდა. ხვალ თვითმფრინავში უნდა ჩავმჯდარიყავი და მეც ველოდი.

ხუთს რომ ოცი აკლდა, პინიოლი დაბრუნდა. თვალს მარიდებდა. მე საკმაო დრო მქონდა საფიქრელად და ცოტა დაემშვიდდი.

— შენი ატაშე ჩამოვიდა, — ამოღერლა ძლივს.

მუხლება კანკალებულმა არხეინი ხმით ვკითხე:

— მისცეს ჩემი საბუთები?

— კი.

— მაშ კარგადაა საქმე: ნახავს, რომ ყალბია.

— არც მასეა.

მე შევწყვიტე ფრჩხილების თვალიერება.

— მხოლოდ შენი ვადაგასული დროებითი ცხოვრების მოწმობა ნახა.

იგი ჩემ გვერდით ჩამოჯდა ლოგინზე თავჩაქინდრული, ხელები მუხლებშია მოიქცია.

— კი მაგრამ, არ უთხარით, რომ ყალბია? — ვიფეთქე უეცრად.

მაშინვე არაფერი მიპასუხა... კევი გამოიღო პირიდან და ცერითა და საჩვენებელი თითით დაგორგოლაგება დაუწყო. როცა კარგად გააპრიალა და დაამრგვალა, განაცხადა, შეამოწმებენ თუ არ შეამოწმებენ, შენ მაინც არალეგალურ მდგომარეობაში იმყოფებიო. პროტესტი გამოვთქვი;

— მე ასეთ მდგომარეობაში ვარ, პინიოლ, რაც დავიბადე!

— ეს ერთი უნდა შეიგნო, აზიზ: სამი დღეა, ბრიგადას ეს ტიპები ჰყავს ზურგზე აკიდებული, რომლებიც გაჰყვრიან: არალეგალები, არალეგალებიო. ისეთ დღეში არიან, მეტი არ შეიძლება... ჩაეშალათ ბორდელი: არ უნდა შეიგნონ, რომ უსაბუთოდ დაჭერილი ტიპი არც ერთი ცოცხალი თავით არ გამოტყდება, რომელი ქვეყნიდანაა ჩამოსული, ასე რომ, მათ ვერსადაც ვერ გააგდებენ. რვა დღე ყელი გვეხევა ღრიალით და მერე ვუშვებთ. ასეთია კანონი.

— კი მაგრამ, მე? მე რატომ არა მაქვს რვა დღის უფლება?

— ერთადერთი; ვინც შენამდე იპოვეს წასაყვანად, ზანგი იყო. ბილეთებიც კი აუღეს. მაგრამ საკმარისი აღმოჩნდა მათთვის შეეხსენებინათ, რომ გვადალუპელიც ფრანგია, და მორჩა საქმე, ხვდები?

კი, ვხვდებოდი. მაგრამ ეს მათი პრობლემა იყო. მე, მე მარსელელი ვიყავი გულით, კილოთი, დაბადებით. და თუ ვინმეს აუცილებლად სადმე უნდა წავეყვანე, ეს ფრიუნის მოსახვევი იყო; ჩემი ქვეყანა ბუშ-

დე-რონი გახლდათ, დასახლება ვალონ-ფლიორი და გუნდი მარსელის „ოლიმპიკი“

პინიოლმა ღრმად ამოიოხრა, რამაც მიზეზი მომცა თავდაცვა გამეგრებებინა.

— შენ პირველი საბუთებიანი უცხოელი ხარ, ვინაა შენდერი, ვისზეც იციან, საიდან ჩამოვიდა.

— და თუ ვიტყვი, რომ ეს ტყუილია?

— რას მოიგებ? ორ წელიწადს ბომეტში ყალბი საბუთებისა და სამკაულის მოპარვისათვის. შენ მართლა ფრანგი გინდა იყო?

ჩემკენ მოიხედა და მის თვალებში უკანასკნელად გაკრთა ჩვენი მეგობრული გრძნობა, ვინემ საბოლოოდ დავემშვიდობებოდით ერთმანეთს. აშკარად ფიქრობდა, რომ ეს გამგზავრება დიდი შანსი იყო ჩემს ცხოვრებაში. აქ არაფერი მაკავებდა, არანაირი მომავალი არ მქონდა. არ ღირდა ჩემთვის აქ დარჩენა. იქ კი შემეძლო სხვაგვარი ცხოვრება დამეწყო გამოცდილი ადამიანის შემწეობით. მუხლზე მაგრად მომიჭირა ხელი და მითხრა:

— ძალიან მომაკლდები.

მისთვის მე უკვე წასული ვიყავი. გაგიჟდები, ადამიანები რა ადვილად ეგუებიან ყველაფერს.

კევი დააგდო, ჩემს ფეხებთან რომ მოგორდა, უკანმოუხედავად გამშორდა. საბეჭდი მანქანების რაკარუკი ისმოდა. შემდეგ სავარცხელი მომცეს წინასწარი ურთიერთობებისთვის მოსამზადებლად. ისეთი ბინძური იყო, თმის თითებით გადავარცხნა ვამჯობინე. და მაინც კიდევ ვერ ვხედავდი, რას შეცვლიდა ეს ჩემს ცხოვრებაში.

ჰუმანიტარული ატამეს წინაშე აღმოვიჩნდი. ოცდათხუთმეტოდე წლის ახალგაზრდა იყო, ქერა, თეთრი კანი ჰქონდა, ჩაცვნილი ლოყები, წითელი თვალები, სათვალე ეკეთა: უშნო არა, მაგრამ რაღაც მოუმთავრებელი კი ჩანდა. ტუჩები მოკუმული ჰქონდა. ეს იმ ხალხს ახასიათებს, ვინც ფიქრობს, რომ მათი ადგილი აქ კი არა, სხვაგანაა. აქაურობისთვის მეტისმეტად თბილი ნაცრისფერი კოსტიუმი ეცვა, საკუბოვე ჰალსტუხი ეკეთა მწვანეზოლებიან პერანგზე. არც შემოუხედავს, ისე გამომიწოდა ხელი და მითხრა:

— ჟან-პიერ შნეიდერი.

მე მხოლოდ გამარჯობა ვუთხარი. ჩემი სახელი და გვარი ისედაც იცოდა, ჩემი პასპორტი ხომ წინ ედო. მითხრა, დაჯექიო, მაგრამ სკამი არ იყო და ეს სულაც არ გაჰკვირვებია. გაცხარებით ათვალეირებდა მის წინ გადაშლილ რუკას.

— მაშ კარგი, ზუსტად საიდან ბრძანდებით?

ეტყობა, ძალიან ეჩქარებოდა, ჩვენი თვითმფრინავი ხომ ხვალ დილით მიფრინავდა.

ჩემს პასპორტში ჩავხედე ქალაქს, სადაც პლას-ვანდომმა დამბადა.

— ირგპიზიდან, — ვთქვი მე.

— ვიცი, — მიპასუხა მან, — წავიკითხე, მაგრამ ვერ ვიპოვე, სადაა.

მივხვდი, რატომ ჰქონდა დაწითლებული თვალები, როცა მაროკოს რუკაზე გამადიდებელი შუშა დავინახე. მას ამაოდ შეესწავლა ქვეყნის ყველა დასახლებული პუნქტის სახელი.

შევცდი, უნდა მეთქვა პლას-ვანდომისთვის ეკითხა, მაგრამ ის უკვე აღარ არსებობდა, დარჩა მხოლოდ ჩანგალი, ჩემი მეხსიერებიდან რომ განვდევნე. სხვათა შორის ეს სახელი — ირგპიზი — ნამდვილად გამოგონილი იყო: ეს ხელს უშლიდა სამოქალაქო მდგომარეობის საბრძოლველად შემოწმებაში. ატაშე ყოველ ათ წამში საათს დაჰყურებდა, ეტყობა, ჩემ შემდეგ კიდევ ჰქონდა შეხვედრა. სახელოებს ისე ნერვიულად იქაჩავდა და მხრებს ისე ათამაშებდა, რომ მივხვდი, ნამდვილად ქალთან ჰქონდა შეხვედრა დათქმული. მეც, როცა ლილას ველოდი ხოლმე ნიოლონის სადგურში, ასევე მოუსვენრად მითამაშებდა კუნთები, რადგან წინასწარ ვერასოდეს გამოიცნობ, როგორ ხასიათზე იქნება, სიფათზე დაგაკერებს თუ გაგიღიმებს, და თავს ისე იმშვიდებ, როგორც შეგიძლია.

ის კი დაჟინებით, ჯიუტად მეკითხებოდა:
 — რა არის ეს ირგპიზი? სოფელი? დაბა? სადაა?
 მე იმ ქალზე ვფიქრობდი, მას რომ სადღაც ელოდა. შეიძლება რაღაც შანსი კიდევ ჰქონდა დარჩენილი, თუმცა მათ შორის საქმე ნამდვილად ცუდად იყო. მე კი აღარავინ მელოდა.
 — მე თქვენ გკითხეთ; სად არის-მეთქი?
 — იქ, — ვთქვი და რუკის შორეულ კუთხეზე მივუთითე ალაღბედად.
 — ატლასში? — მკითხა შეშინებული იერით, — დარწმუნებული არტ?

— დიახ... — ვუპასუხე შეურაცხყოფილმა.
 სასაცილო იყო, მაგრამ ჩემგან დამოუკიდებლად ამ სიტყვამ — „ატლასი“ — რაღაც ჯადოთი რომ წამოსცდა, თითქოს ჩემს თავში ამოვიკითხაო, ამ არსებითმა სახელმა, მისთვის რაღაცას რომ ნიშნავდა, უცრად ჩამითრია რუკის ფერებში, როგორც წყლის დუმფარა ითრევს ოცურავებს ტბის ფსკერისაგან... უკვე ათიოდე საათი იყო, რაც მხოლოდ ჩემს ატლასზე, მსოფლიოს ლეგენდების ატლასზე, ვფიქრობდი. ლილა ი დაგვარგე, მაგრამ მას სხვა ვინმე ჩაიხვევდა თავის მკლავებში დადესთან, ჩემს წიგნს კი ოციოდე ფრანკად მიჰყიდდნენ ვინმე ბუკინისტს და კაციშვილს აღარ ექნებოდა მასთან იგივე დამოკიდებულება, რაც მე.

— ატლასის რომელ ნაწილში? — მკითხა ჰუმანიტარულმა ატაშემ მას მერე, რაც სინანულით დახედა საათს.
 მშრალად მოვუჭერი, რომ უფრო მოგვიანებით ვეტყობდი. ჩემს ცნებებში ვიყავი გართული. მას რეაქცია არ ჰქონდა. ამან უცნაურ მდგომარეობაში ჩამავლო, უცრად გულის სიღრმეში შემრცხვა; ეს ცი ხომ ჩემს სამსახურად იყო მოსული. მან თავისი შეკითხვა მშვიდად განმიმარტა:

— იცით, ჩემი მისია ერთდროულად ძალზე ცხადი და ძალზე გაუბარია. უნდა ჩაგაცილოთ თქვენი წარმოშობის ადგილზე, უნდა და-

გესმართ თქვენი ფესვების მოძებნაში, მხარში ამოგიდგეთ ადგილობრივ ხელისუფალთა წინაშე, როცა სამსახურის ძებნას შეუდგებით... მაგრამ სინამდვილეში მე კე დ'ორსეის პრესსამსახურში ვმუშაობ, მომწყვდიტეს ჩემს ჩვეულ საქმიანობას, რათა ამ ახლად შექმნილ პოსტზე დავენიშნეთ. მე ახლა ახალ ტყავში ვარ, ცოტა დაბნეული და ვწუხვარ, რომ ეს ყველაფერი თქვენზე ტყდება.

ზრდილობიანად რომ მეჩინა თავი, ვუთხარი, მეც ბოდის გინდით-მეთქი. ისე კი ვერაფერი გავიგე მისი ამბიდან. ისე სიმპათიური კი მომეჩვენა, დაახლოებით ჩემს დღეში იყო: მელაპარაკებოდა, სულ სხვა რამეზე კი ფიქრობდა. თანაც სასაცილო აქცენტი ჰქონდა, რაც მის საკანცელარიო მუშაკის გარეგნობას არ უხდებოდა, უხეში და გამოკვეთილი, თანხმოვნებსა და ხმოვნებსაც უცნაურად ატკაცუნებდა, თითქოს ყელში ეხირობოდნენ. უფრო გვიან გავიგე, რომ ეს თურმე ლიტარინგიული კილო იყო. მას კი ეგონა დასძლია იგი.

შევცქეროდი, ხელები ზურგზე ჰქონდა დაწყობილი; ვცდილობდი მისი გულის მპყრობელი ქალი წარმომედგინა, ვცდილობდი ლილას გულგრილობა დამევიწყებინა, ჩემ სანახავადაც კი რომ არ მოვიდა. მან პინიოლს ჰკითხა, პარიზში დარეკვა თუ შეიძლებაო. პინიოლმა გულცივად, რაც ადრე მისთვის არ შეემჩმნეოდა, მოახსენა, რომ დეპარტამენტიდან დარეკვის უფლება ბიუჯეტის შეზღუდვის გამო აღარ აქვთ, მაგრამ შეეცდებოდა მოთხოვნა წარედგინა კომუტატორისთვის, რათა ხელახლა ჩაერთოთ მეთექვსმეტე ხაზი, თუ ბატონი ატაშე ნომრის თქმასა და შესაბამის საბუთზე ხელის მოწერას ინებებდა. ატაშემ უპასუხა, ეს არ არის აუცილებელი, ეს საქმე მოიცდისო, თუმცა მისი თვალები სულ სხვას მეტყველებდნენ. თითებს ნერვიულად აკაკუნებდა მაგიდაზე. მერე ისე ხმამაღლა ამოიოხრა, თითქოს კარი მიიჯახუნესო, და ისევ მაროკოს რუკას მიუბრუნდა.

— კარგი, ატლასი გასაგებია, მაგრამ რომელი ნაწილია? ქვემო, შუა თუ ზემო?

არ გიცი, შემთხვევით თუ სიამაყის გამო ვთქვი:

— ზემო.

— ეს რას ჰგავს! — აღშფოთდა იგი და ხელი დაკვიცილ რუკას დაარტყა, — ბილეთი რაბათზე ამაღებინეს, ეს კი ქვეყნის მეორე ბოლოშია!

— ეს განრიგის ბრალია, — უთხრა გვერდით მჯდომმა ტიპმა, — დილით მხოლოდ ერთი რეისია რაბათზე; სხვები ძალიან გვიანაა. საქმისთვის ასე იყო საჭირო. — იგი კარტუზიანი წითურა ტიპი იყო. უცბად ვერც კი შევამჩნიე მისი ფოტოაპარატის გამო. ყოველთვის, როცა პინიოლის სანახავად მივდიოდი, უთუოდ გადავაწყდებოდი ხოლმე „პროვანსალისა“ ან „მერიდიონალის“, მარსელის ამ ორი დიდი გაზეთის ფოტოგრაფებს; პოლიტიკაში ისინი ერთმანეთის მტრები იყვნენ, თუმცა ერთსა და იმავე პატრონს კი ემსახურებოდნენ. განსაკუთრებით ფოტოების გამო ხოცავდნენ ურთიერთს: ვინ მოასწრებდა და ვინ პირველი გადაიღებდა ვისმე დაჭერის ამა თუ იმ ფაქტის აღმნიშვნელ მომენტს. მაგრამ ეს წითურა აქაური არ იყო, პარიზული კილო ჰქონდა, ისეთი, ტელევიზორიდან რომ გესმის ხოლმე. შევყურებდი და, რადგან რალა-

ცით მაინც დავინტერესდი, ატაშემ მისი თავი წარმომიდგინა. მას გრეტ ტიბოდო ერქვა და დიდ ჟურნალ „მაჩისტვის“ მუშაობდა, დისპანსერში რომ წავიკითხე, როცა კბილი მტკიოდა.

— ის სიუჟეტს გააკეთებს, — ოხვრით დაუმატა ატაშემ.

ვიგრძენი, ჩემი საქმე ნამდვილად დიდ მნიშვნელობას იძენდა. უკვე ერთი საათი იყო, რაც „ძაღლები“ უფრო თავაზიანნი გახდნენ. მიმართ. ულვაშიანმა სქელუამ სიგარეტიც კი შემომთავაზა. მე არ ვეწევი, მაგრამ გარშემომყოფთა ხათრით გავაბოლე, მათ გასამხნეველად.

— სიუჟეტს? — ვიკითხე მე.

მაშინ ატაშემ სათვალე თავის ქერა, ოდნავ ხვეულ თმაზე აიწია, ცხვირი ხელებშუა მოიქცია, ჰაერის ერთი კარგა მოზრდილი ბოლქვი ჩაყლაპა და გამოუშვა:

— საფრანგეთის პოზიციაა დაიცვას ემიგრირებულ მუშახელთა უფლებები, რა თქმა უნდა, იმ შემთხვევაში, თუ სამუშაო და მოწესრიგებული მდგომარეობა აქვთ, მაგრამ სხვა შემთხვევაში, როგორმაც თქვენ ბრძანდებით, სამსახურიდან დათხოვნის ან გაგდების საკითხი კი აღარ დგას, არამედ დემოკრატიული პრინციპების უბრალო უპატივცემულობისა. ამას იმიტომ გეუბნებით, რომ ყველაფერი ნათელი იყოს. შევთანხმდით, ხომ?

— დიას.

— მაშ, ძალიან რომ არ დავწვრილმანდეთ, ზოგადად გეტყვით: მთავრობა იწყებს ღონისძიებას, რომელიც არა მარტო ღირსების ჩარჩოებში თავსდება, არამედ ქმედითი შედეგებიც ექნება. მიზანი მხოლოდ ის კი არაა, რომ ტერიტორია დაგატოვებინონ, სადაც ჩვენ მაშინ ჩამოვიყვანეთ, როცა გვჭირდებოდით, არამედ ისიცაა, რომ შეძლებისდაგვარად დაგიმტკიცოთ, რომ ახლა თქვენს ქვეყანას სჭირდებით. ერთადერთი საშუალება მაღრიბიდან წამოსული მიგრაციის ტალღის შესაჩერებლად თქვენსავე ქვეყანაში თქვენი მომავალი ცხოვრების მოწყობაა ქმედითი პოლიტიკით, როგორც ინდუსტრიული ისე ადამიანთა რესურსების მხრივ და... — უეცრად შეჩერდა, თითქოს ავარიაში მოჰყვაო, თავი მიატრიალა, ნერწყვი გადაყლაპა, ერთი ღრმად ამოიოხრა და პირველად, რაც ერთმანეთი გავიცანით, დაკვირვებით შემომხედა: — შაბათს გადაცემამ „მარსელი არაბების ქალაქია“, ბაზრის 30% შეადგინა. და სწორედ ამიტომ აქედან იწყებენ ოპერაციას! — მესროლა მან აგრესიულად, თითქოს ეს ჩემი ბრალი იყო. — მე თქვენი დოსიეს წაკითხვის დროც კი არ მქონდა! ისიც კი არ ვიცი, რომელ სფეროდან ხართ.

— ავტორადიოების, — წამომცდა ჩემდა უნებურად.

წამით შემომხედა, დაწყნარდა, მაროკოს რუკისაკენ გაიშვირა ხელი, თითქოს ბოდის მინდიდა გაბრაზებისათვის, და შემდეგ მოჰყვა ავანგარდულ სექტორზე, აუდიოვიზუალური ტექნიკისა და რენოს ქარხნის დანერგვის კაპიტალდაბანდებებზე კასაბლანკას რეგიონში. მე თავი გავაქნიე. ისეთი გრძნობა მქონდა, თითქოს გამოცდას მამარებდა.

— თქვენ მაინცდამაინც ამ ტექნიკურ სფეროში გსურთ საქმიანობა, თუ სწავლის გაგრძელება სხვა სფეროში, სადაც მეტი გამოცდილება გაქვთ? ნუ ყოყმანობთ, ასეთი შემთხვევა გეძლევათ: მე საგარეო საქმე-

თა სამინისტროს მანდატი მაქვს თქვენს მთავრობასთან, რათა გაგიადვილდეთ ადმინისტრაციული დემარშები.

— მე ო'კეი ვარ განათებაზე, — თქვა ფოტოგრაფმა.

— კეთილი, — უპასუხა ატაშემ.

მან მაგიდას შემოუარა და გვერდით დაჰიდგა მხარზე დამადო ხელი. დაბნეული იერი ჰქონდა. მერე ხელი სასწრაფოდ მხრიდან, ეტყობა, ეს უკვე მეტიმეტი მოეჩვენა და მხოლოდ გვერდზე დგომით, გაქვავებული ღიმილითა და ზურგზე დაწყობილი ხელებით დაკმაყოფილდა. ფოტოგრაფმა მთხოვა, ატაშესთვის კი არა, ობიექტივისთვის მეცქირა და გამეღიმა.

— არა, ასე ძალიან არა!

მე შევამცირე ღიმილი.

— არც ასე ცოტათი და, თუ შეიძლება, ცოტა გაოცებული იერი მიიღეთ.

გაოცებული სახე მივიღე და ეს სულაც არ გამჭირვებია.

— არა, ძალიან გაკვირვებულნიც არა, ცოტათი და უფრო მომღიმარი და ადამიანური, ცოტა შეწუხებულნიც, რადგან, რაც უნდა იყოს... აი, აი, არ გაინძრეთ! პოპ. მაგარია! არა, არა, კბილები არ გამოაჩინოთ. ი... პო, დარჩით ეგრე, ხელი ასე დატოვეთ, ეს უფრო ბუნებრივია, კარგია, და კიდევ რუკა, ო'კეი, მომწონს, ბატონო, მშვენიერია. თქვენ იღებთ რუკას და კუთხეზე მიათითებთ, შენ, შენ კი მას პასუხობ, გაინტერესებს. გენიალურია! ო'კეი. კიდევ გადავიღებ შავ-თეთრ ფირზე და საკმარისია.

იგი გარშემო გვივლიდა და აპარატს აჩხაკუნებდა, ცოტა არ იყოს დღესასწაულს ჰგავდა ყველაფერი. ისევ ჩემი ნიშნობა გამახსენდა, ბოლო ფოტოები უფრო სევდიანი უნდა ყოფილიყო. ფოტოგრაფმა აკრიფა თავისი ხაბაკხუბაკი და სვალამდე დაგვემშვიდობა. ატაშემ გამომიცხადა, შევიძლია ღიმილი შეწყვიტოთ. ცოტა დათრგუნული იერი ჰქონდა.

— გთხოვთ, მაპატიოთ... ეს ყველაფერი, მაგრამ მთავრობას ამ მომენტისთვის სჭირდება... გამიგეთ? შეიძლება აჰმედი დაგიძახოთ?

თანხმობა განვუცხადე, ჩემთვის სულ ერთი იყო, მაგრამ ბრაზისგან გაწითლებულმა პინიოლმა მკაცრად უთხრა, მაგის სახელი აზიზიაო. ატაშემ პატიება მთხოვა, ისე ვარ, თავი სად მაზია, აღარ ვიციო. ამან ცოტა დამაფიქრა, მაგრამ ჯერ ისე ახლოს არ ვიცნობდით ერთმანეთს, რომ იმ ქალის სახელი მეკითხა, ვინც მის ფიქრებს განაგებდა; როგორი იყო? ეს კაცი კარგ კომპანიონობას გამიწევდა, რატომღაც ძალიან მომწონდა ეს ტიპი. შეიძლება ეს გარემოებების დამთხვევის ბრალი იყო და კიდევ იმისა, რომ სხვა ადგილიდან იყო მოსული.

ხელის ჩამოურთმევლად წავიდა, ეტყობა, ეგონა, ერთხელ ხელის ჩამორთმევაც საკმარისი იყო; რალაც წარმოთქვა რომელიღაც ენაზე. ალბათ ეს სიტყვა „ჩემს ენაზე“ „ნახვამდის“ ნიშნავდა. მან აუჩქარებლად გაიხურა კარი, არადა, ვგრძნობდი, აგვიანდებოდა. ვიმედოვნებდი, მისი ქალი ტელეფონთან ელოდა და მათი პრობლემებიც სვალ აეროპორტში მოგვარდებოდა.

— გულისამრევია, — თქვა პინიოლმა, როცა ჩემს საკანში მკეტავდა.

— რა? — ვკითხე მე.

— რადა, ყველაფერი! ეს... ეს მასკარადი, ფოტოები! შენს მხედველობაში რა იქნება?



შენს მხედველობაში რა იქნება?

ვუთხარი, არა-მეთქი. ჩემთვის საზიზღრობა ბეჭდის ამბავი იყო, დანარჩენი კი უფრო თავაზიანი, ვიდრე გულისამრევი.

— ბოლო-ბოლო, აზიზ, მათ დაკრულზე ხომ არ ითამაშებ?

ვერ გავიგე, რატომ შეიცვალა აზრი ასე ცოტა ხანში. ის მე წასვლას მირჩევდა, ჰოდა, მეც მივდიოდი. სადღა იყო პრობლემა?

— ეს ტიპი იდიოტია, ვერ ხედავ? როგორ მოგიძებნის სამსახურს მაროკოში? აქ მარტო სურათის გადასაღებადაა მოსული, მეტი რა შეუძლია? ნულია, ნული!

უცნაური რამ დაძემართა. კარგად ვგრძნობდი, პინიოლი რომ მართალი იყო, მაგრამ მაინც მსურდა ჩემი ატაშე დამეცვა. ჩვენ შორის ისეთი ურთიერთობა დამყარდა, სადაც პინიოლს ადგილი არ ჰქონდა და, ეტყობა, ამიტომაც ეჭვიანობდა.

— არა, ძალიან კარგი ტიპია, კარგად ვუგებთ ერთმანეთს.

— გაგიჟდი? რას შვრები, შენი დედა ვატირე! ერთხელ მაინც რაღაც ჰქენი ცხოვრებაში... ერთხელ მაინც აჯანყდი!

სასაცილო იყო, რომ პოლიციელი, თუნდაც ჩემი მეგობარი, კანონსაწინააღმდეგო ქმედებისაკენ მომიწოდებდა რკინის გისოსებში გამოკეტილს, ახლავე რომ ჩემ ცხვირწინ დაიხურებოდა.

— იცი, რატომ ამოგარჩიეს ვასაძევეებლად? ხვდები? კარგი სიფათი რომ გაქვს, იმიტომ, აი, ფოტოგენური! ფო-ტო-გე-ნუ-რი!

ვერ გავიგე, რა აბრაზებდა. მეპირფერება-მეთქი, ვიფიქრე.

— მორჩი რა, აზიზ! მე პირადად ეს ყველაფერი გულს მირევს! აღარ იციან, რა ქნან, როგორ გაართვან თავი უმუშევრობასა და თავიანთ დებილურ ზონდირებებს; ჰოდა, აგზავნიან ერთ არაბს თავის სამშობლოში, და, რადგან ეს არაბი შემთხვევით უფრო კორსიკელს ჰგავს, ვიდრე არაბს, ეს ნაკლებ რასისტულ აქტად ჩათვლება! ახლა, ახლაც კმაყოფილი ხარ?!

არაბის სიამაყე არ შემლახვია, მაგრამ სულაც არ მიმაჩნდა, რომ კორსიკელს ვგავდი. პროტესტი არ გამომიტქვამს, პინიოლს კორსიკული სისხლი ჰქონდა დედის მხრიდან და მისგან ნათქვამი ქათინაურად უნდა მიმეღო.

— კმაყოფილი არა ვარ, მაგრამ ეს ამბები დიდად არ მაწუხებს.

— რა არ გაწუხებს? ეს პირმოთნეობა, ეს ტყუილები, ეს საზოგადოებისთვის განკუთვნილი ოპერაცია, ზურგზე რომ წამოგკიდეს, არ გაწუხებს?

მორცხვად ავიჩეჩე მხრები. ის მიყვიროდა, ლაჩარი ხარო, მერე გაჩუმდა, რადგან ეს ჩვენი ფეხბურთის დისკუსიებს მოაგავდა სკოლის ეზოში, როცა ერთკლასელები ვიყავით, როცა მხოლოდ წარწერები იცვლებოდა რვეულებზე წლიდან წლამდე, რაც უკვე წარსული იყო, უფრო შორეული, ვიდრე ოდესმე იმ თვითმფრინავის მიხეზით, რომელშიც ხვალ უნდა ჩავმჯდარიყავი.

- აზიზ, ჯიგარი ხარ.
- შენც.
- მაგრა მიტყდება, რომ მიდიხარ.
- მეც.



ქართული
მედიკალინური ჟურნალი

მაგრამ ეს უკვე არ იყო მართალი. მან თვალები დახარა, ხელა გადაატრიალა გასაღები, მერე გისოსებიდან კევი გამოძიწოდა. მე არ ავიღე, გავუღიძე და თავი დავუქნიე; ძალიან კარგია, ძმაკაცი რომ გყავს. ეს ნაკლებად გტკენს გულს, ვიდრე ის, როცა ქალი გტოვებს. ყოველთვის იმედი გაქვს, რომ ისევ მეგობრებად დარჩებით და რომ ერთად გატარებული დღეები არასოდეს წაიშლება ახალ მეგობრებთან ყოფნის მოგონებებით.

ამას ისიც დაემატა, რომ ნაშუადღევს ლილა მოვიდა ჩემ სანახავედ მატეოსთან, თავის უფროს ძმასთან ერთად და ამით ყველაფერი მითხრა. ლილა თვალდახრილი იდგა, სანამ მატეო მამკობდა, ქუჩის მაწანწალა ძაღლი ხარო, — ეს მათი ჩვეული სასაუბრო ენა იყო, — ნაქურდალი ბეჭდის მირთმევა მანუშის ყველაზე დიდი შეურაცხყოფააო, სენტ-მარიას გმობააო, ჩემთვის შენ ყოველთვის თვალთმაქცი, ნაბიჭვარი, ურწმუნო და კანონგარეშე არაბი იყავი და იქნებიო. ლილა იმისთვის მოწყვანა, რომ ამ უკანასკნელს კარგად შეეგნო თავისი შეცდომა და ეღიარებინა, რომ ბედი ეწია ჩემი ორმოში ჩაგდებით, რომ მისთვის ჩემ გვერდით ყოფნა უფრო შეურაცხყოფელი უნდა ყოფილიყო, ვიდრე მარტობა, და რომ ეს მისთვის სამაგალითო გაკვეთილი იქნებოდა.

შევყურებდი და ვფიქრობდი, რომ მათთვის მართლაც სარფიანი საქმე აღმოჩნდოდა: შეურაცხყოფის ჩამოსაწმენდად დაიტოვეს ჩემი თორმეტი ფაიონიერლანგერის მაგნიტოფონი და ორმოცი ბოუზის მარკის დინამიკი. პლას-ვანდომიც ხელახლა გაყიდდა ჩემს ბეჭედს დახლს ქვემოდან და პოლიციაც მადლობას ეტყოდა ჩემი ფოტოგენურობისთვის.

ლილა კუდში ისე გაჰყვა თავის ძმას, სიტყვაც არ დაუძრავს. კარგად მესმოდა, რომ მატეომ ლაპარაკი აუკრძალა, მაგრამ თვალებით მაინც ხომ შეეძლო გამომშვიდობებოდა; რაც არ უნდა იყოს, ამდენი ხნის ნაცნობობა გვაკავშირებდა. გული ნაფლეთებად მქონდა ქცეული. აი, რატომ ვჩქარობდი შორს ყოფნას, გესმით, იქ დაბრუნებას, საიდანაც არასოდეს ჩამოვსულვარ, ახლის ნახვისა და გაცნობის სურვილით ატანილი: ვალონ-ფლიორი და ბოშები ჩემთვის დამთავრებული ამბავი იყო. ასევე მეჩქარებოდა იმ ნერვიული ბიჭის ნახვა, რომელიც მომამაგრეს, რადგან მას მაინც არაფერი ჰქონდა ჩემი საწინააღმდეგო, თვითონ არ ამოფურჩევია. ორი ჯანდაბაში გასაგზავნი დამნაშავე ვიყავით და თუ ამ კვირაში ან ომი არ დაიწყებოდა, ან უამიანობა ან რამე არ მოხდებოდა პრინციპის ცხოვრებაში, „მაჩის“ გარეკანზე მოგვათავსებდნენ. ამით არც არაფერი შემატებოდა და არც არაფერი მაკლდებოდა, რადგან აღარავინ მყავდა, ვინც ჩემს ფოტოს ამოჭრიდა და შეინახავდა.

ლეიბზე მიგდებული — საშინელი სუნი რომ ასდიოდა, მაგრამ ახლა ესეც სულერთი იყო ჩემთვის — უკვე ვითომ ცაში აფრენილი ვოცნებობდი, რომ თვითმფრინავი ჩემი ატლასის ერთ-ერთ ფოტოზე დაეშვებოდა, რომ რაც უფრო ქვევით ჩამოვიდოდა, მით უფრო დაემსგავსებოდა ყველაფერი ნამდვილს, რომ მიწაზე სინამდვილეში ლეგენდის

დრაზებით დაჯდებოდა. და მე ვეტყობდი ჩემს ჰუმანიტარულ ატაშეს: „კეთილი იყოს თქვენი მობრძანება ჩემს ქვეყანაში“. ის გაიღიმებდა და კმაყოფილი თავს დააქნევდა. ჩემს ოცნებებში ნაკლებ ნერვიული სახე ჰქონდა.



ეროვნული

დილის ათ საათზე ყავა და ბისკვიტი მომიტანეს და აეროპორტში გამაცილეს. ჰუმანიტარული ატაშე შესასვლელთან წინ და უკან დადიოდა მოძრავი ბარიერებითა და პოლიციით გარშემორტყმული. პოლიციელებს ისეთი სახე ჰქონდათ, როგორც აქვთ ხოლმე, როცა ხალხს ეუბნებიან, გაიარეთ, გაიარეთო. როგორც კი დავდგი ფეხი ტროტუარზე, ატაშე მკლავში მწვდა და მთხოვა ავჩქარებულიყავი. მკითხა, ბარგი სად გაქვსო. ვუპასუხე, ჩემი სახლი გამონრეს-მეთქი. მაშინ მირჩია როდიეს მაღაზიაში შემეძინა აღჭურვილობა. მაღლობა მოვახსენე ყურადღებისთვის და დავუზუსტე, რომ კაპიკი არ გამაჩნდა. მიპასუხა, ყველა ხარჯს მისია დაფარავსო. სამი ათასი ფრანკი მომცა საყოველღეო ტანსაცმლის შესაძენად და მთხოვა ავჩქარებულიყავი, რადგან თავისი საქმეები ჰქონდა. ვიგრძენი, რომ ეს საქმეები ხშირად ექნებოდა.

ტანსაცმლის მოსაზომებელ კაბინაში დაუნანებლად დავაგდე ჩემი ნიშნობის თეთრი კოსტიუმი, როგორც უსიამოვნო სახსოვარი, სულ მთლად რომ დამლაქავებოდა ციხეში. ვიყიდე სუფთა კოტონის ძალიან კარგი პრენს დე გალი ქლიავისფერზოლებიან პერანგთან და შესაფერის პალსტუხთან ერთად. შევევაჭრე, მაგრამ უშედეგოდ. ატაშე მაღაზიის მინის კართან დარჩა ჩალისფერებში გამოწყობილ მედიდურ, ზორბა ტიპთან ერთად, რომელიც პრეფექტის წარმოგზავნილად გამაცნო. ისე შემომხედეს, მივხვდი, ჩემი ჩაცმულობა ცოტა ზედმეტად გადაპრანჭული ეჩვენათ ფოტოსათვის. მე კი ეს მათი პატივისცემით გავაკეთე. ჩალისფერმა თქვა, ფოტო აღარ იქნება მოვლენათა შემოტრიალების გამო. და მართალიც იყო. აეროპორტის პოლში თევზის სუნი იდგა, მაგრამ რადგან თვითმფრინავში პირველად ვჯდებოდი, შევეცადე გარცეხა არ გამომეხატა.

— ამ პორტით ხომ წაიღეს ტვინი! — ამოიხრიალა პრეფექტის წარმოგზავნილმა.

— უნდა დავრეკო, — თქვა ჰუმანიტარულმა ატაშემ, სთხოვა ჩემზე თვალი სჭეროდა და ტელეფონების კაბინების მიმართულებით გაუჩინარდა... პოლიციელები ჩამწყვრივდნენ მგზავრების მანიფესტანტებისაგან გამოსაყოფად, რომელთა რიცხვი სულ უფრო და უფრო მატულობდა.

„მა-რი-ნი-ან-ი ჩვენთანაა!“ ეწერათ პლაკატებზე საზღვაო-საკონსერვო ქარხნის მუშებს და ბიდონებიდან იატაკზე ბუიაბესს! ყრიდნენ.

— სამხრეთსაზღვაოსნო იცოცხლებს! — გაყვიროდა მეგაფონი.

— კარგი დრო კი აირჩიეთ, — ბოლმით მესროლა ჩალისფერმა.

ვუთხარი, მე თვითონ არაფერი ამირჩევია-მეთქი, და ვკითხე, თვითმფრინავი ნამდვილად აფრინდებოდა თუ არა.

1. თევზის საკვები.

— კი, ყველაფერი კარგად იქნება, — მომიჭრა ცივად და ზურგი შემაქცია. ტელეკამერების უკან, რომლებიც ის-ის იყო მოვიდნენ ამ ღრიანცელში და იმწამსვე მოძრავი ზღუდეები შექმნეს, „პროვანსალი-სა“ და „მერიდიონალის“ ფოტოგრაფები შევამჩნიე, მუჯღუგუნებით რომ მიიკვლევდნენ გზას, რათა დიდი ნადირი მოეხსენებინათ, კერძოდ: დოკერთა დელეგატები, რომლებიც ცდილობდნენ ცნობათა ბიუროს სტიუარდესასათვის მიკროფონი წაერთმიათ. სალაროს დახლზე გადაწოლილი „მაჩი“ ტიპი ობიექტივს ასწორებდა. ვიგრძენი, რომ უკვე არავითარი წონა აღარ მქონდა: რეპორტაჟს ჩემს სიმპათიურ გაძევებაზე გაბრაზებული დოკერების დარბევა შეცვლიდა, აეროპორტი რომ დაიკავეს დამოუკიდებელი ნავსადგურის გადასარჩენად.

ისინი ჩემზე ფოტოგენურები იყვნენ.

— აქ საშიშია! — თქვა ჟან-პიერ შნეიდერმა და თან წამათრია, — მეორე გასასვლელიდან შევეცდები გასვლას.

პასპორტების საკონტროლო პუნქტისაკენ გავემართეთ. მეგაფონი გაჰკიოდა: „მარსელო, შენი პორტი ყველაზე ძლიერია“. საზღვაო საწყობის მუშები კი ერთხმად მღეროდნენ: „ჰელოუ, სამხრეთ საზღვაოს-ნოვ“, და მჭიდრო რიგებად შეკრულნი თავიანთი ტრანსპარანტებით მოიწვევდნენ წესრიგის დამცველებისკენ, კამერების ამუშავებას რომ ელოდნენ.

მოსაცდელ დარბაზში უფრო სიწყნარე იყო. მე რკინის სკამზე ჩამოფეხეკი, ატაშე კი ისევ დასარეკად წავიდა. მანიფესტანტების სიმღერა თავში მიტრიალებდა, მათთან სოლიდარობის გრძნობა მაკავშირებდა, არ მინდოდა ჩვენი ნავსადგურის მოსპობა, მენანებოდა. თუმცა არც თავს ვიტყუებდი: კიდევაც რომ ვადაერჩინათ ნავსადგური, ველარასოდეს ვიტყოდი ჩვენი ნავსადგური-მეთქი. ტკივილი ყოველთვის იქიდან არ მოდის, საიდანაც ელი. ცრემლებმა, ლილაზე რომ არ დამიღვრია, ახლა ქუთუთოები დამინამა, როცა ბებერი დოკერები, ჩამავალ მზის შუქზე გაქვავებული წეროები და რეიდზე მდგარ გემს შემოსვეული თოლიები გამახსენდა. ნეტავი ზღვის გადაღმა თუ იქნებიან თოლიები? დანომრილ ჯგუფებად შეგვიშვეს რაღაც მოძრავ დერეფანში, საფრენი ბილიკისკენ რომ მიდიოდა. ატაშე, რომელიც ვერაფრით დაუკავშირდა თავის ტურფას, სამგზავრო პატარა ჩემოდანს ნერვიულად მიაქანავებდა; მეც მას ვბაძავდი ჩემი „როდიე აეროპორტის“ ჩანთით, სადაც ბოლოს მაინც ჩავტენე ჩემი ნიშნობის კოსტიუმი. მოგონება, თუნდაც მწარე, მაინც არ უნდა დაივიწყო.

საფრენი ბილიკისკენ მიმავალი ვფიქრობდი, რომ ცხვირი და გულმკერდი ჩემი ქალაქის სურნელით ამევესო — ეს იყო ზეთის, ლავანდისა და ლაყე კვერცხის ნარევი, ქარს ბერის ჭაობიდან რომ მოჰქონდა; მაგრამ დერეფანი პირდაპირ თვითმფრინავთან იყო მიერთებული და ეს უკეთესიც იყო. სჯობს გამომშვიდობება შეკვეცო, როცა პირველად მიდიხარ და არ იცი, უკან როგორ უნდა დაბრუნდე.

მე დავინტერესდი აერობუსით, რომელსაც პატივად ერგო ჩემთვის ახალი ხილი ყოფილიყო. შესასვლელი პოლიციის მანქანას მიუგავდა: მაჩვენეთ თქვენი ნომერი, გაიარეთ, ჩვენთან არ ეწევიან! სტიუარდესაც ბებერი გახლდათ, არც ფეხის გასაშლელი ადგილი მქონდა. წინა

სკამსა და ჩემს ზურგს უკან მჯდარი ტიპის ჩემს საზურგეში ჩაფლულ მუხლებს შორის ჩაჭედდელი თავს მაინცდამაინც კარგად ვერ ვგრძობდი. ცოტა გულდაწყვეტილიც ვიყავი, რადგან თვითმფრინავები, ფრთამებში რომ აჩვენებენ, კერძოდ „ემანუელაში“, სულ სხვაგვარად გაბრუნდებიან. თუმცა ისიც მართალი იყო, რომ დასასვენებლად უნდა ვემგზავრებოდი.

უეცრად ატაშე წამოხტა, გადამაბიჯა და მითხრა: დასარეკად მივდივარ და მალე დავბრუნდებიო. ეს გასაგები იყო, აქ მარტო ჩემს გასაცილებლად ხომ არ ბრძანდებოდა, ისე კი კარგად ვერ წარმომედგინა, რა უნდა მეკეთებინა ჩემს ქვეყანაში. ვუცდიდი და, ბევრი რომ არ მეფიქრა, ჩემ წინ საზურგეზე მიმაგრებულ მოძრავ მაგიდას ვატკაცუნებდი. სტიუარდესა მოვიდა, მითხრა, შემეწყვიტა მაგიდის ტკაცუნები, გამესწორებინა სავარძლის საზურგე და ასაფრენად მოვმზადებულყავი. ამ დროს გასასვლელიდან ვიღაც ტიპმა დაუყვირა, რომ თვითმფრინავი შევშალა, რომ აქ საზურგეები ფიქსირებულია, რომ ყელში ამოუვიდა ეს დაგვიანება, მით უმეტეს, რომ არავითარ ახსნა-განმარტებას არ იძლევიან. სტიუარდესამ უპასუხა, აქ არ უნდა მოსწიოთო. კაცმა ურჩია, თქვენ უკანალს მიხედეთო. სხვა მგზავრებმაც მხარი დაუჭირეს. მაშინ ქალმა იყვირა: მე ვმუშაობ, ვმუშაობ, ბატონებო! მათ კი უპასუხეს, რომ ისინი არ დადგებიან არიან და მათ ზანგი მონებივით არ უნდა მოეპყრონ. აქედან დავასკვნე, რომ ეს ფრანსში არ იყო ცუდი გარემო. ჩემი ატაშე უფრო გაღიზიანებული და უფრო მოხრილი დაბრუნდა, ვიდრე ცოტა ხნის წინ იყო, ეტყობა, ბოლოს და ბოლოს დარეკა. თავის ადგილას დაჯდა უიმედოდ ტუჩებმოკუმული; შემდეგ ისევ წამოდგა და ბოროტი გამომეტყველებით მითხრა სარკმელთან დამეკავებინა ადგილი, რათა პეიზაჟისთვის უკეთ მეცქიერა; მეც დავემორჩილე, მისთვის რომ მესიამოვნებინა, მაგრამ მაინც ვერ გავიგე, ამის გამო რატომ იყო ასეთი აგრესიული. მან ელექტროსათამაშო ამოიღო, რასაც, ეტყობა, უბის წიგნაკად ხმარობდა, და ბოლო თვის დროის განაწილებას მოჰყვა, რათა ჩემი არსებობა დაევიწყებინა. მე კი საფრანგეთის დატოვება მეჩქარებოდა; ჩემი ფიქრით, უცხო ქვეყანაში წასვლა მისთვისაც არ იქნებოდა ურიგო.

ძალიან მეშინოდა აფრენის, მაგრამ არ ვიმჩნევდი. გულში ვიმეორებდი, პილოტმა თავის საქმე კარგად იცის-მეთქი, მაგრამ ასე იყო თუ ისე, მყარ მიწას ვტოვებდი და მერე ინჩ-ალაპ. ამ გამოთქმამ უცნაური გრძნობა მომგვარა, თავისთავად წამომიტივტივდა, როგორც რეფლექსი. ეს უკვე ქვეყნის იერი იყო.

ჩავეფლე ავარიის შემთხვევათა ინსტრუქციაში, მარსელისთვის შემოდან რომ არ მეცქიერა. ეს არ იყო ბოლო სურათი, რომლის დამახსოვრებაც მინდოდა. გასამგზავრებლად პოლში გამართული მანიფესტაცია უფრო უხდებოდა ჩემს მდგომარეობას. ის იყო შესაფერისი დასკვნა ყოველივე იმაზე, რაც გულზე მაწვა: დაპირებების შეუსრულებლობა, უიმედო ამბოხი და აგრეთვე ხალხის გულგრილობა. არ ვიცოდი, ახალი ცხოვრება დაიწყებოდა თუ არა ჩემთვის, მაგრამ ძველი კი ნამდვილად მკვდარი იყო. რაც იმედს მაძლევდა.

როცა პატარა ნათურები გვაფრთხილებდნენ, ქამრები შეიკარითო და ჩაქრა მუსიკალური სიგნალი, სტიუარდესაც დაბრუნდა ყელზე ჩამოკიდებული დაჩუტული სამაშველო რგოლით. ჟან-პიერ შნეიდერმა მაგიდა გადმოსწია, ვერ მოვასწარი გამეფრთხილებინა, ეს აკრძალულია-მეთქი და სტიუარდესა დაუღრიალებდა. უნდა იყოს, ჰუმანიტარული ატაშე სტიუარდესაზე უფრო მაღალ პიროვნებაა. იგი ჩემს დოსიეზე მუშაობას შეუდგა. ამიტომაც აღარაფერი ვუთხარი და თავი მოვიმძინარე, რათა არ შემეწუხებინა.

რომ გამომეღვიძა, ისევ ღრუბლებში ვიყავით. პილოტი აცხადებდა, რაბათში კარგი ამინდიაო. შევხედე ატაშეს, ვისაც ჩემი დოსიე დაეხურა და წერილს წერდა დიდ-დიდი, გაცოფებული ასოებით. ის ასე იწყებოდა: „კლემანტინ“. ეს იყო ქალის სახელთაგან ყველაზე ლამაზი, რომლის წარმოდგენაც კი შეიძლებოდა. მაგრამ ამის თქმა ვერ გავუბედე, ეს მე არ მეხებოდა. როცა უეცრად ყველაფერი გადახაზა, თავს ნება მივეცი წამეკითხა. ის ხომ გადასაგდებად იყო განწირული და ეს ნაკლები უტაქტობა იქნებოდა. იქ ეწერა: „კლემანტინ ვიცი რომ შენ (გადახაზული) მაგრამ მაინც რაღაც ჩემში (გადახაზული) და შენი ხმა (გადახაზული) დამიტოვე შანსი (გადახაზული) გითხრა (გადახაზული)“.

ჩემი მზერა რომ დაიჭირა, სასწრაფოდ დამალა ფურცელი.

— ნუ წუხდებით!

— ბოდიში, — ვუთხარი მე, — არ ვკითხულობდი, მხოლოდ ვუყურებდი.

— საყურებლად ილუმინატორიც საკმარისია!

ცხვირი მივაწებე ილუმინატორს და ცას დავაკვირდი, მაგრამ გავიგონე კია, როგორ დახია ფურცელი და როგორ აკეცა მაგიდა. მიმქროლავ ღრუბლებში ვცდილობდი მეპოვა სახე, მის კლემანტინს რომ ემსგავსებოდა.

— მაპატიე, აზიზ, ცოტა განერვიულებული ვარ.

მე კომენტარი არ გამიკეთებია. ერთი წუთის შემდეგ კი ისევ დაიწყო:

— განქორწინებას ვაპირებ. მირჩევნია ამაზე არ ვილაპარაკო.

ვუთხარი, კარგი, ნუ ილაპარაკებ, ეს არაა მნიშვნელოვანი-მეთქი. მივხვდი, ეს ძალიან პირადი საქმე იყო. ალბათ უნდა მომეყოლა ჩემი ნიშნობის შესახებაც, რომ მარტო მას არ ეგერძნო თავი უბედურად, მაგრამ ის სხვა წრიდან იყო გამოსული და ჩვენი ამბები ალბათ ერთმანეთს სულაც არ ჰგავდა.

— მას კლემანტინი ჰქვია, — ამოიოხრა ატაშემ.

განცვიფრებული სახე მივიღე და მივულოცე, რომ მის ცოლს ასეთი მშვენიერი სახელი ერქვა, ვუთხარი, ხილივითაა-მეთქი, რომ მაროკო კლემანტინების ქვეყანაა-თქო. ეს ისე, სიტყვის მასალად ვთქვი; დარწმუნებული არ ვიყავი, მართლა ასე იყო თუ არა. მან უეცრად ხელი დაკრა სახელურს, რომელიც ერთმანეთისგან გვეყოფდა, და შიგ ჩაჭედო საფერფლიდან მუხლებზე ფერფლი და ნამწვავები გადმომაყარა. სასწრაფოდ დავუზუსტე ზედამხედველ ქალს, ბოროტი იერით რომ მიდი-მოდოდა, სიგარეტს არ ვეწევი-მეთქი.

— ვერ გამიგია, ვერ გამიგია, რა დაგვემართა... როგორ შეიძლებოდა ეს დაგვემართნოდა! — ხელებს მარაოსავით შლიდა და ნერვიულობდა ჩემი ატაშე, მოწმედ წინა სკამის სახურვე პყავდა. საქმე, ეტყობა, მისი და კლემანტინის პრობლემებს ეხებოდა. ვაფიფიქრე, რაღაც ყოველთვის თავისთავად ხდება ხოლმე და ვერაფერს გააწყობ. დილით მე მშვიდად ვსვამდი აპერიტივს ჩემი ნიშნობის სადილიდან და დღეს კი ვიყავი არალეგალური მოწმე, გახლდით სამაგალითოდ გამეზებული მოდელი, ვინც თავისი ყალბი საბუთების ქვეყნისაკენ მიყრდნობდა იმ კაცთან ერთად, ვისაც ვერა და ვერ გაეგო, რატომ აღარ უყვარდა ცოლს. ჩვენ მათ შემთხვევით აგვარჩიეს და მაინც რაღაცით ვგავდით ერთმანეთს. ეს ერთგვარად ჩვენი რეჟანში იყო.

გასასვლელის მეორე მხარეს ერთმა მგზავრმა ქალმა მარცხენა ძუძუ ამოიღო, რომ ჩვილისთვის ეჭმია. და უეცრად ლილას არყოფნამ ძალზე მატკინა გული. ის ყველაზე ლამაზი გოგო იყო, რომელიც კი მყავდა, თუმცა სხვა არც არასოდეს მყოლია. ის მოდიოდა ხოლმე ჩემთან შესახვედრად, მკლაფებს ვხვევდი და ხელებს მაისურში ვუცურებდი. თვალები გაუახილე, ხილვა რომ მომიშორებინა. პირდაპირ მჯდარი ქალი მშვიდი და ქერა იყო, ცოტა კლემანტინს ჰგავდა, მისი ქმარი მე მიღიმოდა, ეტყობა, მე და ჟან-პიერ შნეიდერი წყვილი ვეგონეთ, ჟან-პიერის სიქერაგის გამო; ასე რომ, მე და მასაც გვქონდა საერთო.

— შვილები გყავთ, ბატონო ატაშე?

მან მხრები აიჩჩია. მისმა მკაცრმა მხერამ და წინგამოწეულმა ნიკაპმა მიმახვედრა, რომ ჩვილის დანახვამ ისიც ჩემსავით შეაწუხა. სიგარეტი ამოიღო, კარგად დაათვალიერა დ ისევ კოლოფში ჩააბრუნა ისე, რომ სხვები სულ დატეხა. უეცრად მომიტრიალდა და მითხრა:

— არა, მაინც რა ეგონათ? სკანდალი უნდა მომეწყოს და ერთმანეთთან შეხვედრა დამეშალა? არ მითხრათ ასლა, რომ ეშინოდათ! მე სრულიად გასაგებად მოვიქეცი. როგორც კი მითხრა, სხვა მყავსო, ავდექი და წამოვედი. ავიღე ჩემოდანი, ტექსტი, რომელზეც ვმუშაობდი და სასტუმროში გადავედი. სხვა რა უნდა მექნა?

— არ ვიცი, — ვუთხარი დაღონებულმა.

— უნდა მებრძოლა. კი, ასეა, კონტრშეტევაზე უნდა გადავსულიყავი, დეტექტივი დამექირავებინა მათთვის ყოტოების გადასაღებად და პირველს შემეტანა განცხადება განქორწინებაზე. ლუბიაკისთვის კი თავში უნდა მიმეხალა განცხადება სამსახურიდან წამოსვლაზე, არა?

ვუთხარი, ცხოვრებაში ყოველთვის არ გრჩება კაცს საკმარისი სამოქმედო დრო და რომ ყოველ ადამიანს თავისი თავმოყვარეობა გააჩნია-მეთქი.

— ლუბიაკი მისი საყვარელია, პრესის დირექტორის მოადგილე გახლავთ სამინისტროში. მისიაში გამოაგზავნინა ჩემი თავი, რომ თვითონ წყნარად იყოს. ხედავთ, ყველაფერი ვითხარით.

მადლობა გადავუხადე. მართლა ძალიან ვგავდით ერთმანეთს. ორივე ერთ დღეში ვიყავით, ოღონდ მას კიდევ სჯეროდა, რომ თავის ძველ ადგილს დაუბრუნდებოდა.

— ეს აღმამფოთებელია, — დაასკვნა მან — ეს არაა ბედთან შეგუება. კარგი, გვეყო.

მან დოსიე ამოიღო, რაზედაც ჩემი გვარი ქემალ აზიზი გარედან ეწერა, — როგორც სკოლაში.

მელნისა და საშრობის სუნმა გადაფარა ჩემს მოგონებებში ლილას სურნელი. დიდი მღელვარებით, ისე, როგორც ტელევიზორს / რთავენ ხოლმე ფეხბურთის საყურებლად და დარდის გადასაყრელად, წამოისროლა:

ბიზლიმთეა

— დავუბრუნდეთ შენს საქმეს, აზიზ.

რადაც ჩამწყდა გულში, ჩემი სახელი რომ წარმოთქვა ასე მშრალად, ნაჩქარევად და უხეშად. ბოშებთან მესმოდა ხოლმე „აზიზო“, მაგრამ მარსელი უკვე ძალზე შორს იყო. თავს ვეკითხებოდი, რამდენ ხანში შემეცვლებოდა აქცენტი. ატაშემ დაუმატა:

— მაპატიე, ჩემი გასაჭირი რომ მოგახვიე თავს.

გუთხარი, ეს დიდი ცოდვა არაა, პირიქით დამაინტერესა თქვენმა მონაყოლმა-მეთქი. ჩამაფიქრა კიდევ კლემანტინის ამბავმა პრესტიჟული კვარტლიდან; უფრო და უფრო ქერა და მოკლეთმიანი მესატებოდა თვალწინ ლილას საპირისპიროდ; მაგრამ დეკორი მაკლდა მათი ცხოვრების წარმოსადგენად.

— თქვენ სადაური ბრძანდებით, ბატონო ატაშე?

— შეგიძლია შენობით მელაპარაკო, როგორც შენს ქვეყანაშია მიღებული, ეს მე არ შემაწუხებს.

ველარ გაუბედე თქმა, რომ პირადად მე დიახაც მაწუხებდა, შენობით რომ მომმართავდა, ისეთი ტკბილი მოგონება მქონდა დარჩენილი მეექვსე კლასში ყოფნისას, სადაც ექვსი თვე დავდიოდი და სადაც პირველად ჩემს სიცოცხლეში თქვენობით მომმართეს. მაგრამ ის თავისთავად გადავიდა თქვენობით ლაპარაკზე, აშკარად ჩანდა, რომ ასე უფრო ემარჯვებოდა. მაინც დამიზუსტა, „ბატონი ატაშეს“ ნაცვლად „ბატონი შნეიდერი“ ან „ჟან-პიერი“ შეგიძლია დამიძახო. მითხრა, რომ მალეზერბის ბულვარზე ცხოვრობდა მეუღლესთან ერთად, თუმცა ამას ახლა უკვე აღარ მქონდა მნიშვნელობა, რადგან ბინა მისი ცოლისა იყო.

— მეც თქვენს დღეში ვარ, აზიზ, გარკვეული მნიშვნელობით.

რამდენიმე წუთით ჩაფიქრდა, რადგან არ იცოდა, უფრო ზუსტად როგორ გამოეთქვა „გარკვეული მნიშვნელობა“. მე ვდუმდი, მისთვის რომ ფიქრში ხელი არ შემეშალა. ამ კაცს სკოლის სურნელი ასდიოდა და ეს ძალიან მსიამოვნებდა. ემილ ოლივიეს კოლეჯს მაგონებდა, სადაც ჩემს ცხოვრებას პირველად დაესვა წერტილი იმ დღეს, როცა სწავლა მიმატოვებინეს. ახლა ისეთი გრძნობა მქონდა, თითქოს არდადეგებიდან დავბრუნდი, იმ ხანგრძლივი არდადეგებიდან, შვიდი წელი რომ გაგრძელდა.

ცოტა ხნის სიჩუმის შემდეგ ატაშემ ხელახლა აიღო დოსიე, რათა ჩემი საქმე შეესწავლა. მიკვირდა, ნეტავ რად უნდოდა, როცა ცოცხალი აგერ გვერდით ვეჯექი. მან ამოიოხრა:

— იცით, ჩემი პირადი მღვთმარეობის მიუხედავად არ ვამართლებ ამ მეთოდებს. პრინციპებზე არ ვამბობ. ჰუმანიტარული მისია თავისთავად პატივსაცემია, მე იმათ არ მივეკუთვნები, ვინც ყველაფერს დასცინის, მაგრამ ასეთი აჩქარება... ჯერ თვეების მანძილზე ვიეტნამის

ფრანგულენოვანი მოსახლეობისთვის წერა-კითხვის გადამწყვეტ საკითხებზე ვმუშაობდი დირექციის დაფარებით, ამას თქვენ საწინააღმდეგოდ კი არ ვამბობ. მერე უკვირთ ხოლმე ჩვენი წარუმატებელი საგარეო პოლიტიკა. მე სულიერი კრიზისის ხანა მაქვს, ჩემთვის აუცილებელი იყო პარიზში დარჩენა, გარდა ამისა ორ დღეში როგორ უნდა დაგფუძნოთ ხელახლა, არ მესმის. როგორც არ უნდა იყოს ჩემთვის უდიდესი პრობლემები, ღრმად ვწუხვარ, რომ ისინი თავს მოგასვნიებენ, რამ ხომ ხედავთ, რა მდგომარეობაში დამასახელეს, ლუბიაკი ამ საქმეში არ ჩარეულა, კაცმა არ იცის, რად გვაქცევს ხოლმე ეს მასმედია, ამას თქვენთვის არ ვამბობ... მაგრამ მე მომზადების დრო არ მქონდა. და იცით, საერთოდ, არ ვიცნობ მაროკოს.

— აჰ, მაშ კარგი. ყველაფერი გენიალურად იწყება ორივესთვის, იფ, იფ!

— ფოტო გაქვთ? — ვკითხე.

— ფოტო?

— ქალბატონი შნეიდერის ფოტო, მე თქვენ ლილასას გაჩვენებთ. ეს ჩემი დანიშნულია და ეს-ესაა მიმატოვა.

შეუკვნდა, წარბები აზიდა სათვალის ჩარჩოს ზემოთ და მერე პორტფელიდან საკრედიტო ბარათებს უკან ჩამალული სულ პატარა პასპორტის სურათი ამოაძვრინა. ისე მომაწოდა, როგორც საკუთარ წყლის ბოთლს აწვდიან სხვას, მიკრობებისა როცა ეშინიათ. შევხედე და იმწამსვე გადავწყვიტე იმედგაცრუება დამემალა: ეს იყო ძალზე ულამაზო, ცისფერთვალეა, წვრილტუჩა და მძიმე ნიკაპიანი ქალი. კიდევ ერთხელ შევათვალე ჩვენ პირდაპირ მჯდარი გოგო, მაგრამ უკვე სხვაგვარი იყო. იგი აღარ მჭირდებოდა კლემანტინის წარმოსადგენად, ვისაც სახელიც კი სასაცილო მქონდა, როგორც ფორთოხალი ან ბანანი.

ქერა ქალმა ჩემი მზერა დაიჭირა. თავაზიანად გავუღიმიე და მანაც უბრალოდ გამიღიმა ქვენა აზრების გარეშე, ისე როგორც ამთქნარებენ ხოლმე, როცა სხვები ამთქნარებენ. მაგრამ მის ქმარს ეს შედეგად მოეჩვენა, სასწრაფოდ გამოართვა ბავშვი, რომ დაედასტურებინა, ნამდვილად მისი რომ იყო, და ძუძუს ჩაბრუნდა ლიფში. მაშინვე ამოვიღე ლილას სურათი, ჩანთაში ჩაკუჭულ ნიშნობის კოსტიუმის ჯიბიდან. ატაშემ მითხრა, ძალიან ლამაზიაო. მე გამოვართვი და დავხიე, ისე, ანგარიშმიუცემლად, სოლიდარობის გამოსახატავად და თან თვალეში შევაცქერდი. მან ეჭვით შემათვალეირა, მერე გაღიმიებას შეეცადა, ტუჩები აუკანკალდა და თავადაც ორად გადახია კლემანტინის ფოტო, მაგრამ შევატყვე, რომ ეს ჩემს საამებლად გააკეთა, რადგან ნახევები ჯიბეში შეინახა, და მწვრთნელის ავტორიტეტული ხმით მითხრა, თითქოს ხელახლა კაცურ ლაპარაკს განვაგრძობდით:

— ირგპიზზე მელაპარაკეთ!

მისი ბრძანება კითხვით ფორმაში გავიმეორე, დრო რომ მომეგო პასუხის საპოვნად. ნამდვილად მერჩია ისევე მის პირად ცხოვრებაზე გავგვეგრძელებინა საუბარი, მაგრამ მოვზაურობის მიზეზი მე ვიყავი. თავში ემილ ოლივიეს კოლეჯი მიტრიალებდა, მისი საღებავგაცილილი კარები, დაჯღაბნილი კედლები, კლასებს შორის ატეხილი აყალმაყალი, დერეფანში შპრიცები და ყოველივე ამის შუა ბატონი ჟიროდი, ცოტა

მოხუცი, სათნო მოხუცი, ვისთვისაც ასე სამწუხარო იყო ეს სანახაობა, ასე გულსატკეანი, ვინც სხვა ცხოვრებიდან იყო მოსული — მოკლედ, ისე დავფიქრდი მისგან ნაჩუქარ ჩემს დაკარგულ პლასზე, რომ ჩემდა უნებურად თხრობა დავიწყე. სიტყვებს ჯერ ხელს, ეგულოდ გამოვთქვამდი, მერე თანდათან თავდაჯერებულ მთხრობედად ვიქეცი. ვყვებოდი ნაცრისფერი ადამიანების ლეგენდას მეთოქვეს თავიდან, სულ უცნობსა და საიდუმლო ხეობაში რომ ცხოვრობენ, სადაც არც გზა არის და არც პროგრესი, სადაც მწვანე სამოთხეა პრეისტორიული მცენარეებით, ისე რომ ხარობენ მოშიშვლებული მთების ძირას. ამ მთებს ტურისტები ხედავენ, მაგრამ ეჭვიც კი არა აქვთ, რა ხდება მათ გადამა, რადგან ნაცრისფერი ადამიანები თავიანთ ხეობას თაობიდან თაობას საიდუმლოს შენახვის ფიციტ გადასცემენ; სხვათა შორის იქიდან არასოდეს არავინ გამოდის დარაჯთა გარდა, რომელთაც ტერიტორიების შემსწავლელი მოგზაურებისთვის თავგზის აზნევა ევალებათ, რათა ამ უკანასკნელებმა არ აღმოგვაჩინონ. — ცოტა გადავაკეთე ფირდოუს ალ მ'ფუკის ისტორია, დაკარგული სამოთხე, წინასწარმეტყველი მაჰმადის მედინაში გაქცევისას რომ მოხდა; — ჩემს საიდუმლო ხეობას ირგპიზი პქვია და მე ვარ პირველი ნაცრისფერი ადამიანი, ვინც იქიდან გამოვიდა და მარსელში მოხვდა.

ატაშე საცრისტოლა თვალებით შემომცქეროდა.

— რატომ? — შკითხა ისეთი ჩახლერილი ხმით, ვიგრძენი, ის რომ ნაცრისფერი ადამიანი ყოფილიყო, თავის ხეობას არასოდეს მიატოვებდა.

მივხვდი, რაც ვაიფიქრა.

— იმიტომ, რომ ხეობა ნადგურდება მთებში ჩატარებული საგზაო სამუშაოების გამო. პოდა, აი, მეც წამოვედი დახმარების საძებნელად.

მან ვერ გაიგონა, სტიუარდესამ ფორთოხლის წვენი რომ შესთავაზა და მერე მხრების ჩეჩვით წავიდა. სიამოვნებით დავლევდი ფორთოხლის წვენს, პირი სულ გამომშრალი მქონდა, მაგრამ, ეტყობა, მართო ფრანგებისთვის იყო განსაზღვრული, რადგან ერ ფრანსის თვითმფრინავში ვისხედით, და ნაწყენმა ვთქვი:

— ყველას ფეხებზე ჰკიდია ირგპიზი. ცხადია, არც არავინ იცნობს. სწორედ ამიტომაც დარჩა იგი მსოფლიოს საუკეთესო ადგილად, მაგრამ მისი გადარჩენაა საჭირო.

— კი მაგრამ, რატომ არ უთხარით ეს ყველაფერი „მაჩის“ ტიპს? — წამოიყვირა ჟან-პიერმა.

გუპასუხე, რომ ეს საიდუმლოა და რომ ისედაც ზედმეტი ვილაპარაკე. ლეგენდა ჩემს ატლასში აქ მთავრდებოდა. თავს ვეკითხებოდი, რაღა ეს ლეგენდა ავირჩიე და არა სხვა-მეთქი. ეს არ იყო მაინცდამაინც პრაქტიკული; მაგრამ, რაც მართალი მართალია, ოცნების კარგ საშუალებას იძლეოდა. ნეტა ერთი ატაშეს სახისთვის შეგეხედათ!

— და ახლა... იქ უნდა ჩავაცილოთ?

პანიკური შიში იგრძნობოდა მის ხმაში და ამავე დროს ბავშვური აღტაცება, რაც ძალიან მომეწონა. ერთ-ერთი, რასაც თავს შევპირდი ზღვისპირა კლდესთან, ის იყო, რომ ღილასთან, როცა დაქვრივდებოდა,

ბევრი შვილი მყოლოდა, მათ ჩემს ლეგენდებს მოვუყვებოდი და ისინიც დაიჯერებდნენ იმის ნაცვლად, რომ ათი წლისებს ქუჩაში ჩანთები მოეპარათ მიღებული აღზრდის თანახმად. თუმცა რეალობა ყოველთვის იმარჯვებს, თუმცა უმჯობესია რაც უფრო გვიან მოხდება.

— მოიცა, მოიცა, — გამაწყვეტინა ფიქრი ატაშემ და თან ჩაქუჩა ხი მოიბოშა.

— ვერ გამიგია, რატომ წახვედით მარსელში? გამოსვედით თქვენი ჩაკეტილი ხეობიდან და მარსელში წახვედით, ხომ?

ოპ, ეს უკვე აღარაფერს ჰგავდა... მაგრამ მაინც განვაგრძე, რომ ტომის უხუცესი იცნობდა მარსელის ფაკულტეტის პროფესორ ბატონ ჟიროდის, ვინც იცოდა, როგორ უნდა გადაერჩინა ხეობა. ჩემი მისია კი ბ-ნ ჟიროდის დარწმუნება იყო, რომ იგი და მისი ჯგუფი ჩვენ დასახმარებლად წამოსულიყვნენ.

— კი მაგრამ, საიდან იცნობდა უხუცესი პროფესორს თუ არასოდეს გამოსულა ხეობიდან?

ეს კაცი უკვე ძალიან მალიზიანებდა. ლეგენდას უნდა უსმინო, დისკუსია კი არ გამართო. ერთი კი მართალი იყო, ეს ყველაფერი მან სინამდვილედ აღიქვა. ცოტა გამიკვირდა კიდევ, ასე იოლად რომ დამიჯერა. ალბათ მან თავი ჩემს ადგილას წარმოიდგინა და თავისი ინტელექტის წყალობით არც კი დაეჭვდა, რომ ნაღდ ტყუილებს ვუყვებოდი. ის ხომ ახლა ჩემს სამსახურში იყო, საწყის პუნქტში უნდა დავეფუძნებინე. ოცნებად მქონდა მისთვის ყველა კარი გამეღო მის სამინისტროში. უსინდისობა იქნებოდა ისეთ ოცნებებში ჩამეძირა, საიდანაც ვედარ გამოვიყვანდი.

— შეეუღლმფრენიდან, — ვთქვი მე.

— შეეუღლმფრენიდან?!

— დიახ, ბატონი ჟიროდი შეეუღლმფრენით მოვიდა მთების დასაზვერად და ჩვენთან ჩამოვარდა, დაიმტვრა. მას ჩვენი მაგიური მცენარეებით უმკურნალეს. ჰოდა, გვითხრა: „მე ვარ მარსელის ფაკულტეტის პროფესორი, დედამიწის საიდუმლოებათა სპეციალისტი. თუ ოდესმე რამე დაგჭირდეთ, მოდით და მნახეთ, რადგან თქვენ მე სიცოცხლე შემიწარჩუნეთ“. როცა მიდიოდა, დააფიცეს, რომ საიდუმლოს არ გასცემდა.

ძალიან კმაყოფილი ვიყავი, ფასი რომ მოვუმატე ბატონ ჟიროდის, ჩემს მოხუც გეოგრაფიის მასწავლებელს. იგი ინდიანა ჯონსს დავამსგავსე. ნამდვილად იყო ამისი ღირსი.

— ახლა კი, — გააჭენა ატაშემ — პირიქით, მთელმა მსოფლიომ უნდა გაიგოს ნაცრისფერი ადამიანების არსებობა, რათა შეიქმნას სოლიდარობის ჯაჭვი ხეობის გადასარჩენად! ასეა, არა? მაგრამ თქვენ ურწმუნო ვინმე ბრძანდებით! როცა წარმოვიდგენ, ხელთ რომ „მაჩის“ ტიპი გვყავდა, შეგვეძლო მისი წამოყვანა, გავაკეთებდით ექსტრაორდინალურ რეპორტაჟს, მე თქვენ დაგაფუძნებდით, როგორც ეკოლოგიისთვის მებრძოლს, ირგპიზის გადამრჩენელს, ანუ თუ როგორ ეხმარება საფრანგეთი მაროკოს არქეოლოგიური განძის გადარჩენაში! მაგრამ

არა უშავს, ამას მერეც მოვახერხებთ, უახლოეს ნომერში... მივცემ ინტერვიუს ტელევიზიას ტელეფონით. ხომ არის ტელეფონი?

— საად?

— ირგპიზში!

გამეცინა, ჩემს ლეგენდაში ასე შინაურად რომ გრძნობდა თავს, ისე გულიანად გამეცინა, რომ იგი ჩემი ძმაკაცი ^{შეგვხვდა} „შენიღერი“ ისეთივე ჩვეულებრივ სახელად იქცა ჩემთვის, როგორც ადრე „პინიოლი“, რადგან მეგობრებს ცხოვრებასთან ერთად იცვლი და ეს ბუნებრივია: აქამდე მე ავტორადიოებს ვიპარავდი და „ძალს“ ვმფარველობდი; დღეს ღრუბლებში ვიყავი და გზას ვადექი უცხო ქვეყნისკენ, სადაც ჩემი ლეგენდა ჩაგრვე ჩემი ფესვების სახით, და ვმფარველობდი ინტელექტუალს, ოცნება რომ სჭირდებოდა თავისი ცოლის დასავიწყებლად.

როცა სიცილს მოვრჩი, დავინახე, რომ ნაწყენი იყო. გულიანი ბიჭი ჩანდა ბიუროში მუშაობისა და მორალური კრიზისის მიუხედავად. შერცხვა, ტელეფონი რომ იკითხა. მე მას სამოთხეზე ველაპარაკე, სადაც ნამდვილი ადამიანური ურთიერთობები უნდა ყოფილიყო; შეიძლება იქ, ქვეყნიერებას მოწყვეტილ წყაროსპირა გამოქვაბულში მას თავისი კლემანტინიც არ დაეკარგა. კარგად ამოვიცანი მისი სინდისის ქენჯნის მიზეზი: ან ირგპიზი უნდა გადაერჩინა და მისგან მედია-კლუბი გაეკეთებინა, ან მთები ხელუხლებლად დაეტოვებინა.

ერთ დღეს შეცდომით ასეთ ფილმს გადავიყარე. ლილასთან ერთად „ტერმინატორის“ სანახავად წავედი დიდ, კომპლექსურ კინოთეატრში. ამდენი დერეფნის გადამკიდეთ დარბაზი შეგვეშალა. აღმოვჩნდით წაგრძელებულ დარბაზში, სადაც დოკუმენტურ ფილმს აჩვენებდნენ რომის შესახებ. იმდენად უცნაური იყო, რომ ცოტა ხანს შევჩერდით. ერთ-ერთ სცენაში მეტროს მშენებელმა მოშებმა გვირაბის თხრისას პრესტორიული ნახატებით სავსე გამოქვაბული აღმოაჩინეს. იდგნენ გაშეშებული და აღფრთოვანებით შესცქეროდნენ ნახატებს. სწორედ ამ დროს ნახატები წაშალა მათმა შემოშვებულმა ჟანგბადმა. ჟან-პიერიც თავს დამნაშავედ გრძნობდა, წინასწარ საყვედურობდა თავის თავს იმ ზიანის გამო, რასაც იგი ჯერ კიდევ მისთვის უცნობ ჩემს ხეობას მიაყენებდა.

ჩემს თავს ზემოთ მყოფ ჰაერის ღილაკს დავაჭირე ხელი. საოცარია ლეგენდის ძალა, როცა თავს შეიწუხებ და დაიჯერებ. საბოლოო ჯამში ჩემი ატაშე უფრო კომპიუტერული გამოდგა ვიდრე ეგონა. უკვე ერთი საათი იყო, რაც „დამაფუძნა“ — ანუ არაბი მთხრობელი გამხადა.

ჟან-პიერმა ჰალსტუხი გაისწორა, ჩემ მიერ გამოშვებულმა ჰაერის ნაკადმა რომ გვერდზე მოუქცია. შემდეგ, როცა თითი ავუშვი ღილაკს, წარბები შეჭმუსხნა, მომიტრიალდა და მითხრა:

— კი მაგრამ, აზიზ, თქვენ მითხარით, ავტორადიოებში ვმუშაობდიო...

— კი არ ვმუშაობდი, ვიპარავდი.

ეს ისე წამომცდა, უაზროდ, გულღიანობის შემოტევამ მომიცა. მაშინვე ვინანე, როცა შევამჩნიე, ამგვარმა პირდაპირობამ რომ ჩემი ინტერესების საწინააღმდეგოდ კიდევ უფრო მეტი დამაჯერებლობა მისცა

ირგპიზს. მე მართლა მაგარი მთხრობელი გამოვდექი. შნეიდერმა მცირე ხნის გაოცების შემდეგ ბუზივით გააძევა ჩემი უნებლიეთ წამოსროლილი ფრაზა:

— ეს მე არ მეხება. არც არაფერი მინდა ვიცოდე თქვენს არალეგალურ ცხოვრებაზე მარსელში; ეს ყველაფერი ჩემთვის არ არსებობს. მე პოლიციელი არა ვარ. მხოლოდ ირგპიზი მაინტერესებს და მის შესახებ მომაგალი.

ჩემი მზერა ისევ ქერა ქალს დაუბრუნდა, რომელსაც ძუძუ ჰქონდა ამოღებული. მწოვარა ბაგშვის დანახვაზე სევდა შემომაწვა: ამ ქალს გარანტირებული ჰქონდა მომაგალი, მე კი ისევ ლეგენდით ვიკვებებოდი, ცრუ მშობიარობა რომ ექნებოდა, როგორც კი მაროკოში ჩავიდოდით და ჟან-პიერი ირგპიზის გზას მკითხავდა. ერთი თვე ხომ არ მოვუნდებოდი ხეტიანს არარსებული ხეობის საძებნად? ხომ ყველას დასაცინი გახდებოდა ჩემი ატაშე „ჩემს ქვეყანაში?“ უფროსებიც დასჯიან გადაჭარბებული ხარჯებისათვის. უმჯობესი იყო მშვიდად დაშვება დედამიწაზე.

— უნდა გითხრათ, ბატონო...

— ჟან-პიერი დამიძახეთ.

— უნდა გითხრათ, ჟან-პიერ... ბატონი ჟიროდი სინამდვილეში ემილ ოლივიეს კოლეჯის გეოგრაფიის მასწავლებელია. ესაა და ეს.

— ფუჰ, ეშმაკმა დალაზვროს, — თქვა ჟან-პიერმა ღრმად დამწუხრებული იერით, — მაშ, იპოვეთ იგი მარსელში და, როცა მიხვდით, რომ გატყუებდათ, რომ არ იყო არქეოლოგი, ასე ვთქვათ, ჩაფლავდით... პირში ჩალაგამოვლებული დარჩით, ველარ გაბედეთ ირგპიზში ხელცარიელი დაბრუნება.

ჩემმა ისტორიამ მართლა მაგრა გაუხსნა მადა. საცოდაობა და დაუნდობლობა იქნებოდა მისთვის პირიდან ლუკმის წართმევა; მე კი... მეც მივეჯაჭვე ჩემს გადაკარგულ ხეობას. მაგრამ არჩევანის დრო აღარ იყო.

— ბატონო შნეიდერო, ირგპიზი არ არსებობს, — ვთქვი წყნარად.

— დიას, რა თქმა უნდა. ვიცი, საიდუმლო, ანდერძი... ცხადია, მე პატივს ვცემ თქვენს ტრადიციებს, მაგრამ რაღაც უნდა გავაკეთოთ. მე აქ თქვენ დასახმარებლად ვარ.

სიტუაცია ამძალებას იწყებდა. მეორე მხრივ, როგორც კი მიწაზე დავეშვებოდი, ის ჩემს ხეობას დაივიწყებდა და თავის ცოლთან დასარეკად გაიქცეოდა, ჰოდა, მეც გავქრებოდი ისე, რომ ოცნებას არ ავუმღვრევდი; ეს ორივესათვის კარგი გამოსავალი იქნებოდა ჩემი ცხოვრება, როგორც იტყვიან, წინასწარ იყო მოხაზული. ახლა სხვა ქვეყანაში მოვიპარავდი ავტორადიოებს, ის კი თავის სამინისტროში დაბრუნდებოდა და ცოლს შეურიგდებოდა. კარგად ვგრძნობდი, რომ მის სამყაროს ჩემი ლეგენდით ბზარი ვავუჩინე. მე კი სულაც არ მინდოდა მეტროს მუშებივით ყველაფრის კვალი წამეშალა და დამენგრია ცივი პანერის მცირე ნაკადის მეშვეობით.

— ირგპიზი არ არსებობს. — გაფუმეორე კიდევ ერთხელ.

— რა იყო თქვენი პროფესია იქ თავიდან?

ძალიან, ძალიან ჯიუტი იყო ეს ტიპი. რა ყველაფერი ერთბაშად მივახალე, რათა სისულელეებისთვის ბოლო მომეღო. ვუთხარი, რომ

მარსელელი ბავშვი ვარ, დამტვრეულ Ami-ნ-ში ნაპოვნია, რომ ნაცრისფერი ადამიანების ამბავი მხოლოდ ატლასში ამოკითხული ლეგენდაა, იმ ატლასში, ბატონმა უიროდომ იმ დღეს რომ მაჩუქა, როცა სკოლა მივატოვე და „ტოროლა“ გავხდი. მან ნაზად გამიღიმა, რადგან დარწმუნებული იყო, რომ სიმართლე ამ ცოტა ხნის წინ ვუთხარი, მაშინ კითხვა გამიმეორა:

— ხელოსანი? მიწათმოქმედი? მწყემსი?..

მივხვდი, რომ რამის თქმას აზრი აღარ ჰქონდა, რომ ჩემი პროტესტი კიდევ უფრო გაულრმავებდა თავდაჯერებას. იმ წუთიდან, როცა ჩემი ლეგენდის დაჯერება გადაწყვიტა, ყველა ჩემი ძალისხმევა — როგორმე უკან, რეალობისკენ, მომებრუნებინა, ხიბლს მატებდა მის თვალში საიდუმლოს, რომელიც, მისი აზრით, უნებლიეთ გავთქვი.

— არავინ მუშაობს ირგპიზში, — ვთქვი გაბზარული ხმით, — ხილს აგროვებენ, წყაროს წყალს სვამენ, პირუტყვის ხორცს ჭამენ.

— დიახ... უნდა გამიგოთ... ბოდიშს გიხდით, რომ სასაცილო წვრილმანებს ვიძიებ, მაგრამ ჩემი მისიის შესასრულებლად, თეორიულად... პარიზში უნდა წარვადგინო იმის დამამტკიცებელი დოკუმენტი, რომ თქვენ იშოვეთ სამსახური თქვენი წარმოშობის ადგილას. მაშ, თქვენ არ გსურთ, ირგპიზი რომ არსებობდეს და მას უშველონ, მე კი ძალიან მინდა... რამე ხომ უნდა მოვუყვე ჩემს შემდგომებს? ეს ჩიხია, გამოუვალი მდგომარეობა.

მეტი არაფერი მქონდა სათქმელი. მართლა გამოუვალი მდგომარეობა იყო და ისე ჩანდა, რომ ეს ამბავი არნახულ სიამოვნებას ანიჭებდა. მეტისმეტად შორს შევიჭერი, მაგრამ ამავე დროს ბედნიერიც ვიყავი, რომ ასე კმაყოფილს, მკვდრეთით აღმდგარსა და მომავლის გეგმებით აღსავსეს ვხედავდი.

სტიუარდესამ პლასტიკატის თეფშებით მოგვიტანა მოკრძო ფუნთუშები და ათქვეფილი არაქანი. ჟან-პიერმა თავი მოხადა ყველაზე ყვითელ მუსს და შემოდან თავისი ჩანთიდან ამოღებულ პატარა პაკეტიდან რალაც მოაყარა, ნახერხს რომ ჰგავდა. ჩემი მზერა რომ შეამჩნია, მითხრა:

— ეს თესლებია.

ილუმიანატორისკენ მივიწიე, სანამ იგი ყუთებს ხსნიდა და, შიგ რა იყო, ამოწმებდა. ეტყობა, ქიმიურ ობში იყო ჩართული და ყოველდღე თავს ნელ-ნელა იწამლავდა ვაქცინაციის მიზნით.

— მე ვიბრძვი რადიკალური ექსცესების წინააღმდეგ. სელენიუმი მჭირდება დებრესიის დასაძლევად. გნებავთ?

ეს ისე თავაზიანად მითხრა, რომ თანხმობა განვაცხადე, თუმცა დიდი ალტაცება არ გამომიჩენია. მართლა კარგად უნდა გაიცნო ადამიანი, სანამ განსჯი. მე გამოვეგმგზავრე კანცელარიის ალგუნებულ ტიპთან ერთად და აღმოვჩნდი მაშველ შეგირდთან, მომავლის ავანტიურისტთან, ვინც თესლებს ჭამდა.

— ნახეთ, ნახეთ, ძალიან გემრიელია და მთლიანად ბიოლოგიური. სელენიუმი ბუნებრივად არსებობს ყველა თესლში.

მან ჩემს არაქანზეც მოაყარა თესლები, შემდეგ თავის ულუფას დააცხრა ოპტიმისტი ავადმყოფის ენერგიით. ამან ჩემი ატლასის ჩინუ-

რი მუმიები მომაგონა, ცოცხლად რომ ბალზამირდებოდნენ ჯირკვლების ხრამუნით.

— რომელი ავადმყოფობისთვისაა ეს მარცვლები? — ხელში ჩაგვალის მქონდა გაშეშებული და ცალი თვალით ვუყურებდი, რა ხარბად მიირთმევდა.

ხელში ჩაგვალის მქონდა
რა ხარბად
მიირთმევდა
ეროვნული
ბიბლიოთეკა

— უკაცრავად? მაპატიეთ?

— საშიში არაა?

— საშიში? არა, რატომ იქნება? ხორბლისაა.

შევჭამე ცოტა იმედგაცრუებულმა. მან გახსნა ჩემი ღვინის ბოთლი და ჭიქა შემივსო, სანამ დაღევას მოვასწრებდი, უცებ ბოდიშობა დამიწყო. შემდეგ მინერალური წყალი დამისხა თავის თასში და გამომიწოდა. მადლობა გადავუხადე. დაველოდე, როდის წავიდოდა მოსაშარდად, რომ კიდევ მომეთხოვა ღვინო. არაა საჭირო ხალხის შოკში ჩადება რელიგიის ნიადაგზე.

ყვითელი ყუთის შემდეგ ყავისფერი გახსნა და ლეჭვა-ლეჭვით შეუდგა სიტუაციის გაანალიზებასა და დასკვნების გამოტანას:

— პრობლემა მარტივია: ერთი მხრივ უნდა გავაცნოთ ირგპიზი საზოგადოებას, რათა საფრანგეთმა და იუნესკომ ბიუჯეტიდან გამოუყონ თანხა სიძველეთა გადასარჩენად, მეორე მხრივ ხელი უნდა შევუშალოთ ტურისტებს ამ ლანდშაფტის გაცამტვერებაში. ცხადია, ეს ურთიერთგამომრიცხავია, მაგრამ რაიმე საშუალება ხომ უნდა მოინახოს. მან ხმას დაუწია და მკლავზე თითები მომიჭირა.

— აზიზ, მე სულაც არა ვარ კარგად დიდი ხანია და ეს სულაც არაა კლემანტინის ბრალი. ეს უფრო სერიოზული ამბავია. საქმე ისაა, რომ ისეთ ქალზე ვიქორწინე, რომელიც ვიცოდი მიმატოვებდა. მეც შენსავით უარვყავი ჩემი გარემო, ჩემი ფესვები, მივატოვე ჩემი მიწა და ამიტომაც ყველაფერი ცუდად წამივიდა.

თავი ჩავლუნე. როგორც არ უნდა ყოფილიყო მისი ამბავი, იგი მთელი სულითა და გულით მეცოდებოდა. ამან ჩემი პრობლემები დამავიწყა. მან ამიხსნა, თან ყელში თითქოს რაღაც ეჩხირებოდა, რომ უკანქში, ლოტარინგიაში დაიბადა, მეტალურგიული ქარხნის გვერდით. მამამისი და მისი ძმა მეტალურგები იყვნენ, მან კი ჩვიდმეტი წლისამ გადაწყვიტა თავისი ფესვების მოკვეთა. რაღაც რომ გაეკეთებინა, რომანი დაწერა მამამისის ცხოვრებაზე და პარიზში წაიღო გამოსაქვეყნებლად. იქ ლოტარინგია არავის აინტერესებდა, ჰიდა, იძულებული გახდა ესწავლა, რათა კანცელარიის რიგითი მუშაკი გამხდარიყო. კარგი ხელფასი ჰქონდა, ფულს უგზავნიდა ოჯახს, მაგრამ გამბედაობა არ აღმოაჩნდა ლოტარინგიის სანახავად ხელახლა ჩასულიყო, რაკილა წარმატებას ვერ მიაღწია ცხოვრებაში. რომანი ვერ დაბეჭდა პარიზში. ახლა მამამისი უკვე მოხუცი იყო, მეტალურგიული ქარხანაც დაიკეტა, საფრანგეთის შავი მეტალურგიის საუკეთესო რეგიონი ატრაქციონების პარკად იქცა. კლემანტინმაც იმიტომ მიატოვა, რომ ის მომავალ მწერალზე დაქორწინდა და არა ბიუროს მოხელეზე. მან კი ყველაფერი ჩაფუშა.

მოკლედ, ირგპიზი მისთვის, ეტყობა, ბოლო შანსი იყო, არაჩვეულებრივი რომანის სიუჟეტი, ლოტარინგია აღარავისში იწვევდა ოცნე-

ბას, მაგრამ ნაცრისფერი ადამიანების ხეობა ბოლო-ბოლო ჩემი საკუთარი ლოტარინგია იყო. ის ჩემს ადგილს დაიკავებდა, ჩემ მაგივრად ილაპარაკებდა. რაც კი გულზე აწვა, ყველაფერი შექმნილი ჩემს გზამკვლევეში ჩაეწერა და წიგნად ექცია. წიგნი საუკეთესო საშუალება იქნებოდა ირგპიზის ხეობის გასაცნობად ისე, რომ იცოცხლებილიყო. ამბობდა, რომ ღმერთი სწამდა და არ იყო შემთხვევითი ცხოვრებამ რომ ასეთ ბედს გადაჰყარა, რომ შესანიშნავი იყო აერობუსში დაწყებული რომანი და რომ, რა თქმა უნდა, საავტორო უფლებების 50% მომცემდა, რადგან ჩემმა მონათხრობმა მის შთაგონებას ფრთა შეასხა... ხომ თანახმა ვარ?

მე არაფერი მითქვამს. თვითმფრინავმა ბორბლები დაუშვა დასაჯდომად, ისე კი ძალიან კარგი იქნებოდა, თუ შუაზე გასკდებოდა. პირველად ჩემს ცხოვრებაში ვილაცაზე ვიყავი პასუხისმგებელი. ეს პატარა, ქერა, სათვალისანი დაჭმუჭნულკოსტუმისანი კაცი, ვისაც თუ ჩასვლისთანავე დავეთესებოდი, როგორც გადაწყვეტილი მქონდა, და ვინც ამ ქვეყანას მხოლოდ ჩემი ლეგენდით იყო მიჯაჭვული, დაილუპებოდა. შეიძლება ჩემი ტყუილის აღიარებისა და მისი მისიის ჩაშლის შემთხვევაში, თუ მის მდგომარეობას გავითვალისწინებდით, დეპრესიის საწინააღმდეგო ხორბლის თესლების ყლაპვის მიუხედავად თავი მოეკლა. ხელი ჩამომართვა და სახეგაბრწყინებულმა წამოიძახა:

— ეს ფანტასტიკური იქნება!

მე დავეთანხმე.

რაბათელთა ბრბოში აღმოვჩნდით, რომელიც ძალიან ჰგავდა მარსელის ბრბოს, ოღონდ სხვა ფერის უნიფორმები ეცვათ. ცოტა გამირთულდა საქმე პასპორტის გამო: ეტყობა, აქ ის უფრო საეჭვო უჩვენათ, ვიდრე საფრანგეთში. იმედი მქონდა, რომ აქედან გავვაპანღურებდნენ. მაშინ ღირსებაც გადარჩენილი მექნებოდა და რომანიც პარიზში დაიწერებოდა. მაგრამ ჟან-პიერმა ჩემი დოსიედან ბეჭდიანი ქაღალდების მთელი დასტა ამოიღო, რომლებიც ამტკიცებდნენ, რომ მისი ოფიციალური მისია ჩემი ამ ქვეყანაში ჩამოყვანა იყო და რომ მე ნამდვილად მე ვარ, ხოლო ის ნამდვილად ის. მაროკოს სამეფოს მეთაურების ბლანკზე დაბეჭდილი ფაქსი ადასტურებდა ყოველივე ამას და სთხოვდა ავტორიტეტებს დახმარებოდნენ ამ ფაქსის წარმომადგენელს ცხოვრების მოწყობაში. პოზიციების გარკვევის შემდეგ პოლიციელმა არაბული ფრაზა მესროლა, მე გაურკვეველად გავუღიმე, მან კი შეურაცხყოფილმა შემომხედა, ეტყობა, მისმა კილომ შემაცდინა.

ატაშემ ტელეფონის ჯიხურისკენ წამიყოლა. მაროკოელებით სავსე ეს დარბაზი ცუდად მოწყობილი კოსტიუმირებული კარნავალის შთაბეჭდილებას სტოვებდა. ყველა გამვლელი თვალებით მხვრეტდა, ხვდებოდნენ, რომ ნამდვილი მაროკოელი არ ვიყავი, მე მათ ენაზე არ ვლაპარაკობდი, მაგრამ ეს ჩემი ბრალი არ იყო, მე მარსელელი გახლდით.

— საჭიროა სათაური, — თქვა ჟან-პიერმა.

— მაპატიეთ?

— ჩვენი წინისათვის. რა დავარქვით?

— ჰუმანიტარული ატაშე, — ვთქვი მორცხვობისა და კიდევ იმის გამო, რომ არ ვიცოდი, რა შეიძლებოდა მრქმეოდა, სათაურად რომ გამოვმდგარიყავი. მან უარი მითხრა თვალგაბრწყინებულმა და ჰაერში თითაწეულმა დიდის ამბით წამოიძახა: „გამყოლიანი ტვირთი“.

— გამყოლი მე ვარ, — ამიხსნა მან. — თქვენ რომანში გამყოლიანი ტვირთი ხართ. და ეს იქნება სასაცილო სიტუაციის მთელი ირონია.

თანხმობის ნიშნად თავი დაუქნიე, მაგრამ არ ვიცოდი, როგორ უნდა მიმელო ეს ამბავი. იგი ცდილობდა კლემანტინს დაკავშირებოდა და კარგი ახალი ამბავი ეცნობებინა, მაგრამ ტელეფონი დაკავებული იყო. საათს შეხედა, შემდეგ ფრენის განრიგს და მკითხა, ირგპიზში მარაკეშიდან ჯობია ჩასვლა თუ აგადირიდან. მე აგადირი ვუთხარი, დრო რომ მომეგო — აგადირი ბოლო რეისი იყო.

ოთხი საათი აეროპორტის რესტორანში გავატარეთ. ჟან-პიერი ორი უშედეგო დარეკვის შემდეგ გიჟივით იწერდა რაღაცებს ოფიციალური ქალაქების უკანა გვერდებზე, რომლებიც ჩემი დოსიედან ამოქონდა. ჩემს ცხოვრებაზე დაყრდნობით თავის ცხოვრებას იქმნიდა. როგორც კი პირი გავალე, სამი ფურცელი გაავსო ჩემი მონათხრობით, რაც მას თავის პირად რაღაცებს აგონებდა, როგორც იტყვიან, თავის თავზე „გადაჰქონდა“ და ეს ცოტა არ იყოს მეუხერხულეობდა. საუზმეზე დაბატიყა. მე მწვადი შევჭამე, მან ცივი ქონით გადათეთრებული კუსკუსი, ჰარისათი რომ გააფერადა, რათა „ჩემს ტყავში აღმოჩენილიყო“ და „დეკორაციას მისადაგებოდა“.

აღარ ვიცოდი, როგორ გამოვმძვრალიყავი ამ სიტუაციიდან. პირველი აზრი გაპარვის თაობაზე აღარ ვარგოდა, რაკილა ჩემი ლეგენდიდან წიგნის დაწერა გადაწყვიტა. ლეგენდა ჩემთვის ძალზე მნიშვნელოვანი იყო, ძალზე პირადი და მას ასე ვერავის მივუგდებდი, ზურგს ვერ ვაქცევდი. რაღაც ჩემეული ცხოვრობდა ამ ეშმაკისაგან დაწყევლილ ლეგენდაში. თანაც ჩემი ატაშე შეიცვალა, გაიტაცა იმ სიტყვებმა, თავში, რომ მოსდიოდა, ხანდახან ჩერდებოდა, მადლობას მიხდიდა ანთებული მხერით და მერე ხელახლა შეუდგებოდა ხოლმე თავის საქმეს ჩურჩულითა და ოხვრით. ისეთი გრძნობა მქონდა, თითქოს ცოლის მშობიარობას ვესწრებოდი.

ბოლოს ჩვენი რეისიც გამოაცხადეს. ჟან-პიერი კიდევ ერთხელ შეეცადა კლემანტინთან დარეკვას. როგორც იყო დაუკავშირდა. ძალზე სერიოზული, მოწყენილი და მთლად ჩამქრალი დაბრუნდა. ამ ქალთან ოცდაათწამიანმა დისკუსიამ, ჩემით გამოწვეული ოთხსაათიანი ენთუზიაში ჩაუქრო. ისე კი მოვისვენე.

ავედით უფრო პატარა, ჭუჭყიან თვითმფრინავში. სკამებზე ყვავილებიანი ქსოვილი იყო გადაკრული და სტიუარდესა უფრო ახალგაზრდა გახლდათ. გადმოსაწევი მაგიდებიც არ იყო. ჩემმა ატაშემ ფეხი-ფეხზე გადადებულმა, თავის მუხლებზე დაყრდნობილმა დაიწყო გადახახულ სიტყვებიანი წერილის წერა თავისი ცოლისათვის. რაკილა ვიგრძენი, რომ მისთვის აღარაფერი ვიყავი, აღარც გამყოლიანი ტვირთი, თვალი დავხუჭე და პირველი თვითმფრინავის ქერა ქალი წარმოვიდგი-

ნე, ძალიან რომ მაკლდა თავისი მარცხენა ძუძუთი. იქნებ ჟან-პიერისა-
თვის მეტხოვა და ეს ჩემი სასიყვარულო ამბავი აღეწერა რომანში. ვი-
თომ ამ ქალს ქმარი გაშორდა, ბავშვიც წაართვა და გაქმედებულ
ქალი ვითომ შემოგვიერთდა ირგპიზის გზაზე, იქ ქალების ნაკლებობა
იყო, რადგან კაცები მათ ვეღარ ყიდულობდნენ. უჩინოდ გაზრდა ქა-
ლი ორ მეგობარს შორის დიასაც პრობლემას შექმნიდა, რადგან ორივე
შევუყვარდებოდით, მაგრამ ეს კი არ დაარღვევდა ჩვენს მეგობრობას,
პირიქით, განამტკიცებდა. ბოლო თავში, როცა მე ილუმინატორისაკენ
მიბრუნებულს ჩამეძინა, ჟან-პიერმა დაიკავა მის მკერდთან ჩვილის ად-
გილი ჭადრებითა და ზღვისპირა ფიჭვებით გარშემორტყმულ წყარო-
პირა გამოქვაბულში, რომელიც განათებული იყო მბრწყინავი კლდის
ანარეკლით და სავსე ნახატებით, მილიონი წლის წინ ირგპიზის ნაცრი-
სფერმა ადამიანებმა რომ შექმნეს.

სასტუმრო უზარმაზარი, თანამედროვე შენობა აღმოჩნდა, საოც-
რად ჰგავდა მარსელის „სოფიტელს“, თანაც სავსე მოზუზუნე, უკმა-
ყოფილო ფრანგებით, რადგან ძალიან ცხელოდა. სიცხეს კი ელოდნენ,
მაგრამ კატალოგში ყველაფერი უკეთ გამოიყურებოდა. ჰუმანიტარუ-
ლმა ატაშემ ჩაგვწერა, ითხოვა ტელეფონი ჩაერთოთ, მომცა ჩემი ოთა-
ხის გასაღები და თვითონ თავისისაკენ მოჰკურცხლა.

ჩემი მზერა მის ზურგს უკან დახურული ლიფტის კარს მიეჯაჭვა.
თავს უცნაურად ვგრძნობდი, მიტოვებულად და უსუსურად, როგორც
ავტორის მიერ დაუმთავრებელი ფრაზის პერსონაჟი. მაროკოელმა
მტვირთავმა ჩემი ცელულოიდის პარკის ატანა შემომთავაზა და ამან
უფრო შემაწუხა, ვიდრე რაბათელი პოლიციელის არაბულად გამოლა-
პარაკება. უარის ნიშნად თავი გავაქნიე, ჩემს ოთახში ავედი და ჩავი-
კეტი.

ოთახი ექვსი მეტრი იყო შვიდზე; ნაბიჯებით გავზომე. ჩემს ცხო-
ვრებაში პირველად მქონდა ჩემი ოთახი სასტუმროში. და იცით, დასა-
წყისისათვის ეს რაღაცას ნიშნავს. ვითამაშე ტელევიზორით, ონკანე-
ბით, პატარა საპნებით, რაღაც ძაღლების დასაბანი მანქანის მსგავსით,
სინამდვილეში ფეხსაცმლის საპრიალებელი რომ აღმოჩნდა. ბოლოს კი
გამოვშტერდი.

ცოტა ხანს ტერასაზე გავედი, გავხედე, ზღვას, ქვიშას, მთვარეს,
ვარსკვლავებს, დავაკვირდი მოაჯირს, იატაკის აგურებს რაღაც კარგი
სუნი ასდიოდა, არ ვიცი რისი. პაერი ძალიან სუფთა და მსუბუქი იყო,
მანქანების გამონაბოლქვის გარეშე. მეტისმეტი სიჩუმე იდგა. გავიფი-
ქრე, ვინ იცის, იქნებ მართლა ჩემი წინაპრების ქვეყანაში ვარ-მეთქი.
თუმცა ყველაფერი ფეხებზე მეკიდა. მთავარი 418-ე ოთახი და ის ყმა-
წვილკაცი იყო, რომელიც ჩემს ლეგენდაზე ოცნებობდა. სასაცილოა, მა-
გრამ ჩემი მხრიდან მეც ბევრს ვფიქრობდი მის ლოტარინგიაზე,
მის ოჯახზე, მის მეტალურგიულ ქარხანასა თუ სამჭედლოზე. კარგად
არ ვიცოდი, რა იყო ეს, ქარხანა თუ სამჭედლო, მაგრამ არ მინდოდა
ის ატრაქციონების პარკად ექციათ.

ტანი გადავიბანე, ჩავიცვი, პალსტუხი გავიკვანძე და 418-ე ოთა-
ხისაკენ წავედი. უცბად არ დავაკაკუნე, მომერიდა, რადგან გავიგონე,

როგორ ამბობდა, რომ მას არ ამოურჩევია ეს კრეტინული მისია, რომ ეს ლუბიაკის იდეა იყო, რომ ეს არ იყო მათი განქორწინების რეალობიდან გაქცევა, რომ ის წავიდა მალრიბელთან ერთად, რათა ვაქცე, რომ კვლავ უყვარდა, რომ მისი ცხოვრება უიმისოდ უდაბნოს ემსგავსებოდა. ხშირად ხდება, მიძინებული ვულკანი კვლავ ამოიფრქვევს მინავლებული ცეცხლი კვლავ აგიზგიზდება ხოლმე და რუქს-... ბორდელი! ამის დედაც...

ამ სიტყვებს დუმილი მოჰყვა. შემდეგ ისევ განაგრძო ლაპარაკი ვულკანის ამბიდან და მივხვდი, რომ ავტომობასუხეს ელაპარაკებოდა, რომელიც პერიოდულად ითიშებოდა. ვიღაც ქალიშვილმა ჩაიარა ურიკით, მე ფენსაცმლის ზონრის შესაკრავად დავიხარე. ატაშე კი ისევ იმეორებდა, მე არ ამირჩევია ეს კრეტინული მისიაო. მის კართან ჩაცუცქულმა თავი დამნაშავედ ვიგრძენი: ის ჩემზე იყო მომაგრებული იმის მაგივრად, რომ თავისი ქორწინება გადაერჩინა. წამოვდექი, წელში გავიმართე, იგი ისევ განაგრძობდა, რომ ყველაფერი შეიცვლებოდა, რომ ახალი წიგნის რედაქტირება დავიწყეო. ისევ ირწმუნებოდა, ბებერი ვულკანი კვლავ ამოიფრქვეოდა და კვლავინდებურად მოხიბლავდა ქალს, გაიხსენე, კლემანტინე, ჩემს ხელნაწერს რომ გიკითხავდიო უსრესტორანში. გავიგონე, რომ ისევ გაეთიშა ტელეფონი და ოცდაათი წამის შეყოვნების შემდეგ დავაკაკუნე. შემოდითო, დაიძახა. თავი შევყავი კარებში და ვუთხარი, გასეირნებას ვაპირებ და არ ინერვიულოთმეთქი. კარგი ამბავი იქნებოდა, თუ „მოვტყუდებოდი“, ბოლო-ბოლო ის იყო ჩემზე პასუხისმგებელი, მაგრამ თანდათან მე მემსგავსებოდა, ჩემს როლში ჯდებაოდა.

სახე მოატრიალა და გიჟივით შემომხედა. ზოლიანი პიჟამა ეცვა. თმააჩეჩილი შემომაშტერდა.

- ცოტას გავივლ-გამოვივლი, — ვუთხარი.
 - დიახ, დიახ, — მიპასუხა და შემდეგ მინიბარზე დადებული საგზაო რუკისაკენ დაიხარა.
 - ხვალ რომელი მიმართულებით წავალთ?
- ამან დამამშვიდა, ისევ ჩემს ხეობაზე ფიქრობდა მიუხედავად მიძინებული ვულკანისა, და თითი ატლასის იმ კუთხეს დავადე, სადაც არაფერი არ ეწერა. უცნაურია, მაგრამ გამიჭირდა იმის გახსენება, ირგპიზი რომ გამონაგონი იყო.

— როგორ წავალთ იქ?

ჩემი დუმილის გამო კითხვა შეცვალა, რომელი ტრანსპორტით წამოხვედი იქიდანო. ვუპასუხე, ჯორით წამოვედი და სამი კვირა დამჭირდა-მეთქი, რაც ერთდროულად რეალისტურიც იყო და ძნელად შესამოწმებელიც. სევდიანად შემომხედა, წარმოიდგინა ყველა გასაჭირი, რაც გადამხდა თავს, და მერე ნელა გაიღიმა, რადგან სხვათა უბედურება ყოველთვის მაღამოდ ედება ხოლმე გასაჭირში მყოფს. გასამხნევებლად ზურგზე დამკრა ხელი და ომახიანად განაცხადა:

— გასვლა რვა საათზე! დავიქირავებთ ორხიდიან ჰერცის ჯიპს ან რეინჯერროვერს! ჰა? რომელი დავიქირავოთ?

ვუთხარი, რომ გასაშლელმაგიდიანი მანქანა გვჭირდებოდა საწერად. მხარზე ხელი დამადო და თვალებით მადლობა მითხრა. გამოვტ-

რიალდი, ის კი ისევ ტელეფონს მიუბრუნდა. სანამ ყურმილს აიღებდა, მითხრა, ძალიან შორს ნუ წახვალ და ფრთხილად იყავი. ეს შეიძლება ყოფილი ჩვეულებრივია იმათთვის, ვისაც მშობლები ჰყავს, მაგრამ მე ასეთი სიტყვები პირველად მესმოდა.

ჰაერის ჩასაყლაპად აუხთან გავედი. თავიდანვე მძიმე მწიფე ხველაფერი კარგად იყო მოწყობილი ღამისათვის დასაკეცი სკამებითა და ლეიბების გროვით.

შემდეგ შევამჩნიე, რომ ხეების ჩრდილქვეშ შეყვარებულები ერთმანეთს ეხვეოდნენ, ჰოდა, მეც პოლში დავბრუნდი. ჩამოვჯექი და მაგიდაზე დახვავებული კატალოგების თვალთვლება დავიწყე მაროკოს უკეთ გაცნობის მიზნით, მაგრამ თავში არაფერი შემდიოდა. ადგილობრივი წეს-ჩვეულებანი, ტიპიური სახლები და კონტრასტები არაფერს მეუბნებოდა. მე ჩემს ფესვებს ვეძებდი, ისინი კი ექსკურსიებზე მელაპარაკებოდნენ. ტურისტებისთვის შეთავაზებულ არც ერთ მარშრუტში არ იყო ირგპიზი... და ეს იდუმალი ხეობა, მე რომ ჩემთვის შევაკოწიწე, როგორც ჩემი დაბადების ადგილი, მძიმე ლოდოდ მაწვა გულზე, იმდენად მძიმედ, რომ აღარ ვიცოდი სად მომეთავსებინა, თოვლში თუ ქვიშაში, სიციხით გადახურებულ ქვებში თუ ოაზისის სიგრილეში. ის პირაქივით მიქრებოდა. დავხურე კატალოგები და გარეთ გავედი.

სასტუმროს წინ მებარგულები გაცხარებით კამათობდნენ. რომ ჩავუარე, უნდობლად შემომხედეს, ხმას დაუწიეს, რადგან მათთვის სხვა სამყაროდან, ტურისტულიდან ვიყავი მოსული. ჩემს კოსტიუმში კიდევ იგრძნობოდა საფრანგეთის სული.

სასტუმროდან ქალაქამდე სწორი, ქვიშით მოკირწყლული, რიყის ქვებითა და ყვითელი ყვავილებით საცოდავად მორთული ქუჩა მიუყვებოდა. დიდხანს მივდიოდი ზურგზე ხელებდაწყობილი. ავტობუსები მასწრებდნენ, მედინასაკენ მიიჩქაროდნენ აქაური კერძების გასასინჯად. ვიცოდი, რომ მედინა ქალაქის ცენტრს ნიშნავს, სუკი — ბაზარს და რომ რელიგია ლუდსა და ლორს კრძალავს. არ მშიოდა, მხოლოდ გასასეირნებლად გამოვედი.

ქუჩები უფრო მხიარული გახდა. ყველა სახლში ღია იყო ფანჯრები და მუსიკის ხმა გამოდიოდა. ხეებზე ნათურები ეკიდა. ჩემი კოლეგები ტროტუარებზე რადიოებს, ხალიჩებს, ტანსაცმელს, სამკაულებსა და სუვენირებს ჰყიდდნენ. ავტობუსებიდან ჩამოსული კლიენტები ევაჭრებოდნენ და თან ცხიმთან ნამცხვრებს იღებდნენ. მე არავისთვის არ ვარსებობდი, გასაყიდი არაფერი მქონდა. ნაღველი შემომაწვა. მთლად იზოლირებული ვიყავი ამ ხალხში, რომელთაც ვგავდი და რომლებიც სხვა ენაზე ლაპარაკობდნენ, არა მარსელურ კილოზე. ცხოვრებაში პირველად ვიგრძენი თავი ემიგრანტად. თავის გასართობად იმ არაბის მარტობაზე ვფიქრობდი, საფრანგეთში რომ ჩავიდა, თანაც არაღეგალურად. მე გამიშართლა, ატაშე რომ მყავდა — პირადი მცველი, მეფის საშვით აღჭურვილი, ჩემი სიმშვიდე გარანტირებული რომ ყოფილიყო — თავაზიანი ტიპი, რომელიც ყველა თავის პრობლემას რომ მაცნობდა, ოთახს რომ უკვეთავდა, მანქანას ქირაობდა და არაფერს მთხოვდა ჩემი ოცნების პატარა ნაწილის გარდა, რათა თავი ძალიან მარტო არ ეგრძნო.

ამავე დროს თავს ამნეზიან ტიპად ვგრძნობდი ფელეტონიდან: დავდიოდი ჩემი წარმოშობის ხალხში და არაფერი მახსენდებოდა. და მანინც ეს გარემო რალაცას აღვიძებდა ჩემში. ხალხი მუჯღუგუნებს მკრავდა ისე, რომ არც მამჩნევდა, მათთვის მე პეიზაჟის ნაწილი ვიყავი. ეს მშვენიერი პასაჟი იყო რომანში ჩასაწერად. ბოლო-ბოლო მან მამჩნევდა გამომგზავნა ბახარში, რომ მისთვის ნაღდი შთაბეჭდილებები, ცოცხალი აღწერები მიმეტანა აქაური სუნისა და ჩემი სულიერი მდგომარეობის შესახებ.

დავიმახსოვრე ორი-სამი სუვენირის ფასი, ფუნთუშის სურნელი, სახლების ფერები, ხეების სიმალლე და მანქანების მარკები. ამ ინფორმაციას კონცენტრირებული უკან დავბრუნდი სწორი ქუჩისაკენ, უკვე რომ აღვწერე.

სასტუმროს წინ სუვენირების ორი მაღაზია იყო, სადაც იგივე იყიდებოდა, რაც ქალაქში, მაგრამ უფრო შნოიანად. ჭუჭყიანმინებიანი ავტობუსი გაჩერდა გასავათებული ხალხით, გადმოსაზიდი ჩემოდნებითა და ამჟამინდელი თუ სამომავლო პრობლემებით დატვირთული. ეტყობა, ექსპრესტურის უანრის ხალხი იყო — „მალრიბი ექვს დღეში“, რადგან ყველას უნდოდა სუვენირის ყიდვა დაძინებამდე მოესწრო. ამბობდნენ, განთიადისას მაღაზია დაკეტილი იქნებაო. ახალგაზრდა გიდი ქალი პირდებოდა, ხვალ დილასაც ღია იქნება მაღაზიაო, მაგრამ არავინ უსმენდა. უფრო მეტიც, მათ მარჯვენა მაღაზიაში უნდოდათ შესვლა, რომელიც ვუიტონის ფირმის არცთუ ძვირად ღირებულ შეფუთულ საჩუქრებს ყიდდა. გიდი ამოდ უმეორებდა, რადგან „მოროკო ტურის“ წევრები ხართ, თქვენთვის მარცხენა მაღაზიაშიც იგივე ფასებიანო, მაგრამ ყველანი მარჯვენა მაღაზიაში მოგროვდნენ, რათა „მოროკო ტურისაგან“ დაფარულად მოეგვარებინათ თავიანთი საქმეები, მათ ზურგს უკან, მათ ხარჯზე რომ უნდოდა ხელის მოთხოვა.

მეორე ავტობუსიც მოვიდა „ოაზის ტრაველი“, მარჯვენა მაღაზიასთან რომ იყო მოლაპარაკებული. ოაზისის ხალხი ჯუჯღუნებდა, „მოროკო ტურის“ ხალხი ჩვენს სასურველ ჩანთებს მოიპარავსო. „ოაზისის“ გიდმა კაცმა მოლაპარაკება გააბა „მოროკო ტურის“ გიდ ქალთან, რომელიც მაღაზიიდან თავისი ტურისტების გამოყვანას ცდილობდა, თან ეფიცებოდა, მეორე მაღაზიაშიც იგივე ჩანთებია, იმავე ფასადო, მაგრამ „მოროკოელებს“ არაფრის გაგონება არ სურდათ, ამბობდნენ, ჩვენ თავისუფალი ხალხი ვართ, ექვსასი კილომეტრი გამოვიარეთ, მაღაზიაში აღარავის შევუშვებთ და „ოაზისის“ ხალხი რიგში უნდა ჩადგესო.

რადგან გიდი ქალი განერვიულდა, ორი ჯგუფი შეიქმნა: ერთი „უ-უ-უ-ს“ ბლაოდა, მეორე კი მანიფესტანტებივით მღეროდა: „გა-ვაგ-დოთ გი-დი! გა-ვაგ-დოთ გი-დი!“ მაშინ ნერვიული კრიზის ზღვარზე მისულმა გიდმა იყვირა:

— კისერიც გიტეხიათ!

უცნაური კია, მაგრამ უეცრად გავიფიქრე, ეს ქალი ზუსტად ჟანპიერის შესაფერია-მეთქი. ოციოდე წლის იყო, ჯინსებში ლამაზად გამოკვართოდა თეძოები და ლამაზი მრგვალი უკანალი, ზემოდან „მო-

როკო ტურის“ მაისური და იმავე ფერის ლიფი ეცვა, ძუძუებიც კარგი უჩანდა. თმა — ბუნებრივი ქერა, თუმცა ამ შუქის გამო დანამდვილებით ვერაფერს იტყობდი, მტვრისა და ოფლისაგან განზინებული მზის სათვალით უწესრიგოდ ხემოთ ჰქონდა აწეული.

— უზნეთა ხროვავ, მიდით, იყიდეთ თქვენს ჩიფტობები, და მერე თქვენს ქვეყანაში დაბრუნებულბმა თავი გამოაჩინოთ ამბობდა იგი. — ყელში ამომივიდა თქვენი გამოშტერებული სიფათები, თქვენ ხომ ვერც აღიქვამთ სილამახეს, რომელსაც გაჩვენებთ, გამოქლიავებულო ცხვრებო, გამოეთრიეთ ახლა მანდედან! მეყო, მე წავედი!

იგი სასტუმროში შევიდა „ოაზის ტურის“ წევრთა ოვაციების თანხლებით, რომლებიც ძალიან კმაყოფილნი იყვნენ, „მაროკო ტური“ რომ დაამცირეს, და სასწრაფოდ უღებდნენ სურათებს, როგორც აგადირის საუკეთესო მოსაგონარს, ამ უკანასკნელთა თავზარდაცემულ, გაოცებულ და გაქვავებულ სახეებს, „მაროკო ტურის“ აღრიალებულ გიდ ქალს, აშკარად რომ გადააჭარბა თავის მოვალეობას. ამ დროს ერთი ყრუ ისევ განაგრძობდა სიმღერას: „გა-ა-გდეთ გი-დი“, სხვებმა კი დრო იხელთეს და ვუიტონის ჩანთებს დარიეს ხელი.

გიდი სასტუმროში ვიპოვე, ვისკის უკვეთავდა. ბარი თეთრი იყო. მინარეთის სტილში გაკეთებული, უზარმაზარი მარაოებითა და ტირიფის სკამებით. დახლზე დაყრდნობილმა ქალმა ერთბაშად დაცალა თავისი ჭიქა. მის გვერდზე ჩამოვჯექი და ბარმენს მისთვის ვისკი, ჩემთვის კი კოკა-კოლა შევუკვეთე. ქალიშვილს არაფერი უთქვამს, არც შემოტრიალებულა. ყურებზე ხელები აეფარებინა, გრძელი, ოდნავ წვეტიანი ცხვირი, ჯიუტი შუბლი და წვრილი ტუჩები ჰქონდა, და, რა თქმა უნდა, საკოცნელად არც ძალიან მოსახერხებელი, მაგრამ კომპეტენტური. ჩემი არსებობა მაშინ შეამჩნია, როცა საფსე ჭიქა დაუდგეს წინ, მე ბარმენს ვუთხარი, ჩემია-მეთქი, მაშინ ქალიშვილმა ჭიქა ჩემკენ გამოსწია. ვუთხარი, ვერ გამიგეთ, ჭიქა თქვენთვისაა, მაგრამ მე გეპატიუებით, ამის თქმა მინდოდა-მეთქი. მერე ჯიბეების ქექვა დავიწყე, გამახსენდა, ფული რომ არ მქონდა. მან შემომხედა და მირჩია უარი მეთქვა ფრანგულის სწავლაზე.

— ბარაქა ალაჰი უფიკ! — მითხრა და ჭიქა ასწია. შემდეგ მის გამოშტერებულ ტურისტებზე შევჩერდით... მერე? მერე რაღა უნდა მეთქვა და მეკეთებინა? მან ბარმენს რაღაც ჰკითხა მკლავზე ამოსვირინგებული პალმის გარშემო შემოხვეული გველის თაობაზე, გადაიხადა თავისი ორი ვისკისა და ჩემი კოკას საფასური და წავიდა.

პოლში წამოვეწიე, ვკითხე, თავისუფალი ხართ-მეთქი? ახლაც ცუდად გამიგეს: ჰაერში საბრძოლველად შემართა ხელი და იყვირა: „რა, ასე ძალიან ვგავარ, შენი აზრით, პუტანკას?“

— არა.

— მაშ, ნახვამდის.

მე შეურაცხყოფილმა დავუმატე, ამის თქმა სულაც არ მინდოდა-მეთქი.

— მიდი, მიდი, გეყო!

1. ალაჰი მოგვცემს ძალას.

პირში მივახალე, ძალიან მიყვარს გოგოები, მაგრამ ეს მათ ბოროტად არ უნდა გამოიყენონ, თანაც მაროკოელი არა ვარ-მეთქი. დარტყმა მაინც დამიპირა, მაგრამ მერე ხელი ჩამოუშვა. დავუზუსტე, მე რა ჩემს მეგობარს გიდი გვჭირდება, შენი გამოყვეყჩებული ტურისტები არ გეგონოთ, ვუიტონის ჩანთებზე რომ გიჟდებიან, ჩვენ მთავრად მწერლები ვართ და ზემო ატლასში მივდივართ, შეგვიძლია მასწავლებელი და პერსონალური გიდის გასამრჯელოს გადახდა და რომ შენც ამ საქმისათვის ამოგარჩიე-მეთქი. რამდენს გამოგვართმევ? თუ ბრბოსთან დაბრუნება გირჩევნია, ლინჩის წესით რომ გაგასამართლონ?

გარეთ მართლა მატულობდა არეულ-დარეულობა. პოლშიც ის-ის იყო ორი ნაცემი ქალი შემოიყვანეს, ეტყობა, ერთმანეთს ეჩხუბნენ. სასტუმროს დირექტორი მოვიდა ამბის გასაგებად.

— რა ნომერია შენი ოთახი? — მკითხა გიდი.

აღარ მახსოვდა და მიძლებში მყოფ მსახურს ვკითხე, მან სარეგისტრაციო წიგნში ჩაიხედა და გასაღები წინ დამიდო. ქალიშვილი სასწრაფოდ დაეპატრონა მას, სანამ ლიფტს ველოდებოდით. ცოტა არ იყოს, მეხდაცემულივით ვიყავი, მაგრამ არ ვიმჩნევდი და ყოჩაღად გავყევი უკან. ლიფტის კარი დაიხურა.

გარეთ კი ვიღაცა გაბრაზებული მოითხოვდა გაეგოთ, სად წავიდა „მაროკო ტურის“ გიდი.

ორივე გაშეშებული ვიდექით ლიფტში და განზე ვიყურებოდით. მეორე სართულზე მკითხა, ხომ არ გეხარებათ ჩემი შეფარებაო. ვუპასუხე, არა-მეთქი. შემომხედა და მითხრა, ცოტა მეტი ენთუზიაზმის გამოჩენა შეგეძლოო.

ოთახში შევედით და ტელეფონმაც დარეკა. სასტუმროს დირექტორი იყო და გიდთან სურდა საუბარი. ვუთხარი, ეს შეუძლებელია-მეთქი, რადგან იგი ეს ესაა დაიქირავა საფრანგეთის მთავრობამ ოფიციალური მისიისათვის, დეტალებს კი ხვალ გააცნობდა სამინისტროს ატაშე ბატონი შნეიდერი, ვისაც მეფე ჰუსეინის ნებართვა და საშვი აქვს და ახლა არაა ხალხის შეწუხების დრო. საკუთარი თავის გამიკვირდა, ყურმილი რომ დავუგდე. შთამბეჭდავია ხოლმე უეცარი ავტორიტეტი, როცა პატარა ძალაუფლება გაქვს.

— ჰუსეინი იორდანიასია, ბატონო მწერალო, აქ ჰასანია, მაინც დიდი მადლობა.

ხმა მშვიდი, წყნარი და ოდნავ დამცინავი ჰქონდა. როცა მაისურის გახდა დაიწყო, ვუთხარი, რომ ეს არ იყო აუცილებელი. მე ჩემი ღირსება მქონდა, შემიძლო საწოლში ჩაუწვენლადაც შემეკედლა იგი. უკვე ხაზგასმით მქონდა ნათქვამი, რომ კახბად ვთვლიდი. მან მაისური ჩაიცვა, მე კი ცოტა არ იყოს ბრიყვად ვიგრძენი თავი. ვუთხარი, კარგი-მეთქი, მაგრამ ეს არ იყო ის, რისი თქმაც მინდოდა. მან ქედმაღლურად მითხრა, რომ მას დასაკარგი არაფერი აქვს, რომ არასოდეს არაფერს არ გრძნობს და რომ შემიძლია მისი სხეული ჩემს გემოზე ვინმარო. ამან გამამხიარულა და ბედის ცდა გადავწყვიტე. ვიცოდი, ამ ტიპის ქალები, თვითონ სიამოვნებას რომ ვერ ღებულობენ, მაგრამ ალგაგზნებენ ხოლმე. სასაცილოა, თითქოს ამ ურთიერთობებში რამე იყოს მოსაგები, ღირსეულად ვუპასუხე, რომ დანიშნული ვიყავი, თუმცა...

მოკლედ, ეს ჩემი პრობლემაა, თანაც სულ არაა ჩემი ბრალი, თუ ის ვერაფერს განიცდის, ისე კი სჯობია, ცოტა სხვა ტონით შელაპარაკოს. მითხრა, ანერვიულებული ვარო. ვუპასუხე, მეც ანერვიულებული ვარ-მეთქი. მან ხელახლა გაიძრო მაისური და მითხრა, ეს ორჯეს დაგვაწყნარებსო. ამჯერად მეც დავეთანხმე.

როცა მუქი წითელი საცვალი ჩამოიწია დაბნეული კაბაგორგოლა, ვიფიქრე, თუ მართლა არ უყვარდა სიყვარულობანას პროცესი, დასტურ აფსუსი იყო. მთლად შიშველი იდგა ჩემ წინ ხალიჩაზე, მინი ბარის გაღებას შევეცადე ცოტა შესაფერი გარემოს შესაქმნელად, გასაღების აცმა ძალაყინად გამოვიყენე და ბოლოს იმით დავამთავრე, რომ კარი ჩამოვგლიჯე და შინაური კოქტეილის მზადებას შევუდექი. საწოლზე განზე გადაწოლილი, პირში სიგარეტგაჩრილი შემომცქეროდა, როგორ ვურევდი მინიატურული ალკოჰოლის ბოთლებიდან სასმელებს ერთმანეთში. შენიშვნა მომცა, ჩვეულებრივ, კარს გასაღებით აღებენ, ჭუჭრუტანაში დებენ გასაღებს და ატრიალებენო. შემდეგ მკითხა, ცვედანი ხომ არა ხარო. იმედი გამოსჭვიაოდა მის ხმაში. თავმოებურებულმა ირგპიზისა და ჟანპიერის ამბებით გადავწყვიტე, ამ გოგოსთან სასიყვარულო საქმის დაჭერა ყველაზე კარგი და მარტივი საშუალება იქნებოდა იმისათვის, რომ მერე ყველაფერი წვრილად ამეხსნა.

როცა გავიხადე და საწოლზე გადავატრიალე, უარი მითხრა, კარვად არ ვიცნობთ ერთმანეთსო. ვუპასუხე, ასე მხოლოდ მისი ქორწინების პატივისცემით დავაპირე მოქმედება. თუმცა ისიც მართალი იყო, რომ ის ბოშა არ იყო და ისევ ზურგზე გადმოვატრიალე, მუცელზე ავახოხდი, თვალებში შევყურებდით ერთმანეთს, ესეც კარგი იყო. თავაზიანად შემომცქეროდა და იცდიდა, როდის გაგათავებდი. უცნაური გრძნობა იყო, ბევრი ვეცადე, რა ხერხი აღარ ვიხმარე, სინაზიდან ძალადობაზე გადავედი. გეგონებოდა, მის მანქანას ვრეცხავდი, ის კი პარპრიზიდან შემომყურებდა.

- თუ გნებავთ, გავჩერდები.
- არა, ეს მე არ მაწუხებს — მიპასუხა მან.
- მე კი მაწუხებს.
- თუ ამას საჩხუბრად მეუბნებით, ტყუილად იწუხებთ თავს.
- მე სულაც არ დამიწყია ჩხუბი!
- თქვენ რა, წიგნუკას წერთ?

დიდი სურვილი მქონდა, მამრის უპირატესობა ერთი კარგი მუშტის ჩაცხებით აღმენიშნა. მან დამასწრო და გამაფრთხილა, რომ ეს არ იყო პასუხი. მაშინ ვუთხარი, რომ კაცის ამბავს აღვწერ-მეთქი; ეს მოეწონა და მეც შემეძლო მშვიდად გამეგრძელებინა ჩემი სასიამოვნო საქმე — ლილაზე მეფიქრა, ვინც ასე გულიანად ერთგებოდა ხოლმე სასიყვარულო აქტში. ამის გახსენებაზე ცრემლები წამომცვივდა, ამ უგრძნობი ქერა, ქალის მკერდზე რომ ეცემოდა.

— ტირი, თუ ოფლის წვეთებია?

პასუხი არ გავეცი, ჩავყლაპე ეს იდიოტური ცრემლები, წარსულიდან რომ მომდევდა, იმ წარსულიდან, რომლის დავიწყებასაც მთელი ძალით ვლამობდი, მაგრამ რომელმაც მაინც ბედნიერი გამხადა. ერთი

მხრივ ბედნიერი ვიყავი, რომ ამ გოგოს უგრძობ სხეულში ღილა ჩავ-
ძირე. ეს სასჯელი იყო ჩემი ღალატისთვის. თავს ვეკითხებოდი, მთელი
ცხოვრება ასე სენტიმენტალური დავრჩებოდი თუ არა. უცნაურად წამო-
იყვირა, განზრახ არაფერი გამიკეთებია, მაგრამ საწოლზე იმდენი ვახ-
ტუნავე, კედელს გლიჯა თავი. გავიგონეთ კედლის გადაღმარება. მის
თქვა ვილაცამ, მობრძანდითო ნამძინარევი ხმით, და ერთბაშად როგორც
სიცილი აგვიტყდა ერთმანეთში შერწყმულებს. არ ვიცი, რა მოხდა, მა-
გრამ კარგად ვიგრძენი, რომ ანგელოზებამდე ავმალდით. ვგორავდით
საწოლზე ერთმანეთს ჩაჭიდებულები და სუნთქვა გვეკროდა. ერთმანეთს
უბრალოდ, მეგობრებივით შევყურებდით. ეს სიყვარულზე უკეთესი
იყო. ეს სრულიად ახალი რამ იყო. ორი უცნობი ერთმანეთს გადაყრილი
ადამიანი ვიყავით და ძალიან შეამაყებოდა, ირგპიზში რომ მიმყავდა.

— საზიზღარო, — მითხრა გაღიმებულმა — რა ეშმაკი ყოფილ-
ხარ.

წავჩურჩულე, აზიზი მქვია-მეთქი, დიდხანს რომ არ ვყოფილიყავი
მორცხვი ტრიუმფატორის როლში. მიპასუხა, რომ თითქმის კარგი იყო.
მისგან წარმოთქმული ეს ფრაზა, ეტყობა, ქათინაურად უნდა მიმელო.
მადლობა გადავუხადე და შევპირდი, რომ მეორედ უკეთესი იქნება-
მეთქი. მითხრა, მეორედ აღარაფერიც არ იქნებაო. ეს თურმე მისი პრი-
ნციპი ყოფილა. კაცებთან ნორმალური ურთიერთობის ერთადერთი ფორ-
მა მისთვის უცაბედად საწოლში ჩაგორება და მათი დაკმაყოფილების
შემდეგ სხვა რამეებზე გადასვლა გასლდათ, მაგალითად, დისკუსიაზე.
ეტყობა, სწავლობდა. შევეკითხე. აღმოჩნდა, თურმე უამრავი სხვადას-
ხვა საგნის დიპლომი ჰქონია, სახელებიც კი უცნობი იყო ჩემთვის. თე-
მის შეცვლა ვარჩიე:

— რატომ გაქვს ხელზე ტატუირებული სე?

დამიზუსტა, რომ ეს ჩემი საქმე არ იყო, რომ ეს ოჯახიდან მოსდ-
გამდა. მე აღარ ჩავაცვივდი. სააბაზანოში შევყევი და ვკითხე, რა ერქვა.

— ვალერია.

არა უშავდა, ეს უფრო ნორმალური იყო, ვიდრე კლემანტინი.

— ვალერია, გვარი?

— დარმერეი.

— ვალერია, უნდა გელაპარაკო.

ამას დუმილი მოჰყვა. იცდიდა პირსაბანზე დაყრდნობილი. ცოტა
მაცალა, მერე კი აბაზანიდან გამომაგდო. გამოვედი და ჩემი შინაური
კოქტეილი დავლიე, რომელიც ბევრად უარესი იყო, ვიდრე მარჩელის
კაფეს „ამერიკანოსი“. კარს იქიდან გამომძახა: შენი წინადადება, ცო-
ტა ხნის წინანდელი... სერიოზულად იყო თუ ჩემს ასაგდებად თქვიო?

დავუყვირე, შენ ძალზე ვნებიანი ქალი ხარ და, საერთოდ, სიყვა-
რულია ამ ცხოვრებაში ყველაფერი-მეთქი. კარი გამიღო და მითხრა,
თავაზიანი ხარო, და აბაზანაში ჩავძვერით.

— იცნობ კონრად ლორენსის ნაშრომს ბატებზე?

კი მივხვდი, რომ ის ქონიან ღვიძლს არ ეხებოდა, მაგრამ ჩემთვის
მაინც ძალზე ბუნდოვანი იყო და სიჩუმე ვარჩიე.

— ჩემი თემა სოციოლოგიაში მასის აგრესიულობაზე იყო. გილო-
ბით სწავლის ფულს ვშოულობ დოქტორანტურისათვის. იცი, მარო-

კოში დარჩენას თუ აპირებ, არ გექნება დიდი არჩევანი სამუშაოს ძებნისას. მუსს დამისხამ?

— კარგი. რატომ არ ბრუნდები საფრანგეთში?

— მე აქ დავიბადე. არ მინდა ამაზე ლაპარაკი თუმცა არჩევანიც არა მაქვს. ნუ შეწუხდები, ძალიან კარვად ვგრძნობ თავს ჩემს ბატებთან ერთად. მე ვერასოდეს ვუღალატებ ტრადიციას და უცნაური იქნება ჩემთვის.

მე დავეთანხმე. ჩემთვის ახალი იყო სიყვარულობა. მერე მუსიან წყალში ჭყუმბალაობა ძმაკაცებივით, ძალიანაც მომეწონა. თავს ვიკავებდი მოფერებისაგან, რათა ეს წუთები არ გამეფუჭებინა. თავი ჩემს მკერდზე ედო, მისი თმა ცხვირში მილიტინებდა. უაზროდ მიგრესდა წვივზე ბანჯგვლებს და ჩემს მონათხრობს უსმენდა: Ami ნ, ვალონფლიორი, მარჩელის კაფეში დაჭერა, ქვეყნიდან სამაგალითო გამოძევება „მაჩისტვის“. პუმანიტარული ატაშეს ცოლი, ვისაც გაშორება სურს. თვითმფრინავში მოყოლილი ლეგენდა. ხმას არ იღებდა, სამჯერ შევამოწმე, ხომ არ ჩაუძინა-მეთქი. არა, მისმენდა და ბანჯგვლებზე მქაჩავდა, რათა თხრობა გამეგრძელებინა, როცა ცოტას შევისვენებდი ხოლმე.

ამბის მოყოლის შემდეგ ყელში ბურთგაჩრილმა ვთხოვე, ჟანპიერის გათამაშებაში ამყოლოდა. უცბად არ მიპასუხა. ფეხის ცერის ცისფერ კაფელზე ქაფით რაღაცებს ხატავდა. მთხოვა, კიდევ ამიწერე ირგპიზი, თვითმფრინავის სავარძელში რომ მოიგონეო.

თვალეები დავხუჭე და სიტყვებს დავუწყე ძებნა. ხეობა, მაგიურ წყაროსთან მდებარე მობრჭყვიალე კლდით განათებული გამოქვაბული, მთაში ახლად გაჭრილი გზა, რომელიც იმ ნაცრისფერი ადამიანების საიდუმლოს ემუქრება, მალულად რომ ცხოვრობენ აქ პრეისტორიული ხანიდან მოყოლებული.

— ასეთ მოგზაურობას მ'გუნის მასივში მოგიხერხებ. გზის მესამედს გავივლით უდაბნოში, მესამედს ოაზისში და მესამედსაც თოვლიან მთებში. შენთვისაც კარგი იქნება, არა?

დავეეთანხმე.

— და როცა იაშის ნახევარ ფერდამდე ავალთ, იტყვი, რომ უკვე ძალიან გვიანაა, რომ ზვავმა ჩაიტანა ირგპიზი და უკან დავბრუნდებით. როგორ გგონია, ჭამს ასეთ სიბრიყვეს?

ვუპასუხე, რომ მას ძალიან სურს, უფრო სწორად, ძალიან სჭირდება ეს ამბავი ლოტარინგიის გამო. მზის ამოსვლამდე კიდევ დავაზუსტეთ სცენარი. ცხელი წყალიც გადავივლეთ და დასაძინებლად დავწექით. ვგრძნობდი, რომ ზუსტად დროზე გავჩნდი მის ცხოვრებაში: ეს საშუალებას აძლევდა ვინმეს გაპყოლოდა ზღაპრული და არარსებული მხარისაგან, ეს მას ბატებს შეუცვლიდა, ტურისტულ ტურებს, სავალდებულო სილამაზეს და ხელფასიც ექნებოდა. შიშვლები ვიწექით, ერთმანეთს მიკრულნი. აღარ მქონდა მისი დაუფლების სურვილი, რაღაც სხვა უფრო ნაზი, უფრო სარწმუნო გრძნობა მეუფლებოდა. ვიფიქრე, ალბათ შეყვარებული ვარ-მეთქი, ცხოვრებაში მეორედ.

— იცი, ვალერია...

— დიას, რა?



ქართული
ენების
სახეობა

ცხვირი მისი მხრის ჩაღრმავებულ ადგილას ჩავრგე და ჩემი ფიქრი მის სურნელზე შეჩერდა.

— არაფერი.

მან ნაზად მიიკრა ჩემი ხელი გულზე და მითხრა:

— მორჩი რა ზღაპრებს!

რვას ათი წუთი აკლდა, ატაშე რომ ჰოლში ვიპოვე. ჰქონდა, ეტყობა, მთელი ღამე არ ეძინა. საკვლევ ექსპედიციაში მყოფივით იყო გამოწყობილი: ჩალისფერი მაისური, ლეგიონერის თეთრი კაშნე, სამთო ფეხსაცმელი და ბეისბოლის ჩაფხუტი. მობილური ტელეფონი ეშოვნა და წინ და უკან დადიოდა.

როგორც კი დამინახა, ჩემკენ გამოექანა, თან ჯელაბაში გამოწყობილ ვიღაც მოკრივის ტიპს მოათრევდა ჩემთან გასაცნობად. ეს ომარი იყო, ატლასის სპეციალისტი, ვინც დათანხმებოდა თავისი ჯიპით მოგვმსახურებოდა. ჟან-პიერი გვერდზე გავიყვანე და ვუთხარი, ეს ტიპი საჭირო არაა-მეთქი. ჩემი ნათქვამი უცბად ვერ გაიგო, ამიტომ ჩურჩულით დავუმატე, რომ ის რაზაუი იყო ირგპიზის ნაცრისფერი ადამიანების.

ოდინდელი მტერი. ამ საბუთმა გაჭრა: ის მოკრივისთვის ფულის მისაცემად მიბრუნდა და ეს უკანასკნელიც ძალიან კმაყოფილი დარჩა საქმის ასე მოკვარახჭინებით.

მაშინ ჟან-პიერს ვაცნობე, რომ ვიპოვე იდეალური გიდი და მძლოლი — ქალიშვილი კარგი ოჯახიდან, ბორდოში დაბადებული, „დე“ წინდებულისანი გვარით — ჰო, თითქმის „დე“ წინდებულისანით, „დ“ ამოსტროფიანით — ვისაც კარგად შევეწყვე და ვინც კარგად იცოდა ზემო ატლასი, კერძოდ, ნაცრისფერი ადამიანების არსებობა, მაგრამ საბედნიეროდ ზუსტად არ იცოდა, სად იყო ხეობის შესასვლელი. ხასიათის გაფუჭება რომ შევატყვე, მხიარულად ვუთხარი, რომ ჩვენს გიდს თვალებს ავუხვევდით. მკითხა, სად არისო. ვუპასუხე, პლაჟზე გვიცდის-თქო. შემომჩივლა, რომ ავტომობასუხე სავსე იყო. ჩემი დაბნეული სახის დანახვაზე ტელეფონის ანტენა ჩასწია და დაამატა, რომ ვეღარ უკავშირდება, რაც იმის საბუთია, რომ ავტომობასუხის ფირი მთლიანად გაფსებულია და ახლა კლემანტინის ხმაც აღარ ესმის, მუსიკალური სიგნალის შემდეგ რომ ეტყობა, ამბავი დატოვეთო. ეს მართლა საშინელება იყო მისთვის, ეს ნიშნავდა, რომ მათ შორის ყველაფერი დამთავრდა. ეს დუმილი იყო.

— მე, მე ხომ აქ ვარ, — ჩავიჩურჩულე უბრალოდ.

გაოცებულმა შემათვალისწინა, თითქოს უნდოდა, გაერკვია, რა საერთო შეიძლება მქონოდა მათთან, ანტენა ისევ ამოსწია და მითხრა:

— მე ის მიყვარს.

ვიფიქრე, ღამე ვერაფერი მოაგვარა და ახლა აპირებს მოქმედებას-მეთქი. ტერასისაკენ წავიყვანე. მომჩვარული ხელით ანტენიან ტელეფონს ისე მოათრევდა, როგორც ძაღლის საყელურს მოათრევს ხოლმე დაკარგული ძაღლის პატრონი. შეხვედრა პლაჟის ქოლგის ქვეშ მო-

1. ტილოს გრძელი ხალათისებური ჩასაცმელი.

ვაწყვე საუზმითურთ, რათა ვალერია საბანაო კოსტიუმში ენახა. ეს მისთვის ყველაზე მომგებიანად მიმაჩნდა, ნაკლები იმედი მქონდა მისი დახვეწილი მეტყველებისა, როგორც თავად შემპირდა, რადგან ძველი, ბორდოული წარმომავლობის ოჯახიდან იყო.

— მადამუაზელ ვალერია დარმერი, — წარმოდგინე მე, — ბატონი ჟან-პიერ შნეიდერი, ჩემი ჰუმანიტარული მატყუარა.

— როგორ ბრძანდებით? — ჰკითხა ვალერიამ და ხელი გაუწოდა. მეტისმეტად ტკბილად გამოუვიდა, რახათ-ლუხუმივით იყო გაწოლილი ლეიბზე, თუმცა როლიც ისეთი ჰქონდა.

ჟან-პიერ შნეიდერმა გაოცებულმა გადმომხედა, მერე ტელეფონი მარცხენა ხელში გადაიტანა, ხელი რომ ჩამოერთმია.

— გაქვთ შესაფერი მანქანა? — ჰკითხა დაბნეულმა.

— შემოგთავაზებთ პარიზი-დაკარისთვის განკუთვნილ დეზერტ-ლაინერს: რვა მოძრავი ბორბალი, 350 ცხენის ძალა, 3500 კილომეტრი, კონდიციონერი, მზაპი, ტუალეტი და სამზარეულო. ვერც დიუნები, ვერც ვედები, ვერც თოვლი და ვერც ქვალორლიანი უდაბნო მას ვერ შეაჩერებს და თქვენ ისე იქნებით, როგორც საკუთარ სახლში ტელევიზორის წინ.

— ეს სულაც არაა ჩვენი მიზანი, — თქვა შუბლშეჭმუნულმა ჟან-პიერმა.

— ოცი ათასი ფრანკი ექვს დღეში, ეს დაუვიწყარი მოგზაურობა იქნება, თანაც ფულს თქვენი მთავრობა იხდის. ყავა გნებავთ?

ჟან-პიერი ფეხმოკეცილი ჩაჯდა, ძალზე მოუხერხებლად. მადლობა გადაუხადა ყავისათვის, უთხრა, რომ უკვე ნასაუზმევია და რომ მისი თანხებიც არაა უსაშველოდ დიდი. და მერე კითხვები დააყარა, გეოგრაფიაში უტარებდა გამოცდას, უცბად ძალიან მცოდნე იერი მიიღო, ეტყობა, ღამე შეისწავლა ქვეყანა. ჩაფხუტი მოძვრა თურმე და მის მოსატანად წავედი.

წყნარი ამინდი იდგა. ქვიშას ოხშივარი ასდიოდა. კატები და ჩიტები ნამცეცებს ეცილებოდნენ ერთმანეთს. ცოტა ხნით ფრანით დავინტერესდი. პაერში გაჩერებულიყო. ფრანის თოკები უძრავად მდგარ ბიჭუნას ეჭირა, ტიროდა და თავის სანდლებს დასცქეროდა. უზარმაზარი პლაჟი იყო, წამოწოლილი ხალხი ნაირ-ნაირ ჟურნალებს კითხულობდა — მზეზე ირუჯებოდნენ, ვერაფერს გრძნობდნენ, ხმას არ იღებდნენ. არც ერთი მეთევზე, არც ერთი გემი არ ჩანდა, არავინ იღიმებოდა. ვალერია ხალხისით პასუხობდა კითხვებზე, თითის აწევით, როგორც სკოლაში. ვუყურებდი და უეცრად დამავიწყდა, რომ ჩემს ყურეზე ვდარდობდი. მე ჟან-პირის ჩაფხუტს ვწმენდდი, დრო რომ გამეყვანა, სანამ ისინი ერთმანეთს ეცნობოდნენ.

როცა მივედი, უკვე გადაწყვეტილებას იღებდნენ: ლენდ-როვერი ცხრაას დირჰამად ექვს დღეში, პლიუს საწვავი. ჟან-პიერი ცოტა დაწყნარდა. თავს ნება მივეცი და ვთქვი, რომ უქუდოს ამ მზეზე, კანი გოჭივით დაებრაწებოდა. ვალერიამ თავისი კრემი დააძრო და დაუკითხავად წაუსვა ცხვირზე, ლოყებსა და შუბლზე. დავინახე, რომ ჟან-

1. მშრალი მდინარეები აფრიკაში.

პიერი ლიფში ჩაჰყურებდა და მესიამოვნა. უცბად მისმა ტელეფონმა დარეკა, წამოხტა და რაც შეიძლება ჩვენგან შორს წავიდა. მაგრამ ეს კლემანტინი არ იყო, რადგან გავიგონე, „ბატონო დირექტორო“ რომ თქვა და მყის პატარა ბიჭად იქცა, კუთხეში მიმწყვედელის სახე ჰქონდა. მას პასუხისმგებლობა დააკისრეს და მანაც დაიკისრა, ჰოდა, და-აცადონ, ნუ საყვედურობენ და მაროკოელ მოქალაქესაც ნუ ადანაშაულებენ, მისცენ დრო და საშუალება, რომ თავისი მისია პირნათლად შეასრულოს, — ამბობდა ის და თან ფეხს ურტყამდა ტალღებს. ძალიან მომწონდა ასეთი. მეამაყებოდა, რომ წინააღმდეგობას უწევდა და მიცავდა. ვალერიასაკენ მივბრუნდი ჩემი გრძნობების გასაზიარებლად. ის ნაკლებად მოხიბლული ჩანდა.

- დიდი ფინჯანი რამეა ეს ტიპი.
- რა? რა არის? — ვკითხე გაოცებულმა.
- ფინჯანი.

გავყურებდი ზღვის ტალღებში მომავალ შარვალაკაპიწებულ ჟან-პიერს. ცალ ხელში ფეხსაცმელები ეჭირა, მეორეში ტელეფონი. დაუკიდა თავის პატრონს და კიდევ ერთხელ შეეცადა კლემანტინის ავტომობილსთან დაკავშირებას. ნიძლავს ვდებ, ისევ პატარა ბიჭად იქცა.

- უნდა ეცადო შეუყვარდე, — ვთქვი კრიჭაშეკრულმა.
- კარგი, ვეცდები, — თქვა ბორდოული დახვეწილობით ვალერიამ და ლეიბზე გაიჭიმა. — წამისვამ კრემს? — ისე მკითხა, თითქოს პურზე კარაქის წასმას მთხოვდა.

პირქვე დაწვა და ლიფი შეიხსნა. ზურგზე კრემს ვუსვამდი და ჟვალს არ ფაშორებდი ჟან-პიერს, მოწყენილი რომ უსმენდა ავტომობილის წყვეტილ ზარს და ფეხებს ქვიშაში მოათრევდა.

- კარგად ვიცი, სასაცილო ტიპად რომ მიგაჩნია.
- არა.
- აჰ, უკვე არა?

— „ყველა დამახასიათებელი ნიშანი, რასაც შეიძლება ობიექტურად დააკვირდეთ პარტნიორდაკარგულ ბატებში, — მოქნარებით ამბობდა იგი, — ძალიან მკაფიოდ შეიძლება შეამჩნიოთ მოწყენილ ადამიანებშიც“.

უეცრად ჟან-პიერმა დაიღმუვლა, ტელეფონს ხელი უშვა, წყალში რომ ჩაგარდა, და ჩვენკენ ასკინკილით გამოიქცა, თან ხელებს იმტვრევდა.

- კონრად ლორენსი, „აგრესიულობა“, თავი II, — დაამთავრა ვალერიამ, გვერდზე გადაბრუნდა და იდაყვს დაეყრდნო.

ტკივილისაგან გაწითლებულმა სახეშეშლილმა ჟან-პიერმა საუზმე გადააყირავა ჰაერში აწეული ფეხით, ეცა ვალერიას, ლიფი მოაძრო და წვივი მაგრად შეიკრა. მე, ვინც მათ მშვიდ სასიყვარულო სპექტაკლს ვამზადებდი, ეშმაკურად შევყურებდი ამ სცენას.

— ჩემი ტრუსიკიც ხომ არ გინდა, ჰეი, შტერო! — იყვირა ვალერიამ და პირსახოცი ესროლა, რითაც მისი ძუძუების დაფარვას ვლამობდი.

— ზღვის დრაკონმა მიკბინა, — ჟან-პიერი ძლივს სუნთქავდა. — ერთხელ ეს უკვე შემემთხვა რამატუელში... ალერგიულ ვარ... მე... ჩემი ექიმის ტელეფონი მაქვს... ოთახში... — მერე ლეიბზე დაწვა მთლად აკანკალებული. მართლა მაგარი საჩუქარი იყო ეს ტიპი მოგზაურობისას. ვალერია წამოსტა, მაისური გადაიცვალა მთხრა:

— ხომ ხედავ, მე მაინც ბატები მირჩევნია, — მისი მისტერია ბილიკისაკენ გაიქცა, პლაჟს რომ მიუყვებოდა ევკალიპტების მიღმა. უკვე ვფიქრობდი, ჩვენი მოგზაურობა დასრულდა-მეთქი, როცა სიმპათიურ ბიჭთან ერთად დაბრუნდა, რომელიც ატაშეს ტექსამდე მიყვანაში მოგვეხმარა.

— ცუდად ვარ, — კვნესოდა ჟან-პიერი.

— ნუ გეშინია, — ვეუბნებოდი მე.

დამსვენებლებმა ფრენბურთის თამაში შეწყვიტეს ჩვენი ჩავლისას. მრცხვენოდა, რომ პლაჟზე მივათრევდი ამ უდაბნოს გმირივით გამოპრანჭულ სასაცილო ტიკინას, წვივი ლიფით რომ ჰქონდა გადახვეული, მრცხვენოდა და თან მეცოდებოდა.

— პოლიკლინიკაში წაგიყვან, ბატონო, კარგათ მოგივლიან, გამოგაჯანმრთელებენ, — ამბობდა მძლოლი.

ამაზეც ძალიან გავმწარდი, ასეთი დებილური კილოთი რომ ლაპარაკობდა ჩემს მშობლიურ ენაზე. სიამოვნებით წავეჩხუბებოდი არაბებით გარშემორტყმული, რომ ბოლოს და ბოლოს ვინმესთან ნორმალური ურთიერთობა დამემყარებინა, ისეთი, როგორსაც მიჩვეული ვიყავი. მეყო, მეყო, მეყო. მე სხვა იდიოტს ვარწევდი სკამზე, გაგიჟებული რომ ბოდავდა და ბურტყუნებდა.

— ჩემი ტელეფონი?

— ფუჰ, ამის დედაც... — ვთქვი მე.

ისევ კბილები ააწააწაკა და გული წაუვიდა ჩემს მხარზე თავმიდებულს. ჯაბახანა „404“ ქვიშიან გზაზე მიგვაჯანჯლარებდა. ვალერია ხალხად მართალი იყო, მართლა ფინჯანი იყო ეს ტიპი. ვალერიამ ხელი გადმოჰყო ატაშეს მუხლს ზემოდან და ხელზე მომიჭირა. ამან ცოტა დამამშვიდა, ორივენი გაღიზიანებულები ვიყავით და არ ვიცოდით, როგორ გამოგვეხატა. რაღაც ნამდვილად ხდებოდა ჩვენ შორის, არ ვიცი, რა, მაგრამ რაც არასოდეს განმეცადა. ის ალბათ ნანობდა სწავლაზე ამოდ დაკარგული წლების გამო. ამდენი ისწავლა და ბოლოს გიდი გახდა. მე კი ჩემს დაკარგულ წლებს მივტიროდი, როცა დანჯღრეულ მანქანებს ვძარცვავდი და ძალიან, ძალიან ვნანობდი სკოლის მიტოვებას. ერთმანეთს ვავსებდით, ცოტა დაბნეულები ამ უბედურ ატაშეს მიჯაჭვულები, გვინდოდა გაგვეგზავნა თავის ქვეყანაში და წერილიც მიგვეწერა მისი ცოლისთვის. მაგრამ დიდხანს ვერ შევძელი ეგოისტობა, ალბათ იმიტომ, რომ საკუთარი არაფერი გამაჩნდა.

ხელი შევუშვი ვალერიას ხელს და მუხლზე დავადე ჟან-პიერს, რაღაც საშინელებებს რომ ბოდავდა. ვალერიამაც იმავე დროს იგივე გააკეთა და ამ საქციელმა კიდევ უფრო შემაყვარა. აი, რა მინდოდა საბოლოო ჯამში: მას ჩემთან ერთად ამ ბავშვისთვის მოევლო, რომ ის

დედა, მე კი მამა ვყოფილიყავით. შეიძლება ეს ჩემი ბავშვობიდან მოდი-
ოდა, მაგრამ ვგრძნობდი, რომ ეს მისგანაც მოდიოდა. კარგად ვგრძნო-
ბდი, რომ მას და მე რაღაც უფრო ამაღლებული გვჭირდებოდა. სიყ-
ვარულისთვის, ვიდრე მართო ერთმანეთის ტაკუნების ფერება.

აღელვებული შევყურებდი ვალერიას და უცბად შევამჩნიე, რომ
ატაშე თანდათან მართლა სივდებოდა. არ ყოფილა თურმე უფრო
მისი აღერგია. უკვე ერთმანეთს ველარც ვხედავდით, ისე გასივდა. მზე-
რა მოვაცილე და გიჟური სიცილი ამიტყდა. ვალერიამაც, ეტყობა, წა-
რმოიდგინა, რომ იგი სულ უფრო და უფრო გაიბერებოდა და კარს მი-
გვასრესდა. მესმოდა მისი შეკავებული ფსუკუნი, თანამზრახველობის
მშვიდი მუსიკა.

აღბათ არ მქონდა უფლება ასეთ წამს ბედნიერი ვყოფილიყავი,
მაგრამ არავინ იცის, როდის რა უბედურება გელოდება, ამიტომ ბედნი-
ერებას ყოველთვის უნდა ჩასჭიდო ხელი და არ გაუშვა, ეს ჩემი ფილო-
სოფიაა, და ერთხელაც, როცა მისი გაზიარება შემეძლება...

პოლიკლინიკა ახალი შენობა იყო მთაზე, ბევრად უფრო კეთილ-
მოწყობილი, ვიდრე სენ-ჟოზეფის დისპანსერი ჩრდილო მარსელში. გა-
ქათქათებულ ხალათში გამოწყობილმა ექიმმა ურიკაზე დადებული
მსხვერპლი მიიღო. შემდეგ მოგვიბრუნდა ჩვენი ვინაობის დასადგენად
და ანკეტის შესავსებად.

- მგზავრობისას დავმეგობრდით, — ვუთხარი მე.
- თქვენ? — მიმართა ვალერიას.
- მე ამ ლიფის პატრონი ვარ.

ექიმმა თავი ასწია და თქვა: წვივზე ლიფი ისე მაგრადაა შემო-
ჭერილი, შეიძლება ავადმყოფს განგრენა დაეწყოსო. ვალერიამ დაუ-
ხუსტა, რომ იგი მართლაც აღერგიული იყო, მაგრამ არ იცოდა, რის
მიმართ; ექიმმა უპასუხა, ყოველი შემთხვევისთვის მას უკვე აუცრეს და
ყველაფერი მალე გაირკვევაო. ისე წავიდა, ჩვენი ანკეტები აღარც გა-
ხსენებია.

ვალერიას წავჩურჩულე, სასაცილო ტიპია-მეთქი. მიპასუხა, კი-
დევ კარგი, რამადანი არ არისო გასულ წელს თურმე მამამისს გაუკე-
თებია შარდის ბუშტის ოპერაცია მარხვის დროს და ექიმს გაკერვისას
გული წასვლია. ცუდი წინათგრძნობა რომ გადამევიწყებინა, ვკითხე, მა-
მაშენი რას აკეთებს-მეთქი. მიპასუხა, ადრე ექიმი იყო, მაგრამ სმის
გამო თავი დაანება და ახლა მებაღე არისო. სმა უიმედობისგან დაიწყო.
დედა რომ გარდაიცვალა, ცხოვრებამ მისთვის აზრი დაკარგაო.

უეცრად ძალიან მოვიწყინე, გავიფიქრე, რომ ჟან-პიერი თავის
ურიკაზე მოკვდებოდა, ცხოვრება კი ჩვეულებრივად გაგრძელდებოდა,
დედამიწა არ შეწყვეტდა ტრიალს. მისი კლემანტინი დაქვრივდებოდა,
რაც მუდამ გაშორებაზე უფრო მომგებიანია, რა თქმა უნდა, მშობლები
ძალიან შეწუხდებოდნენ ლოტარინგიაში, მაგრამ მათ ხსოვნაში და-
რჩებოდათ ჩვიდმეტი წლის მომავალი მწერლის ხატება; ისინი ხომ არ
იცნობდნენ პატარაჩემოდნიან, მობილურტელეფონიან და ბეისბოლის-
ჩაფხუტიან დაბნეულ პუმანიტარულ ატაშეს, ის მხოლოდ ჩემი მკვდარი
იყო. აღბათ ერთადერთი ადამიანი ვიქნებოდი, ვინც იმისთვის დაიტი-

რებდა, რასაც ნამდვილად წარმოადგენდა, ეს კარგი საშუალება იყო ვინმე დამეტირებინა — რაც უნდა იყოს, მისი იმედი მქონდა, მან კი ცარიელზე დამტოვა, თუმცა ეს სულაც არ უნდოდა.

ნახევარი საათის შემდეგ იგი დაგვიბრუნეს, დაჩუტული, კუნტრუსით მომავალი და ძალზე კმაყოფილი, რომ ასე ადვილად გაიმარჯვა თავის ალერგიაზე, რადგან ბოლოჯერ რამატუელმა, მან დატვიწყით, ორმოცი დღიდან სამი დღე ბოდავდა. ბოდიში მოგვიხადა შეწუხებისთვის და მოინდომა ვალერიასთვის ახალი საბანაო კოსტუმი მიერთმია. ვგრძნობდი, რომ უკვე მოსწონდა. ტაქსში ველოდი, სანამ მაღაზიებში დარბოდნენ. ცოტა გულდაწყვეტილი ჩანდა, მის მხიარულებას რომ არ ვიზიარებდი, მაგრამ მე დრო მჭირდებოდა ჩემი დარდის გასაქარვებლად: მე ხომ სულ რაღაც ოცდაათი წუთის წინ დავასაფლავე იგი.

ქან-პიარ შნეიდერის (მისიის) ჩანაწერები

აბადირი — ირპიზი (მაროკო)

ოთხშაბათი 25

ნათელი დღეა, მზე, 25 გრადუსი.

გამგზავრება 14 საათზე, პ. 32 გზით, რომელიც აგადირს უარზა-ზატთან აკავშირებს. ვკვეთთ სუს დაბლობს, მდიდარ რეგიონს, სადაც მწყემსები თავიანთ ცხვრებს აძოვებენ ზეთისხილისა და აგრანიერების გარშემო. აგრანიერები გრძელეკლიანი ხეებია, რომელთა გამოც მოხდა გვიხდა პირველად გაჩერება — საბურავი გასკდა. აზიზი გზის შეცვლას ფიქრობს.

ჩველა მხრიდან მორბიან ბურნუსებში გახვეული მწყემსები და დახმარებას გვთავაზობენ. მე გულუბრყვილოდ დავიჯერე, მაგრამ, ვაგლახ, რომ მათი მთავარი სადარდელი მხოლოდ მათხოვრობა ყოფილა. ჩვენი გიდი მიშლის პორტფელის გახსნას, მეუბნება, ბევრნი არიანო. ამ უბედური ხალხის საკომპენსაციოდ პირველ არაბულ ფრაზას მასწავლის: „აშიბ ალაჰ!“, რაც ნიშნავს, ალაჰი გადაგიხდისო, ვეუბნები ამას და თანდათან ვხვეწ გამოთქმას. სალამო ჟამის მუშაკნი უფრო გამოგვადგნენ. ვხუმრობ, მაგრამ დამთრგუნველია ეს სილატაკე, სხვასაც რომ ითრევს: ეს უფრო რეფლექსია. ევროპელი ადამიანი, როგორც ყოველთვის, დამნაშავეა: სადაც კი გაივლის, თავისი კულტურის შეტანას ცდილობს — აშიბ ალაჰ — ჩვეულებების დელიკატურ გადანერგვას ამაზრზენ სინამდვილეში.

ვფიქრობ ლუსიენ გიტრის შესანიშნავ ფრაზაზე, როცა კედელთან მიმჯდარი ბრმა მათხოვრისთვის ფული მისცა თავის პატარა ვაჟს: „საშა, რატომ არ გაუღიმე ამ კაცს, მოწყალებას რომ აძლევ-

დი?“ „მამიკო, ის ხომ ბრმაა!“ ლუსიენ გიტრიმ კი უპასუხა: „ჰო, ბრმაა, მაგრამ იქნებ არაა ბრმა და იგონებს სიბრმავეს?“

აზიზმა დაამთავრა მანქანის შეკეთება და წავედით. მეჩქარება ამ დაბლობის დატოვება, მეტისმეტად ტურისტულია. მშვენიერად მესმის ამ მოგზაურობის შემეცნებითი ხასიათი, აქ ხომ ყველაფერი მნიშვნელოვანია.

ეროვნული
მშვენიერება

ასატანი სიცხეა. აზიზი ზის, მე უკანა სავარძელში ბენზინის კანისტრის ზემოთ. ჰაერის ნაკადი ჩემი სარკმლიდან შემოდის და გულს რევის გრძნობას მიჩერებს. აზიზმა თავი ატლასის მთების თოვლიანი მწვერვალებისკენ მიატრიალა, ხელმარცხნივ რომ გამოჩნდა. მივხვდი მის განცდასა და შეშფოთებას. შევეცდები ამის გადმოცემას მერე, უფრო გვიან, მშვიდად და დალაგებულად. აქ მხოლოდ რამდენიმე შენიშვნა და ჩანაწერია, მოგზაურობის სინამდვილეს რომ შეიცავს და შემდგომ ნებას მომცემს მესხიერების ხაფანგებს გავართვა თავი.

გჩხაპნი ამ პწკარებს ჩანჩქერის გვერდით, გერმანული პიკნიკის სუფრასთან, აქაურობის ჰარმონიას რომ ანგრევს. ოლეანდრები, ფინიკის პალმები, ოპუნსიები, გასაქირავებელი აქლემები. ვხედავ გენერალურ რუკაზე, რომ გიდმა ორმოცი კილომეტრით გადაუხვია გათვალისწინებული მარშრუტიდან, რათა ამ ხედებით დავტკბეთ. დღეს ან ხვალ აზიზი იტყვის, აქ სამოგზაუროდ კი არა ვართ წამოსულებიო. თვალწარმტაცი სანახაობები, ყველაზე მშვენიერნიც კი, არ ფიგურირებენ აზიზის მიერ მითითებულ ტრაექტორიაში და თემის გარეთ რჩებიან, როგორც გამოუსადეგარნი.

გავდივართ ტარუნდანტს და მის ბაზარს, ბუგანვილიეს, რომლის მე-18 საუკუნის ციხე-სიმაგრის კედლებში წეროები ბუდობენ. მადმუ-აზელ დ'არმერეი ხვდება ჩემს მოუთმენლობას, თუმცადა სიმკაცრეს ჯერ არ ვამჟღავნებ, ვემზადები. ვვარჯიშობ.

იმდენი წელია არ მიწერია. უნდა ვიფიქრო სტილზე. P.S. ტალიუნის პოლიციაში კონტროლის გავლისას დავინახე, რომ მისი სრული გვარია დ'არმერეი დე ვილენევი. ჰიპოკრატში ერთ ვილენევს ვიცნობდი, უნდა ვკითხო, მისი ნათესავი ხომ არ არის.

ხუთშაბათი 26.

იგივე ამინდი.

ღამე კლუბ „კარამში“ გავატარეთ, უარზაზატის საუკეთესო სასტუმროში. აუტანელია კონდიცირებული ჰაერი, მათი მომსახურება. ამიერიდან მოვითხოვ აქაურ მცხოვრებლებთან ღამის გათევას, ან თუნდაც ყველაზე უარეს სამიკიტნოში. და კიდევ, ჯანდაბა და დოზანა, თან ხომ გვაქვს კარვები დასაბანაკებლად! საერთაშორისო სასტუმროების ასეპტიკურ გარემოს რა ესაქმება ჩვენს ისტორიასთან!

რაც შეეხება უარზაზატს, არაფერია აღსანიშნავი, უცხოეთის ლეგიონის გარნიზონია საზოგადოების მთავარი დეკორი. ამერიკული საბარგო ავტოები მიდიან და მიდიან იმ სოფლისაკენ, სადაც ორსონ უელსმა სოდომი და გომორი დაატრიალა. სიგარა — საჩუქარი,

რეჟისორის „ნამდვილი“ სავარძელი, უკან რომ მისი სახელი აწერია. სამწუხაროა.

ვცდილობ აზიზთან კონტაქტის განახლებას. თავს მარტოებს, ვერ ვხვდები მის განწყობას; აკი იზიარებდა ჩემს ენთუზიაზმს რაბათის აეროპორტში, როცა ჩვენს წიგნს ვამზადებდით. მე მისი ქვეყნის მისეული ხედვა მჭირდება: ისაა ნამდვილი მთხრობელი, ჩემი პირადი რეაქციები არავითარ ინტერესს არ წარმოადგენს, თავს ძალას ვატან. ვაკვირდები. მაგრამ თუ აზიზმა განწყობა არ შეიცვალა, აღარაფერი მექნება სათქმელი და თხრობასაც წერტილი დაესმება.

შეიძლება აზიზი უხერხულად გრძნობს თავს მესამე პირის თანდასწრებით. უნდა დაველაპარაკო ვალერიას, მაგრამ ესეც მიძნელდება. ჩვენ შორის ზღუდეა აღმართული და ეს ისევ აზიზის ბრალია. მან უთუოდ იგრძნო ის დაინტერესება, ვალერია რომ ამჟღავნებს ჩემ მიმართ, თუმცა თავს კი ძალიან ებრძვის. ვალერიას ინსტიქტური სიცივე იმ თანამდებობის აუცილებელი ატრიბუტია, მას რომ უკავია; ალბათ სიყვარულის ასაკში მყოფი ყველა მამრი უტევს. განა შეიძლება მისი გარეგნობის, მისი ოცი წლის, მისი ღიმილის, მისი მხრების გამო აზიზი ჩემზე ეჭვიანობდეს?

თუ ასეა, ეს სავალალო იქნება რომანის მომავლისათვის, მაგრამ შესანიშნავი ჩემთვის. ექვს თვეში ოცდაცამეტისა ვხდები. ღმერთო ჩემო! რა უყავი შენს ნიჭს? ვიცი, ვიცი. მაგრამ ვისთვის ვიბრძვი? დამავიწყდა ქალების შემოხედვა მას მერე, რაც ჩემი აღარ მიყურებდა. ვალერია დარმერეი დე ვილენევი.

გაყიარეთ.

P.S. სექსუალური არაფერია იმ გრძნობებში, რასაც იგი ჩემ მიმართ ამჟღავნებს. ეს მხოლოდ კულტურული თანამშრომლობაა. უცნაურია, როგორ მისცა თავს ნება ასე დაეკინებინა ჯიში. ის ბორდოს ელიტური წრიდანაა გამოსული, მასში პანსიონის მოწაფე იგრძნობა — კვირაობით მესაზე სიარული, ნაქარგი თეთრეული, ფორტეპიანოს გაკვეთილები, გოლფის კურსები. ალბათ დიპლომატი ვგონივარ ჩემი ჩემოდნის დიპლომატიური ეტიკეტის შესაბამისი, ან შეიძლება კრეუზოს პოლიტიკურ-ინდუსტრიული შნეიდერების ნაშიერიც, იმ შნეიდერებისა, ისტორიის მასწავლებლები რომ „შნეიდერსად“ წარმოადგენენ ხოლმე და თავს იწონებენ მოწაფეების წინაშე, როგორც წარმოთქვამენ „ბრელ“, „ლაას“, ან „ტრემუი“. დიდება გვარებს, რომლებიც ისე არ წარმოითქმის, როგორც იწერება! უფლისწული, ნამდვილი შთამომავალი, რასის ბოლო წარმომადგენელი, ტრადიციისა, გამგრძელებელი არის აზიზი. მე, მე „ლუმანიტე დიმანიშიდან“ ვარ წარმოშობილი, უფროსების პატივისმცემელი, დაგეგმილ ცხოვრებას შეგუებული, ქოხმახიდან ქარხნამდე და ქარხნიდან კაფემდე. მუშური ძმობა და კარგად შესრულებული სამუშაოთი გამოწვეული უბადრუკი სიამაყე. აი, ყველაფერი, რაც მე დავამსხვრიე.

მაგრამ ისიც მეამბოხეა. ასეთი ნაზი კულულები, შინიონისთვის განკუთვნილი, შესწირა სამხარეულოს მაკრატელს, ეს უმაკიაჟო კანი, სვირინგი მკლავზე, ბიჭური ლაპარაკის მანერა არაბულად, წინ-

წამოწეული ყბითა და ჩახლეჩილი ხმით. მეამბოხე, დაუმორჩილებელი... გამოთქვამს თავის აზრს ბილიკებზე, ვედების დიდ ფართობებზე. მე წიგნები, თავისუფლება, სწავლა ამოვირჩიე. და რას მივალწი? ზეთების მოსაწონ მისიას. ის კი მტვრისა და გამოშტერებული ტურისტების წრეშია, მოთვინიერებულ ტუარეგის ტომის კონვერტებში ჩადველებს რომ უღებენ სურათებს.

გუშინ სალამოს რესტორანში, გროტესკულ მენიუს უკან ამოფარებულმა, რომლის გარეუდაც კუდიანების ნაჩხაპნს უფრო წააგავდა, ვიდრე ნაწერს, მისი ცისფერი მზერა ჩემს ხელებზე დავიჭირე. ჩემი მოკლე, ოთხკუთხა, გამოუყენებელი ხელები, ლითონის სადნობად შექმნილნი უკვე სამი თაობის მანძილზე, საოცრად მოუხერხებელნი კალმის საჭერად! და მაინც... შენ რომ მხედავდე, ვალერია, ამ წუთში ჩემს სინთეტიკურ რეზინის სკამზე, წინ მიდევს მაწონი ხორბლის მარცვლებ-მოყრილი, ამ ტერასაზე, რომელიც ზემო ატლასის მწვერვალებს გასცქერის, მე კი ვწერ, ვწერ და ამ სილამაზეს ვერ ვხედავ, ფეხებზე მკიდია. მხოლოდ ხელებს სურთ სცადონ და თქვან, რომ ვარსებობ. ეს ხელები, რომელთაც ყოველთვის ვმალავდი, როცა კეს კოქტილებს ვესწრებოდი ან გამართულ სადილებს ქალაქში, გუშინ შენ შემოგთავაზე და იცი, ძალზე ამაყად ვიგრძენი თავი. შენ შეიცან ჩემი უარყოფა, ჩემი გაქცევა და წუხილი გაკრთა შენს თვალებში.

რვა საათია, წასვლის დრო.

P.S. მე მსურს იგი.

ცაზე ცხვრებივით ღრუბლებია, უფრო გრილი ამინდი.

კლემანტინი მშორდება. ის ერთადერთია, ვისაც ჩემი სწამდა. მან მიმატოვა, როცა მეც აღარ მწამდა ჩემი თავისა. ხელახლა ნაპოვნი სიტყვები მას ველარ მოაბრუნებს, უკვე ძალიან გვიანია. მე უშენოდ ვწერ, კლე. წამიკითხავ? მე შენ მოგიძღვნი ამ რომანს, თუ ბოლომდე მივიყვანე. ვისაც როგორ შეუძლია, ისე ემშვიდობებიან ერთმანეთს.

უარზაზატის გამოსასვლელში გულის ამაჩუყებელი აფიშაა: გულბრყვილო მანერით დახატული აქლემი ძველ მომთაბარეებს მიანიშნებს, რომ ტომბუკეტუ მხოლოდ ორმოცდათორმეტი საქარავნო დღის სავალზეა.

პირველი ნამდვილად ველური პეიზაჟი ეს წითელ კლდეზე უფსკრულისპირა გასასვლელია, სადაც ლენდ-როვერი ჩაეფლო ქვალორლიანი გზის ორმოში — ვერცხლისფერი ვედის კალაპოტი, ამაღლებული. მოტორის ხმაურში ვერ გავიგონე სახელი. ბოლოს და ბოლოს დავტოვეთ P 32! არც ერთი ტურისტი არ ჩანს მხედველობის არეში. ნამდვილი თავგადასავალი იწყება. რამდენიმე ბერბერი ხელს გვიქნევს მანქანის გასაჩერებლად. ვალერია არ აჩერებს. „აშიბ ალაჰ! — გაყვირი ღია სარკმლიდან. გაურკვეველი აღელვება სუფევს მანქანის სალონში. სა-

ერთო სურვილი დაგვუფლებია, რათა რეალურად ჩავწვდეთ ჩვენი სა-
ძიებლის გულს. მართლა სერიოზული საქმე გველის ირგვინის გზაზე.
აზიზი სულ ჩუმადაა, მაგრამ თითქოს შემოტრიალდა. სასურველმა ქარ-
მა დაჰბერა, ის თითქოს ვალერიას ჩემკენ მომართული ღიმილი იყო პა-
ტარა სარკიდან—ღიმილი ნათელია, მეგობრული, მომთმენი და ცნობის-
მოყვარეობის მიმტევებელი — კაცს რომ ამშვიდებს. მშვიტს და: ის არ
ეჭვიანობს ჩემზე. იგრძნო რა ვალერიასადმი ჩემი ყურადღება, შეეში-
ნდა ვალერიას მხრიდან უარის შემთხვევაში ჩვენი ექსპედიციის კლი-
მატის გაფუჭებისა. შეიტყო რა, რომ ვალერია აღარ დგას თავდაცვის
სადარაჯოზე, ისიც დამშვიდდა. ის ფიქრობს, რომ ჩვენი ხელისმომკი-
დე იქნება. როგორ ამბობენ სკოლაში? სანთლების მიმნათებელიო. ასეა.
აზიზ, ჩემი გზის გამნათებელი, მოამზადე ასანთი!

ეს ბიჭი მალეღვებს. ეს უბრალოება, ეს დახვეწილი მდუმარება,
ეს კეთილგანწყობილი ყურადღება, რომელსაც ჩემ მიმართ იჩენს, ეს
ბებერი ბავშვის მოწიფულობა ჰგავს, საუკუნეების მანძილზე ჩამოგო-
რებულ უზარმაზარ ლოდებს. სწორედ ეს მისცემს ჩემს წიგნს მითიურ
იერს. ყველაფერი დაყრდნობილი იქნება ამ პერსონაჟზე, რომელ-
ზეც შემეძლება ვთქვა, ეს მე ვარ-მეთქი იმ დღეს, როცა შევიწოვ მის
ხედვას და მის წარმოსავას. კარგად ვიცი, სადაც მივდივართ. ბრიყვი ხომ
არა ვარ. მისი ირგვინის ხეობა უბრალო ოაზისია ჯებელის მთის ფერხ-
თით, ზუსტად ისეთი, უკვე სამიოდე რომ ვნახეთ და გამოვიარეთ, მისი
ნაცრისფერი ადამიანები სხვებივით ბერბერები არიან, მან რომ გააღმერ-
თა, რათა მისი სამშობლო შემყვარებოდა. ნორმალური და ჯანსაღი რეაქ-
ციაა. მეც იგივე რეაქცია მექნებოდა, დღეს რომ უკანაჟზე მელაპარაკა,
დიდებული სამჭედლოს მითოლოგიაზე ჩვენი ეზოს ბოლოში, სადაც ასეა
თუ ისე ჩვიდმეტი წელი გავატარე საყვირებისა და ბრძმედების გრიალ-
ში, ძილს რომ მიფრთხობდნენ.

უფრო თავგზისამბნევია მისი სისტემატური უარი არაბულად ლა-
პარაკზე. ვალერია უკვეთს ჩვენთვის საჭმელს სასადილოებში, ითხოვს
ბენზინის სავსე ავზს ბენზინისგასამართ სადგურებში, აჩვენებს ჩემს
ოფიციალურ სამშვს პოლიციის კონტროლს. რატომ უწყობს გაფიცვას
თავის ენას აზიზი? რცხვენია თანამემამულეებისა, რომ მისივე ქვეყანა-
ში ზედამხედველის თანხლებით დააბრუნეს, მართალია, ჩემნაირი კე-
თილგანწყობილი ზედამხედველის, მაგრამ მაინც ზედამხედველის? თუ
ჩემ მიმართ გამოჩენილი დელიკატურობით მოსდის? უნდა, რომ მის
ტყავში ჩავძვრე ენის ბარიერის მიუხედავად? იქნებ მისი დიალექტი
განსხვავდება იმ დიალექტისაგან, გზაში რაც შეგვხვდა? ამაზე უნდა
ჩავფიქრდე.

დაბლობს რომ გავდიოდით, კითხვა დავუსვი, რომელიც მარსელი-
დანვე მაწვალებდა, მაგრამ მეშინოდა, მისი ძირებისკენ მიმავალი გზა
არ ამერია. „ვინ გასწავლა ასე კარგად ფრანგული? შენი ტომის კაცმა?
ბატონმა ჟიროდიმ?“ პასუხის ნაცვლად კითხვათვე მიპასუხა, თქვენ,
თქვენ ვინ გასწავლათო. აზრს ვერ მივუხვდი.

შუადღისას სოფელ მზინარში ჩემი თხოვნით სასაუზმოდ შევიჩერდით ერთ გლეხთან. აზიზმა მაგარი რამ გააკეთა. შესვლისას ჩვენსავით ფეხზე გაიხადა, ჩვეულებისთვის რომ ეცა პატივი, მაგრამ სუფრასთან გაუგონარი რამ ჩაიდინა: დანა-ჩანგალი არ იყო, ხელით უნდა გვეჭამა და ჭამა მარცხენა ხელით დაიწყო, რაც უსაზღვრო აღშფოთებას იწვევდა. წყენას იწვევს ატლასში, სადაც მარცხენა ხელი უწმინდურად — მარცხენა ხელი, ვალერიამ ამიხსნა, როცა გლეხმა სახლიდან გამოგვყარა.

უცნაური ვინმეა აზიზი. პროვოკატორი, არარელიგიური, გაუნათლებელი. ვითომ თავის საკუთარ ტრადიციებს არ სცემს პატივს? არა, მე მიწვდის დახმარების ხელს. საგანგებოდ იწვევს ინციდენტებს ჩემი წიგნის შესაკმაზავად. არაჩვეულებრივია, რაც მე შემემთხვა. მე მასში მუზას ვხედავ. მე აღმოვჩინდი „ემმაკ-მფარველთან“ ერთად, რომელიც აცდუნებს ხალხს, ამახინჯებს ფაქტებს, რათა წიგნისათვის კარგი მასალა მომიგროვოს.

წარმომიდგენია რა იქნებოდა ჩვენი მოგზაურობა იმ ომარის ჯიპით, მე რომ ამოვარჩიე. არც ერთი თავი არ იქნებოდა, მხოლოდ ხუთი გვერდი. გმადლობთ, აზიზ. („შოკრან“, ან უფრო საზეიმოდ: „ბარაქა ალაჰი უფიკ“. სიტყვასიტყვით: „ალაჰი მოგცემს ძალას“).

ჩვიდმეტ საათზე ჯაფარის შესანიშნავ ცირკში გაჩერებისას (აქლემის ჯოგი, ბებერი კედრები, ღვია, თოვლიანი ჯებელაიჩის გაუვალი მასივი) აზიზის არყოფნით ვისარგებლე — ბუნებრივი მოთხოვნების დასაკმაყოფილებლად ბუჩქებში იყო გადასული — და ვალერიას გამოვკითხე ირგპიზის მითზე. მან სიტყვასიტყვით მომითხრო „წმინდა ხეობის“ ვერსია, სადაც პრეისტორიული მცენარეები და ცხოველებია. უცნაურად, თითქმის მოსაყვედურე ტონით მიყვებოდა. თითქოს მე ჩემი მხრიდან რალაც დამამცირებელს ვჩიჩქნიდი სკეპტიკურად (სკეპტიციზმი არის გონების „მარცხენა ხელი“ ატლასში).

ერთი სიტყვით, ისეთი გრძნობა მქონდა, თითქოს ამოუცნობ მფრინავ ობიექტებზე ველაპარაკებოდი აერონავტიკისა და კოსმოსური კვლევის ეროვნული სამმართველოს თანამშრომელს, რომელმაც ჩამომითვალა დოსიეს ელემენტები: სიჩქარის ჩაწერა, რადარის ექო, მატერიის კვალი, ანალიტიკური სიმკაცრე წარმოსახვითი ჰიპოთეზის მომსახურებისა. (N.B. გადავდო ჩემი შთაბეჭდილებები პუისენ ვინსანის „მეცნიერება-საზღვრების“ კოლოკვიუმისათვის, სადაც წიგნის დირექციამ მთხოვა წავყოლოდი ერთ ესპანელ ფიზიკოსს, რომელიც ამბობდა, რომ იღებს მნიშვნელოვანი მოლეკულური აღმოჩენის ფორმულას — დამტკიცებულს — უმნიშნის ექსტრადედამიწისეული ცივილიზაციიდან. ლუპიაკის აზრით ეს იყო სუკის შეთქმულება ევროპელი მეცნიერების დისკრედიტაციის მიზნით. მე ყოველთვის წინააღმდეგი ვიყავი ამ ვერსიისა. რატომ ვთქვამთ უარი ოცნების სისტემატურ უარყოფაზე? პატივი მივაგოთ იმას, რაც ჩვენ აღგვემატება.

ვალერიამ მომაწოდა პალეონტოლოგიური ცნობა: განათხარი ხვლიკების ანაბეჭდები, იმი-მიფრი (25 მილიონი წელი) და მათი უზარმაზარი კვერცხები, შენახული ზებუნებრივ მდგომარეობაში, ტიზი ნტირგ პისტის ნეოლითური საკულტო ადგილები, ტინსულისისა და დრაას გამოქვაბულების ათასობით ნახატი, მთლიანად კვეთილ შესრულებულნი (10.000 წელი)... მაროკო მისი მონათხრობის მიხედვით დულდა და გადმოდულდა საოცარი ნაშთებით, გამოუცნობი საიდუმლოებებით. ათასობით ირგპიზი იყო გაბნეული ზემო ატლასის მიუვალ ნაკეცებში და გუდრონის მშენებარე გზა, ნაცრისფერი ადამიანების ხეობას რომ ემუქრებოდა, C.T. 1803 იყო, ჯებელ უაზატის (3.770 მ.) მომავალი სათხილამურო სადგურის სამსახურად განკუთვნილი; სამარცხვინო იარა, ეს-ესაა რომ გავიარეთ, ამ მშენებლობის საწყობი გახლდათ.

როცა აზიზი დაბრუნდა, ვალერიამ იგი მოწმედ მომიყვანა. ის დაეთანხმა. ვალერიამ ჰკითხა, კიდევ შორს ვიყავით თუ არა. აზიზი ცირკის შუაგულში დადგა, დოინჯი შემოიყარა და ნელ-ნელა იწყო ტრიალი; მთის დამაბრმავებელ სიქათქათეში ნაკლებად ძნელ გადასასვლელს ეძებდა. ვალერიამ მას არაბულად რალაც ფრაზა ესროლა, რომელზეც მან ერთხანს მკაცრად აქნია თავი. შემდეგ ვალერიამ მე შემომხედა, არ უნდოდა ჩქმთვის ეთარგმნა, რაც მას უთხრა.

სალამოს უგემრიელესი ვახშამი მივირთვით ტიგპრემში, გალავნიან, თეთრად შემოხაზულ ფანჯრებიან სახლში, ბოროტი სულის (ჟნუინის) განსადევნად. პიტნის ჩაი, პარისა (გამოუცნობი წვნიანი), ტაჟინი ქლიავებით, გუფთა-კატლეტი, გიგანტური ცხარე რალაც; წიწაკა რომ მეგონა და ვჭამე, მერე კი ორი ლიტრი წყალი დავაყოლე ხანძრის ჩასაქრობად, მიუხედავად ვალერიას გაფრთხილებისა ბაქტერიების თაობაზე. ახლა ერთადერთი უწმინდური რამ, რასაც უნდა მოვერიდო, ჩემი მარცხენა ხელია. ოცდათორმეტი წელი ევიანის წყალი. სდექ. მეყო. სიცოცხლე მინდა. გადავყარე ჩემი ხორბლის მარცვლებიც.

სოფლური სახლები ალიზით იყო ნაგები. მოშორებულ ადგილას გავედი, თხებითა და მუხებით რომ იყო სავსე, მოსაშარდავად ვალერია შემომიერთდა, ჩამოვსხედით საბურავზე. ხელი ხელზე მომკიდა და ოფლი, მაისურს რომ მისველებდა, რალაც ჯადოთი შეჩერდა. გამომიტყდა, რომ აზიზი ვერა და ვერ პოულობდა თავის ხეობის გზას. ვუთხარი, ბევრი დრო გვაქვს-მეთქი. პოი, მართლა რა ძალიან მინდოდა ბევრი დრო მქონოდა პირველად ჩემს ცხოვრებაში. მან ბაგე ბაგეზე მომადო და კარგი ოცწამიანი კოცნა მაჩუქა. როცა ბაგე მომაცილა, ნიკაპაწეულმა, თვალებზე თმაჩამოყრილმა მკითხა, ხომ კარგი იყო. თავი დავუქნიე, წამჩურჩულა, რომ მხოლოდ წიწაკის ძალა შეაჩერა და სულაც არაა საჭირო ზედ დავახტე.

გავყურებდი სახლისაკენ მიმავალ მის ნატიფ, საოცრად ახალგაზრდულ ტანს, ცოცხალს, მიუწვდომელს. როგორ უნდა შესთავაზო სიყვარული ფერიას, რომელიც დაგცინის? ნეტავ თუ ჰყვარებია ვინმე?

რაც აქვს უაღრესად ქალწულური: ჯიუტი თავისუფლება, მეოცნებე შეურიგებლობა, უმიზეზო მელანქოლია. იქნებ ჩემთვის ყოველივე ამის თქმას ცდილობს? მე არასოდეს მქონია ქალწულთან სიანდლოვანი აგნეს, აგნეს... რა შორსა ხარ! როცა უკანუში ჩემს ოთახში ხელნაწერს გიკითხავდი და ფრაზებით მთლად დამთვრალი, ჩემო ერთადერთს შვილს თხველო და მსმენელო, საწოლზე, რვეულებით სავსე საწოლზე მოგესვიე, შენ უარი მითხარი და მთხოვე, კიდევ წამიკითხეო, და მეც განვაგრძე კითხვა.

თუ ჩვენს სიყვარულს მივეცემით, ვალერია, და თუ ეს შენთვის პირველი იქნება, მჯერა, რომ მეც შენსავით გამოუცდელი ვიქნები. მე უეცრად თხუთმეტი წლის გავხდი და ხაზგასმით მინდა გითხრა, რომ შენმა კოცნამ სულაც არ შეანელა წიწაკის ძალა.

ბედნიერი ვარ? კი.

პირველი ღამე ღია ცის ქვეშ. გრძელი თოკის გადაჭრა მინდოდა და ჩემი უგერგილობით ჩავხიე ყვითელი კარავი. ვალერიამ აღმართა პატარა კარავი და იქ მოთავსდა. იმწამსვე ჩააქრო გაზის ნათურა.

შუალამის პირველ საათზე საშინელი ჭექა-ქუხილი ატყდა, დანტესებური სიმძლავრის. მე და აზიზმა მთლად გალუმპულეებმა თავი ლენდროვერს შევაფარეთ. ათი წუთის შემდეგ მოვარდნილმა ღვარცოფმა წაიღო ჩვენი კარავი. გავიქეციტ ვალერიას კარვის გადასარჩენად. გავხსენით ელვაშესაკრავი, ნახევრად მძინარემ შეგვიკურთხა და გვითხრა, შემეშვიტო. წყლის ნაკადმა კარავი სამი მეტრით დააცურა. ვყოყმანობდით, ძალით გამოგვეყვანა თუ არა. მერე გადავწყვიტეთ მანქანის პარპრიზიდან გვეთვალთვალა ჭექა-ქუხილის დამთავრებამდე.

დილის შვიდი საათია. ვალერია გამოძვრა თავისი კარვიდან პულოვერში ჩაფუთხული. მანქანის ფარები ავანთე, რომ დაენახა, სად მიდიოდა. ჩაგედი და წყლიანი თერმოსი გავუწოდე. დაბნეული მზერა მოაფლო ღამინდელ ღვარცოფის კვალს და ისეთი სიტყვები მითხრა, რაც არასოდეს დამავიწყდება: „ადამიანებმა, რომელთაც აღარ უყვართ სიცოცხლე, ძალიან კარგად იციან, როდის მოკვდებიან. მე ამ მხრივ არაფერი მემუქრება“.

მან თავისი კარვის უკან მოისაქმა, შებრუნდა და დაიძინა. ინათა, ცა ისევ კრიალაა, ლურჯად კამკამებს ვარსკვლავებით მოჭედილი. თერმოსს თავს ვახურავ და ისევ წერას ვიწყებ მანქანის ფრთაზე დაყრდნობილი.

აზიზი, ბუმბულის ქურთუკში გახვეული, კართან მიკუჭული მიყვირის: ფარები ჩააქრე, ბატარეები დაჯდებაო. ისევ იძინებს. მალლა ციდან არწივი დაგვეტრიალებს თავს.

ხელახლა ვკითხულობ ვალერიას ნათქვამ სიტყვებს. ეს იქნება ჩემი წიგნის წინამძღვარი... ჩემი წიგნი! აღარ ვიცი, შიგ რა იქნება. ფეხებზე მკიდია ირგპიზი, ნაცრისფერი ადამიანები, კე დ'ორსეი, ჩემი მისია, აზიზის ხელახალი დაფუძნება. ვალერია! ვალერია! ვალერია! ვოსხვრავ.

დავდე კალამი, რათა წინადადებაში დავასრულო.

კვირა 29.

სხივმფენი მზე, 20 ვრ.

არ ვიცი, საიდან დავიწყო. ჩემი ცხოვრება ამოდრავდა. გუშინ საღამოს არ ჩამიწერია გასული დღე. არ მემძღვრება. სასწაულებრივი, მტანჯველი, გამოუთქმელი რა საჭიროა ზედსართავები?

შაბათ დილას, რვას რომ ათი აკლდა, ვალერია მოვიდა და სარკმელზე დამიკაკუნა. გავიღვიძე, კარი გავაღე. გადმომიყვანა ლენდ-როვერიდან და ძალით წამიყვანა. ჩემ თვალწინ უდაბნო აყვავილდა. იასამნისფერი, ყვითელი, წითელი, ცისფერი რიგრიგობით ამოიფრქვა გაძარცული მიწიდან. გატაცებით ვიკრავდი გულში. მითხრა, ყოველივე ამასთან არავითარი კავშირი არა მაქვსო. ეს ბუნებრივი ფენომენიაო. იშვიათი, მაგრამ ბუნებრივი. როგორც სიყვარული. ატლასის მცენარეთა თესლები წლობით უცდიან უხვ წვიმას, რომ გაღვივდნენ და შემდეგ მზის პირველივე სხივზე ერთბაშად იფეთქონ და ამოიფრქვნენო.

თავი მის მხარზე ჩამოვდე. წელზე მომხვია ხელი. სრული სისავსისა და თავდაჯერებლობის წუთი. უფრო გვიან დავაწყობ ფრაზებს. სიტყვები გამირბიან; ვმერყეობ ბანალურობასა და ღირიზმს შორის. მერჩია მისთვის მიმეწერა და პასუხს დავლოდებოდი, მაგრამ უკვე იმდენი წუთი მაქვს უაზროდ დაკარგული ცხოვრებაში. ხელი მოვკიდე და პატარა ტბისკენ გავიყოლე, იქვე ჩვენს ბანაკთან რომ იყო, მინდოდა წყალში მასთან ერთად შესვლა. გაგიჟებულ ვარდისფერ ფლამინგოებს შორის გავეხვიეთ ტალღებში და დავეცით. ვალერიამ დაიყვირა: არა, აქ არა! ფრთხილად! თან ვილაცის სახელს იმეორებდა, ბილ ვილაცო, რაც მე არაფერს მეუბნებოდა. კაცის სახელი იყო, რომელიც უყვარდა, თუ ის, ვინც აქ დაიხრჩო, რა მნიშვნელობა ჰქონდა. აღარაფერი არსებობდა მისი სხეულის გარდა. ქვეყანა ჩვენი იყო, ეს უდაბნოც, გარდა აზიზისა, რომელიც იქ ქვევით ყავას იცხელებდა. შლამში გადავაწვინე და ტანსაცმელი გავიძრე, თითქოს ლამაზი ვიყო. მან ამოიოხრა და ამრბილ, ჩაზნექილ საწოლში თავი მომიძღვნა.

მოგვიანებით დამატებული მინაწერი: კიდევ შოკში ვარ. მოუხერხებელი, უხეში ვიყავი, ვიცი, მაგრამ ძალიან მინდოდა, ძალიან მჭირდებოდა, და მანაც მომცა ნება ფატალურად დავუფლებოდი. როცა შევამჩნიე, მარტო მე რომ ვხალისობდი, დამნაშავის ხმით ვუთხარი: „აშიბ ალაჰ“, როგორც მათხოვარს, ვისაც ვერაფერს აძლევ. მან ღიმილით ინდულგენცია მომცა. მიყვარხარ. შენ მიპასუხე: „ო, არა!“ ამას ნახავ, როცა წიგნს დავამთავრებ.

ადგომაში რომ გეხმარებოდი, გკითხე: (სასაცილოც ვიყავი და გულუბრყვილოც) პირველი კაცი ვარ თუ არა შენთვის-მეთქი, შენ გაღიზიანებულმა მიპასუხე, სიმორცხვის თუ სიამაყის გამო, არ ვიცი, წყალში კიო.

1. ავტორის შენიშვნა — სინამდვილეში ბილპარიოზი, შინაგანი დაავადებაა, გამოწვეული ჭიებისაგან, რომლებიც შეიძლება წყლის მოლუსკებმა გადასდონ ადამიანს. ეს შემდეგ ამიხსნა.

გამოვედით წყლიდან. ჩვენ უკან ისევ ჩამწკრივდნენ ფლამინგოები. უკანმოუხედავად შეძვერი შენს კარავში. მე აზიზის სანახავად წავედი. ვედის პირას ქვაზე ჩამომჯდარიყო და რიკოშეტით კენჭებს ისროდა. რა თქმა უნდა, დაგვინახა, ტიროდა. მის წინ ფეხზე მდგარი მზეს ვუჩიროდი-ლავედი. ბოდიში მოვუხადე. მიპასუხა, რომ ჩვენ გამო კი არა, წყლის გამო, წყალში სიყვარულის გამო ტიროდა. შევეცადე უფრო მეტი ვთქვათ, გამეგო, რა აღირებდა, და მანაც ლაპარაკი დაიწყო უზარმაზარ მიწის-ქვეშა მინდორზე, უძველესი ჩამქრალი ვულკანის ფსკერზე, სადაც ყელიდან ჩასული სინათლის წყალობით ჭადრები და სოჭები იზრდებიან, პატარა გადაშენებული ჯიშის ცხენები ძოვენ ბალახს თბილი წყაროს გარშემო, სადაც დუმფარებს შორის ბანაობს და მღერის ლილა, მისი შეყვარებული, ირგპიზის მეფის ასული, რომელსაც მას არასოდეს მიათხოვებენ, მას, უბრალო ტოროლას (SIC). სწორედ ამიტომაც დიდი სიამოვნებით წავიდა იგი მარსელში ბატონი ჟიროდის საძებნელად, ამიტომაცაა დღეს ასე იმედგაცრუებული, ვინაიდან ხელცარიელი ბრუნდება უკან — ამას ჩემთვის არ ამბობს, დააზუსტა მან. მაგრამ გასაკვირი არ იქნება, თუ ხეობის შესასვლელი უარს ეტყვის და არ შეუშვებს: მისი მარცხენა ხელი ადამიანების აზრით უწმინდური გახდა.

მე ოჩხოზოჩხოდ ვწერ, რაც დამამახსოვრდა. ვწერ ამ მშვენიერი მზით ყელამდე სავსე ბიჭის ხილვას, რომელიც ტიროდა გამოგონილი ვულკანის ხატების გამო და გულში ყინული დამიტოვა. უეცრად აღარ მომინდა მისი მოსმენა. ჩემი ამბავი იწყებოდა. მას შეუძლია კვირების მანძილზე გვატაროს თავისი მთის გარშემო. მე კი შეყვარებული ვარ და დრო ჩემთვის მჭირდება.

მართლა საოცრად მალე ხდები ეგოისტი, როცა ბედნიერი ხარ. საათს დავხედე, მინდოდა დამემახსოვრებინა, რომ ცხრა საათსა და ორმოცდაოთხ წუთზე, შაბათ დილას მე ვაპატიე კლემანტინს.

და მაინც რა ვაპატიე? რომ ლოტარინგია უყვარდა და ჩემი ხელნაწერი უ-ს რესტორანში მოისმინა? რომ დედამისთან სადილი გამართა და გამომცემლები მოიწვია, რომ ძალიან მთხოვეს რამდენიმე გვერდი „საჭაშნიკოდ“ წამეკითხა? სასაცილონი ვართ და ეს გვკლავს, ყოველ შემთხვევაში მე. კლემანტინი მდიდარია. და კიდევ, უფრო ადვილია მხატვართან ერთად ცხოვრება. ათი წამი საკმარისია, რომ აზრი შეგეკმნას, მხატვარი ნაკლებად იწუხებს თავს, ვიდრე მწერალი. და კიდევ, რაც მართალი მართალია, კარგია ლუპიაკის ტილოები.

საუზმემდე რომანტიკული მართო გასეირნება, რათა ვიფიქრო მასზე, ჩემს ახალ „მასზე“, ვალერია დარმერეიზე, ჩემს სიმშვიდეზე, ჩემს სირინოზზე, მშრალი მდინარის ვედის სირინოზზე. ტკივილი მაქვს კუჭის არეში. ვფიქრობ, ფსიქოსომატურია.

აზიზმა ჯორები მოიყვანა, რომ სამხრეთი ფერდობიდან ვცადოთ ასვლა: ხეობის შესასვლელი იქ ზემოთაა. გაახსენდა! თავისუფალი მოქმედების უფლებას ვაძლევ. გასტრიტული მოწყენილობა.

ვალერია თავის მოვალეობას ასრულებს: რუკაზე ხაზავს გზას. იმარჯვებს კომპასსა და გზამკვლევს, რათა ჩვენს ნაცრისფერ კაცს თავისი მოვალეობა შეასრულებინოს. სულაც არ ჩანს შეწუხებული, ცო-

ტა შეუძლოდ რომ ვარ. — „ავად ხარ, ვიცი“, — მითხრა მან. სამაგიეროდ ხომ გამაფრთხილა, სინაზე, ფიცი, ყველაფერი, რაც შევთავაზე, ხომ უარყო. რაც შეეხება სიყვარულის განახლებას, მითხრა, ჯერ წამლები დამელია, თავისი ჩანთა-აფთიაქიდან რომ ამოპირჩია. ხელს მადებს შუბლზე, მაჯას მისინჯავს და მეუბნება, ან ბაქტერიები და ავადმყოფობა, ან მეო. იმედია ხუმრობს.

დასვა ამებური ინფექციის დიაგნოზი. იმ წყლის ბრალიაო, სადაც ერთმანეთი შევიცანით? არა, იმ წყლის, გუშინ რომ დავლიე.

ასე მირჩევნია.

აზიზი სალამოხანს მობრუნდა, თავის ჯორზე ამხედრებული. თქვა, ასასვლელი ჩრდილო მხრიდან უნდა იყოსო. დაინახა, რომ ბუმბულის ქურთუკშიც ვკანკალებდი. ვალერიას ჰკითხა: კიდევ რაღა სჭირსო? მან არაბულად უპასუხა. აზიზი ოხვრით მიტრიალდა.

არ მითარგმნეს.

ორშაბათი

ნაცრისფერი ამინდი. 39,4.

უარს ვამბობ ექიმთან ტაბანტაში ჩასვლაზე. რატომ? სიცხე დამივარდება და ჩვენც გადავკვეთთ უღელტეხილს. აღარასოდეს დავბრუნდები უკან. რომანს „წასვლა“ ჰქვია.

მუცელში სპაზმები მაქვს. ვიკრუნჩხები. უცნაურად მეხვევა თავბრუ, არცთუ უსიამოვნო გრძნობაა. სხვაგან მივყავარ. ჩემს ჭკუაში რაღაცას ვუახლოვდები. რაღაც მნიშვნელოვანს, ასპირინის ზემოქმედება რომ მართმევს, მაგრამ არა უშავს, დავბრუნდები.

ძალიან დაქანცული ვარ, ჩემს ოცნებებსაც ვეღარ ვიწერ. სიტყვებს ვახროვებ იმ იმედით, რომ მერე სახეები გამახსენდება: ანრი IV-ლიბანი-ჯვაროსნები-დუმფარები-კექსი.

ნაკბენით ინფიცირებული ფეხი ისევ გამისივდა. როცა ბანაკი ახალ ადგილას გადაგვაქვს, აზიზი მეხმარება სიარულში. ვტრიალებთ მთაგრეხილის გარშემო, ვერა და ვერ პოულობს შესასვლელს. არაფერია. ასე სჯობია. დრო იცდის.

ლამეს ველი ვალერიასთან ერთად კარავში. ხელახლა ვიპოვე ჩემი ოთახი, აგნესი, სიტყვები, ჩემი რვეულიდან მისთვის რომ ამოდიოდა. აგნესი გათხოვილია, ბავშვები ჰყავს. ნათლიობა მთხოვა. უარი ვუთხარი, რატომ? ძალიან ცუდია. მთელი ეს დაკარგული, უამური დრო... რისი გულისათვის? სირცხვილი. სირცხვილი იმისა, რაც გავაკეთე. აღმოსავლეთის სადგურის ბაქანი. არა. სიტყვები არა. დავიწყება.

ოთხშაბათი

ქარი, მზე. სიცხე დამივარდა. მე კარავში ვარ, სანამ ისინი გარემოს ზვერავენ. დასვენების დღეები ბრუიერში. პატარა სახლი, მაცთური იერის, მამამ რომ შეაკეთა არდადეგებზე ქარხნის მუშებთან ერთად. დასვენება რიგრიგობით. საერთო კედლები, თითოეულის გემოვ-

ნებით: სახლი, რომელიც იცვლება... ზაფხული ვოგეზებში. ჩემი პირველი უიკენდი აგნესთან ერთად, როცა პირველად მითხრა... დიან. მარტო მასთან ერთად. და მამა. შენ მეშახტე ხარ, ჟან-პიერ. მე მოვდივარ. მამას ეძინა სიმკაში! ჩვენს ფანჯრებთან დედის გამო. დედამ დაავალა ეს მისია, მაგრამ დაგვითმო ჩვენი ღამე. ჩვენი ღამე, როცა არაფერიც არ გამიკეთებია. მამა, მიყვარხარ. მე შენთვის ეს არასოდეს მითქვამს, მე ეს დავწერე, მაგრამ ვერ წაგიკითხე. ტარიი-ტარაა-ტარიტარაა! დილით რვა საათზე შეგვახსენა, რომ გაღვიძების დროა, და ფუნთუშები შემოგვიტანა. მე შენი არ მრცხვენოდა, გეფიცები. შენი შოფრის ლურჯი ტანსაცმლისა, უჯრულა ქუდისა, შენი სავსე, ბრტყელი, დიდი ტანისა. შენ უკვე რამდენიმე საათი სარდაფში ტიხრებს ცვლიდი. „როგორა ხართ, შეყვარებულებო? იმედია ჭკვიანად მოიქეცით“, მხიარულად? არა, ამჯერად არა. სირცხვილით ჩემ გამო მხოლოდ და სიძულვილით აგნესის მიმართ, უარი რომ მითხრა და ახლა უარს ეუბნებოდა მამაჩემს. დამანჭული სახე კედლისკენ მიიბრუნა, ხელში ზეწარი მოჭმუჭნა და მუცელს იფარავდა, თუმცა დედიშობილა არ იყო. ჩემი ერთადერთი უიკენდი გოგოსთან ერთად. კლემანტინამდე. მერე აღარასოდეს მქონია. ფუნთუშები თაბაშირის ნამსხვრევებთან ერთად დილაობით. მე ისე მძულდი, მამა, ისე ძლიერად მძულდი. ისე ადვილი იყო შენი დადანაშაულება. შენ არც კი იცოდი, რომ ჩემს წიგნში იყავი. რომ ის შენი ცხოვრება იყო და რომ შენ ჩემთვის მხოლოდ ქალაქდზელა იარსებებდი. უარს იტყოდი ხმაზე, დაბერებაზე, საყვირზე დაკვრასა და სუფრასთან ხვრინვაზე. ბრძმედში დამწვარი ცხოვრება. ბრძმედში, რომელსაც აღმერთებდი, რომელიც შენი სიამაყე იყო. ბოდიში, მამა. ბოდიში, შემდეგ რაც მოხდა, იმისათვის, ბოდიში სადგურისათვის. ცუდად ვარ.

სალამო.

სიცხემ ამიწია. ვალერია მივლის. მე ველარ წავიკითხავ. ნეტავ გამიაროს ამ სიცხემ. სირცხვილის დღე. ორმაგი სირცხვილის დღე.

ის-ის იყო დამნიშნეს კეში ტელექსების სამსახურში ფუნქციონერად. დიპლომატი. რალაც მქონდა მათთვის საჩვენებელი, ბოლოს და ბოლოს მე რალაც ვიყავი, მე ტყუილ-უბრალოდ არ წავსულვარ სახლიდან. მათ მატარებლის ბილეთები გავუგზავნე. ნამდვილად იზეიმებდნენ „მონადირეების საყვირში“, მამის რესტორანში. მისი ერთადერთი პარიზული მოგონება, მისი ღამე დედაქალაქში 39-ში, ფრონტზე წასვლის წინ. მატარებლით ჩამოსვლა და მატარებლითვე წასვლა. ოთხი წელი ტყვედ, შემდეგ დაბრუნება მატარებლით. ოცდათექვსმეტი კილომეტრი. მათ სადგურში ველოდი. შესარიგებლად. ამჯერად ეს ბედნიერების მატარებელი იყო — ჩემმა ვაჟმა წარმატებას მიაღწიაო.

მანქანების გაჭედვა ქუჩაში, შეჯახება, აქტის შედგენა. ნახევარი საათით დავიგვიანე. როცა ისინი დავინახე, ორივე წითური, მსუქანი, საკვირაოდ გამოწყობილნი: უჯრულა პიჯაკი, მეზობლისაგან ნათხოვა-

1. მანქანის მარკა.

რი ბეწვის პალტო, ერთხელ უკვე ნახმარი ჩემი ძმის ქორწილში. მეტი აღარ შემეძლო. ყვითელი ხელოვნური ტყავის ჩემოდანი კექსებით სავსე, მისი კექსებით. ფეხის გადადგმა, მათკენ წასვლა შეუძლებელი იყო, თავს ძალა ვერ დავატანე. მეშინოდა მათი სიბრაზის, მათთვის ბოდიშების ხდის. ბოდიში, რომ დავიგვიანე. ბოდიში, რომ ვცოცხლობ, რომ სხვა რამის გაკეთება მინდა, რომ წერილებს არ გწერთ, რომ პარიზელი ქალიშვილი შემიყვარდა. ისინი ყვიროდნენ, ერთმანეთს ეკამათებოდნენ, მოწმედ რკინიგზელს უხმობდნენ, რომელიც მხრებს იჩეჩდა. არ ვინძრეოდი, აღარ ვსუნთქავდი. ჩემს თავს თამბაქოს მალაზიის ვიტრინაში ვხედავდი. სამგროშიან კოსტიუმში, მრგვალი სათვალეებით. მე? ბიუროს ეს რაღაც უნიფორმა, ეს მკვდარი ოცნება, ეს მაგრიტის პერსონაჟი? მე მწერალი, ჟერარ დე ნერველის ტიპის შეყვარებული, ლოტარინგიის მომღერალი, თავისი ხელნაწერი რომ ბერნარ ლავილიერს ჩააბარა, სამჭედლოდან გამოსულს, ჩვენს გმირს, ჩვენს მეამბოხეს, ომის დროის შემუარებით ჩამოკონწიალებული საყურით. ესაა, რაც გავხდი? საკიდი, კოსტიუმი რომ ჰკიდია? მე არ გავინძერი, არ დავუძახე, იქ დავრჩი, როცა ისინი მეორე ბაქანზე გადავიდნენ, თან ჩემოდნებს მიათრევდნენ, რომ მატარებელზე ასულიყვნენ. მამა იგინებოდა. დედა ტიროდა. კექსი გადმოვარდა ჩანთიდან. არ გავნძრეულვარ. ორმაგი, ორმაგი სირცხვილი: როგორი გავხდი, მათ რომ არ ვმგვანებოდი.

როცა მეცის მატარებელი გაუჩინარდა, მისი წითელი სინათლეც გაქრა, წავედი და კექსი ავიღე. შევინახე, შეჭმა ვერ გავბედე. ის ისევ მალეზერბის ბულვარზეა, ჩემს კედლის კარადაში. კლე უთუოდ გადაავდებს.

ხელი ძალზე მიკანკალებს. ყველაფერი ვთქვი. მე ვერ შევძლებ მათ სიყვარულს მათი სიკვდილის შემდეგ. მაგრამ მე თუ პირველი წაველ ამქვეყნიდან? საღამოს დავრეკე უკანაში. ვწუხვარ, ლიბანში ვარ, აუცილებელი მისიაა, ვერ შევძელი წინასწარ გაფრთხილება, საშობაოდ ჩამოვალ. ჟან-პიერი. პაუზა და მერე: მამაშენმა კარგად იცის, რომ ჩვენი გრცხველია. მისთვის ეს არ უნდა გაგეკეთებინა. მოგვეშვი, გვაცხოვრე მშვიდად, ასე უკეთესი იქნება. იცხოვრე შენი ცხოვრებით.

ჩემი ცხოვრება!

ისე მოახერხეთ, რომ წამიკითხონ!

სამი დღეა აღარაფერს იწერს ბლოკნოტში. მარჯვენა ფეხი ისევ უსივდება იმ ადგილას, სადაც ზღვის დრაკონმა უკბინა, და ფეხსაცმლის ზონარს ვეღარ ვუკრავთ. იგი სულ ავადაა თავისი ალერგიისა და სანელებლების გამო, რომლებსაც ისევ სანსლავს აქაური იერის მისაღებად. მისი სახე უზარმაზარ მზეს ჰგავს, მაგრამ მიუხედავად ამისა მაინც ახერხებს ფერმკრთალი იყოს. ხუთი კილო მაინც დაიკლო. მაგრამ ეს შეიძლება სიყვარულის გამოა.

შევეჩვიე ლენდ-როვერში ძილს, კარავი მათ დავუთმე. ვალერია არაფერს მეუბნება იმის თაობაზე, რაც მათ შორის ხდება, მეც მზერას ვარიდებ, როცა მისი ნათურა მათ ჩრდილებს ხატავს კარვის კალთებზე. სხვათა შორის თითქმის აღარ ლაპარაკობენ. ვუყურებთ ერთმანეთს, მივდივართ მანქანით, ვბანაკდებით. და მე მარტო ვარ ამ

ქვიან უდაბნოში ღია წითელი მზის ამოსვლიდან თოვლიან მწვერვალე-
ბზე ფორთხობლისფერი მზის ჩასვლამდე. ფეხები გვერდითა კარისკენა
მაქვს გაჭიმული. ესაა ყველაზე უფრო ცარიელი სიჩუმე, როგორც ^{ცოცხალი}
ოდესმე დამდგარა ჩემთვის. დღეში ორჯერ მას ტურბოს ხმაური არღ-
ვევს: უდაბნოს ლაინერი ჩაივლის ხოლმე ასი მეტრის სიჩქარით ^{საათში}
და კვალს ტოვებს, მიიჩქარის, რომ თავისი ტვირთი მიუტანოს ^{ფუფუნებას}
ნების მოყვარულ მოგზაურებს.

ერთ დღეს შავი კლდის ჩანჩქერთან ჩვეულებრივ ამომავალი მზის
ცქერით ვიყავი გართული, გუშინდელ მზის ამოსვლას ვადარებდი. ვა-
ლერია ფენშიშველი გამოვიდა კარვიდან, მანქანის სარკეში დავინახე,
მივიდა ჩანჩქერთან, გრძელბეწვიანი შალის თავშალი ეხვია. ეს არ იყო
სიყოჩაღე, ეს ყველაფრისადმი უინტერესობა იყო. ცივი ქვეები მასზე
ისევე ვერ მოქმედებდა, როგორც მამაკაცის სხეული. წყალი დალია,
მთებს ახედა, მხრები აიჩეჩა და მობრუნდა. მანქანის პარპრიზიდან
მღვიძარი რომ დამინახა, ჩემკენ წამოვიდა. ჭრივით გაალო მანქანის
კარი, ტუჩზე ხელი მიიდო, თითქოს ამით ჭრივს შეაჩერებდა. მინ-
დოდა მასთან ლაპარაკი, თუნდაც გამარჯობის თქმა. გვერდზე თავდახ-
რილმა შემომხედა, ამოიოხრა. ისეთი სახე ჰქონდა, თითქოს თავს ეკით-
ხებოდა: აქ რა ჯანდაბა მინდაო, რატომ დავთანხმდი წამოსვლაზეო და
მართლა აუცილებელია ჩვენი აქ ყოფნა ამ განთიადისასო.

— რა მშვენიერი ფერებია, — ვუთხარი მისი მხერით შეწუხე-
ბულმა.

მან დაასრულა ჩემი შარვლის ღილების გახსნა და ლოყა ისეთი სი-
ნაზით მომადო, რაც ადრე არასოდეს უქნია, თითქოს ალერსს ეძებდა
ჩაძინების წინ. მერე ტუჩებით დიდხანს მეფერა, სანამ მზე მთლად არ
ამოიწვერა თავისი მთებიდან და პარპრიზზე დიდი ბურთივით არ გამო-
გვეცხადა. ეს ქვეყნიერების დასასრულამდე რამდენიმე წამით ადრე გა-
ჩენილ იმედს ჰგავდა, რალაცის დასაწყისს, რომელიც თითქოს არც იცი,
რაში გამოგადგება, ბედნიერების დაბადებას, იმწამსვე რომ შეწყდება.
ისე დამეუფლა, არც კი შემოუხედავს. დახურა მანქანის კარი და კარა-
ვში დაბრუნდა. ეტყობა, ამით ძალა მოიკრიბა ჟან-პიერთან სასიყვარუ-
ლო კომედიის თამაშის გასაგრძელებლად. მე უკვე აღარ ვიყავი დარწ-
მუნებული, რომ ნამდვილად ის მინდოდა, რაც ვირჩიე, მაგრამ უკან-
დახევა უკვე გვიანი იყო. ვალერია ყოველ დილით გვიდგენდა მარშრუტს,
რაიც უფრო და უფრო გვაშორებდა ცივილიზაციას. ეს ირგპიზის მია-
ხლოების ერთადერთი საშუალება იყო. ავდიოდით ულელტეხილზე და
ისევე უკან ვემშვებოდით დღეში ათჯერ მაინც. ჩვენი ცხოვრება მანქანა-
ში შეიკუნჭა. სამივენი წინ ვისხედით ერთმანეთს მიჭეჭყილები, თბი-
ლი გადასაფარებლის ქვეშ, რომ არ გავეყინულიყავით. გათბობა აღარ
ირთვებოდა მას შემდეგ, რაც ჟან-პიერმა მისი დარეგულირება მოინ-
დოდა. კაპოტი ახადა, ხელში ინგლისური გასაღები ეჭირა, კბილებში —
ხრახნისი, და გვიყვებოდა, ათი წლისამ როგორ დაშალა ლოტარინგია-
ში კარბურატორი, მერე დაახველა და, სანამ სასუნთქ გზებს იწმენდდა,
ძრავაში ჩავარდნილი ხრახნისის მოძებნა გახდა საჭირო.

სულ უფრო ხშირად გვიყვებოდა ლოტარინგიაზე, თითქოს პარი-
ზულმა ცხოვრებამ და ცოლთან გაყრამ ბავშვობას დაუბრუნა — თავის

საწყის პუნქტს. მივუყვებით ვერტიკალურ გზას, ვკვეთთ ვედებს, ვჯანჯღარებთ არაფრის საძებნად, გვესმის ბრძმედის გუგუნი, საყვირის ხმა, სირენები, გამდნარი ლითონის დინება ყალიბებში და კაცების მეგობრობის ამბავი ათას ხუთას გრადუსზე. მთელი ეს უცნობი სამყარო ბადის გადაღმა იწყება. პატარა ქოხმახებთან მიჭეჭედილი სახლი. ყველა ერთდროულად იღვიძებს, ყველას საერთო მომავალს ეძებს, საერთო სკოლა, საერთო გაფიცვა და საერთო მოლოდინი, როდის დაიკეტება ქარხანა, ადგილიდან აყრილი ხალხი და დაღუპული ცხოვრება, ჟან-პიერი ამბობს, რომ საფრანგეთის მთავრობამ გერმანიას მიჰყიდა ლოტარინგია სასიკვდილოდ, რათა რურმა იცოცხლოს. აღარ ვიცი, რომელ ოცნების სამყაროში ვიმყოფებით, წარმოსახვითი ხეობისკენ მივდივართ თუ წარსულის სამჭედლოსკენ. ვალერია მანქანას მართავს ინდიფერენტულად, დღისით მძლოლი და ღამით საყვარელი, თავის მარშრუტში დარწმუნებული, ვერსადაც რომ ვერ მიგვიყვანს.

მერე მოგვიხდა ავარია ორ ათას მეტრზე. ქარი ხან ქვიშას გვაყრიდა, ხან თოვლს. სამი საათის განმავლობაში ვცდილობდით მანქანის შეკეთებას, მაგრამ დაშლილი ნაწილების ხროვისა არაფერი გაგვეგებოდა. ჟან-პიერს დაავიწყდა, მე კი მხოლოდ ავტორადიოების მოპარვა ვიცოდი. ვალერია ცარიელ მიდამოში გაჰყვიროდა და შველას ითხოვდა. კარვის დადგმას შევეცადეთ, მაგრამ ქარმა მოგვტაცა. კონსერვები ხელუხლები გვქონდა, თუმცა გასახსნელი დაგვეკარგა. ბედი ჩვენ წინააღმდეგ შემოტრიალდა. ჟან-პიერი კი მიუხედავად ბრონჰიტის, სიცხისა და ფეხში შეჭრილი ინფექციისა მაინც ბედნიერ ნიშანს პოულობს. მისი აზრით, ირგპიზს ვუახლოვდებით, ესმის გრდემლის დარტყმის ხმა, ნაცრისფერი კაცები ელემენტებს ჯაჭვებით უშვებენ ჩვენთვის და რალაცას გვანიშნებენ. მეგონა, გაგიჟდა-მეთქი, მაგრამ ეს უარესი იყო, ბავშვობაში ჩაგარდა: ვალერიას „აგნესს“ ეძახდა და იმასაც ისეთი იერი ჰქონდა, თითქოს იცოდა, რატომ ეძახდა ასე, არ უსწორებდა. მანქანის უკანა სკამზე მივწექით, ყველაფერი, რაც გაგვაჩნდა, დავიფარეთ. როცა ჟან-პიერი ძილში თავის სიზმრებს დაუბრუნდა, ვალერიამ მითხრა: მორჩა, უნდა შევწყვიტოთ თამაში, როგორც კი ქარიშხალი ჩადგება, ბუგუემში უნდა დავბრუნდეთ, იქ დღეში ორჯერ უდაბნოს ლაინერი მოდისო. მე უარი განვაცხადე, არ შემიძლია ირგპიზის უპოვნელად დაბრუნება-მეთქი. აყვირდა: შენ მთლად გააფრინე, ჟან-პიერი ავადაა და სასწრაფოდ უკან დაბრუნება და დახმარებაა საჭირო. გუბასუხე, შინ არავინ და არაფერი ელოდება, მისი ცხოვრება აქ თამაშდება და ჩვენც ბოლომდე უნდა ვითამაშოთ, უნდა გაჩვენოთ ირგპიზი, რათა თავისი წიგნი დაასრულოს-მეთქი. ველარაფერი მითხრა. პიჯაკში გამოვეხვიე, კარისკენ მივიწიე და დავინახე, რომ თოვლიანი ქარიშხალი ღამედ გადაქცეულიყო.

დილით კარგი ამინდი დადგა. ვალერია არ ჩანდა. მე კლდის ქიმს მივადექი. ფეხქვეშ ყინული იმსხვრეოდა და უზარმაზარ უფსკრულში ინთქებოდა. ხეობიდან უდაბნოს ლაინერის ხმა მოისმა, ერთი წამით გაჩერდა და ისევ წავიდა. შეჭველია, ჩვენი გიდი წაიყვანა. მან მოგვცა, რასაც ველოდით, მეტის გაკეთება აღარ შეეძლო. ასე უკეთესიც იყო.

რომ მივბრუნდი, ჟან-პიერი თოვლში მიაბიჯებდა, ფეხს თოვლზე მიითრევდა, ეტყობა, ისე აღარ აწუხებდა. წამოვეწიე. სიცხისაგან თვალები უპრიალებდა, ველარ მხედავდა. თითი გაიშვირა:

— ის იქაა.

დავეთანხმე.

ლიბილით გაემართა ნაპრალისაკენ. რამდენიმე მეტრის მანძილზე ბით კი წაიქცა და ველარ ადგა. დავეხმარე, მთელი სხეული უცახცახებდა, თუმცა გეგონებოდა, ბედნიერებისაგანო.

— კვირაა... მაინც...

— დიას.

— შვიდი დღე, აზიზ. რვა ჩამოსხმა დღეში, მსოფლიოში ყველაზე წმინდა ნაღნობი. ისეთი წმინდა, რომ ათობით სხვადასხვა მეთოდით ამუშავებენ. ელექტროხაზები სიცილს მგვრის. შეხედე, ელექტროლუმე-ლში გამომდნარი რკინა ჩვენსას ვერასოდეს შეცვლის. მოდი!

მისი ხელი მხარზე გადავიდე, შევებრჯინე და ასე მივიყვანე სამ-ჭედლოს შესასვლელთან, სადაც სიღრმეში, სინათლის შუქზე ირგპიზის ჭადრები, მიწისქვეშა ნაძვები და პრეისტორიული ცხენები შევამჩნიე წყაროს გარშემო, სადაც ქალი ბანაობდა და მღეროდა.

— გაიგონე, ჟან-პიერ?

— დიას.

ჩვენ ერთი და იგივე ქალი არ გვიყვარდა, თუმცა სიმღერა კი ერთი და იგივე იყო. თოვლის სიცივემ და დამაბრმავეებელმა მზემ შეგვაკავშირა ნაპრალის პირას.

— მშვენიერია, — ვთქვი მე.


— დიას. აღარასოდეს არ წავალ აქედან.

— პო, სწორი ხარ, შენ დაბრუნდი.

მადლობა გადამიხადა და წყნარად ჩაცურდა თოვლში ღიმილით. მერე ღიმილი გაქრა.

მანქანამდე მივათრიე. ჯიბიდან შავი ბლოკნოტი ამოვუღე, დასველებულიყო და ცოტა ხნით კაპოტზე დავდე გასაშრობად. ჩანთიდან ქალაქლები ამოვალაგე — ჩემს დოსიეზე დაწერილი რომანის დასაწყისი და დიდი რვეული, რაზედაც ლოტარინგია იყო დაჩხაბნილი, მისი ბავშვური ხელნაწერის ასი გვერდი. ეს ყველაფერი მუცელზე ქამრით მივიმაგრე. მერე ქვით თევზის კონსერვის კოლოფი გავტეხე, ვჭამე, ზეთიც მივაყოლე, ცოტა ძალა რომ მომმატებოდა, მხრებზე შევიგდე პატარა სხეული, ჩემი გულის გარდა აღარაფერს რომ აღარ ამძიმებდა, და ბილიკს გავუყევი, ყოველ ათ წუთში ვჩერდებოდი და ველაპარაკებოდი, ისეთი გრძნობა მქონდა, რომ ის, მისი სული, მისი მოგონებები აქ სადღაც, ჩემ ახლოს იყო. არ ვიცი, როგორ გამოვთქვა, მაგრამ მის თანაყოფას ვგრძნობდი. მეგობრობის სითბო მამხნევებდა და მეუბნებოდა: მიდი, მიდი, მართალი ხარ, კარგად მოიქეცი, ასე განაგრძე. ეს ალერგია მთელი ცხოვრება ნელ-ნელა მაშორებდა საკუთარ სხეულს, რათა ჩემს ოცნებად ვქცეულიყავი. განაგრძე, აზიზ, ბოლომდე მიდი, დაამთავრე ჩემი ამბავი, მე შენ გაგიძღვები. შენ მართალი ხარ, მე მართლა შენი მგზავრობის მეგობარი ვარ.

რამდენიმე საათის შემდეგ დიდი ძველი დანჯღრეული ამერიკული მანქანა შემომხვდა, ვალერია გადმოხტა და იკივლა:

— ხედავ?!


მე არ შევეპასუხე. მამამისმა ცალი თვალი გაახილა და გადმოვიდა ჩვენ დასახმარებლად. მომჩვარულ მთას ჰგავდა ჩვენი შეკრულ ლურჯ ხალათში. სახეზე ხორცი ისე ჩამოჰკიდებოდა, — ატლასის მთების ნაკეცებს ჰგავდა. ნიადაგ ლოთობისგან ხელები უცახცახებდა. თავი წინ მოქახაობდა, ფეხს თითქოს მოათრევდა. ნალვლიანი ბოხი ხმა ჰქონდა:

— ფრთხილად, გეორგინებია!

მივწი-მოვწიეთ ყვავილების ქოთნები ორანჟერეად გადაკეთებულ ექსსასწრაფო დახმარების მანქანაში, რათა ჩემი ატაშეს გალიგვებული სხეული დაგვემალა სუროსებრ ფოთლებში. მამამისი მხარზე დამეყრდნო, ძარის კარი დახურა და მითხრა:

— ამას მე მოვუვლი. შენ ტაბანტში დაგტოვებ. უარზაზატის ავტობუსი ორიდან ოთხამდე ჩამოივლის. არავის უნახიხარ, გვამს ვერ იპოვნიან, შეკითხვა რამდენიმე კვირის მერე თუ მოვა. ფული გაქვს? ვუპასუხე, რომ თხუთმეტი ათასი ფრანკი დამრჩა მისიის თანხიდან და რომ მე არ მივატოვებდი ჩემს ატაშეს.

— მისმინე, ძველო, გაქრი, შეეცადე დაგივიწყონ, გაიგე?

— გააკეთე, რასაც მამა გეუბნება, — ჩამჩურჩულა ვალერიამ.

მანქანის უკანა ფანჯრიდან ვხედავდი ჩემი მეგობრის სუროშემოხვეულ ფეხს. ცხოვრება გრძელდებოდა.

— მინდა მის სახლში ჩავიყვანო, — ვთქვი.

ერთმანეთს შეხედეს. ვალერიას ძალზე გამოშტერებული სახე ჰქონდა, მაგრამ არა გაოცებული. მამამისის მუშტი მოხვდა კაპოტს და კაცმა თუ კაპოტმა რკინისებრი ხმა გამოსცა:

— კისერიც გიტეხია!

ღრიალმა წონასწორობა დააკარგვინა და რადიოს აქანავებულ ანტენას მოეჭიდა. ვალერიამ აფთიაქარის სიფრთხილით ჩასვა მანქანაში და ფეხები შეუკეცა, მზრუნველი ხელი ჩააცურა მის კეფასა და მანქანის კარს შორის. შვილს არ გაუჯიუტდა, ნება მისცა მისთვის მოეწლო, მაშინვე დამშვიდდა და თვალები ბედნიერი ღიმილით მოეჭუტა. ვალერიამ კარი დახურა და ჩემკენ მოტრიალდა. სანამ პირის გაღებას მოვასწრებდი, უხეშად მესროლა:

— ფანტასტიკური კაცია. გენიალურ რაღაცებს აკეთებს, გიკრძალავ მის განკიცხვას! კაცმა არ იცის, ვის რა ელის ცხოვრებაში. ეს მისი ბრალი არაა.

ვუთხარი, რომ ყველაფერი მესმოდა. იგი მკლავებში შემომიძვრა და შორს გამიტაცა. ტიროდა. მინდოდა მელაპარაკა, მომესმინა, ჩვენთან ერთად საფრანგეთში წამეყვანა, მაგრამ ვგრძნობდი, ეს შეუძლებელი იყო.

— ეს რა ვქენით, აზიზ... რა ვქენით...

ჩურჩულით ვუთხარი, რომ მას არაფერი არ უქნია და სულაც არ იყო ვალდებული დამხმარებოდა.

— შენ, შენ კი მარტოკა როგორ გამოძვრები ამ ამბიდან, შუაგულ ატლასში?

დუმილს მივეცი ნება ჩემ მაგივრად გაეცა პასუხი.

— მარსელში გინდა დაბრუნება?

— არა, პარიზში უნდა ჩავიყვანო.

კარგიო, მითხრა. ქარი უწევდა სილით სავსე თმას, სათვალვეს და მარტოკას რზე ჩამოვარდნოდა. ძალიან მინდოდა ჟან-პიერზე ედარდა ან ჩემზე ყოფილიყო შეყვარებული — პრინციპში ეს ერთი და იგივე იყო.

— იცი, მას უყვარდი, — ვუთხარი მე.

— ვიცი, ოღონდ სხვა სახელით, მაგრამ გვეყო...

— აგნესი?

— აგნესი.

— კლემანტინზე გელაპარაკა?

— თავიდან კი, ცოტა, მერე აღარ.

— სიამოვნება თუ იგრძენი მასთან?

— ეგ შენი საქმე არაა.

ეს საუკეთესო პასუხი იყო. ეს თანხმობას ჰგავდა. უეცრად მკითხა:

— ვინაა აგნესი?

ვუპასუხე, შენი საქმე არაა-მეთქი, არ მინდოდა გამოვტყდომოდი, რომ არ ვიცოდი. ჩვენ ორს გვახსოვდა ჟან-პიერი და ყველაფერს, რასაც ვმალავდით, საიდუმლო საფარველში ვხვევდით მხოლოდ იმიტომ, რომ მისთვის რალაც მოგვემატებინა, რალაცით გაგვემდიდრებინა მისი პიროვნება. ვალერია მკითხა, კათოლიკე იყო თუ სხვა აღმსარებლობის, ლოცვა უნდოდა წაეკითხა. ჩემი აზრით კი, როცა ერთ დღეს მე და ვალერია ერთმანეთს შევხვდებოდით და სიყვარულს მივეცემოდით, ეს იქნებოდა ჩვენი ყველაზე კარგი ლოცვა. მან არაფერი მიპასუხა, ერთმანეთს ხელი ჩავჭიდეთ და ისე მივედით მანქანამდე.

— მე მას „ევროპ ასისტენსს“ მოვუხერხებ, — ისროლა მამამისმა ჩაწეული ფანჯრიდან, ხელში თერმოსი ეჭირა, საიდანაც ის-ის იყო დალია და უკეთ სუნთქავდა. სრულიად შემთხვევით ვთქვი, რომ მეფის წერილი და საშვი მქონდა.

— მერე და მოიტა.

მას ჩემი ჰუმანიტარული გაძევების საბუთები გავუწოდე. ფანჯარა ასწია და მათ შესწავლას შეუდგა. ვალერია მადლობა გადამიხადა, მითხრა, რომ მამამისისთვის აუცილებელია თავი ისევ საჭირო კაცად იგრძნოს და ძველ სამყაროს დაუბრუნდეს. მე არაფერი მიკითხავს. ჩემი საქმე არაა, საიდან მოდიან ან ვინ არიან ეს ადამიანები, იმ შემთხვევის გარდა, როცა თვითონ იწყებენ ამაზე საუბარს. ვალერია და მამამისი სულ სხვა ისტორიაა, სადაც მე არ მაქვს ადგილი, სადაც მე არავის ვჭირდები.

როცა კარი გაიღო და ვუთხარი, რომ ძალიან მადლობელი ვიყავი დახმარებისთვის, მიბრძანა მანქანაში ჩავმჯდარიყავი და ლაყბობისთვის

1. სადაზღვევო კომპანია, რომელიც მგზავრობის ხარჯებს იღებს თავის თავზე.



თავი დამენებებინა, თან დააზუსტა, რომ ვერასდროს ვერავინ ვერ წაართმევს მას ქალიშვილს. ერთი მხრივ ეს მართალიც იყო, ამიტომაც არაფერი მიპასუხნია. ვალერიამ სევდიანად შემომხედა, რათა/დაენახა, გავიგე თუ არა, რას გულისხმობდა სინამდვილეში მამამისი. ვალერია საჭესთან ზის. მამამისი მის გვერდით, მე უკან. მშრალ-მდონეებს გადავდივართ, ვინჯღრევით ქვიან გზაზე. ჩემი მეგობარი ფეხებით მიჭირავს. ცხოვრება ხანდახან უცნაურ სახეს იღებს, როგორ გამოვთქვა, და მის თანაარსებობას ისევ ვგრძნობ. უეცრად გიჟური იმედი ამიკიაფდა თითებით ჩაჭიდებულს ამ გაყინულ ფეხსაცმლებს, იმედი იმისა, რომ ვალერია ფეხმძიმედაა ჟან-პიერისგან და რომ ორი წინ მჯდარი ადამიანი ერთად გაზრდის ობოლ ბავშვს არაჩვეულებრივი მამის ხატივით, ვინც ნაცრისფერი ადამიანების ხეობა აღმოაჩინა. ვალერია ჩემს მზერას ჩვერს სარკეში, მიღიმის და არც იცის, რარივ მჯერა მისი.

მარაკეშის ადმინისტრაციულ შენობაში ექიმმა დ'არმერემ შეავსო გარდაცვალების ცნობა და კიდევ მთელი გროვა ქალაქლებისა არაბულად. ვუყურებდი, რა სიამაყით შესცქეროდა ვალერია მამას და მეც სიამაყით ვივსებოდი. გამართული ნაბიჯით, ნიკაპწამოწეული მომიახლოვდა ბატონი დ'არმერი. ქალაქლები გადმომცა და განმიცხადა:

— კარდიალური კრიზი.

მადლობა ვუთხარი. მისთვის ჩვეული ხელის ამაყი მოძრაობით მანიშნა, სამადლობელი არაფერიც, მერე მკლავზე ხელი მომკიდა, მეორე ხელში „საფრანგეთის რესპუბლიკაში“ გახვეული მთელი ცხოვრების მანძილზე დაგროვილი და დაზოვილი თანხა ეჭირა.

— „დიპლომატი“ ხომ არ გინდა? — შემომთავაზა მან.

ვერ მივხვდი, რისი თქმა სურდა. ვალერიამ ჩემ მაგივრად უპასუხა, არაა საჭიროო. მხრები აიჩეჩა და ცოტა ნაწყენი მიტრიალდა, რათა მოხელეები აეჩქარებინა ამ რუტინული სამუშაოს დასამთავრებლად. ისინი მის გარშემო თავაზიანად ტრიალებდნენ. ეტყობა, ადრე ფრიად მნიშვნელოვანი ფიგურა იყო, ან ძალზე მდიდარი. მისი თანხის ნაწილი დასურულ კუბოსა და აუცილებელ ლუქიან ბეჭდებზე დაიხარჯა. შემდეგ გზას გავუდექით, ჟან-პიერი კი აეროპორტისკენ შესაბამისმა საშახურებმა წაიღეს, როგორც ოფიციალური ტვირთი. ბეჭდიანი ქალაქების მიხედვით მე აზიზ ქამალი ვიყავი, საფრანგეთის საკონსულოს სპეცგამოძი. უფრო ადვილად წავა საქმე საბაჟოში, ამისხნა ექიმმა. ჩემს გვარში შეცდომა იყო, მაგრამ არ მეგონა, თუ ეს ხელს შემიშლიდა.

ავტოების სადგომზე ექიმმა დ'არმერემ, რომელიც სულ გააახალგაზრდავა საბუთების წერამ, უცნაური საქციელი ჩაიდინა: გაალო თავისი ჯაბახანის ძარის კარი და ყვავილების ქოთნები სათითაოდ გადმოყარა ეზოში, სადაც ისინი გოგრებივით დასკდნენ, ისე რომ მიწა და ყვავილები ფაფასავით აიზილა.

— უკვე ათი წელია ამ სისულელეს ვაკეთებ! — მითხრა მან და კარი დახურა.

მერე გულზე მაგრად მიიკრა თავისი ქალიშვილი და თვალებით მადლობა გადამიხადა.

მე და ვალერია საკონტროლო ბარიერთან დავცილდით ერთმანეთს. მამა მანქანაში დარჩა. ვეძებდი გამოსამშვიდობებელ სიტყვებს, აქ, ამ აჩქარებულ ადამიანებს შუა სულელურად შევყურებდით ერთმანეთს ხელხელჩაკიდებულნი, რათა გამომშვიდობების წუთი შეგვეყოფინებინა ან შეყოვნება გაგვეგრძელებინა. ყველაფერი, რაც ერთმანეთს ვერ ვხედავდით, ჩვენს თვალებში იკითხებოდა: ყველა გაუგებრობა, შფუთვა, სინარული, მთაფარი და წვრილმანი ამბები. ბოლოს კი, როცა უკვე ნამდვილად უნდა ჩავმჯდარიყავი თვითმფრინავში, მან უბრალოდ მკითხა:

— კარგი იყო ირგპიზი?

— ძალიან, — წავიჩურჩულე.

და ჩვენი ცხოვრება სხვადასხვა გზით წავიდა. არაფერს შევპირებივართ ერთმანეთს, მაგრამ ის ბედნიერება კი გვქონდა, რომ გამომშვიდობება არ ჩავიშხამეთ, ვიცოდით, რომ სიცოცხლის უკანასკნელ წუთებამდე ხელუხლებლად შევინახავდით იმას, რაც ერთმანეთში შევიგრძენით და ეს კარგი იყო.

თვითმფრინავში რომ ჩავჯექი, ცრემლებს ძლივს ვიკავებდი. ცრემლები კუბოს მიეკუთვნოდა.

ორლი-სუდის აეროპორტში რეპატრაციის საქმეთა მწარმოებელმა მკითხა, რომელ პოსტს დავუკავშირდე კე დ'ორსეიშიო, რომ იქ უკვე გაფრთხილებულნი იყვნენ და რომ პასუხისმგებელ პირს გამოგზავნიდნენ. მოხელე პასუხით დაკმაყოფილდა და ასეთი შემთხვევებისთვის განკუთვნილ ავტოსადგომზე მიმითითა. დავემშვიდობე და ტუალეტში წავედი ერთი მდგომარეობიდან მეორეში გადასასვლელად. როცა გამოვედი, ის იქ უკვე აღარ იდგა. დავრეკე ცნობათა ბიუროში, რომელმაც „აღლო ფრეტის“ ტელეფონი მომცა. ერთი საათის შემდეგ მოვიდა პატარა საბარგო მანქანა. მტვირთავებმა გადაყარეს თავიანთი საღებავები და კუბო მანქანაში დადგეს.

— მალზებერის ბულვარი 117, — ვუთხარი მე.

მათთან ერთად კაბინაში ჩავჯექი. უხმოდ მივდიოდით, მომისამძიმრეს და მეც მადლობა მოვახსენე. პარიზი მოწყენილი და უსახური იყო. წვიმდა, ჰაერი არ იძვროდა. მე ისევ ატლასზე ვფიქრობდი, არ შემეძლო მისი მიუდგომლად განსჯა. შემდეგ მუხლზე დაყრდნობილი ვწერდი ახსნა-განმარტებებს, გვერდებს ვავსებდი და ერთი მეორეს მიყოლებით ვხევდი. თვალწინ დამიდგა ჟან-პიერი, თვითმფრინავში წერილს რომ წერდა და თან სიტყვებს წამდაუწუმ ხაზავდა. კლემანტინი ნამდვილად არ იყო ის ქალი, ვისაც ადვილად მისწერდი წერილს. ვერაფერი მივწერე და გადავწყვიტე პირისპირ დავლაპარაკებოდი.

სახლი ძველებური იყო, ძალიან პატარა ლიფტით, რომელშიც ჟან-პიერი არ დაეცა. მტვირთავები კიბეს აუყვანენ, მე კი დასაზვერად ლიფტით ავედი. მეოთხე სართულზე მარცხნივ დავრეკე ზარი — მშვენიერი ზარი იყო, ორმაგი კარი, სქელი ხალიჩა და კედლებზე ძვირფასი ჩირაღდნის ფორმის ბრები. სავიზიტო ბარათი ოქროს ჩარჩოში იყო შეცუ-

1. ტვირთის გადამზიდავი ოფისი.

რეზული: „კლემანტინ მორეს-შნეი“. წარწერა რომ ოდნავ მარჯვნივ ჩაგეწია, ჟან-პიერის გვარი მთლიანად გაქრებოდა.

რამდენიმე წუთის შემდეგ კარი სააბაზანო ხალატში გამოწყობილ-
მა კაცმა გამიღო. შეწუხებული ჩანდა. ამას კი არ ველოდი/ წავიბურტ-
ყუნე, ბატონი შნეიდერის მეგობარი ვარ-მეთქი ~~ესე შემთხვევა~~. რო-
გორც თავის მანქანაზე განაკაწრს, შეტრიალდა და გასტანა კატინტინს“.
ქალბატონი შნეიდერი ჩალისფერ აბრეშუმის ხალატში გამოვიდა, გამო-
ვიდა თვალეშეშუპებული, დაძაბული. კაცს მოკლედ შეჭრილი თმა და
ოთხკუთხა ყბები ჰქონდა, დოინჯშემორტყმული იდგა. თავისი ლაზერ-
სონის ავტორადიო პალტოების საკიდთან ედო, ჩამოკიდებული საწვიმ-
რის ქვეშ.

— რა ხდება? — იკითხა ქალმა.

შევხედე ამ წყვილს და გადაწყვეტილება სამ წამში მივიღე. კლემანტინს ვუთხარი, კარი შემეშალა-მეთქი, მივბრუნდი და კიბეს დაუყუ-
ყევი. მესამე სართულზე მტვირთავები შემომხვდნენ, ვთხოვე მოტრია-
ლებულიყვნენ და ისევ ქვევით ჩავიტანეთ ჟან-პიერი.

როცა საბარგო მანქანის კარი დაიხურა, მათ საფრანგეთის რუკა
ვთხოვე. საბედნიეროდ, უკანუი მართლა არსებულა. ისე რომ მალე ვი-
პოვე იგი აღმოსავლეთით ტიონვილის გვერდით, რომელიც შავი მსხვი-
ლი ასოებით იყო აღნიშნული. სუნთქვას ძლივს იბრუნებდნენ, უკმა-
ყოფილოებმა მითხრეს, რომ მათი მომსახურების სფერო პარიზის გა-
რეუბნებს არ სცილდებოდა. მაშინ ამოვიღე გაზეთში გახვეული ჩემი
შეკვრა, გადავუხადე ფული და ბინოს გარაჟში მივაყვანიე თავი, სა-
დაც განცხადების მიხედვით, დაკეცილ გაზეთში რომ ამოვიკითხე, მი-
სიის დარჩენილ თანხას 1980 წლის C 35 სიტროენის სატვირთო შე-
ესაბამებოდა.

ფანჯრები ვაშლის ხეებს გაჰყურებს, რომელთაც უკანასკნელ
ჭვარტლს ქარი აცლიდა. ოთახში ყველაფერი „იმავე მდგომარეობაში“
დარჩენილი დამხვდა: მელნით დასვრილი ლოგინის გადასაფარებელი,
ჩამწკრივებული საბეჭდი მანქანები, წიგნების თაროზე ხელუხლები ჩა-
ნაწერების რვეულები და მოსწავლის გაპრიალებულ მაგიდაზე ჩარჩოში
ჩასმული აგნესის ფოტო: წაბლისფერთმიანი გოგონა იდუმალი ღიმი-
ლით ახლა უბედურ ქერა ქალად ქცეულა, წინა დილას რომ ვნახე სამი
შვილით გარსშემოსვეული. ქარხნის დაკეტვის შემდეგ ქმარი უშუშე-
ვარი იყო, როგორც ყველა აქაური კაცი. თავიდან მშობლები ცოტა
ცივად შემხვდნენ, მერე, როცა ამბავი მოვუყევი, ყველაფერი მოგვა-
რდა.

ჩემი სიტროენი კონფარმას ავტოგაჩერებაზე დავტოვე, რათა პი-
რველად ხელცარიელი წარვდგომოდი, როგორც ზრდილობა მოითხოვ-
და. როცა ბრძმედის ჩრდილში ჩაფლულ პატარა სახლის სამზარეულოს
მინის კარზე დავაკაკუნე, დედა აუთოებდა, მამა ყავას სვამდა, მაგიდა-
ზე გადაშლილი გაზეთი ედო, ლოყა ხელზე დაეყრდნო და კედელს მის-
ჩერებოდა. იმწამსვე ვიცანი. ცოტა უფრო დაბერებულები, ცოტა უფ-
რო წითურები, ცოტა უფრო მოწყენილები იყვნენ, მაგრამ სულაც არ

შეცვლილიყვნენ აღმოსავლეთის სადგურის შემდეგ, ჟან-პიერის ჩანა-წერის ბოლო გვერდის შემდეგ.

ვუთხარი, თქვენი შვილის დავალებით მოვედი-მეთქი. დედა იმ-წამსვე შეშფოთდა: „ღმერთო ჩემო, რა დაემართა ჟერარს?!“ ჟერარი ძმა იყო, მათთან რომ დარჩა და მერე მაინც წავიდა ოცდაათი კმ-ის რის დაშორებით სხვა ქარხანაში, რომელსაც მალე ვერ დახურავდნენ. დავაწყნარე, როგორც შემეძლო: არა, არა, ჟერარი კარგადაა. მეორე შვილისგან მოვედი, ჟან-პიერისგან. ცივი ღუმილი ჩამოვარდა, დედამ რალაცის თქმა დააპირა, შემდეგ მამას შეხედა და უთოობა განაგრძო. მამამ გაზეთი მოიმარჯვა და კითხვას შეუდგა. რამდენიმე წუთის შემდეგ კი, რადგან ისევ იქ ვიყავი და ადგილიდან არ ვიძვროდი, გამოაცხადა:

— ჟან-პიერი აღარ არის.

ბუნებრივია, ჩემთვის ამბის გაგრძელება ადვილი იყო, მაგრამ ვერ შევძელი. წარმოვიდგინე ჩემი სიტროენი კონფორმას პარკინგში და შიგ ჩემი მეგობარი, რომელიც ელოდა... რას ელოდა? დაკარგულის ხელახლა პოვნას? ამოთხრილ ორმოს? უეცრად ჩემი მოგზაურობის მიზანი უზადრუკი, უხამსი და იდიოტური შეჩვენა. მოუტანო მათ მკვდარი შვილი ცოცხალის ნაცვლად, თავისი ცხოვრებიდან რომ ამოშალეს?! არა, ეს არაა უძღები შვილის დაბრუნება. მე ლეგენდა ამერიკა.

მოკლედ ავუხსენი შნეიდერებს, რომ ჟან-პიერი ტყვედ ჩაუვარდა მაროკოელ ამბოხებულთა ბანდას ირგპიზში, სადაც იგი საფრანგეთის მთავრობამ გააგზავნა ჩემს ჩასაცილებლად. მე გამანთავისუფლეს, როგორც ნაკლებად საინტერესო ტყვე, და ჩემმა ჰუმანიტარულმა ატაშემ მოახერხა ჩემთვის მოენდო თავისი ხელნაწერი და კიდევ მშობლებთან ზეპირად გადასაცემი დანაბარები: „ბოდიშს გიხდით სადგურისა და ყველაფრის გამო, ძალიან მიყვარხართ“.

ატყდა, მაგრამ რა ატყდა! ეცნენ ტელეფონს, ფანჯრებს, შეკრიბეს მეზობლები, ამხანაგები ქარხნიდან. ეტყობა ცოტა გადავაჭარბე, მაგრამ შვილის ტყვეობაში ყოფნამ მათ იგი ათ წამში მკვდრეთით აღუდგინათ. ლაპარაკობდნენ პეტრიციის შედგენაზე, გამოსასყიდის შეგროვებაზე, დეპუტატის გამოფხიზლებაზე, მეცის პრეფექტთან კომიტეტის შექმნაზე.

ხალხის ღრიანცელში, მთელი სახლი რომ გაჭედეს, ხმა აღარ გამოიღია. მეგონა, ეს ამბავი მალე ჩაივლის-მეთქი: მე მხოლოდ შნეიდერების შერიგება მიხდოდა მათ შვილთან, სანამ მის გმირულ სიკვდილს ვაცნობებდი, რათა ნამდვილად ტკენოდათ გული და დაეფასებინათ იგი. კარგა თხუთმეტი წუთი მოვუნდი ოფიციალური ამბის მოყოლას ბოდიშების მოხდით. და როცა შოკმა გაიარა, მათ დააფასეს ჩემი თავდაჭერა, მხოლოდ გადაწყვეტილება შეცვალეს. ახლა, როცა ხალხი მობილიზებული იყო, რეგიონალური დასაფლავების მოწყობაც კი შეიძლებოდა.

ოცჯერ მაინც თავიდან ბოლომდე შემოვიარე კონფარმას ავტოსადგომი. ჩემი C35 სიტროენი გამქრალიყო. ორმოცი წუთის ფიქრის შემდეგ გადავწყვიტე, ეს ბედის ნიშანია-მეთქი, შევწყვიტე ძებნა, აღარც გამვლელ-გამომვლელებს ვეკითხებოდი, რომელთაც არაფერი არ დაე-

ნახათ, და აღარც იქ მოსამსახურეს, რომელიც არაფერს არ მპასუხობდა. საქმე თავის ნებაზე მივუშვი. თავი იმით დავიმშვიდე რომ ჩემი აღშფოთება არაფერი იყო ქურდის გაოგნებასთან შედარებით, როცა ის ფურგონს გახსნიდა ნადავლის სანახავად.



კარგა დიდხანს „ლოტარინგიულ რესპუბლიკურ“ ყოველ დილას დიდხანს ვკითხულობდი სხვადასხვა შემთხვევებს, მაგრამ ვერც ჩემი ფურგონის და ვერც მისი ტვირთის კვალს ვერ მივაგენი. უცნაური ისაა, რომ არც ერთი წამით თავს დამნაშავედ არ ვგრძნობდი, პირიქით, რეალობამ მისცა აზრი ჩემს აკვიატებულ ფიქრებს, თუ შეიძლება ასე ითქვას.

ფეხით მივდიოდი პატარა ჩაბნელებულ ქალაქში, დაკეტილ სახლებსა და ქარ-წვიმისაგან ჩამოგლეჯილ მანიფესტანტების პლაკატებს შორის. უაივნო კორპუსების ბინებზე ტკაცატკაცი გაჰქონდა წარწერებს: „თავისუფალია“, „იყიდება“, „ქირავდება“. უკაცრიელ ქუჩებში ექო ნაბიჯების ხმას მიბრუნებდა. მარტო ვიყავი ქალაქ-მოჩვენების შუა, რომელიც მხოლოდ დავიწყებიდან გამოსვლას ითხოვდა. საფრანგეთის ნახევარი გადავკვეთე ჩემი მისიის შესასრულებლად. არა, მე არ მქონდა ასე წასვლის უფლება, ან კი სად უნდა წავსულიყავი? ჩემი საქმე ბოლომდე უნდა მიმეყვანა.

ხუთი ფრანკილა მქონდა დარჩენილი და საგარეო საქმეთა სამინისტროში დავრეკე. არაბული აქცენტით ლუპიაკის სამდივნო მოვიტხოვე. ვუთხარი, რომ გაცნობებთ ჟან-პიერ შნეიდერის მოტაცების ფაქტს, ისევე როგორც ანონიმურ ქმედებას CT 1808-ს წინააღმდეგ: საფრანგეთში უნდა აიძულოს მაროკო შეაჩეროს გზის მშენებლობა, განადგურებით რომ ემუქრება ირგპიზს, წინააღმდეგ შემთხვევაში ტყვე მოკლული იქნება-თქო გაუფრთხილებლად. პანიკაში ჩავარდნილ მდივან ქალს უნდოდა ვინმე უფრო ავტორიტეტულ პირთან დავეკავშირებინე, მაგრამ მეტი ხურდა აღარ მქონდა.

როცა სახლში დავბრუნდი, ხიფათს ვადარჩენილი კინოვარსკვლავით შემხვდნენ. თურმე ეშინოდათ არ გავპარულიყავი. „ხომ ხედავთ, მე ის არ გამომიგონია!“ — ღრიალებდა გახარებული მამა და ჩემზე მიუთითებდა ახალმოსულებს. მე მორცხვად დავხარე თავი. შემდეგ ჟანდარმის გამოძახება მოინდომეს, რათა ჩემი ჩვენება ჩაეწერა. მე ავუხსენი, რომ ძალიან კი მსურდა მათ შვილს დავხმარებოდი, მაგრამ მათ ქვეყანაში არასწორი გზით დავბრუნდი და გამოჩენა არ შემიძლო.

საბედნიეროდ, ტელეფონმა დარეკა. კე დ'ორსეის უფლებამოსილი პირი იყო, ვისაც სურდა გაეგო, მისიის რწმუნებული შნეიდერის მშობლებმა მიიღეს თუ არა რაიმე ახალი შეტყობინება ან გამოსასყიდის მოთხოვნა. მან თქვა, რომ შეამოწმა განცხადების სინამდვილე მაროკოს ხელისუფლებასთან ამბოხებულთა თაობაზე, რომ ეს ამბავი ძალიან სერიოზულად არ უნდა მიიღონ, არ უნდა ინერვიულონ და რომ ყველაფერი მოგვარდება.

თვალზე ცრემლმომდგარმა მამამ ყურმილი დაკიდა. დედა აქვითინდა და მკლავებში ჩაუვარდა. მამა აწყნარებდა, რომ ჟან-პიერს ცუდი არაფერი შეემთხვეოდა, რომ ის მალე დაბრუნდებოდა და ისინიც ჩავი-

დოდნენ პარიზში მის სანახავად... გულმოკლული და თვალცრემლიანი დედა იმედმა უცბად გამოაცოცხლა.

როცა ჟანდარმებმა დარეკეს, დედამ ფიცხლად მომკიდა ხელი და თავისი შვილის ოთახში დასამალავად ამიყვანა. მე მას ბავშვობის რვეული და მოგზაურობის ჩანაწერები გადავეცი. ვუთხარი, რომ ყველგან ფერი შიგ იყო, მხოლოდ წესრიგში მოყვანა და გამომცემლობის გადაცემა გახლდათ საჭირო. ახლა, როცა ჟან-პიერი ტყვედ იყო, „მანის“ გარეკანზე დაბეჭდილი მისი ფოტო შანსს იძლეოდა, რომ წაიკითხავდნენ.

დედა პირდაღებული დასცქეროდა გულზე ჩვილი ბავშვივით მიხუტებულ ნაშრომს. შემდეგ დარცხვენით რაღაც წარმოთქვა, ტურები უცახცახებდა წითურ სახეზე, ლოყები ებერებოდა, გაღიმებას ცდილობდა და ვერ ახერხებდა, მერე ჩაიჩურჩულა:

— ის პატარაობიდანვე წერდა.

არ იყო საჭირო მამისთვის ეჩვენებინა, მაგრამ დედას მეტი მოთმენა აღარ შეეძლო, საცოდავი თვალებით შემომცქეროდა, ხომ წაუკითხავთო, მერე დაუმატა, ჟან-პიერს თქვენამდე მეგობარი არ ჰყოლია და, თუ დრო გაქვთ, შეგიძლიათ რამდენიმე დღე ჩვენთან დარჩეთ, გამეზარდება, ჩემი პატარა ოთახიდან ფეხის ხმას რომ გავიგონებო. მე დრო მქონდა.

თავიდან ვფიქრობდი, მხოლოდ შენიშვნები გამეკეთებინა ჟან-პიერის ნაწერებისთვის, გამომეთქვა ჩემი აზრი, გამომეხატა ჩემი მოსაზრება, მის ზოგიერთ ნათქვამს რად არ ვეთანხმებოდი. მერე, როცა ერთ გვერდზე თხუთმეტი შენიშვნა გავაკეთე და როცა შენიშვნებმა მეტი ადგილი დაიკავა, ვიდრე ტექსტმა, გადავწყვიტე პატარა შესავალი დამეწერა საკუთარი თავის წარსაღგენად, ჩემებურად, კონტრაპუნქტებით, ამეწერა ჟან-პიერისა და ჩემი შესვედრის ამბავი ჩემი სიტყვებით.

ჰოდა, ასე აღმოჩნდი დღეში ათი საათი ფანჯარასთან მიდგმულ ბავშვის საწერ მაგიდასთან. ვაშლის ხეებში ვეძებდი სიტყვებს. მხნეობა რომ მომმატებოდა, თხრობა მეშვიდე გვერდიდან დავიწყე. თითქოსდა ექვსი გვერდი უკვე დაწერილი მქონდა. მოქმედება ჩრდილო მარსელში ვითარდებოდა. მისი საშინაო ფეხსაცმელი მეცვა, ჩემთვის დიახაც პატარა, მისი კბილებისანაბეჭდიანი კალამი მეჭირა და ჩემს ცხოვრებას ვუვებოდი მისი ნაწარმოების შესაგლის გასაკეთებლად.

ნაშუადღევს დედამისს ჩაი და კექსი მოაქვს ხოლმე ჩემთვის, მეუბნება, ეს პატარას ძალიან უყვარდაო, თუმცა ახლა ისეთი კარგი აღარ გამომდისო. პირგამოტენილი პროტესტს ვაცხადებ. მერე მეუბნება, არ მინდა თქვენი შეწუხებაო, და ვადის. ზურგზე ვგრძნობ მის მზერას, ალბათ თავისი შვილის ძველ რვეულზე დახრილი ზურგი აგონდება, მისი ჩანაწერების რვეულზე: „ლაფონტი“ („დნობა, ლოტარინგიის ოქრო“ გვამცნობს ლოზუნგი ყვითელ გარეკანზე). ვცდილობ მასავით ვწერო, დავლიო მისი ჩაი და მიყვარდეს ყველაფერი, რაც მას უყვარდა.

ორშაბათ დილას აგნესი მოვიდა, ქვაბის მოტანა მოიმიზეზა. ჩემთან სხვებისაგან მალულად ამოვიდა და თავდახრილმა მკითხა: იყო თუ

არა მოხსენიებული წიგნში. მისი ბავშვების ხმაურმა, ჭიქა რომ დაამსხვრიეს სამხარეულოში, პასუხის გაცემა არ დამაცალა. ვალიზიანებულმა ამოიოხრა და კიბეზე ჩარბენისას მომაცხა: როგორც კი შევძლებ, გამოვივლიო.

მომწონს, როგორ ელიან ყველანი ტელეფონთა წვერდლების ყუთთან თუ ჩემს კართან „პატარას“ ახალ ამბებს. კვიდორსეთადარ რეკავს. წინასიტყვაობა წინ მიდევს, მგონი, მეტი გამოდის, ვიდრე გათვალისწინებული იყო. ჩემი დიდი სურვილის მიუხედავად სამ გვერდში ვერ დავატიე ლილა, წიგნები, ვალონ-ფლიური და ბატონი ჟიროდი.

ბოლოს და ბოლოს რომანი, რომელიც ჟან-პიერს სურდა დაეწერა ჩემი ხმით, მგონი, იბადება. ისეთი გრძნობა მაქვს, რომ ავტორი უფრო და უფრო უკეთ გრძნობს თავს ჩემს ტყავში.

ერთფეროვანი დღეები ერთმანეთს მისდევს. სადილები კარგია, მე ჟან-პიერის ხელსაწმენდის რგოლი მაქვს და უკვე ვიცი, როგორ იცხოვრებდა, აქ რომ დარჩენილიყო. მამამისმა წამიყვანა ჟეფის სამჭედლოში. აქ ჯარისკაცებისათვის ტყვიებს ასხამდნენო, მიხსნის იგი და მარბენინებს ბუჩქებით დაფარულ უზარმაზარ მიწის ნაკვეთზე, სადაც დავიწყებულ ყალიბებს ყრიდნენ. როცა დაამთავრა გამქრალი სამჭედლოს მოგონებების ჩემთვის აღწერა, ისევ მოჭუტა თვალები ცარიელი პეიზაჟის პირისპირ დარჩენილმა და წაიბურღუნა:

— ჟეფი ფოლადის ქარხანამ შესანსლა, ისევე როგორც ის შეჭამს უკანეს.

მერე მომიყვა გასაოცარი ისტორია კლიენტების მიერ გამოხრული სამჭედლოს შესახებ. ძველად ბრძმედში დამუშავებული წილით ფოლადის ქარხანას ამარაგებდნენ, დღეს კი დებიტური ნაღობი ჯართის სახით პირდაპირ იღება ელექტროლუმელებში ფოლადის მისაღებად. მუაივერი, ობუე, ჰომეკური გადავიდნენ კოქსით გამოწვაზე ჟეფსა და უკანეზე ადრე. ევროპის ასობით საუკეთესო მჭედელი, თავიანთ ნაღობს რომ ამერიკაში ჰყიდდნენ, დაითხოვეს, საქმეს მოწყვიტეს, პროფესია შეაცვლევინეს. ჟერარისნაირ ახალგაზრდებს ორ არჩევით სამსახურს სთავაზობენ: ან მალაზიის გამყიდვლად ყოფნას ნორმანდიაში ან სიპიკეტის ნაწარმის კონტროლითობას. ამას ჰქვია სოციალური გეგმა.

ორფონტ-უკანეის დნობის მეტაურმა ჟერარმა კარიერის განახლება უბრალო ზეინკლად არჩია სხვა ქარხანაში, რომელსაც ასე მალე არ დახურავდნენ. „შენ წარმოგიდგენია, სარდინების ზომას ან სკუმბიის ფხების რაოდენობას რომ გამოწმებდე?“ არა, ეს ვერ წარმომედგინა. მას არასოდეს მიუტოვებია თავისი მოზეილი, არასოდეს ცდილა შეეცვალა კილო. ის ჟან-პიერს ჰგავდა, ოღონდ უფრო დიდი, ჩაფსკვნილი და უფრო უბრალო იყო. კარგია, ძმა რომ გყავს.

კვირას ცოლთან ერთად სადილად რომ მოვიდა, ჭადრაკის თამაში მასწავლა. ბავშვობაში ჩუმად უნდა ყოფილიყვნენ, როცა მამას თავისი „ღამის სამუშაო დღის“ შემდეგ ეძინა. რომ არ ეხმაურა, ჟან-პიერი ამბებს წერდა, ჟერარი კი ჭადრაკს მიუჯდებოდა ხოლმე მარტო. კენჭს ყრიდა, რომ გაეგო, თეთრები იწყებდნენ თამაშს თუ შავები. ხანდახან

დიდხანს იბრძოდა, ხანდახან მარცხდებოდა კიდევ საკუთარი თავთან თამაშისას. ჩემთან თამაში უფრო ადვილი იყო, რადგან სულ მიგებდა ბოლმე.

მეოცნებე ხდებოდა, როცა ჟან-პიერზე ლაპარაკობდა. მისი შურ-
და, რადგან აქედან წავიდა. მასაც რომ შესძლებოდა სხვაგან წასვლა მაგრამ მისი ადგილი, როგორც უფროსი ვაჟისა, აქ იყო მამამისი ეამაყებოდა შავი მეტალურგია.

— იცი, როცა ღუმელის სუნს შეიცნობ, დაინახავ, როგორ მოედინება ნადნობი, უყურებ ცეცხლს, შენი მკლავების გაგრძელება რომაა და რომლის ბატონ-პატრონიც შენა ხარ, გაიგონებ სირენის ხმას, შენს ცხოვრებას რომ წარმართავს და მეგობრებთან ხელახლა გახვედრებს, მერე სხვას ველარაფერს შეეჩვევი. ველარ შესძლებ. სიჩუმეს და სიწყნარეს უკანაში დღეს ველარაფინ იტანს. რაც ქარხანა აღარ წამლავს აქაურობას, ნაკლები ჭვარტლია შემოგარენშიო, ასე ამბობენ, მაგრამ ახლა ჭვარტლი ჩვენს გულებშია.

— ჩაწერე ეს წიგნში, — მითხრა მისმა ამხანაგმა გიმი, აგნესის ქმარმა, ლუდის მოყვარე წითურმა კაცმა. სმას მას შემდეგ შეეჩვია, რაც სოციალურ გეგმაზე უარი თქვა, რადგან მაღაზიის გამყიდველობა ნორმანდიაში მას არ შეეძლო, არც მეუზოვეობა ბრესტში. მან ხომ ეს-ესაა გადაიხადა სახლზე ყველა შესატანი და ახლა ველარ გაუყიდდნენ, აგნესიც მერიაში მსახურობდა, ბავშვები ბაბუასთან უნდა გაეგზავნათ ტრიონვილში საყვასბოში... — დაწერე ეს წიგნში, აზიზ, გეხვეწები, რათა ხალხმა იცოდეს.

დავწერ.

ერთ დღეს დავბატოე აგნესს, რომ შენი რომანის ბოლო გვერდები წავუკითხო. ის შემოვა შენს ოთახში, დაჯდებოდა შენს საწოლზე, ხელახლა გაიგონებს შენს ხმას და ინანებს, რომ უარი გითხრა თამაშის-ანი ფუნთუშების დღეს. მას ალბათ გავუმხელ მთელ სიმართლეს. ვეტყვი, რომ ისე წახვედი, აგნესი გულიდან არ ამოგსვლია, რომ მომაკვდავიც მის სახელს იმეორებდი, რომ სიკვდილი შეფის იმ უსასრულო მიწას ან ფანტომებს ჰგავს, რომლებიც ჯიუტად აპირებენ ნადნობის გამოშვებას.

და ერთ დღეს, თუ შენ გინდა, ორივენი ჩვენ აგნესთან ერთად ივეცემით სიყვარულს.





თარგმნა სილოვან ნარიანიძემ

შემოდგომის ჰაჰელა

თავბრუდახვევით ფრინავს პეპელა,
ჟამთაცვლის მზე სწვავს, მზე ეკიდება.
როგორც სიცოცხლის მოძრავი ალი,
დაცვარულ ფოთოლს ნაზად ეხება
და გაცისკრების სიამით თვრება.

მეუბნებოდნენ, შენ არ ხარ ავად,
ეს ყველაფერი მოგეჩვენა და მოგეზმანა.
მე ვპასუხობდი ამაზე მაშინ
და გაზაფხული მკის დრომ შეცვალა.
მალე მოვიდა შემოდგომაც, ეს, როგორც ხდება,
ხმელ ფოთლებს როცა მიმოფანტავს ხეებში
წყებად.

დრო დასდგომია გულსაც ჩემსას ფოთოლცვენისა,
ვხედავ პორიზონტს, მოკლედ მოჩანს იქვე ჩემი
გზაც.

მეუბნებიან, შენ არ ხარ ავად.
ეს მხოლოდ წუთით მოგეჩვენა და მოგეზმანა.
მკის დრომაც მალე გადაიარა.
ზეცამ მრავალჯერ იავდრა და გადაიდარა.

დედამიწაზე, მეგობრებო, ყოველი ქრება,
წავა, გვტოვებს და ცხოვრების გზაც ამით
მთავრდება.

ის რწმენაც, ჩვენ რომ დაგვატარებდა,
ისიც დაგვტოვებს, წავა, გაქრება.

ის ყვავილებიც, რომლებსაც ვკრეფდით,
ბაგენიც, ჩვენ რომ ვკოცნიდით გზნებით.

წყალიც, აჩრდილიც, ჭიქის წკრიალიც,
გაქრება ხმაც და ფერიც სიამის.

მკის დროც დაგვტოვებს, წავა თავისით,
 დღეც ფერს შეიცვლის, ცაც გადაიყრის,
 მზე კი კვლავ ლოცავს ჩემს ხელებს თმენით.
 მეუბნებიან, რომ არ ხარ ავად,
 არ ხარ ავად და ღმერთს ნუ სცოდავო.
 პეპელა კი ფრენს, მან წრე მოხაზა,
 ცეცხლოვანი და უკანასკნელი...



ა მ მ რ ი კ ა

სამარადისო ტვირთივით მაწევს, გზააბნეული
 მივემართები,
 ჭაობებით და უღრანებით, შენ რომ გარტყია,
 შენი ნახირით და ქარიშხლებით,
 შენი შროშნების სურნელებით დამათრობელით,
 ტყეებითა და ნაკადულებით,
 მუდამ რომ მესმის მათი სიმღერა,
 შენი ბრწყინებებით, შენი თევზებით,
 დღეებით, მე რომ მმორჩილებენ,
 ვარ დაბანგული.

ზღვებიდან ტალღის უნაზეს რხევით.
 სანაპიროს რომ ელტვის თათებით,
 მარად სავსე ვარ მოგუგუნე ზარების ხმებით,
 ვულკანებით და ინდიელთა წითელი ფერით,
 მე რომ მივლია ტევრნარებში შიშველ ფეხებით,
 იმ ბილიკებით, ეკალ-ბარდით და შამბნარებით,
 ღრმად ჩახლართული მიწის გულში ხეთა ფესვებით,
 მუდამ მეძახი!..

შემოდგომურმა წვიმის თქემშაც ვერ გადარეცხა
 შენს მიწაზე დაღვრილი სისხლი,
 დროშებით შავი სიკვდილისა, დამპყრობთა უინით,
 შენს უღრანებში ჩამარხული შეძახილებით,
 ხმებით უკვდავით, მართლაც გმირულით...
 ხმლის და შუბების ელვარებით, მზის სხივებით და
 კაიმაანების ნავეების ცურვით,

შორს განფენილი მდინარეებით,
 ქალაქებით და შენი სოფლებით,
 ურიცხვ ფრინველთა წარმტაც გალობით,
 ფრენით და სტეჟენით,
 ნესტიანი ტყის ბნელ ღრანტეებში ციციანათლების
 გაელვარებით.

მე დავიბადე, ამერიკავ, შენი საშოდან
 შენს ნუშისფერ შებინდებაში,

შენთა ხელთუქმნელ შედევრებში, შენს
 მიწისძვრებში,
 შენს ლეგენდებში დავიბადე, შენს ხანძრის
 ფერფლში.
 მაღალი მთების მყინვარებში, მიწის ზვინებში
 შენს უნათლეს და დაუცხრომელ სიდიადეში
 შენს საიდუმლო მღვიმეებში, შენს უფსკრულებში,
 შენი კონდორის ვიშვი ბრჭყალებში,
 დაუოკებელ შენს შებლალულ გვატემალაში,
 ტრინიდადში და გუაირეში.
 შენ წყვდიადი ხარ, ჩემი დილა ხარ,
 შენ ჰაერი ხარ ჩემი არსობის,
 მე შენით ვცოცხლობ, ვიტანჯები, ვკვდები და ისევ
 შენით აღმსდგარი ხშირად მკვდრეთით
 კვლავაც აღვსდგები.
 ჩემი ლექსი და სიმღერები
 შენს ნათებაში ჩამოსხმულია.
 ო, ამერიკავ, ჩემი ვარსკვლავი
 შენს შავ მიწებზე ელავს, კიაფობს,
 ჩემი სიცოცხლის ყოველი ძარღვი, ჩემი ოცნებაც
 შენით ანთია,
 ვიძინებ შენი ქვიშნარების გარემოცვაში,
 შენი წყაროს წყლით ვიბან ხოლმე პირს
 გარიჟრაჟზე,
 თვითონ ღვინოც კი, მე რომ ვიგემე,
 ღვინო კი არა შენი მიწაა,
 თვითონ მთვრალია და მიკლავს წყურვილს, —
 ცვარნამიანი გლეხური მიწა!
 წმინდა მარადჟამს, მოციმციმე ნაყოფდასხმული,
 ბედელი ხორბლის ოქროთი სავსე.
 უშფოთველად შეგყურებ, ამერიკავ,
 გულში ვიხუტებ შენს ნაომარ ფარს,
 ვიოკებ ყოველ მწუხარებას, იმედიანი
 შენი ახალი განთიადის სხივებით ვთბები.
 ვერვევი შენს მზეს, რომელმაც შექმნა,
 შევესისხლხორცე წყვდიადს შენსას, მან
 გამომაწრო,
 ვიღვიძებ შენი განთიადის ნათელ ხილვაზე,
 სავსე სინაზით იმ გმირულ დღეთა,
 მუდამ ერთგული და მბრძანებელი.
 ვარ მშობელ მიწის რძით გამოზრდილი,
 შენი წარსულის სისხლი და ხორცი.

ნოქტიურნი



შემოდი ჩემთან,
 შავი უდაბნოს გულდაბინდულ ბნელში შემოდი,
 შემოდი ჩემთან პამპასებით მჭვირვალ ლამეში,
 ვარსკვლავიანი ცის წყვდიადში.
 ტამერუგალი იქ, სადაც თავის
 ათასწლეულის მდუმარებას მშვიდად აგრძელებს, —
 შემოდი ჩემთან!
 საუკუნენი ჩაღვრილან ერთად მთვარის და სივრცის
 მდუმარებაში,
 და იკვეთება ფირუზისფერ ნათების ალში
 გაშიშვლებული სახოვანება.
 მიწა წმინდაა, სუფთაა და ყოვლად ხალასი.
 შენ შემიყვარდი სიყვარულით ჩვეულებრივით,
 როგორც მიყვარდა არსებანი სხვადასხვაგვარი,
 ყვავილები და დიდი ქუჩები,
 ბარაქა, ხვაჯი, ჩვენი ძველი რიტუალები.
 მიყვარს სიწმინდე შენი სახის, დავ, ოკეანის,
 თუმცა უდაბნოს კანონები ძნელად იცნობა.
 იქ ხომ არც კლდეა, არც ხეა, არც ადამიანი,
 არავინაა, არც სადმეა თავშესაფარი.
 პირისპირ დგახარ სიცოცხლესთან და სივრცეებთან.
 მხოლოდ სამყაროს ქვის ხერხემალი.
 მე შევიყვარე გამოკვეთილი ეს გაცრეცილი
 სიმაღლეები.
 ჩვენი ცხოვრების მკაცრი სიმართლე,
 განფენილობა გოლიათური.

ასე იკარგოდა დროები

ჯერ სისხლში ვბანეთ ჩვენი დროები,
 მერე კი ხალხმა სინაზითა და მწუხარებით
 ქარგა ისინი,
 აკინძა მისი ნაფლეთები.
 მთრთოლვარე ხელით მიაბნია ვარსკვლავი მასზე,
 თვითონ ციური ვარსკვლავებისგან
 ხალხმა შეკერა ლურჯი ხალათი,
 ზეცის ხატებას რომ ჰგავს სრულიად.
 წითელი ფერიც ეღვარებს მასზე.

დამპყრობელები

გაანადგურეს კუნძულები დამპყრობელებმა,
 პირველი იყო გუანაპირი,
 და ამ წამების ორომტრიალში

მისმა შვილებმა დაინახეს მტრების სახეზე
ღიმილი მკაცრი და შურიანი,
იმათ სხეულს კი, — იმის ნაზ სხეულს,
სეტყვა ურტყამდა, ეცემოდნენ დასისხლულები,
სანძარში წწვავდნენ, აწამებდნენ ბაწრიით



გაწმინდეს, მთავარი
გაწმინდეს, მთავარი

ცოცხლად მარხავდნენ ბნელ ხაროებში
და ისე მოკვდნენ, რომ ვერ გაიგეს,
თუ რატომ კლავდნენ დამპყრობელები.
და როცა მორჩნენ ამ ბილწ საქმეს,
მიეცნენ ტკბობას,
ვალსებს ცეკვავდნენ საზეიმოს პალმების ტევრში
და მკვიდრი ხალხით მწვანე ველი დაცარიელდა.
მხოლოდ ძვლებიღა დარჩა მათი

და როგორც ჯვრები,
თავის საქმეთა უმაღლესი დიდების ნიშნად,
კაცობრიობის დასანახად აღმართეს მიჯნად...
ფისის გრესილთა მწვერვალებიდან,
იქ სოტავენტუს მღვრიე ტოტამდე,
მარჯნის კუნძულთა პალმების ჩრდილში
დანით გადაჭრა ნარვაესმა ნერვი კეთილი,
ჯვარი აღმართა, ვით ნიშანი აქეთა მხარეს,
ხოლო იქით კი კრიალოსანი, —
იქვე მალონა დაძარღვული ყელზე მარყუჟით
ნაბავდა თვალებს.

ასე ამგვარად, კოლუმბის ხელმა
ფოსფორულ კუბას აღმასივით ნათება მისცა,
დაამხო მისი ალამი და ფეხი დაადვა
იმის ნოტიო ოკეანის სანაპიროებს.

ჩემი და ღაბრუნება

ჩემი სისხლით და ჩემივე სორცით კვლავ შენთანა
ვარ,

სამშობლოვ ჩემო!
ისევ მიმიღე შვილი შენი, ვარ ავსებული
სიმღერებით და მწარე გოდებით,
კვლავ შენთან არის თვალდაბინდული ჩემი გიტარა
და ფიქრი ჩემი მსოფლიოში მოხეტიალე!

მე მოვდიოდი, რომ შენს შვილებს გზად
შევხვედროდი,
რომ კვლავ შენახა დაღუპულნი და განწირულნი,
უწმინდესები თეთრი თოვლივით,
შენი სახელით რომ დამელოცნა.



ქართული
ბიბლიოთეკა

წავედი, რათა სახლი ამეგო
 შენი ტყეების ნორჩი ტევრიდან,
 გულში დაჭრილი შენი გმირების
 ძეგლი ამეგო უკვდავებისა,
 რომ გაებრწყინათ ვარსკვლავებივით.
 ახლა კვლავ შენში თავდავიწყებას
 ვეძებ, მაფრქვიე შენი ნათელი
 და ბნელი ღამის გულში ჩამწვდომი
 შენი სიმები დაუვიწყარი.
 მიბოძე შენი ღამის ხომალდი
 და შენი ზეცა ვარსკვლავიანი.
 მე მინდა ბნელი გაგინათო, სამშობლოვ ჩემო,
 და შენი ვარდის სურნელებას კვლავ დავეუფლო.
 შენს გამოძერწილ კეთილ სხეულს ხელი შევასო,
 რომ დავტკბე შენი მზისგან დამწვარ
 კლდეების მზერით,
 შევირგო ისევ დელვა შენი ხორბლის ყანების.
 რომ სიყვარულით ძნებს ჩავხედო
 თავთავებისას,
 გვარჯილით შემხმარ შენს მჭლე ტყეებს
 რომ მოვეფერო,
 რათა მოვქარგო ბრძოლის ფერად შენი ზარები,
 შენი დიდების შესაფერი გვირგვინი დავწნა.
 სამშობლოვ ჩემო, რომ შემორტყმულხარ ველურ
 ქაფიან ტალღათა გუნდით,
 დაფრენს არწივი, სად საფირონის
 სამხრეთ პოლარულ ვარსკვლავთ ციხეში
 შენი წილხვედრიც უწმინდესი ელავს ნათელი.
 მან გადაბინდა მტერთა შენთა თვალების მზერა,
 შენ ამ სინათლეს მოეფერე, სამშობლოვ ჩემო,
 რომ თავთავები სიცოცხლისა სულ ირხეოდნენ.
 ბნელ და მშფოთვარე გარემოცვაში
 ბედმა გარგუნა ეს მძიმე ხვედრი,
 ყველა ყვავილი ზარდე შენს ბაღში,
 და იყავ საფსე სიკეთით და იღუმალეებით
 აქ, ამ მძინარე, უსასრულო ამერიკაში!

მე შემიძლია ამ შუალაპით ვწერო ლექსები

ამ შუალაპით მე შემიძლია ვწერო ლექსები
 ჩემს უსაზღვრო მწუხარებაზე.
 დავწერო მასზე, მაგალითად: „თუ როგორ კრთიან,
 შეციებული ვარსკვლავნი ცაზე“.
 შუალაპეა, ქარი გრიალებს, სივრცეს მიაპობს
 და მიიმღერის,
 ამ შუალაპით მე შემიძლია ვწერო ლექსები

ჩემს უსაზღვრო მწუხარებაზე,
 მე ის მიყვარდა: და დროდადრო მასაც ვუყვარდი,
 და სწორედ ასეთ მშფოთვარ ღამეში ის ჩემთან იყო
 და ვეხვეოდი,
 მისით ბედნიერს ამ ცისქვეშეთში
 დამილოცნია სამყარო მთელი.
 მე მას ვუყვარდი და დროდადრო ის მეც მიყვარდა,
 ანდა როგორ არ მეყვარებოდა,
 მისი მართალი, დიდი თვალები?



ამ შუალამით მე შემიძლია ვწერო ლექსები
 ჩემს უსაზღვრო მწუხარებაზე,
 რომ ახლა იგი ჩემთან არ არის
 და გული ტირის დაკარგვას მისას.
 ვუსმენ ამ უზარმაზარ ღამეს და
 ახლა ეს ღამე უფრო დიდია
 და როგორც ცვარი ლურჯ მდელოებზე,
 ისე ეცემა ჩემს სულში ლექსი.
 რა ვქნა, რომ ჩემმა სიყვარულმა
 ვერ შესძლო მეტი
 და ვარსკვლავიან ღამით ახლა
 უმისოდ მიჭირს.

დასრულდა,
 თითქოს ვილაცის ხმა შორიდან მესმის,
 ნუთუ ის არის, ვით მომნახა ასეთ ღამეში.
 თვალებს ვაცეცებ, თითქოს მინდა მივუახლოვდე,
 მაგრამ ამაოდ დაეძებს გული,
 წავიდა, გაჰქრა,
 არასოდეს ის აღარ მოვა.
 ახლაც ისეთი შუალამეა, ხეებიც როგორ
 გათეთრებულან,
 მე კი, რომ მახსოვს ოდინდელი,
 ის აღარა ვარ.

იქნება აღარც მიყვარს იგი,
 იქნებ კვლავ მიყვარს,
 რა ხანმოკლეა სიყვარული,
 დავიწყება კი უზარმაზარი.

ასეთ ღამეში ვეხვეოდი და ის მიმაჩნდა
 ბედნიერებად, არასდროს რომ არ მეორდება,
 ვერ ურიგდება გული ახლა იმის დაკარგვას,
 უკანასკნელი მწუხარება რომ მომანიჭა, —
 ამ სტრიქონებსაც, ახლა რომ ვწერ,
 მე იმას ვუძღვნი.



გეგმის ელემენტი



გერმანულიდან

თარგმნა დია თაკვაჩელიძემ

გამომცემლის შენიშვნა

ამ ადგილას, მიწყალეო მკითხველო, მოხუცი მხატვრის ფერგადასული ხელნაწერის ამოკითხვა შეუძლებელი იყო. ამიტომაც კვლავ ვუბრუნდები მედარდუსის — ამ არაჩვეულებრივი კაპუცინის ჩანაწერებს.

ქარი მესამე

მონასტერში დაბრუნება

ბოლოს და ბოლოს საქმე იქამდე მივიდა, რომ რომის ქუჩებში აღარ გამესვლებოდა. სადაც კი გამოვჩნდებოდი, ჩემ გარშემო უსათუოდ ხალხი იყრიდა ხოლმე თავს. ზოგი გარინდებული მომშტერებოდა, ზოგიც მუხლმოდრეკილი მთხოვდა ლოცვა-კურთხევას. ყველამ იცოდა მკაცრ ეპიტიმიას რომ განვაგრძობდი და, ეტყობა, ამით დიდ შემოქმედებას ვახდენდი ხალხზე. შესაძლოა, ჩემდამი ასეთი დამოკიდებულების ერთ-ერთი მიზეზი ისიც გახლდა, რომ ჩემი განსაცვიფრებელი და უცნაური შესახედაობის გამო სიცოცხლით სავსე, ფანტასტიკური რომაელები ჩემზე ლეგენდებს თხზავდნენ და რომელიღაც ზღაპრის გმირადაც მსახავდნენ. საკურთხევლის საფეხურზე გართხმული და ღრმა ფიქრებში ჩაძირული რამდენჯერ გამოვუფხიზლებივარ ვილაციის ოხვრასა და ბუტბუტს, რამდენჯერ დამინახავს, როგორ მოეყარათ მუხლი ჩემ გარშემო ღვთისმოსიშ ადამიანებს, თითქოსდა მფარველობასა და შემწეობას მთხოვდნენ უფლის წინაშე. ხანდახან ჩემ ზურგს უკან, როგორც ეს კაპუცინთა მონასტერში ხდებოდა, ზოგიერთის გულიდან ამოხეთქილი ძახილიც გამიგონია: *il Santo!* და მეგონა, გულში ხანჯალს მიტრიალებდნენ და აუტანელ ტკივილს მაყენებდნენ. რომის დატოვებაც კი მქონდა განზრახული და მართლა შემეშინდა, როცა მონასტრის წინამძღვარმა, ვინაც გულთბილად მიმიღო, მაუწყა, პაპი თავისთან გიხმობსო. გულში ბუნდოვანმა წინათგრძნობებმა და ეჭვებმა გამკრეს, კვლავაც ხომ არ ცდილობს ბოროტი ძალა თავის ხლართებში ჩამითრიოს-მეთქი. მაგრამ ღონე მოვიკრიბე და ვატიკანისაკენ გავეშურე. პაპი დიდად განათლებული კაცი აღმოჩნდა, ჯერ კიდევ საუკეთესო, აყვავების ასაკში მყოფი,

1. წმინდანი (იტალ.).

გაგრძელება. (დასაწყისი იხ. „საუნჯე“ № 1-2, 3-4, 5-6 2001 წ. და 1-2, 3-4 2002 წ.).

მდიდრულად მორთულ სავარძელში იჯდა, სასულიერო პირის სამოსში ჩაცმული. ორი საოცრად ლამაზი ბიჭი ემსახურებოდა, ყანჩის ფრთის მარათი უგრძობდნენ ჰაერს, რადგან პაპანაქება სიტყვი იყო მორჩილი და თვინიერი შევედი მასთან და ჩვეულებრივი ეტიკეტის შესაბამისად მუხლი მოვიყარე მის წინაშე. დაუინებით შემხედა, მაგრამ თვალებში გულკეთილობა უფრო გამოეხატა, ვიდრე მკაცრი სერიოზულობა, რომელიც შორიდან შემიმჩნევია, და სახის ნაკვთები უწყინარმა ღიმილმა გაუნათა. პაპმა მკითხა, საიდან ვიყავი მოსული და რა იყო მიზეზი ჩემი რომში ჩამოსვლისა. მოკლედ, ძალიან ჩვეულებრივი კითხვები დამისვა ჩემი პირადი ცხოვრების გარშემო, ბოლოს კი სავარძლიდან წამოდგა და მითხრა:

— თქვენი საოცარი ღვთისმოსაობის შესახებ ბევრი მსმენია, ამიტომაც მოგიხმეთ ჩემთან. მაგრამ მინდა გკითხოთ, ბერო მედარდუს, რატომ ირჩევთ ლოცვა-მონანიების ადგილად ხალხმრავალ ეკლესიებს და ყველას დასანახად რატომ მლოცვარებოთ? ამით ვითომ რა გამოგივათ, ხომ არ გგონიათ წმინდანი ეგონებით ვინმეს და იმას მიაღწევ, რომ ფანატიკურმა ბრბომ თქვენზე ილოცოს? საკუთარ სულს ჩაუღრმავდით და იმაზე იფიქრეთ, რა იღუმალი მიზანი აქვს მაგ თქვენს საქციელს. თუ სინდისი სუფთა არა გაქვთ და უმწიკვლო არა ხართ უფლისა და ჩემი — მისი მოსაყდრის წინაშე, ბერო მედარდუს, იცოდეთ სამარცხვინო აღსასრული არ ავცდებათ!

ეს სიტყვები პაპმა ძლიერი, გულშიჩამწვდომი ხმით წარმოთქვა, ამ დროს თვალებიდან ელვის ნაპერწკლებს ყრიდა. დიდი ხნის შემდეგ პირველად ვიგრძენი თავი უდანაშაულოდ შეცოდებაში, რომელიც ბრალად მედებოდა. ამიტომაც სავსებით ბუნებრივი იყო, რომ არა მხოლოდ სულით არ დავეცი, არამედ, მხნეობა მოვიკრიბე იმის სათქმელად, რომ ჩემი მონანიება წრფელი ჭმუნვა-წუხილის შედეგია და, იმასაც ვიტყვი, ზეგარდმო ძალითაა შთაგონებული.

— ო, ქრისტეს ყოვლად წმინდაო მოსაყდრევ, რა თქმა უნდა, თქვენ შეგწევთ ძალა, ჩაიხედოთ ჩემს სულში, მაგრამ უნდა იცოდეთ, რომ ჩემი შეცოდებების ენით უთქმელი კირთება უმძიმესია და მიწისაკენ მეზიდება. თქვენ შესანიშნავად შეიცნობთ სიწრფელეს ჩემი მონანიებისა. ჩემგან შორსაა უკადრის პირმოთნეობაზე ფიქრიც კი ანდა ანგარებიანი ზრახვა იმისა, საძრახისი გზით ვაცთუნო ხალხი. ო, ყოვლად წმინდაო უფლის მოსაყდრევ, ნება დართეთ მონანიე მღვდელს ორიოდ სიტყვით გაგიმხილოთ თავისი შეცოდებებით საგსე ცხოვრების საიდუმლო, აგრეთვე ისიც, რაც განუზრახავს ღრმა სინანულითა და მწუხარებით.

და მე დაუფარავად ვუამბე პაპს, ოღონდ სახელისა და გვარის დაუსახელებლად და, რამდენადაც შესაძლებელი იყო, მოკლედ მთელი ჩემი ცხოვრება. პაპი მეტისმეტი გულისყურით მისმენდა. იგი ხან სავარძელში ჯდებოდა, თავს ხელებში ჩარგავდა, მიწას დასჩერებოდა, ხან კიდევ მოულოდნელად ფეხზე წამოვარდებოდა, ხელებს გულზე გადაიჯვარედინებდა, თვალებანთებული მარჯვენა ფეხს წინ ისე წამოწევდა, თითქოს საცაა უნდა მცემოდა. როცა მზობა დავასრულე, კვლავ სავარძელში ჩაჯდა.

— თქვენი ამბავი, მღვდლო მედარდუს, ყველაზე განსაცვიფრებელი ამბავია იმათ შორის, რაც კი ოდესმე მომისმენია. მითხარით, გჯერათ თუ არა ბოროტი ძალის, ეკლესია რომ ეშმაკს ეძახის, აშკარა და ნილული შემოქმედება?

პასუხი მზად მქონდა, მაგრამ პაპმა არ დამაცალა, თავად ჩაბნეული რძო:

— გჯერათ თუ არა, რომ სწორედ იმ ღვინომ, რომელიც მონასტრის განძსაცავიდან მოიპარეთ და შესვით, გიბიძგათ ჩადენილი დანაშაულისაკენ?

— დიას, სწორედ ამ ღვინომ, ვითარცა შესამგარეულმა სითხემ მომცა ძალა გამეღვივებინა ჩემში მთვლემარე ბოროტი თესლი.

ჩემი პასუხის შემდეგ პაპი ერთხანს გაჩუმდა, მერე კი დარბაისლური, ფიქრიანი თვალელები მიმაპყრო და განაგრძო:

— მაგრამ რას ვიზამთ, თუკი ბუნებას ერთი და იგივე კანონები დაუწესებია, როგორც ფიზიკური, ასევე სულიერი ორგანიზმისათვის: მსგავსი თესლი თავისივე მსგავსს შობს; თუკი ამ თესლში ჩაბუდებული მიდრეკილებები და სურვილები ტანაყრილ ხეს კვლავ მწვანე ფოთლებით შემოსავს და ასე იზრდება და ხარობს, პაპიდან პაპას გადაეცემა ყოველგვარი ძალდატანებისა და თვითნებობის გარეშე, ხომ არსებობენ მკვლელთა, ყაჩაღთა ოჯახები. წინაპართაგან ნამემკვიდრევი ცოდვა ასეთ შემთხვევაში იქნებოდა სამარადისო წყევლა, რომელსაც მონანიების შედეგად გაღებულ ვერანაირი მსხვერპლით ვერ ამოძირკვავს, ვერ წაშლის შთამომავლობა...

— თუ ცოდვილის ნაშობიც შესცოდავს წინაპრისაგან ნამემკვიდრევი ორგანიზმის წყალობით, ეს უკვე აღარ უნდა იყოს შეცოდება, — სიტყვა შევაწვევტინე პაპს.

— არა, მაინც შეცოდებაა, — მომიგო პაპმა, — მარადიულმა გონმა შექმნა ბუმბერაზი, რომელსაც ღონე შესწევს ჩვენში მძვინვარე ბრმა მხეცი მოთრგუნოს და მოათვინიეროს. ამ ბუმბერაზს სახელად ცნობიერება ჰქვია და მისი ბრძოლა ცხოველურ საწყისთან თავისუფალ ნებას წარმოშობს. ბუმბერაზის გამარჯვება — სათნოებას მოასწავებს, ხოლო მხეცისა — შეცოდებას.

პაპი ერთხანს დადუმდა, მერე ხალისიანად შემომხედა და წყნარი ხმით მითხრა:

— როგორ გგონიათ, მღვდლო მედარდუს, შეგეფერება თუ არა მე, — უფლის მოსაყდრეს — განვსაჯო, რა არის ცოდვა-ბრალი?

— თქვენო მაღალუწმინდესობავ, — მივუგე პასუხად, — თქვენ ღირსპყავით მსახური თქვენი მოესმინა თქვენგან გამოთქმული ღრმა აზრები ადამიანური ყოფის არსზე და, რაღა თქმა უნდა, შეგეფერებათ კიდევაც ილაპარაკოთ იმ ბრძოლაზე, რომელიც კარგა ხანია თქვენი ძლევამოსილი და ბრწყინვალე გამარჯვებით დაგვირგვინდა.

— როგორც ვხედავ, ძმაო მედარდუს, კარგი აზრისა ყოფილხართ ჩემზე, — მითხრა პაპმა, — იქნებ ფიქრობთ, ტიარა დაფნის გვირგვინია, რომელიც მთელ ქვეყნიერებას აუწყებს, რომ მე გმირი ვარ და ძლევამოსილი?

— იყო მეფე და ხალხის მბრძანებელი — ეს ძალიან დიდი უპირატესობაა. ასე ხდება ხოლმე ცხოვრებაში — მაღალი მდგომარეობის მქონეთ ყველაფერი თავის გარშემო ბევრად უფრო მახლობელი და ურთიერთობებში თანაბარზომიერი ჰგონიათ და სწორედ მათ უვითარდებათ საოცარი ნიჭი, თვალის ერთი გადავლებით სწრაფად სწვდნენ ყველას და ყოველს და ეს ნიჭი მეფედ შობილთა ცთომილნი კურთხევაა.

— ხომ არ გგონია, სუსტი გონებისა და ნების მეფესაც გააჩნია ეს ნიჭი საოცარი გამჭრიახობისა, რომელიც სიბრძნედ მოგეჩვენება და სწორედ ამ მოჩვენებით სიბრძნეს შეუძლია ბრბოს გულის მოგება? საინტერესოა, თქვენ რას ფიქრობთ ამაზე?

— მე მინდოდა, უწინარეს ყოვლისა, მელაპარაკა — იმ ხელისუფალთა კურთხევაზე, რომელთა სამეუფო ამქვეყნიურ სამყაროში სუფევს. მერე კი უფლის მოსაყდრეთა წმინდა, ღვთაებრივ შირონცხებაზე მეტქვა სიტყვა. უფლის სული იდუმალი გზით ჰფენს ნათელს მაღალი რანგის წარჩინებულ მღვდელმსახურთ, რომელნიც კონკლავის შემადგენლობაში შედიან, თავიანთ სენაკებში განმარტობებულნი ღვთისმოსავ ჭვრეტას მისცემიან და ციური ნათელი მოსავს სულს, რომელიც ღვთაებრივი გამოცხადების წყურვილით იურვის და ამ დროს იმათ შთაგონებულ ბაგეთ აღმოსდებათ სახელი რჩეულისა, ვითარცა ხოტბა-სადიდებელი ჰიმნი აღვლენილი ყოვლის დამბადებლისადმი. ამით მიწიურ ენაზე ამცნობს სამყაროს ყოვლად ძლიერი თავის განზრახულებას, თუ ვინ აირჩია უღირსეულეს მოსაყდრედ და, ყოვლად წმინდაო მეუფეო, თქვენი გვირგვინი ხომ უზენაესის სამკეცი იდუმალი რკალითაა ნათელმოსილი. იგი, კაცმა რომ თქვას, დაფნაა, რომელიც გმირად და ძლევა-მოსილად წარმოგაჩენთ. არაამქვეყნიურია სუფევა თქვენი და მაინც მოწოდებული ბრძანდებით იმეფოთ მიწიური სამყაროს ყველა საბრძანებელზე, თავს უყრით რა ერთად უხილავი ეკლესიის ყველა წევრს უფლის სადროშოს ქვეშ. მიწიური სამეუფო, რომელიც წილად გერგოთ, თქვენი ტახტის მხოლოდ კვარცხლბეკია, ზეციური დიდებულებით რომ ბრწყინავს.

— შენ, რა თქმა უნდა, დამეთანხმები, — შემაწყვეტინა პაპმა, — პო, ალბათ დამეთანხმები, ძმაო მედარდუს, რომ მე მაქვს საფუძველი კმაყოფილი ვიყო ჩემი წილხვედრი სამეფო ტახტით. ეს აყვავებული რომი მართლაც რომ ზეციური მშვენებითაა შემკული. ამას შენც იგრძნობ, ძმაო მედარდუს, თუკი მიწიურის განცდა მთლად არ დაგიკარგავს... მაგრამ რატომღაც არ მჯერა ეს... შენ გვარიანი მოლაპარაკე ხარ და ერთნაირი შეხედულებებიც გვაქვს... მე შენ მომწონხარ... იმასაც ვატყობ, კვლავაც გავუგებთ ერთმანეთს... დარჩი ჩვენთან... რამდენიმე დღეში იქნებ წინამძღვარიც გახდე, მერე ალბათ ჩემს სულიერ მამადაც ავირჩევ... წადი, ოღონდ ეკლესიებში თავი ბრიყვულად ნუ გიჭირავს, სულ ერთია, წმინდანი მაინც ვერ გახდები, საეკლესიო კალენდარი უშენოდაც შევსებულია.

პაპის ბოლო სიტყვებმა, ისევე როგორც საერთოდ მისმა საქციელმა, დიდად გამაოცა, რადგან იგი მეტიხმეტად უპირისპირდებოდა ჩემს წარმოდგენაში შექმნილ ხატს ქრისტიანული სამწყსოს უზენაეს მესვე-

ურზე, ვინც ძალაუფლების მპყრობელი იყო, ვისაც ხელეწიფებოდა შეკავშირება და გარდაწყვეტა. უკვე ეჭვიც აღარ მეპარებოდა, რომ იგი ყველაფერს, რასაც კი ვგულისხმობდი, როცა მისი მოწოდების ძალადღვთაებრიობაზე ვლაპარაკობდი, მხოლოდ ცბიერ პირმოთხოვად მიიჩნევდა. პაპი ვარაუდობდა, რომ მე წმინდანთა თანა შერაცხვას ვთხოვდით, მაგრამ ვშიშობდი რა, რომ იგი განსაკუთრებულ გარემოებათა ძალით აქეთკენ მიმავალ გზას დამიხშობდა, ახლა განზრახული მაქვს სხვანაირად მივალწიო პატივსა და გავლენას და პაპიც, ჩემთვის გაუგებარი მიზეზით დათანხმდა, რომ ამაში შემწეობას აღმომიჩინდა.

მე გადავწყვიტე წამითაც არ დავფიქრებულყავ, ისე დამეტოვებინა რომი, ვიდრე პაპი ხელმეორედ არ მომიხმობდა თავისთან, ხოლო მონანიება და ლოცვები კვლავ გამეგრძელებინა. მაგრამ თავს შინაგანად მეტიმეტად ფრთაშესხმულად ვგრძნობდი საიმისოდ, რომ წინანდებურად ზეცისაკენ მიმედრიკა სული. ჩემდა უნებურად ლოცვების ჟამსაც კი მაგონდებოდა ადრინდელი ცხოვრება ჩემი, მაგრამ ხატი ჩემთა გადახდომილებათა თანდათან გამქრქალდა, გაფერმკრთალდა. ახლა ჩემი სულისმიერი მზერის წინაშე თვალისმომჭრელი ელვარებით გამრწყინდა ბრწყინვალე ასპარეზი ჩემი, რომელიც ჰერცოგის ფავორიტობით დაიწყო, მერე პაპის სულიერ მამობასაც ველირსე და, ვინ იცის, კიდევ რა სიმაღლეს მივალწევდი. ყოველივე ამის წყალობით და არა იმიტომ, რომ პაპმა ამიკრძალა, არამედ ჩემი საკუთარი ნებით შევწყვიტე ლოცვები და სულის მოსანანიებელი ეპიტიმები და ჩვეულებრივად ვიწყე რომის ქუჩებში ხეტიალი. ერთხელ ესპანურ მოედანზე მოვხვდი და თოჯინების მოძრავი თეატრის სკივრთან შექუჩებული ხალხის ჯგრო დავინახე. უეცრად გავიგონე, რა სასაცილოდ იწივლა პულჩინელიმ და ბრბოც ცხენივით აჭიხვინდა. პირველი აქტი დასრულდა. ახლა მეორე აქტისათვის ემზადებოდნენ. სკივრის პაწია სახურავი აიხადა, გამოჩნდა ჭაბუკი დავითი ტრადიციული შურდულით ხელში, ზურგზე წვრილი კენჭებით ავსებული ტომარა წამოეკიდებინა. იგი თვალსასერიო მანჭვა-გრეხით გვაუწყებდა, რომ ამჯერად კი მართლა მოუღებდა ბოლოს, დანას შიგ გულში ჩასცემდა და მზეს დაუბნელებდა ტლანქ და გაუთლელ ბუმბერაზ გოლიათს და ისრაელიც გადარჩებოდა. ფილისტიმელების ბუმბერაზი გოლიათი ვეება თავით ჩვენ წინ წამოიძარტა და რა დიდად გავვოცდი, როცა პირველი ნახვისთანავე გოლიათში ჩემი მოსულელო დალაქი ბელკამპო შევიცანი. თავქვეშ რაღაც განსაკუთრებული მოწყობილობის დახმარებით მიემაგრებინა პაწაწა ტანი, ციცქნა ხელები და ფეხები, ხოლო საკუთარი მხრები და მკლავები მოფარდაგულ ნაჭერში ჩაემალა, ეს ნაჭერი კი იყო გოლიათის ფართო ნაკეცებიანი უზარმაზარი მოსასხამი. გოლიათი უცნაურად იღმიჭებოდა, ჯუჯა ტანის გროტესკური ლლანკვა-გრეხით წარმოთქვამდა გატყლარჭულ სიტყვას, რომელსაც დავითი ხანდახან აწყვეტინებდა, თან წვრილ ხმაზე ჩაიხითხითებდა ხოლმე. ამის დამნახავი ხალხი გულიანად ხარხარებდა. მე კი ისე გამაოცა ამ სანახაობამ, რომ ჩემდა უნებურად კარგახნის წინ მივიწყებულმა და ერთბაშად მომსკდარმა სიცილმა ლამის სული შემიგუბა და ბავშვური თავდავიწყებით ავყევი სიცილის მოვარდნილ ნიაღვარს. ო, რა ხშირად ჰგავდა წინათ ჩემი სიცილი სულის გამტან-

ჯავი წამებით გათანგულ კრუნჩხვას. დავითის გოლიათთან ორთაბრძო-
ლას წინ უძლოდა იმათი ხანგრძლივი და გრძელი შეპაექრება. დავითი
უაღრესად იკლიკანტურად და განსწავლულად განმარტავდა, რატომ
უნდა განევმირა იმას მახვილით თავისი მრისხანე მოწინააღმდეგე, რა-
ტომ მაინცდამაინც ის უნდა მოეკლა და არა სხვა. ამ დიალოგის დროს
ბელკამპოს ელვისებური სისწრაფით უთამაშებდა სანის ყველა კუნთი
და უცნაურად იღმიჭებოდა, ამასთანავე ბუმბერაზმა ციციქნა და პაწა-
წკინტელა დავითს ხელი აუქნია და უნდოდა მაგრად ჩაეცხო სახეში, მა-
გრამ დავითმა მარჯვედ აიცილინა დარტყმა, ხან იქეთ ეცა, ხან აქეთ,
მერე კი გოლიათის ტანზე მოგდებულ მოსასხამის უშველებელ ნა-
კეცებში შეიმაღლა. ბოლოს გოლიათს ქვა მოხვდა თავში, იგი ძირს
დაეცა და მოძრავი თეატრის სახურავიც დაიხურა. მე კი თავაწყვეტილად
ვხარხარებდი და ვხარხარებდი, ლამის მთლად შევიმაღლე ბელკამპოს
გიჟური გენიის შემყურე, ვიდრე უეცრად ვილაცამ მხრებზე ხელი არ
დამკრა. წყნარად მოვიხედე: ჩემ გვერდით აბატი იდგა.

— გულწრფელად მიხარია, ღირსეულო და უწმინდესო ჩემი ბატონო,
— დაიწყო მან. — რომ არ დაგიკარგავთ მიწიური სიხარულის შე-
გრძნება. თქვენი უცნაური მოსანანიებელი ლოცვები რომ მინახავს,
აღარც კი მეგონა, სიცილი თუ შეგეძლოთ მსგავსი სისულელეების ნა-
ხვისას.

როცა აბატმა ეს სიტყვები მითხრა, შემრცხვა ჩემი გახალისების
გამო და უნებლიეთ ვუთხარი, თუმცა იმწამსვე მწარედ ვინანე ნათ-
ქვამი.

— დამიჯერეთ, ბატონო აბატო, ვისაც მოუკლავს, ის მოკლავს
ნადირსა უხვსა ტყისასა. ვისაც ძალუძს დაუღლელად გასცუროს ათას-
ფერადი ცხოვრების ბობოქარ ტალღებში, არასოდეს გატყდება წელში,
არასოდეს არ უმტყუნებს ძალ-ღონე, რათა მისი მღვრიე ნიაღვრები-
დან ამოყურყუმაღავება შეძლოს და თავიც ამაყად დაიჭიროს.

აბატმა ანთებული თვალებით შემხედა.

— ო, რა მარჯვედ მიაგენით სათქმელს და კიდევაც ეწიეთ საწა-
დელს. ახლა კი მჯერა, რომ ძირისძირამდე გაგიცანით და უნდა გითხ-
რათ, სულის სიღრმემდე აღტაცებული ვარ თქვენით.

— არ მესმის, ბატონო ჩემო, რა მაქვს აღსატაცებელი, ერთი სა-
წყალი მომნანიებელი მღვდელი ვარ.

— ჩინებულია, თქვენო უწმინდესო მაღალღირსებავ, კვლავ დაუბ-
რუნდით თქვენს როლს და ნურც იფიქრებთ იქიდან გამოსვლას, ასე
სჯობია. თქვენ ხომ პაპის ფავორიტი ბრძანდებით!

— აქ არაჩვეულებრივი არაფერია, უბრალოდ, მისმა მაღალბრწყინ-
ვალებამ ინება და აუდიენციაზე მიმიღო, ვითარცა ქრისტე-მაცხოვრის
მოსაყდრემ, რათა მისი ხილვის ღირსი გავმხდარიყავი. ჩემის მხრივ მეც
თაყვანებით მოვიყარე მუსლი მის წინაშე, როგორც ეს მის მაღალღირ-
სებას ეკადრებოდა, ვინც ცისა და მიწის მბრძანებელმა ღირსჰყო ამ დი-
დი პატივისათვის, რადგან კარგად დაინახა, რაოდენ იმსახურებდა ამას
მისი რჩეულის ზეციური სათნოებით აღვსილი უბიწო სული.

— ბიჭოს! შენ მთლად ღირსეული ვასალი ჰყოფილხარ სამგზის
გვირგვინოსნის სამეფო ტახტისა და იმასაც კარგად ვამჩნევ, ბევრი

არაფერი შეგეშლება, კარგადაც შეასრულებ შენთვის დაკისრებულ მოვალეობას. ოღონდ მერწმუნე, ამჟამინდელი უფლის მოსაყდრე თვალმარგალიტია სათნოებისა ალექსანდრე მეექვსესთან შედარებით. თუმცა შეიძლება აქაც მოტყუვდე ანგარიშში, მაგრამ რა გიჭირს, მაინც ითამაშე შენი როლი. რაც ასე ლაღად და გულოვნად დაიწყო, არ შეიძლება ცუდად დამთავრდეს. კარგად ბრძანდებოდეთ, ჩემო უწმინდესო და უღირსეულესო.

აბატმა გესლიანად, ირონიულად ჩაიჭირჭილა და გამშორდა, მე კი გაქვავებული მივეჯაჭვე ერთ ადგილს. შევადარე რა ერთმანეთს მისი ბოლო ხანს გამოთქმული შეხედულებები და ჩემი დაკვირვებები პაპის შესახებ, ამკარად დაერწმუნდი, რომ იგი არავითარ შემთხვევაში არ შეიიძლებოდა ყოფილიყო ცხოველურ საწყისთან ბრძოლაში გამარჯვებული გვირგვინოსანი, როგორადაც ადრე მიმაჩნდა, გარდა ამისა, ძრწოლვით და მწარე გულისტკივილით უნდა დამეჯერებინა, რომ ყოველ შემთხვევაში საზოგადოების რჩეული და კურთხეული ნაწილი მაინც ჩემს მონანიებას მიიჩნევდა ფარისევლურ სწრაფვად ამაო გზით ბრბოზე ამალღებისაკენ. სულის სიღრმემდე შეძრული და გულდაკოდილი დავბრუნდი მონასტერში და ცარიელ ეკლესიაში განმარტოებით აღვაველინე გულმხურვალე ლოცვა. თვალებიდან ღიბრი ჩამომეცალა და ცხადად შევიცანი ეშმაკეული ძალის ცდუნება, რომელიც ხელახლა აპირებდა ჩემს გახევვას ჯოჯოხეთურ ლაბირინთებში. დავინახე აგრეთვე ჩემი ცოდვილი უმწეობა და განგებით მოვლენილი ღვთის სამსჯავრო. ახლა სასწრაფოდ აქედან გაქცევა თუ გადამარჩენდა ცდუნებისაგან და გადაგწყვიტე კიდევაც სისხამ დილით გავდგომოდი გზას. ის იყო შეღამდა, როცა მონასტრის ზარმა დარეკა და ჩემს სენაკში შემოვიდა ძმა — კარის დარაჯი, რომელმაც მაუწყა, ერთი უცნაურად ჩაცმული კაცი გკითხულობსო. მისაღებ ოთახში გავედი და ხელში ბელკამპო შემრჩა. იგი გიჟივით მომვარდა, როგორც ჩვეოდა, ორივე მკლავში ხელი ჩამავლო და ფიცხლაგ კუთხეში მიმათრია.

— მედარდუს, — დაიწყო მან ჩუმი ხმით და სხაპასხუბით, — მედარდუს, რაც არ უნდა ქნა, ბოლოს და ბოლოს თავიც რომ მოიკლა, სისულელე მაინც არ მოგეშვება, იგი შენთან ერთად დაფრინავს ყველა მიმართულებით, დასავლეთის, სამხრეთის, სამხრეთ-დასავლეთის და კიდევ, ვინ იცის, რომელი ქარის ფრთებზე არა, იგი ხელს გტაცებს და გამოგათრევს უფსკრულიდან, საცა კი აფრიალდება შენი ანაფორის ნაგლეჯიც. ო, მედარდუს! ბოლოს და ბოლოს იცოდე, რას ნიშნავს მეგობრობა, გაიგე, რა შეუძლია სიყვარულს, გაიხსენე, ჩემო საყვარელო კაპუცინო, დავითი და იონათანი.

— მე აღტაცებული ვარ შენი გოლიათით, — ჩავაკერე ლაპარაკში ენამორატრატე ბელკამპოს, — ის მაინც მითხარი, აქ რისთვის მოხვედრი? ჩემთან რამ მოგიყვანა?

— რამ მომიყვანა? აქ რა მომიყვანდა, თუ არ გიჟური სიყვარული კაპუცინისადმი, ვისაც ოდესღაც თმა დავუვარცხნე, ვინაც სისხლიანი დუკატები მიწყალობა, ვისაც ამაზრზენ მოჩენებებთან პქონდა ურთიერთობა და მას შემდეგ, რაც სიცოცხლე მოუსწრაფა რამდენიმე მათგანს, მზეთუნახავის ცოლად შეერთვა მოინდომა ბიურგერული, ანდა უფრო მართებული იქნებოდა, თუ ვიტყვოდი, თავადური ქესტით.

— გაჩუმდი! — ვიყვირე მე, — გაჩუმდი-მეთქი, გეუბნები, შე საფრთხობელა და ყეყეჩო! მე ხომ ძნელზე ძნელად მოვიხანაიე ყველაფერი, რაზეც ასე მწარედ მსაყვედურობ მაცდური თავგასულობით.

— ო, ბატონო, — განაგრძო ბელკამპომ, — განა ისე მგრძობიარეა ის ადგილი, რაზედაც მტრულმა ძალამ ღრმა ჭრილობა მოგაყენათ? ეს იმას ნიშნავს, რომ სრულად ჯერაც არა ხართ განკურნებული. მე ახლა თვინიერი და წყნარი გავხდები, ვითარცა ღვთისმოსავი ბავშვი, თავს მოვითოკავ, აღარ ვიხტუნავებ როგორც სულიერი ისე ფიზიკური გავებით. ოღონდ პირუთვნელად გეტყვი, ჩემო ძვირფასო კაპუცინო, რომ მეტწილად შენი ამაღლებული სიგიჟის გამო მიყვარხარ ასე ნაზად და სულაც არ მიმაჩნია უმაქნისობად, თუკი გიჟური პრინციპი იხარებს და ილორძინებს ამ ქვეყანაზე, რამდენადაც ეს შესაძლებელი არის, ამიტომაც უყოყმანოდ გადაგარჩენ ყოველთვის, როგორც კი სასიკვდილო საფრთხე დაგემუქრება და წინასწარგანზრახულად რაიმე შეგემთხვევა. ჩემს თოჯინების თეატრში ყური მოვკარი, რომ შენზე ლაპარაკობდნენ, პაპს თურმე აქაური კაპუცინთა მონასტრის წინამძღვრად, მერე კი მის სულიერ მამად უნდიხარ. სასწრაფოდ უნდა აიკრა გუდა-ნაბადი და აქაურობას გაეცალო. რომში შენი დარჩენა არამც და არამც არ შეიძლება, რადგან ალესილი ხანჯლით თავის წაცლა გელის. იმ კაცსაც კი ვიცნობ, ვისაც დავალებული აქვს შენი მოშობა. შენ გზაზე ელობები პაპის ამჟამინდელ სულიერ მამას, დომინიკანელ მღვდელს და მის მომხრეებს. ხვალ უკვე შენ აქ აღარ უნდა იყო!

ეს ახალი ამბავი შესანიშნავად დაემთხვა გუშინ უცნობი აბატის მიერ გამოთქმულ შეხედულებებს. იმდენად შეცბუნებული ვიყავი, გვიან შევამჩნიე, როგორ ერთბაშად მომეკრა მკერდზე სასაცილო ბელკამპო და მისთვის ჩვეული უცნაური გრეხვა-ღმეჭით და არაჩვეულებრივი ნახტომებით გამოემშვიდობა.

შუალამე გადასული იყო, როცა მონასტრის გარე კარიბჭე გაიღო და საეკლესიო ეზოს ქვაფენილზე ბორბლების რახრახი გაისმა. ცოტა ხნის შემდეგ ჩემი სენაკის კარზე დააკაკუნეს. კარი გაიღო და მამა წინამძღვარი დავინახე, ვინც ოთახში შემოჰყვა თავიდან ფეხებამდე შეფუთვნილ კაცს, რომელსაც ხელში ფარანი ეჭირა. წინამძღვარმა მითხრა:

— ძმაო მედარდუს, ერთი სასიკვდილოდ მსჯავრდებული კაცი თქვენგან ითხოვს სულიერ ნუგეშის ცემას და საბოლოო მირონცხებას. აღასრულეთ თქვენი ვალი. მიჰყევით ამ კაცს, იგი მიგიყვანთ, სადაც ჯერ არს.

შიშისაგან ცივმა ოფლმა დამასხა. ისეთი წინათგრძნობა გამიჩნდა, თითქოს ჩემთვის უნდა აეგოთ წესი და ამან ძალუმაღ შემაშფოთა. მაგრამ უფლება არ მქონდა წინააღმდეგობა გამეწია, ამიტომაც მივყევი შეფუთვნილს, რომელმაც კარეტის კარი გამიღო და ხელის ჯიკავით შივ შემაგდო. იქ ორი მამაკაცი დამხვდა, რომლებმაც შუაში ჩამისვეს. მე გულის კანკალით ვიკითხე, სად მიგყავართ, ვის უნდა დავულოცო გზა საუკუნო განსასვენებელში წასავლელად-მეთქი. პასუხი არავის გაუცია. მძიმე დუმილით მივუყვებოდით რომის ქუჩებს და გზის დამთავრებას ბოლო არ უჩანდა. ბორბლების ჭრიალზე მივხვდი, რომ ქალაქგა-

რეთ ვიყავით, მაგრამ მალე ისიც ცხადად შევამჩნიე, რომ სადღაც ჭიშკარში შევედით და ეტლმა მოკირწყლულ ქვაფენილზე განაგრძო სიარული. ბოლოს კარეტა გაჩერდა, სასწრაფოდ ხელები შემიკრეს და თავზე სქელი ბერეტი ისე ჩამომაფხატეს, სახე აღარც კი მიჩანდა. ვილატა როხროსა ხმით გამოძედაპარაკა:

ვილატა
გარეგნული

— ცუდს არას მოგწევთ, ოღონდ რასაც დაინახავთ ანდა მფრინავთ ამაზე კრინტი არსად არ უნდა დაძრათ, თორემ წამიერად სიკვდილი არ აგცდებათ.

კარეტიდან გამომიყვანეს. საკეტების ჟღარუნი გაფიგონე და კარიც უშნოდ აჭრილდა ცუდად გაზეთილი ანჯამების გამო. გრძელ დერეფნებში გამატარეს, ბოლოს კიბეებზე პირქვე დავეშვი, ქვემოთ, სულ ქვემოთ, ნაბიჯების ხმაზე მივხვდი, რომ მიწისქვეშეთში ვიყავი, მიცვალებულთა აკლდამაში, რადგან ცხვირში მეცა გვამების მყრალი სუნი. ბოლოს ჩემი მეგზურები შეჩერდნენ, ხელებიც შემისხნეს, ბერეტიც წამაძვრეს თავიდან. მე ვიმყოფებოდი ფართოდ გაშლილ, ჭრაქით მკრთალად განათებულ აკლდამაში, ჩემ გვერდით იდგა შავად შეფუთვნილი კაცი, ალბათ ის, ვინც აქ მომიყვანა. ჩემ გარშემო დაბალ სკამებზე ჩამომსხდარიყვნენ დომინიკანელი მღვდლები. ის შემადრწუნებელი სიზმარი გამასხენდა, ერთხელ რომ მეზმანა საპყრობილეში. დარწმუნებული ვიყავი, წამებული სიკვდილი მელოდა, მაგრამ სულის მხნეობა არ დამიკარგავს და შევუდექი მხურვალე ლოცვას არა იმიტომ, რომ საფრთხეს განვრიდებოდი, არამედ ნეტარ აღსასრულს მივგებებოდი. რამდენიმე წუთს გაგრძელდა საშინელი წინათგრძნობებით აღსაჯსე დუმილი. ბოლოს ერთი მღვდელი მომიახლოვდა და დაგუბული ხმით ჩამილაპარაკა:

— მედარდუს, თქვენი ორდენის ერთი ძმათაგანი ჩვენ მიერ სასიკვდილოდაა მსჯავრდებული. განაჩენი სისრულეში უნდა მოვიყვანოთ. მანამდე კი ეს მღვდელი თქვენგან, წმინდა და სპეტაკი კაცისაგან, ცოდვათა შენდობასა და ნუგეშს მოეღოს. შეასრულეთ თქვენი მოვალეობა!

შეფუთვნილმა, ჩემ გვერდით რომ იდგა, მკლავში ხელი ჩამავლო და გამიყვანა ვიწრო დერეფანში, იქიდან კი პატარა აკლდამაში. კუთხეში, ჩალადაგებულ საწოლზე იწვა ფერმიხდილი, ძონძებში გამოხვეული ჩონჩხი. ჩემი მეგზური წავიდა, წასვლამდე კი წამოღებული ლამა დადო ქვის მაგიდაზე, რომელიც შუა ოთახში იდგა. მივუახლოვდი მსჯავრდებულს, რომელიც ძლივს შემობრუნდა ჩემკენ და გაფშტერდი, როცა მასში ღვთისმოსავი მღვდელი კირილუსი ვიცანი. ჩემს დანახვაზე კირილუსს ზეციურმა ნეტარმა ღიმილმა გადაურბინა სახეზე.

— აი, ანლა კი ვხედავ, — დაიწყო მან მისუსტებული ხმით, — ჯოჯოხეთის ამაზრზენმა მსახურებმა, აქ რომ მეუფებენ, მთლად არ დამამწყრალეს და ტყუილი არ მითხრეს. მათგან შევიტყვე, ჩემო საყვარელო ძმაო მედარდუს, შენი რომში ყოფნა. ძალიან მინდოდა, შენატრებოდა შენი ნახვა, რადგან ერთხელ დიდი უსამართლობა ჩავიდინე შენ მიმართ, დაუმსახურებლად გაწყენინე. ეს უწმინდურები დამპირდნენ, რომ შენს თავს მანახებდნენ, როცა ჩემი ყოფნის უკანასკნელი საათი დადგებოდა. აი, დადგა კიდევაც ჩემი აღსასრულის უამი და მათაც შეასრულეს თავიანთი სიტყვა.

მე მოწიწებით მოვიხარე მუხლი ღვთისმოსავი და ღირსპატივმი-
საგებელი მოხუცის წინაშე, ზენარითა და ფიცით შევთხოვედი აესხნა,
რატომ მოხვდა საპატიმროში და რად მიუსაჯეს სიკვდილი.

— ჩემო საყვარელო ძმაო მედარდუს, — მითხრა კირილუსმა, —
თავდაპირველად ნება მომეც მოვიხანო, რაც კი გაუგებრობის გამო
მძიმედ შევცოდე შენ წინაშე. მხოლოდ მას შემდეგ, რაც შენმა შემწეო-
ბით ღმერთი შემიხდობს ამ ცოდვას, გავბედავ და გეტყვი ჩემი შეჭირ-
ვების, ჩემი დაქცევა-დანელების ამბავს. შენ იცი, რომ მე და ჩემთან
ერთად მთელი მონასტერი წყეულ ცოდვილად მიგიჩნევდით. ვფიქრობ-
დით, რომ შენ ჩაიდინე უმძიმესი დანაშაული, ამიტომაც განგდევნეთ
ჩვენი საძმოდან. ისე, კაცმა რომ თქვას, შენს ცხოვრებაში მართლა დად-
გა ერთხელ საბედისწერო წამი, როცა ეშმაკმა კისერი ყულფში გაგაყო-
ფინა, წმინდა სამკვიდრებელს მოგგლიჯა და საერო ცხოვრების ცოდ-
ვილ გზას გაგიყენა. მეორეს მხრივ, შემზარავი დანაშაულებანი, რამაც
კინალამ მკვლელის სამარცხვინო სიკვდილი არ მოგაგო, სინამდვილეში
შენ კი არ ჩაიდინე, არამედ უტიფარმა მატყუარამ. იგი ყველას გვაცდუ-
ნებდა, თვალებს გვიხვევდა შენი სახელით, შენი სამოსით, შენი გარეგ-
ნობით, თითქოსდა შენ იყავი მკვლელი და შემადრწუნებელ დანაშაულო-
ბათა ჩამდენი. ყოვლად ძლიერმა უფალმა კი საოცარი გზით გამოააშ-
კარავა სინამდვილე. თუმცა შენი ახირება წმინდა აღთქმის გატეხვას
მოასწავებდა, ხოლო ეს ნიშნავს, რომ ქარათშუტულად შეგიცოდავს,
მაგრამ პაინც უცოდველი ხარ შემადრწუნებელ დანაშაულობებში, რასაც
გაბრალებდნენ. დაბრუნდი მონასტერში, მედარდუს, ლეონარდუსი და
ეკლესიის ძმები, რომელთაც სამუდამოდ დაკარგული ჰგონიხართ, სიყ-
ვარულითა და სიხარულით მიგიღებენ. ო, მედარდუს...

მოხუცს უღონობა მოერიდა და გრძნობა მთლად დაჰკარგა. ძლივს
დავიოკე მღელვარება, რომელიც გამოიწვია მისმა სიტყვებმა, რითაც
ჩემთვის ახალი საიდუმლო გაცხადდა. ახლა მხოლოდ მისი სულის გან-
კურნებაზე ვფიქრობდი და რაკი სხვა დამხმარე საშუალებებს მოკლე-
ბული ვიყავი, ვცდილობდი გულშეღონებული მოხუცი გონზე მომეყვანა,
ფრთხილად, წყნარად გადავუსვი მარჯვენა ხელი თავზე და მკერდზე,
ჩვეულებრივ, ამნაირად მოჰყავდათ გრძნობაზე ჩვენთან, მონასტერში
სიკვდილის პირას მყოფი, უიმედო მდგომარეობაში ჩავარდნილი სნეუ-
ლი. ამ საშუალებამ გაჭრა, კირილუსი გონზე მოვიდა და იმან, უსპე-
ტაკესი სულის უწმინდესმა კაცმა აღსარება მითხრა მე, დამნაშავესა და
ცოდვილს. მაგრამ იმ წუთებში, როცა ცოდვებს მივუტევებდი მის სულს,
რომლის უზენარესი შეცოდება მხოლოდ დაეჭვება იყო, რაშიც იგი ხან-
დახან ვარდებოდა, ყოვლად ძლიერმა ჩემში ზეციური ცეცხლის
პაწია ნაპერწკალი დაანთო და ზეგარდმო ძალა მომანიჭა, რისი შემწე-
ობითაც თითქო უბრალო იარაღი ვიყავი, უზენაესი ძალის განსხეულე-
ბული ორგანო, რომელიც იმ მიზანს ემსახურებოდა, რომ აქ, მიწიერ
სასუფეველში ჯერაც შებოჭილ, თავისუფლებას მოკლებულ ადამიანებ-
თან ადამიანური ენით შემძლებოდა ლაპარაკი. კირილუსმა ღვთისმო-
სავი მზერა ზეცას მიაპყრო და მითხრა:

— ო, ჩემო ძმაო მედარდუს, შენმა სიტყვებმა ტკივილები დამი-
ყუჩა და სიმშვიდე მომაგო. სიხარულით ვეგებები სიკვდილს, რომელიც

ცოდვილებმა განმიმზადეს. მე ვარ მსხვერპლი სიცრუისა და უწმინდურობის, რაიც ვარს ახვევია სამგზის გვირგვინოსნის ტახტს.

მძიმე ნაბიჯების ხმა გავიგონე. ეს ხმა თანდათან მოახლოვდა. რის საკეტში გასაღებები აჩხრიალდა. კირილუსი რის ვაივაგლანით მოდგა ფეხზე, ხელი დამიჭირა და ყურში მითხრა:

— დაბრუნდი მონასტერში. ლეონარდუსმა უკვე ყველაფერი მცინის ჩემზე, იცის, რატომაც ვკვდები. შეევედრე, რომ ამაზე სიტყვა არ დასრას. ჩემებრ მიხრწნილი ბებერისათვის არც ღირს მსხვერპლის გაღება. აბა იმდენს რაღას ვიცოცხლებდი. მშვიდობით, ჩემო ძმაო. ილოცე ჩემი სულის განსაკურნავად. მე თქვენთან ვიქნები, როცა მონასტერში სულის მოსახსენიებელ პანაშვიდს გადამიხდით. შემომფიცე, რაც აქ იხილე და შეიტყვე, არაფერს იტყვი, რადგან ამით თავსაც დაილუპავ და ჩვენს მონასტერსაც ათას უსიამოვნებას შეამთხვევ.

მომაკვდავის სურვილი შევასრულე. კარი გაიღო და შემოვიდნენ შავად შებურვილი ადამიანები. მოხუცი საწოლიდან წამოაყენეს, რადგან ძალაგამოცლილს თვითონ აღარ შეეძლო სიარული და დერეფნის გავლით აკლდამაში შეიყვანეს, სადაც აღრე ვიყავი. ნაცნობმა შეფუთვნილმა კაცმა მანიშნა, თან მოგვეყვიო. დომინიკანელებმა წრე შეკრეს, ბედკრული კირილუსი იმ წრეში შეიყვანეს, შუაში ჩააყენეს და უბრძანეს მუხლი მოეყარა მიწის გროვაზე, რომელიც შუა ადგილას დაეყარათ, ხელში კი ჯვარცმა მისცეს. მეც კირილუსთან ერთად დომინიკანელების მიერ გაკეთებულ წრეში შევედი და ჩემი მოვალეობის აღსრულებას შევუდექი, ხმამაღლა ვიწყე ლოცვების კითხვა. ერთმა დომინიკანელმა ქეჩოში ხელი მტაცა და გვერდზე გამწია. მოულოდნელად დავინახე ის შავად შეფუთვნილი კაცი, რომელიც უკანა მხრიდან შემოიპარა წრეში, უცებ მის ხელში მახვილმა იელვა და სულ რაღაც ერთ წამში კირილუსის გასისხლიანებული თავი ჩემს ფეხებთან დაგორდა. მე გრძნობა დავკარგე და დავეცი. როცა გონს მოვედი, ერთ პატარა სენაკის მსგავს ოთახში ვიყავი. მერე ჩემთან დომინიკანელი შემოიძურწა და გესლიანი ღიმილით მითხრა:

— თქვენ, ჩემო ძმაო, კარგა გვარიანად შეგეშინდათ. ისე კი გახარება გმართებდათ, რადგან საკუთარი თვალით იხილეთ მშვენიერი მოწამებრივი აღსასრული. ხომ ასე უნდა ეწოდოს თქვენი მონასტრის ერთ-ერთ ძმის სიკვდილით დასჯას, რომელიც დიახაც დაიმსახურა. თქვენ ხომ ყველანი თხემით ტერფამდე წმინდანები ბრძანდებით.

— ჩვენ წმინდანები არა ვართ, — ფიცხად შევეპასუხე დომინიკანელს, — მაგრამ ჩვენს მონასტერში არასოდეს მოუკლავთ უდანაშაულო კაცი. ახლა კი გამიშვით, მე ხომ სიხარულით შევასრულე ჩემი ვალი. ცხონებულის სული დამიფარავს, თუკი განგება უწმინდური მკვლელების ხელში ჩამაგდებს.

— ეჭვიც არ მეპარება, — მომიგო დომინიკანელმა, — რომ ასეთ შემთხვევაში ნეტარი ძმა კირილუსი მსგავს სამსახურს გაგიწევდათ. მაგრამ, ჩემო ძმაო, ჩვენ მიერ ჩატარებულ სიკვდილით დასჯას ნუ დაარქმევთ სახელად მკვლელობას, არ გინდათ ეს. კირილუსმა მძიმედ შესცოდა უფლის მოსაყდრის წინაშე და იმანაც თავის მხრივ არ დააყოვნა და მისი სიკვდილით დასჯა ბრძანა. განსვენებულმა ხომ ყველა-

ფერი მოინანია თქვენ წინაშე, როცა აღსარება ვითხრათ. ამიტომაც აღარ ღირს ამაზე სიტყვის გაგრძელება. ახლა კი ინებეთ და ცოტა ღვინო მოსვით, ჯანზე მოგიყვანთ და მოგიხდებათ, თქვენ ისე ფერმიხდილი და აფორიაქებული ბრძანდებით.

დომინიკანელმა ბროლის სასმისი მომაწოდა, რომელშიც მუქი წითელი, მძაფრი სუნის ღვინო ესხა. როგორც კი სასმისი შავუსთან მივიტანე, გულში ავის მომასწავებელმა ფიქრმა გამკრა. რაღაც მეცნაურა. ეს ხომ ის ღვინო იყო! ამ ღვინით გამიმასპინძლდა ეფემია იმ საბედისწერო ღამეს! სწრაფად და შეუმჩნეველად ჩავისხი ღვინო ანათორის მარცხენა სახელოში და ვითომ ჭრაქის შუქმა დამაბრმავაო, მარჯვენა ხელი თვალებზე მივიფარე.

— შეგერგოთ! — მომაძახა დომინიკანელმა და თვალის დახამხამებაში კარისაკენ მიჯიკავა ხელი, მერე ჩამაგდეს ეტლში, რომელშიც ჩემდა გასაოცრად კაციშვილი არ იყო და სასწრაფოდ იქაურობას გამაშორეს.

იმ ღამით ჩემს თავზე დატრიალებულმა საშინელებებმა, სულიერმა ელდამ და თავზარდაცემამ, უსაზღვრო წუხილმა უბედურ კირილუსზე ისე გამაოგნა და გამახევა, რომ წინააღმდეგობის ოდნავი გაწევის უნარიც კი წამერთვა. ეტლიდან გამომიყვანეს და ყოვლად უპატივცემულოდ მიწაზე დამახეთქეს. მხოლოდ გამთენიისას შევამჩნიე, რომ კაპუცინთა მონასტრის ჭიშკართან ვეგდე. ძალა მოვიკრიბე, ავდექი და ზარი დავრეკე. კარის ღარაჯი შიშისაგან შეკრთა ჩემი ფერმიხდილი, შეშლილი სახის დანახვისას და წინამძღვარს შეატყობინა ჩემი უცნაური დაბრუნების ამბავი. როგორც კი დილის წირვა ჩაატარა, წინამძღვარი დაუყოვნებლივ შემოვიდა ჩემს სენაკში. მას შეფიქრიანებული სახე ჰქონდა. შეკითხვებზე მხოლოდ ზოგადად ვპასუხობდი. ვუთხარი, რომ სულის სიღრმემდე შემადრწუნა საშინელმა სიკვდილმა კაცისა, რომელსაც გზა დაგულოცე საიქიო განსასვენებელში. მაგრამ მარცხენა ხელის აუტანელმა ტკივილმა ლაპარაკი არ დამაცალა. ტკივილი კიდევ უფრო გაძლიერდა, რის გამოც კვნესა და ყვირილი დავიწყე. სასწრაფოდ მონასტრის ქირურგს უხმეს და მომაგლიჯეს ხორცზე მიწებებული და მიმხმარი სახელო. რაღაც შხამიან ნივთიერებას მკლავზე ხორცი აეგლიჯა და ამოეწვა.

— ღვინის დაღევა შემომთავაზეს, მაგრამ იგი სახელოში ჩავისხი, — ამოვიკვინესე და საშინელმა ტკივილმა გრძნობა დამაკარგვინა.

— ღვინოში საწამლაგი იქნებოდა გარეული, — თქვა დასტაქარმა და სასწრაფოდ დამალევინა ტკივილის დამაყუჩებელი ძლიერი წამლები. ექიმის ოსტატობისა და აგრეთვე წინამძღვრის მიერ გამოჩენილი ნამეტნავი გულისყურიანობისა და მოვლა-პატრონობის წყალობით ხელის მოკვეთა საჭირო აღარ გამხდარა, ოღონდ ესაა, შხამმა მას მოძრაობის უნარი წაართვა, რადგან ხორცი ძვლამდე ამოხმა.

— შესანიშნავად ვხვდები, — მითხრა ერთხელ წინამძღვარმა, — რა მიზეზებითაც დაკარგე ხელი. ამ რამდენიმე ხნის წინ ჩვენი მონასტრიდან და სულაც რომიდან უგზოუკვლოდ დაიკარგა ღვთისმოსავი იერომღვდელი კირილუსი. თქვენც იგივე ბედი გელით, საყვარელო ძმაო

მედარდუს, თუკი დაუყოვნებლივ არ დატოვებთ პაპის ადგილსამყოფელს. ვიდრე მძიმედ იყავით ავად, რამდენჯერმე იკითხეს თქვენი ამბავი ფრიად საეჭვო პირებმა, და მხოლოდ ჩემს სიფხიზლესა და თანამოაზრე წმინდა ძმათა ერთსულოვნებას უნდა უმადლოდეთ, სიკვდილმა რომ სენაკში არ მოგისწროთ. ისე კი, ჩანს, უცნაური კაცი უნდა ბრძანდებოდეთ, ყველგან საბედისწერო არეში რომ იმყოფება. და არც ჩნავასაკვირი, რომში მცირე ხნით ყოფნისას თქვენდა უნებურად ისე გამოიჩინეთ თავი, ზოგიერთმა თვალსაჩინო პიროვნებამ თქვენი გზიდან ჩამოცილება თუ მოისურვა. დაბრუნდით სამშობლოში, მშობლიურ მონასტერში. და მშვიდობა გფარავდეთ მუდამ!

თვითონაც შესანიშნავად ვგრძნობდი, სიცოცხლეს საფრთხეში ჩავიგდებდი, თუკი რომს სასწრაფოდ არ დავტოვებდი. მაგრამ როცა გაწამებული ვიხსენებდი განვლილი ცხოვრების უტიფარ ქმედებას, რასაც უმკაცრესი მონანიებითაც ვერას ვშველოდი, ამას კიდევ ემატებოდა ფიზიკური ტკივილი გამხმარი მკლავისა. ტანჯვა-ვაებით აღსავსე უბადრუკ ყოფას არაფრად ვავლებდი, რადგან სიკვდილი მენატრებოდა, ჩემთვის იგი ხსნაც კი იყო, ღვთისგან მოვლენილი მარტვილობის გვირგვინი, რომელიც დავიმსახურე მკაცრი მონანიებით და ლოცვებით და თუკი სიკვდილი მოულოდნელად მეწვეოდა, მისთვის მზად ვიყავი, იმდენად შევეჩვიე იმაზე გამუდმებულ ფიქრს. ხშირად მეჩვენებოდა, რომ მონასტრის ჭიშკრიდან გამოსულს ვილაც მოქუფრული და პირგამეხებული კაცი ანაზღეულად მკერდში მახვილს ჩამცემდა. ხალხი თავს მოიყრიდა ჩემს გასისხლიანებულ გვამთან და ცას შეაჯერებდა საწყალობელი მოთქმა-ყვირებით: „მედარდუსი მოჰკლეს, ღვთისმოსავი და მონანიე მედარდუსი“. ეს ამბავი ელვისებური სისწრაფით მოედებოდა რომის ქუჩებს, ხალხი ჯგროდ მოაწყდებოდა უბედური შემთხვევის ადგილს, ცხარე ცრემლით დამიტირებდნენ მიცვალებულს. ქალები მუხლებზე დაეცემოდნენ, თოვლივით ქათქათა ცხვირსახოცებით ჭრილობიდან გადმომსკდარ სისხლს მომწმენდნენ. ერთი მათგანი ჯვრისებურ ნაიარევს შეამჩნევდა ჩემს კისერზე და ხმამაღლა წამოიძახებდა: „იგი მარტვილია! იგი წმინდანია! შეხედეთ, კისერზე უფლის ნიშანი ამჩნევია!“ ყველანი მუხლებზე დაეცემოდნენ. ნეტარი იქნებოდა, ვინც წმინდანის სხეულს, თუნდაც მის სამოსს შეეხებოდა. მერე ჯალამბერს მოიტანდნენ და ვარდ-ყვავილებით მორთულ-მოკაზმულ წმინდანის სხეულს ზედ დაასვენებდნენ. ჭაბუკები ასწევდნენ ჯალამბერს და გალობითა და ლოცვით წარიღებდნენ წმინდანის ნეშტს წმინდა პეტრეს ტაძარში. საზეიმო პროცესიას ზღვა ხალხი გააცილებდა. აგზნებული ფანტაზია იმზომ ცოცხალი და ნათელი ფერებით მიხატავდა ჩემს ამქვეყნიურ განდიდებას, რომ მტკიცედ განვიზრახე სრული განკურნების შემდეგ, — ისე რომ ფიქრადაც არ მომსვლია და არც ეჭვი შემპარვია იმაში, ბოროტი სული რომ კვლავ ცდილობდა ჩემს ცდუნებას, მკრეხელური გულზვაობით ჩამაგონებდა რომში დარჩენას და ჩვეული ცხოვრების განგრძობას, — ან სახელგანთქმული მოვმკდარიყავი ანდა, თუ პაპი გამომტაცებდა მტრების ბრწყალებს, მიმედწია საეკლესიო იერარქიის უმაღლესი საფეხურისათვის. ჩემი სიცოცხლისუნარიანობისა და გამძლეობის წყალობით შემეძლო არაადამიანური ტკივილი ამეტანა და წინააღმდეგობა გამეწია ჯო-

ჯოხეთური სამსალის ზემოქმედებისთვის, რამაც სულმთლად მომსპო და გამანადგურა. ექიმი დამპირდა მალე განიკურნებო. ციებ-ცხელების შემოტევისას ვბოდავდი. ეს ბოღვა ჩაძინების წინ ძილ-ბურჯანში/ყოფნი-სას მეწყებოდა. ამ დროს ხან სიცვიისგან ვაკაწკაწებდი კბილებს, ხანაც სიცხით ვიყავი გათანგული. სწორედ ამ წუთებში ~~სამკურთაში~~ მარტ-ვილობის წარმოსახვაში ჩაძირულმა ჩემი თავი, როგორც ეს სწორად მომსვლია ხოლმე, მკერდში სასიკვდილოდ დაჭრილი ვიხილე. მაგრამ ამ-ჯერად ესპანურ მოედანზე როდი ვიწეჭი გამხლართული, როგორც ეს სხვა დროს დამსიზმრებია, ჩემი მაქებ-მადიდებელი ხალხით გარშემოხ-ვეული, ამის მაგივრად ჩემი გვამი ეგლო ბ-ს მონასტრის ბაღთან მდებარე დაცარიელებულ ხეივანში. ფართოდ პირდაღებული ჭრილობიდან მოწვეთავდა არა სისხლი, არამედ მყრალი, უფერო სითხე და მე გავი-გონე ვილაცის კვნესით ნათქვამი: „ნუთუ წამებულთა სისხლი მთლად დაიღვარა? მე განვწმენდ და ფერს მივცემ ბინძურ წყალს და მაშინ იმას თავზე გვირგვინს დაადგამს ცეცხლი, რომელიც ნათელზე გაიმარჯვებს“. ეს სიტყვები მითქვამს თურმე მაშინ, როცა ვიგრძენი, როგორ დამშორ-და ჩემი მკვდარი თვითარსი, ოღონდ ის კი შევამჩნიე, რომ ჩემი „მე-ს“ არსგამოცლილი ფიქრი ვიყავი, მაგრამ მალე შევიცანი თავი ჩემი მეწა-მულისფერ ყვავილად, რომელიც ეთერში დაცურავდა. მათა მოელგა-რე მწვერვალზე ავიმართე და მინდოდა მშობლიურ ციხე-კოშკში შე-მელწია დილის ღრუბლებით მოოქროვილი კარიბჭის გავლით, მაგრამ ცის კამარაზე ცეცხლში აბრიალებული გველების დარად გზა გადამიკე-ტეს ელვებმა და სველი უფერო ნისლივით დავეცი მიწაზე. „ეს მე ვარ, მე, — ამბობდა ჩემი ფიქრი, — ვინც თქვენს ყვავილებს, თქვენს სისხლს ფერს აძლევს, ეს ყვავილები და სისხლია თქვენი საქორწილო შესამკო-ბელი, რომელსაც მე განვიმზადებთ“. რაც უფრო ღრმად ვეშვებოდი ჰვემით და ქვემით, ვხედავდი ცხედარს, მკერდზე ფართოდ პირდაღე-ბული ჭრილობით, საიდანაც ღვარად მოედინებოდა უწმინდური წყა-ლი. ჩემს სუნთქვას ეს წყალი სისხლად უნდა ექცია, მაგრამ ეს ვერ მოხ-და. ცხედარი წამოიძარტა და გაქვავებული, ჩაცვნილი თვალები შემო-მამტვრა, მერე კი ისე დაიღრიალა, თითქოს უღრან ხეობაში მოთარეშე ჩრდილოეთის ქარი იყო. „თვალდავსებულ ბრყვულ აზრო, როდის ყოფილა ბრძოლა სინათლესა და ცეცხლს შორის? მაგრამ სინათლე ხომ ცეცხლით ნათლობაა მეწამულისფერი ყვავილისა, რომლის მოწამვლაც შენ გინდოდა“. ცხედარი მიწაზე დაეცა. მინდვრის ყვავილებმა ჭკნობა იწყეს და თავები ძირს დახარეს, ადამიანები, ფერმიხდილი აჩრდილების დარად, მიწაზე დაეცნენ და ჰაერში გაისმა ათასხმოვანი უნუგეშო გო-დება: „ო, მეუფეო, მეუფეო, განა ისე განუზომლად დიდია ჩვენთა ცო-ღვათა სიმძიმე, რომ შენ ძალას აძლევ ადამიანის მოძულეს, რათა გაა-ცამტვეროს ცოდვილი მსხვერპლი ჩვენი სისხლისა?“ ცას წვდებოდა მოთქმა-მუდარა, რომელიც ზღვის აბობოქრებულ ტალღებს ედარებო-და. ის იყო ჩემი ფიქრი უნდა განფანტულიყო უნუგეშო გოდების ძა-ლუმ ბგერებში, როცა სიზმრისაგან გამოვფხიზლდი, თითქოსდა ელექ-ტრონულმა დარტყმამ გამომალვიძა. მონასტრის კოშკის ზარმა თორ-მეტი ჩამორეკა. ეკლესიის ფანჯრებიდან დამაბრმავებელი შუქი დაეცა

ჩემს სენაკს. „მიცვალებულები საფლავებიდან წამოდგნენ და ღვთის-
 მსახურებას იწყებენ“, — გავიფიქრე და გულმხურვალე ლოცვა დავი-
 წყე. უცერად კარზე ნელი კაკუნი მომესმა. ვიფიქრე, ალბათ რომელი-
 მე მღვდელს უნდა ჩემთან შემოსვლა-მეთქი. მაგრამ შევძრწუნდი, რო-
 ცა გავიგონე შიშისმომგვრელი ხითხითი და სიცილი ჩემი ორქულისაგან
 რდილისა. იგი მტანჯველი გახელებითა და ქირქილით მეძახდა: „მეძახ-
 კო... ძამიკო... კვლავ შენთანა ვარ... ჭრილობიდან სისხლი მოწვე-
 თავს... ჭრილობიდან სისხლი მოწვეთავს... წითელი... წითელი... წამო-
 დი ჩემთან, ძამიკო მედარდუს! წამოდი ჩემთან!“ საწოლიდან წამოხტომა
 მინდოდა. მაგრამ თავზარდამცემმა შიშმა ყინულის საბანში გამახვია და
 ყოველი ჩემი მოძრაობა ლამის ყოვლისწამლეკავ კრუნჩხვად იქცა, მე
 შევთხოვდი უფალს გადავერჩინე ბნელი ძალებისაგან, რომლებიც ჯო-
 ჯოხეთის გაღებული კარიბჭიდან მესხმოდნენ თავს. ცხადად მესმოდა
 სულსა შიგან შეთხზული ჩემი ლოცვა და ამ ლოცვამ დაახშო ამაზრზე-
 ნი ორეულის კაკუნი, ხითხითი და უსიამო როშვები, მაგრამ ბოლოს
 ყველაფერი ჩაიკარგა უცნაურ ზუზუნში, გეგონებოდა, სამხრეთის ქარ-
 მა მწერების გუნდები გამოაღვიძა და აყვავებულ ნათესებს შხამიანი დი-
 ნგებით ამოსწოვა სიცოცხლის ძალაო. ეს ზუზუნის იქცა ადამიანთა უნ-
 უგეშო დრტვინვად და ჩემმა სულმაც იკითხა: გრძნეული ხომ არ არის
 ეს სიზმარი, გულის ჯერაც შეუხორცებელ ჭრილობას რომ მაღამოდ
 მოეცნება და ნუგეშსა და განკურნებას მომიტანსო. სწორედ ამ წუთში
 მწუნრის მეწამულისფერმა ციალმა გაჰკვეთა პირქუში და უფერო ნის-
 ლი და იქიდან ტანმალალი სახება წამოიშართა. ეს იყო ქრისტე. მისი
 ჭრილობის ყოველი წვეთი სისხლი მარგალიტივით ციმციმებდა, კვლავ
 დაუბრუნდა დედამიწას ბადახშისფერი და ადამიანთა დრტვინვა-ვიშვი-
 ში სადღესასწაულო ჰიმნად გადაიქცა, რადგან ბადახშისფერი ეს უფლის
 წყალობა იყო, რომელიც ადამიანურ მოდგმას მიეგება. მხოლოდ მედარ-
 დუსის ჭრილობიდან მოსჩქეფდა უფერული სისხლი და იგი გულმღუღა-
 რედ მოთქვამდა: „ნუთუ მთელ ქვეყნიერებაზე ერთადერთმა მხოლოდ
 მე უნდა ვიტანჯო და ვიმწუნარო უნუგეშო წუხილით მარადიულ წყევ-
 ლასა და სატანჯველს მინებებულმა?“ უცებ ბუჩქებში რაღაც შეირხა:
 ციური შუქით აფერადებულმა ვარდმა აღიღო თავი და მედარდუსს
 ანგელოსის ნაზი ღიმილით შეხედა. მედარდუსი ვარდის ტკბილი სურ-
 ნელით აღივსო. ეს სურნელი იყო საოცარი ნათება გაზაფხულის უებრო
 ჰაეროვნებისა. „ცეცხლს არ გაუმარჯვნია, ცეცხლსა და ნათელს შორის
 როდია ბრძოლა. ცეცხლი სიტყვაა, რომელიც ცოდვილს ჰფენს ნა-
 თელს“. — ეს სიტყვები თითქო ვარდმა წარმოთქვა, მაგრამ ვარდი ქა-
 ლის უნაზეს ხატებად იქცა. იგი შემომეგება თეთრი სამოსით, თმაში ჩა-
 წნული ვარდის კონებით. „ავრელია!“ — აღმოჩნდა სიზმრისაგან გა-
 მოფხიზლებულს. ჩემს სენაკს კვლავ აღავსებდა ვარდების საოცარი სურ-
 ნელი და მე ნამდვილად მეგონა, თუმცა ეს აშკარა ტყუილი იყო და
 ჩემი წარმოსახვის ნაყოფი, რომ ავრელიას ვხედავდი სინამდვილეში.
 ჰო, იგი ჩემს სენაკში შემოსულიყო და მიყურებდა თავისი ფიქრიანი და
 თვალხმიერი მზერით, ვიდრე ბოლოს არ განიფანტა ვარდების სურნე-
 ლთან, დილის რიურაჟთან ერთად. ახლა კი ცხადად დავინახე, როგორ
 მაცდუნა ხელახლა სატანამ და სასწრაფოდ მივაშურე ეკლესიას, დიდ-

ხანს ვილოცე გულმხურვალედ წმინდა როზალიას საკურთხეველთან. ეს არ იყო თვითგვემა ანდა სხვა რაიმე გამოხატულება სამონასტრო მონანიებისა. როცა შუადღის მზემ დედამიწას სხივები დააფრქვია, უკვე რამდენიმე საათის დატოვებული მქონდა რომი. არა კირილუსის შეგონება, არამედ ღრმა და უსაზღვრო სევდა მიმეწეოდა. სამშობლოსაკენ იმავე ბილიკებით, რამაც ადრე რომში ჩამომიყვანა. საოცარი იყო, თითქოს მინდოდა საკუთარ მოწოდებას გავქცეოდი, ალექსანდრე, მაგრამ მაინც ჯიუტად მივდევი მიზანს, რომელიც წინამძღვარმა ლეონარდუსმა დამისახა.

მე თავი მოვარიდე ჰერცოგის რეზიდენციას, მაგრამ იმიტომ კი არა, რომ მეშინოდა, კვლავ ხელთ არ ჩავვარდნოდი სისხლის სამართლის სამსჯავროს, როგორ შემეძლო გულისგამპობი მოგონებების გარეშე მეხილა ადგილი, სადაც მკრეხელური მედიდურობით მოვიწოდებე მიწიური ნეტარება, რომელიც დიხსაც აკრძალული მქონდა, ვითარცა ღვთისმსახურს. ო, მე არ შემეძლო შენახა ადგილი, სადაც ზურგი ვაქციე სიყვარულის მარადიულ წმინდა სულს და ცხოვრების სხივნათლიერ უამად ჩავთვალე ხორციელ ვნებათა დაკმაყოფილების წამი, როცა გრძნობიერი და ზეგრძნობიერი ერთ ცეცხლში იწვის და ბრიალებს, სადაც, სიცოცხლის მჩქეფარე სისავსედ, თავისივე ნებიერი და თვალწამტაცი საგანძურით ნასაზრდოები, მომევიღინა პრინციპი, რომელსაც ნამეტნავად უნდა უარეყო სწრაფვა ზეციურისაკენ, რისთვისაც მარტოოდენ რიოში თვითუარყოფა შემეძლო დამერქვა. და უფრო მეტიც, განკურნების მიუხედავად, რაიც მომიტანა ჩემმა უმწიკვლო ფერისცვალებამ და გამუდმებულმა ძნელმა მონანიებამ, სულის სიღრმეში უძლურებასაც ვგრძნობდი, ღირსეულად გადამეტანა ბრძოლა იმ ბნელ, შიშისმომგვრელ ძალასთან, რომლის ზემოქმედებაც ხშირად ასე უმწეოდ გამომიციდია საკუთარ თავზე და ანაზღეულად მალიზიანებდა კიდევაც. რანაირად შემეძლო ამეტანა ავრელიას კვლავ ხილვა? თანაც როგორი ავრელიასი! სრული მშვენიერებითა და მომაჯადოებელი სიტუაციით სხივმფინარესი. ეგ არაფრით არ შეიძლებოდა, თუკი არ დავამარცხებდი ბოროტ სულს, რომლის ჯოჯოხეთური ცეცხლი სისხლს მიმღვრევდა, დულდა, ბოზოქრობდა ჩემს ძარღვებში. რა ხშირად მომლანდებია ავრელიას სახება შფოთიერად, მაგრამ ასევე ხშირად ამბორგებია გულის შიგნით გრძნობები, რისი ცოდვიანობაც გამისიგრძეგანებია და რის ამოძირკვასაც ჩემივე ნება-სურვილით ძალუმად ვცდილვარ. ამკარად მჯეროდა, რომ ჩემი წრფელი მონანიების დასტური იყო იმის აღიარება — ყველაფერი ჩემგან წამოსული შემეცნო, გამეცნობიერებია აგრეთვე ჩემი უმწეობის შეგრძნება, რამაც ბრძოლისათვის თავის არიდების განცდა გამიჩინა, ხოლო ნუგეშად მრჩებოდა რწმენა იმისა, რომ უსათუოდ მიმატოვებდა გულზვაგობის ჯოჯოხეთური სული, სიგოროზე, რამაც ბნელ ძალებთან თავი გამატოლებინა და მათთან ორთაბრძოლა გამაჩაღებინა. სამშობლოსაკენ მივიჩქაროდი, მთები გადავიარე. ერთ დილით ვაკე-მინდორზე მოულოდნელად ნისლით დაბურული ციხე-კოშკი დავინახე. როგორც კი მივუახლოვდი, მაშინვე ვიცანი ბარონ ფ-ის ციხე-სასახლე. ჰო, ბარონ ფ-ის მამულში ვიყავი. ო, ღმერთო, რა იავარქმნილი ვიხილე ერთ დროს ეგზომ აყვავებული ალაგი. პარკი უღრან ტყეს დამსგავსებოდა, ხეივნები

მოუვლელი იყო და სარეველა ბალახებით დაფარული. ციხე-სასახლის წინ გაშლილ მშვენიერ მინდორზე ნადირ-ფრინველნი დაძრწოდნენ, დაბალახობდნენ. ბევრგან თვალში მოგხვდებოდა ჩამსხვრეული ფანჯრის მინები, ჩამოქცეული სადარბაზო. კაცის ჭაჭანება არსად ჩანდა. ენარაგდებული ვიდექი გაუნძრევლად და გაოცებული ვიყავი ამ უცხოელებს ადგილსამყოფლის ხილვით. უცებ ვილაცის წყნარი ამოკვნესა გავიგონე ჯერაც საკმაოდ კარგად შენახული ფანჯარისაგან. მოვიხედე და ჭალარათმიანი მოხუცი დავინახე, რომელიც თალარში იჯდა, მე კი ვერც შემაძინია, თუმცა არცთუ ისე შორს ვიდექი მისგან. როცა კიდევ უფრო მივუახლოვდი, მისი სიტყვები მომესმა:

— ვინც კი მიყვარდა, ყველა წავიდა ამ ქვეყნიდან. ო, ავრელია, ავრელია, შენს დაკარგვასაც მოვესწარი. ჩემი ერთადერთი ნუგეში შენ იყავი და ცოცხალი აღარა ხარ. ჩემი უკანასკნელი სასოება! შენ სამუდამოდ დატოვე ეს ქვეყანა.

მე ვიცან მოხუცი რაინპოლდი და ადგილზე გავშეშდი.

— ავრელია მოკვდა? არა და არა! მართალს არ ამბობ, მოხუცო! ყოვლად ძლიერმა უფალმა დაიფარა იგი ცოდვილი მკვლელის დანისაგან! — ვიყვირე გაოგნებულმა.

მოხუცი ჩემი ხმის გაგონებაზე შეძრწუნდა, თითქოს მეხი დაეცაო, ხმამაღლა წამოიძახა:

— მანდ ვინ არის? მანდ ვინ არის? ლეოპოლდ, ლეოპოლდ!

მის დაძახილზე ბიჭმა მოირბინა. მე რომ დამინახა, მდაბლად თავი დამიკრა და თავაზიანად მომესალმა.

— *Laudetur Jesus Christus!*¹

— *In omnia saecula Saeculorum.*²

— მივუგე პასუხად ყმაწვილს. მოხუცი წამოდგა და კიდევ უფრო ხმამაღლა დაიძახა:

— ვინ არის მანდ? მანდ ვინ არის?

ახლა კი მივხვდი, რომ მოხუცი აბუეტი იყო.

— აქ ბრძანდება დიდად ღირსეული ბატონი, კაპუცინთა ორდენის წმინდა მამა, — მიუგო ბიჭმა.

მოხუცს ელდა ეცა, ძრწოლამ შეიპყრო, მერე აყვირდა:

— ჩქარა, ჩქარა წავიდეთ აქედან! წამიყვანე, ბიჭო, აქედან. შინ მინდა, შინ. კარი მაგრად ჩარაზე! პეტრემ გვიდარაჯოს! გამაშორე აქაურობას და შინ წამიყვანე!

მოხუცმა რის ვაივაგლახით მოიკრიბა ძალა, რომ გაქცეულიყო. იგი გამირბოდა, ვითარცა მტაცებელ მხეცს... ბიჭი შეშინებული და გაოცებული მიყურებდა. მოხუცი არ დაელოდა, როდის წაიყვანდა ბიჭი, თვითონ სტაცა ხელი მას და წაათრია. მალე ორივენი კარს იქით გაუჩინარდნენ. ისიც კარგად გავიგონე, როგორ მაგრად ჩარაზეს კარი.

ამ სამწუხარო სურათმა უწინდელზე უფრო ცხოვლად მომაგონა ჩემი წარსული დანაშაულობანი და თავქუდმოგლეჯით მინდოდა გავცლოდი ჩემ მიერ ჩადენილი ავი ქმედებების მოწმე უტყვ ადგილებს. მა-

1. ვადიდოთ იესო ქრისტე. (ლათ).

2. უკუნითი უკუნისამდე. (ლათ.).

ლე ულრან ტყეში აღმოვიჩინდი და ქანცმილეული ხის ძირში ხავსიან ლოდზე ჩამოვჯექი სულის მოსაბრუნებლად. იქვე ახლო მომკრთ ბორცვზე ხის ჯვარი დაედგათ. ილაჯგაწყვეტილი რბილ ხავსზე წამოვწექი და მალე ჩამეძინა. როცა გამოვიღვიძე, ერთობ გამიკვირდა, ვიღაც უცნობი მოხუცი გლეხი რომ მეჯდა გვერდით, ეტყობა, ჩემს გამორჩეულებას უცდიდა. როგორც კი თვალი გავახილე, მოკრძალებით მოინახდა ქუდი და მომესალმა, მერე სავსებით კეთილსინდისიერი და ღვთისნიერი კილოთი მითხრა:

— თქვენო უწმინდესობავ, დარწმუნებული ვარ, შორიდან ბრძანდებით მოსული და ალბათ მეტისმეტადაც გადაიქანცეთ, თორემ ამ საშინელ ალაგას ასე ტკბილად რა ჩავაძინებდათ. თქვენ იქნებ სულაც არ იცოდეთ იმ უბედურებაზე, ამ რამდენიმე წლის წინ რომ მოხდა.

მე დავარწმუნე მოხუცი მღვდელი, რომ უცხოელი მლოცველი ვიყავი, იტალიიდან მოვდიოდი და წარმოდგენაც არ მქონდა აქაურ ამბებზე.

— სხვათა შორის, — შენიშნა გლეხმა, — ეს უბედური ამბავი თქვენი ორდენის მღვდელს შეემთხვა. მართალი გითხრათ, როცა ტკბილად მძინარე დაგინახეთ, იქვე შორიასლო ჩამოვჯექი, გიდარაჯებდით, ცუდი არაფერი მოუვიდეს-მეთქი. ამბობენ, რომ ამ რამდენიმე წლის წინ აქ ერთი კაპუცინი მღვდელი მოუკლავთ. იმასაც ამბობენ, რომ წინა დღით ჩვენი სოფელი გამოიარა იმ კაპუცინმა, აქ ღამე გაათია, მერე კი მთებს მიაშურა. სწორედ იმ დღეს ერთი ჩემი მეზობელი ღრმა ვიწრობით ქვემოთ ჩაუყვებოდა ეშმაკის უფსკრულს და მოულოდნელად შორეული ყვირილი გაუგონია ერთობ უცნაური. მას დაუნახავს, — მაგრამ მე ეს შეუძლებლად მიმაჩნია, — კლდის ქიმზე მდგარი კაცი როგორ გადაეშვა უფსკრულში, მაგრამ მეც და ბევრმა ჩემმა სოფელელმაც დავიჯერეთ, რომ ეს კაცი კაპუცინი უნდა ყოფილიყო. ერთი-ორი სოფლის მაცხოვრებელთან ერთად უფსკრულში ჩავედით, ოღონდ ისე ფრთხილად, სიცოცხლე საფრთხეში არ ჩავვიგდია და გადაჩეხილი გვამის ძებნას შევუდექით, მაგრამ ვერაფერი ვიპოვეთ. და სასაცილოდაც ავიგდეთ ერთი მეზობელი, რომელსაც შინ დაბრუნებისას ერთ მთვარიან ღამეს ღარტაფში უცებ ეშმაკეული უფსკრულიდან ამოსული დედამობილა კაცი დაუნახავს. შიშისაგან ღამის გული გასკდომია, მაგრამ საქმე ის არის, მოგვიანებით შევიტყვეთ, რომ კაპუცინი, ღმერთმა უწყის, რატომ, ვიღაც წარჩინებული გვარის კაცს მოუკლავს, ხოლო გვამი ეშმაკის უფსკრულში ჩაუგდია. სწორედ ამ ადგილას უნდა მომხდარიყო მკვლელობა და ამაში დარწმუნებულიც ვარ. თუ რატომ მგონია ასე, ამაზე ახლავე მოგახსენებთ. ერთხელ ტყეში ფიქრებში წასულმა ამოდრუნტული ხე შევამჩნიე. ხის ფულუროში რაღაც მუქი ყავისფერი ნაჭერი დავინახე. სასწრაფოდ მივიჭერი ხესთან და იქიდან კაპუცინის ახალთახალი სამოსი ამოვათრიე, რომელსაც სახელოზე სისხლის წვეთი ეცხო, ხოლო ნაწიბურში სახელი „მედარდუსი“ იყო ამოკერილი. ვიფიქრე, ჩემებრ ღატაკმა კაცმა სიკეთე რომ ქნას, არაფერი დაუშავდება-მეთქი, ანაფორას გავყიდი, ხოლო აღებული ფულით საწყალ ღირსპატივცემულ ბატონს, სიკვდილს რომ მოუმზადებლად შეხვდა, წირვას გადაეუხდი, აბა, ზიარებას სად მოასწრებდა-მეთქი. და აი, მღვდლის

სამოსი ქალაქში წავიღე გასაყიდად, მაგრამ მეძველმანეთაგან იგი არა-
ვინ იყიდა, რადგან იმ მხარეში კაპუცინთა მონასტერი არსად არ იყო,
ბოლოს ერთ კაცს შევხვდი, ჩაცმულობის მიხედვით ეგერი ან პეტრე
უნდა ყოფილიყო. მითხრა, სწორედ კაპუცინის სამოსი მჭირდებაო და
კარგა ბლომადაც ვადამიხადა. აღებული ფულით ჩვენი ^{მონასტერი}
მღვდელს კაპუცინის სახელზე წირვა გადავასდევინე და იმასაც უხელ-
რი მღვდლის სამარცხვინო სიკვდილის აღსანიშნავად აქვე ჯვარი აღმა-
რთა, რადგან ეშმაკის უფსკრულში ამას ვერ იზამდა. მაგრამ ნეტარი
ბატონი დიდი თავზესელაღებული ვინმე უნდა იყოს, იგი ახლაც ამ ად-
გილებში დაეხეტება, ეტყობა, მღვდლის წირვა-ლოცვამ არაფერი უშ-
ველა. ამიტომაც უმორჩილესად გთხოვთ, წმინდა მამაო, როცა შინ
მშვიდობით მიხვალთ, გადაუხადეთ სულის მოსასხენიებელი წირვა თქვე-
ნივე ორდენის ძმა მედარდუსს. აღმითქვით, რომ ამას უსათუოდ გა-
აკეთებთ.

— თქვენ რაღაც გეშლებათ, ჩემო კეთილო მეგობარო. — ვუთხარი
გლესს, — იტალიაში მიმავალი კაპუცინი მედარდუსი, რომელმაც გზად
თქვენი სოფელი გამოიარა, არ მომკვდარა. მას არ სჭირდება სულის
მოსასხენიებელი წირვა. იგი ცოცხალია და თვითონვე ილოცებს თავი-
სი სულის სამუდამო ხსნისათვის. მედარდუსი თვითონ მე ვარ.

ეს ვთქვი, ანაფორა შევიხსენი და წავაკითხე ანაფორის ნაწიბურში
ამოკერილი სახელი „მედარდუსი“. როგორც კი გლესმა ჩემი სახელი
წაიკითხა, სახელზე მკვდრისფერი დაედო და შეძრწუნებული მომამტერ-
და. მერე ფეხზე წამოვარდა, ყურთასმენის წამლები ყვირილი ატეხა და
თავქუდმოგლეჯილი გაიჭრა ტყეში. ცხადი იყო, მოკლული მედარდუ-
სის აჩრდილად ჩამთვალა და ამაოდ დავეშვებოდი, გადამერწმუნებინა
იგი. უკაცრიელი გარემო, შიშისმომგვრელი სიჩუმე, რასაც ზოგჯერ
ტყის განაპირა მორაკრაკე მდინარის ყრუ შხუილი არღვევდა, ეს ყველა-
ფერი ნოყიერ ნიადაგს ქმნიდა შემადრწუნებელი მოჩვენებების მოსალა-
ნდებლად. გამახსენდა ჩემი შესაზარი ორეული და გლესის ძრწოლა მეც
გადმომედო. სულთ ხორცამდე ამიტანა კანკალმა. ეს ორეული საცაა
რომელიმე ბუჩქიდან გამოძვრება და თავზე დამაცხრება-მეთქი. როგო-
რღაც ძალ-ღონე მოვიკრიბე და გზა განვაგრძე, თანდათან განვიშორე
მტანჯველი ფიქრები იმაზე, თითქოს მე ცოცხალი ადამიანი კი არა,
მოჩვენება ვარ, მოხუც გლესს რომ ვეგონე. თანდათან ჩემთვის ცხადი
გახდა, რანაირად ჩაუვარდა ხელში ჩემი კაპუცინური სამოსი შეშლილ
მღვდელს, რომელსაც მეტყევის სახლში გადავეყარე და რომლის სამოს-
ში ჩემ მიერ ტყეში დაგდებული საკუთარი ანაფორა ვიცანი. აშკარა
იყო, მეტყევემ, ვისთანაც მღვდელი ცხოვრობდა, ქალაქში შეიძინა ჩე-
მი კაპუცინური ჩასაცმელი. სულის სიღრმემდე შემძრა იმის გაფიქრე-
ბამ, რანაირად შეიძლებოდა ეშმაკის უფსკრულთან მომხდარი საბედის-
წერო შემთხვევის ეგზომ უცნაური გაუკუღმართება. მე ხომ შესანიშ-
ნავად ვხედავდი, რანაირად შეიძლებოდა ყველა გარემოებას მთლიანო-
ბაში ისე მოეყარა თავი, რომ ასე საბედისწეროდ არეოდათ ერთმანეთში
ჩემი და ვიქტორინის სახეები. ჩემთვის მეტად მნიშვნელოვანი იყო იმ
დამფრთხალი მეზობლის გასაოცარი ხილვაც და მჯეროდა, უფრო ნა-
თელ ახსნას მოვუძებნიდი ამ მოვლენას, მაგრამ თუ სად და რანაირად,
ამაზე წარმოდგენაც არ მქონდა.

კადევ რამდენიმე კვირას ვიხეტიალე შეუსვენებლივ და ბოლოს და ბოლოს მივაღდექი ჩემს სამშობლოს. გული ძალუმად ამიძგერდა, როცა ამდენი ხნის უნახავი, ჩემ წინ გადაშლილი ქალთა კარტეზიანული მონასტრის კოშკები დავინახე. სოფლის გადავლით ეკლესია-მონასტრის წინ გაშლილ მოედანზე გამოვედი, შორიდან მომესმა ეკლესიის ჰიმნები მამაკაცთა გუნდის შესრულებით, მალე, ჯვარც-გაშჳინდა, ჯვარს უკან ბერები მოჰყვებოდნენ წყვილ-წყვილად და საზეიმო სვლით. ო, მე გულის თრთოლვით ვიცანი ჩემი ორდენის ძმები. მათ სათავეში ედგა ჭალარათმიანი ლეონარდუსი, რომელიც ახალგაზრდა, ჩემთვის უცნობ მღვდელს მოჰყავდა. სიმღერ-სიმღერით ისე ჩამიარეს, ვერც შემამჩნიეს და მონასტრის გაღებულ კარიბჭეში შევიდნენ. საზეიმო მსვლელობას მოსდევდნენ ბ-ს მინისტრის დომინიკანელი და ფრანცისკანელი ბერები. მაგრად ჩარაზული კარეტებით შევიდნენ მონასტრის ეზოში ბ-ს ქალთა საყდრის ნათელცხებული მონაზვნები. სასულიერო წოდების დიდი თავყრილობა დასტური იყო იმისა, რომ მონასტერში რალაც უჩვეულო დღესასწაული მზადდებოდა. ეკლესიის კარები ყურთამდე გააღეს, მე შიგ შევედი და შევამჩნიე, რა გულმოდგინედ დაეგავათ და დაესუფთავებინა ირგვლივ ყველაფერი. მთავარი საკურთხეველი და სამლოცველოები ყვავილწნულებით შეემკოთ. ეკლესიის მსახური ბევრს ლაპარაკობდა ახლად აკოკრებულ ვარდებზე, სისხამ დილით რომ დაუკრეფიათ, რადგან აბატისას გარკვევით უბრძანებია, სწორედ ვარდებით მოერთოთ მთავარი საკურთხეველი. ვიდრემდე ძმებს ვეახლებოდი, ჯერ დილის ლოცვებით თავი მოვიმაგრე, მერე კი წინამძღვარი ლეონარდუსი ვიკითხე. კარის დარაჯმა დარბაზში შემიყვანა, სადაც ძმებით გარშემორტყმული ლეონარდუსი სავარძელში იჯდა. ხმამალა ავქვითინდი და დიდი მღელვარების გამო სიტყვაც ვერ დავძარი, ისე დავეცი მუხლებზე მის წინაშე.

— მედარდუს! — წამოიძახა მან და ძმებიც მაშინვე აჩურჩულდნენ.

— მედარდუსი, ძმა მედარდუსი დაბრუნდა! იგი კვლავ ჩვენთანაა...

ფეხზე წამომაყენეს და მხურვალედ ჩამიკრეს გულში.

— ზეციურ ძალთა შეწევნით შენ გადაურჩი წუთისოფლის მიერ მაცდურად დაგებულ მახეს, მაგრამ გვიამბე, გვიამბე, ძმაო მედარდუს, თავს რაც გადახდა, — მთხოვდნენ ძმები. ლეონარდუსმა მიმიპატიჟა ოთახში, რომელიც, ჩვეულებრივ, მისი ადგილსამყოფელი იყო კარტეზიანულ მონასტერში სტუმრობისას.

— მედარდუს, — დაიწყო წინამძღვარმა, — შენ მკრეხელური დანაშაული ჩაიდინე და აღთქმა დაარღვიე. იმის მაგივრად რომ დაკისრებული დავალემა შეგესრულებინა, უსირცხვილოდ გაიქეცი და მონასტერი ყოვლად უღირსი საქციელით შებილწე და მოატყუე. სამონასტრო კანონმდებლობის მთელი სიმკაცრით თუ მოვიქცევი, კედელში ჩატანების ღირსი ხარ.

— გამასამართლე, წმინდა მამაო, — მივუგე წინამძღვარს პასუხად, — გამასამართლე და განმსაჯე, როგორც ამას კანონი ითხოვს. ო, სიხარულით განვიშორებდი მიწიური ცხოვრების სატანჯველით აღსავსე

ტვირთს. იმასაც შესანიშნავად ვგრძნობ, მონანიებაც ვერაფერს მიშველის, ჩემი უმკაცრესი ეპიტიმიაც ამაოა, იმას არ ძალუძს მცირეოდენი ნუგეში მომიტანოს ამქვეყნიურ ყოფაში.

— გამხნევდი, მედარდუს, — განაგრძო ლეონარდუსმა, — უბნებოდი, როგორც წინამძღვარი. ახლა კი გელაპარაკები, ვითარცა ძმა და მშობელი. შენ სასწაულებრივ გადაურჩი სიკვდილს რომში. მხოლოდ საწყალი კირილუსი შეეწირა მსხვერპლად.

— და თქვენ ყველაფერი იცით? — დიდად გაოცებულმა ვკითხე ლეონარდუსს.

— ყველაფერი, — მომიგო წინამძღვარმა, — ვიცი, რომ ბედკრულ კირილუსს შენ დაულოცე გზა მარადიულ სასუფეველში. შენი გაგზავნაც უნდოდათ იმქვეყნად, როცა მხამგარეული ღვინო შემოგთავაზეს ვითომდა ძაღების მოსაკრებად. მაგრამ, ეტყობა, როგორღაც მოახერხე ღვინის გადაქცევა, თუმცა მღვდლები არგუსის თვალებით ფხიზლად გდარაჯობდნენ. კიდევ კარგი, რომ ასე მოხდა, თორემ წვეთიც რომ დაგელია, ათ წუთში ცოცხალი აღარ იქნებოდი.

— აი, ნახეთ, — ანაფორის სახელო ავიკაპიწე და მოძღვარს ძვლამდე ამომხმარი მკლავი ვუჩვენე, მერე ისიც ვუამბე, როგორ ვიაზრე ავისმომასწავებელი ნიშანი და ღვინო ანაფორის სახელოში როგორ ჩავიღვარე.

ლეონარდუსი შეზარა ჩემმა მუმიადქცეულმა ამაზრზენად დამახინჯებულმა მკლავმა და ჩახლეჩილი ხმით ჩაილაპარაკა:

— შენ უნდა ზიდო ეს სატანჯველი, რადგან იგი შენთა შეცოდებათა გამო მიგეზღო, მაგრამ რა დააშავა კირილუსმა, კირილუსია ცოდო. ო, ღვთისმოსავო მოხუცო.

მე ვუთხარი ლეონარდუსს, რომ ჩემთვის ცნობილი არ არის ბედკრული კირილუსის სიკვდილით დასჯის საიდუმლო.

— იქნებ შენც იგივე ხვედრი გრგებოდა, კიროლუსის მსგავსად თუ გამოცხადდებოდი რომში, როგორც ჩვენი მონასტრის სრულუფლებიანი წარგზავნილი. შენ იცი, რომ ჩვენ მიერ წამოყენებული მოთხოვნების დაკმაყოფილება კარდინალს წაართმევდა შემოსავალს, რის გამოც ძალვასაც ახდენს იგი არამართებული გზით. ჩვენმა პროტესტმა შეაგულიანა კარდინალი ანაზღად დამეგობრებოდა პაპის სულიერ მამას, ვისი დაუძინებელი მტერიც იყო წინათ. ამ გზით კარდინალმა დომინიკანელის სახით ძლიერი და მარჯვე მოკავშირე შეიძინა, ვისაც შეეძლო კირილუსს დაპირისპირებოდა. ცბიერმა მღვდელმა მოძებნა გზა, რითაც შესაძლებელი ხდებოდა კირილუსის დაღუპვა. მან თვითონ წარუდგინა პაპს ახალჩამოსული კაპუცინი, წინასწარ კი ქება-დიდებათ ცაში აიყვანა იგი, როგორც უმწიკვლო ადამიანი. ამის გამო მისმა უბრწყინვალესობამ იერომღვდელი კირილუსი მეტისმეტი კეთილგანწყობით მიიღო, ძალიან დაიახლოვა და სასულიერო პირთა ამაღლაში ჩარიცხა. კირილუსმა უმაღ შეამჩნია, რომ უფლის მოსაყდრე ამქვეყნიურ სუფევაში, აგრეთვე ქვენა გრძნობების გახარებაში ეძიებს და პპოვებს თავის მეუფებას. ჩვენი ღვთისმოსავი იერომღვდელი მიხვდა, რომ პაპი პირმოთნე არამზადების სათამაშო ტიკინად იქცა, ისინი ცდილობდნენ მზაკვრული ხერხებითა და საშუალებებით მოედრიკათ მისი ოდესღაც მტკი-

ცე და ძალმოსილი სული, რათა იძულებული გახდეს რწმენა შეერყეს, ყოყმანი იწყოს იმაზე, ზეცა აირჩიოს თუ ჯოჯოხეთი. ღვთისმოსიში კირილუსი, რამდენადაც შეიძლებოდა ამის წინასწარ განჭვრეტა, დიდად დაამწუხრა და შეურაცხპყო ამ გარემოებამ. მან თავი მოწოდებულად ჩათვალა მგზნებარე შთამაგონებელი სიტყვებით შეესაღებინა სიღრმემდე შეეძრა პაპი და მიწისაგან განედრიკა იგი. მას, როგორც ეს სათუთი სულის ადამიანებს სჩვევიათ, ამ ღვთისმოსავი მოხუცის სიტყვებმა გული აუჩუყა. სწორედ პაპის ამ მღელვარე სულიერმა მდგომარეობამ გაუადვილა დომინიკანელს საწადელს სწევოდა ადვილად, გერგილიანად და თანდათანობით მოემზადებინა დარტყმა, რომელიც საწყალ კირილუსს უნდა მოხვედროდა. მან აუწყა პაპს, რომ ეს ყოველივე სხვა არაფერია, თუ არა საიდუმლო შეთქმულება, რომელსაც ეკლესია უწყობს მას, ვითარცა უღირს სამგზის გვირგვინოსანს. კირილუსს კი დავალებული აქვს, საჯაროდ მოანანიებინოს პაპს თავისი ცოდვები. პაპის მონანიება კი სიგნალი იქნება კარდინალების მიერ მომზადებული ამბოხისა. ამ დღიდან მოყოლებული პაპი ეჭვის თვალთ უყურებდა კირილუსის მოთაფლულ ენას და მასში ბოროტნეულ ზრახვას ხედავდა. მან ღრმად შეიძულა მოხუცი და მხოლოდ იმიტომ იტანდა მის ახლოს ყოფნას და ერიდებოდა თვალში საცემი ნაბიჯის გადადგმას მისი თავიდან მოსაცილებლად, რომ ზედმეტი მითქმა-მოთქმისა ეშინოდა.

როცა ერთხელ კირილუსს შემთხვევა მიეცა მარტოდ დარჩენილი პაპისათვის თავისი შეგონებები დაეწყო, ისიც კი უთხრა, თუ საბოლოოდ არ აიღებს ხელს მიწიურ ვნებებზე და უბიწო ცხოვრებით არ იცხოვრებს, ღირსი არ იქნება იყოს ქრისტეს მოსაყდრე, რადგან ეკლესიისათვის ასეთი პიროვნება სირცხვილისა და შეჩვენების მომტანი ტვირთიაო. მალე ამის შემდეგ და სახელდობრ მაშინ, როცა კირილუსი პაპის საძინებელ ოთახში შესული დაინახეს, აღმოჩნდა, რომ ყინულივით ცივ წყალში, რომელსაც პაპი ჩვეულებრივ სვამდა, ვიღაცას შხამი ჩაურევია. ეჭვი კირილუსზე მიიტანეს. მაგრამ კირილუსი რომ უცოდველია, ამას მტკიცება არ სჭირდება, რადგან შენც კარგად იცნობ ამ ღვთისწიერ კაცს. პაპი კი დარწმუნებული იყო, რომ დანაშაული კირილუსმა ჩადინა და ამის გამო საიდუმლო ბრძანება გასცა ჩამოსული კაპუცინი დომინიკანელთა მონასტერში დაესაჯათ სიკვდილით. ხოლო რაც შეეხება პირადად შენ, სხვებისაგან ფრიად გამორჩეული პიროვნება იყავი. პაპის წინაშე იმზომ თამამად გამოთქვი საკუთარი შეხედულებები, მეტადრე თვალში საცემი იყო შენი ცხოვრებას ამბავი, რომელიც მის უბრწყინვალესობას უამბე, რის გამოც იმან სულიერი ნათესაობა კპოვა შენთან. მას სჯეროდა, შენთან ერთად ამაღლდებოდა, ასე ვთქვათ, მაღალი თვალსაზრისით, სათნოებასა და რელიგიაზე ცოდვილი ტვინის ჭყლეტით გულით გაინარებდა და ძალას მოიკრებდა, რათა მართლა აღვფრთოვანდეთ და, თუ შეიძლება ასე ითქვას, შევცოდოთ შეცოდებისათვის. შენი ლოცვები და მონანიებები მას ეჩვენებოდა ჭკვიანურად მოგონილ პირფერულ მცდელობად მაღალი მიზნის, ძალაუფლებისა და პატივის მისაღწევად. იგი მოიხიბლა შენით და მეტად ისიამოვნა, ქებადიდების კორიანტელი რომ დააყარე. მაგრამ მოხდა ისე, და დომინიკანელი ვერც კი წარმოიდგენდა, იმზომ აღზევდი და ბანდისათვის უფრო

საშიში ვახდი, ვიდრე კირილუსი შეიძლებაოდა ოდესმე ყოფილიყო. ალ-
ბათ შეამჩნევდი, მედარდუს, რომ ჩემთვის კარგადაა ცნობილი შენი სა-
ქმიანობა რომში. მე ვიცი ყოველი შენი პაპისათვის ნათქვამი სიტყვა,
უნდა გაუწყო, რაკი უკვე საიდუმლო აღარ არის, მის უწმინდესობას
თან ახლოს მონასტერში ერთგული მეგობარი მყავს, იგი მისხალ-მისხალ
მამცნობს ყველაფერს, რაც იქ ხდება. შენ რომ გეგონა, პაპთან მიმართულ
იყავი, ეს ასე არ იყო, ჩემს მეგობარს იდუმალად ესმოდა შენი ყველაფერი
ნათქვამი სიტყვა. როცა კაპუცინთა მონასტერში, რომლის წინამძღვარი
ჩემი უახლოესი ნათესავია, მკაცრ ეპიტიმიას შეუდევქი, შენი მონანიება
ჭეშმარიტად მივიჩნიე. და ეს მართლაც ასე იყო, მაგრამ რომში კვლავ
მოგეძალა ცოდვილი მედიდურობის დემონი, რომლის ცდუნებას ჯერაც
ჩვენს მონასტერში ყოფნისას ვერ სძლიე. რატომ დაადანაშაულე პაპის
წინაშე შენი თავი ბოროტმოქმედებაში, რომელიც არასოდეს ჩავიდე-
ნია? განა შენ როდესმე ყოფილხარ ბარონ ფ-ის სასახლეში?

— ო, წმინდა მამაო, — წამოვიყვირე შინაგანი ტკივილისაგან და-
ნთქმულმა, — ეს სასახლე ხომ ჩემი საშინელი შეცოდებების ასპარეზი
იყო. ეს უმკაცრესი სასჯელი ხომ ნიდავგ მიუკვლევებლმა ძალამ მომაგო,
რაც იმას ნიშნავს, რომ მიწიურ ყოფაში ველარასოდეს განვიწმინდები
ცოდვისაგან, რაიც გონების გიჟურმა დაბნელებამ ჩამადენინა. განა
თქვენც, ყოვლად წმინდაო მამაო, ცოდვილ ორპირად მიმიჩნევთ?

— მართალი გითხრა, — განაგრძო წინამძღვარმა, — ახლა, როცა
გხედავ და გელაპარაკები, ვრწმუნდები, რომ მონანიების შემდეგ აღარც
უნდა შეგეძლოს ტყუილის თქმა, მაგრამ არსებობს აგრეთვე ჩემთვის
დღემდე გამოუცნობი საიდუმლო. შენი გაქცევის შემდეგ (განგებას არ
იწაღა შენ მიერ განზრახული დანაშაულის ჩადენა და იმან გადაარჩი-
ნა ღვთისმოსავი აურელია), ჰოდა, იმას გეუბნებოდი, შენი გაქცევის
შემდეგ, როცა სიკვდილმისჯილი მღვდელი, რომელიც თვითონ კირი-
ლუსსაც შენ ეგონე, რაღაც სასწაულებრივად გადარჩა და უგზოუკვლოდ
დაიკარგა, ცხადი ვახდა, რომ ბარონის სასახლეში შენ კი არა, კაპუცი-
ნის სამოსში გამოწყობილი გრაფი ვიქტორინი ყოფილა. მართალი გი-
თხრა, ეს ამბავი ადრეც ვიცოდი იმ წერილიდან, რომელიც ეფემიას
ღარჩა და ყველა თვლიდა, რომ ეფემია მოატყუა შენმა უჩვეულო მსგა-
ვსებამ ვიქტორინთან, ხოლო რაინპოლდი თავგადაკვლულად ამტკიცებ-
და, რომ იმზომ კარგად გიცნობდა, არასდროს არ შეიძლებაოდა ია-
ლღში მოსვლოდა შენს შეცნობაში, თუმცა გაჭრილი ვაშლივით ჰგავდი
ვიქტორინს. მხოლოდ ეგ იყო გაუგებარი, რამ დაუბნელა გონება ეფე-
მიას. მოულოდნელად გამოჩენილმა გრაფის ეგერმა თითქოს ყველაფე-
რი თვალნათლივ დაგვანახა და საქმის ნამდვილ ვითარებასაც შუქი მო-
ფინა. ეგერის თქმით, გრაფი ერთხანს მთებში ცხოვრობდა განმარტო-
ებით, რათა წვერი მოეზარდა. ერთხელ ეშმაკის უფსკრულთან გრაფი
შესჯდა თავის ბატონს, რომელსაც კაპუცინი მღვდლის სამოსი ეცვა.
თუმცა ეგერს წარმოდგენაც არ ჰქონდა, რა გზით იშოვნა გრაფმა
მღვდლის ანაფორა, სულაც არ გაკვირვებია მისი ახალი შესამოსელი.
ეგერმა კარგა ხანია იცოდა, რომ ვიქტორინს განზრახული ჰქონდა ბა-
რონის სასახლეში მღვდლის სამოსში ჩაცმული გამოჩენილიყო, მთელი
წელი არ გაეხადა ანაფორა, რათა იქ სისრულეში მოეყვანა თავისი დი-
დი ჩანაფიქრი. ეგერი შესანიშნავად მიხვდა, როგორ უნდა ეშოვნა

გრაფს კაპუცინის ჩასაცმელი. სწორედ წინა დღით ვიქტორინს უთქვამს, სოფელში ერთი კაპუცინი ვნახე და იმედი მაქვს ის იყიდის ამ ანაფორას, როცა მღვდელი ტყის გავლით ჩამოივლისო. თვითონ მღვდელი ეგერს თავისი თვალთ არ უნახავს, მაგრამ მისი ყვირილი კი კარგად გაუგონია. მალე ამის შემდეგ სოფელში ხმა დაირხა, ტყეში ვინღაც კაპუცინი მოკლესო. ეგერი ზედმიწევნით იცნობდა თავის ბატონს, ბევრმა ისაუბრა მასთან სასახლიდან გაქცევის დროს, ასე რომ, მოცემულ შემთხვევაში მისგან შეცდომის დაშვება გამორიცხული იყო. ეგერის ჩვენებამ რაინ-პოლდსაც კი შეაცვლევინა თავისი შეხედულება, ოღონდ გაუგებარი რჩებოდა ვიქტორინის სრული გაუჩინარება. ჰერცოგის მეუღლემ გამოთქვა ვარაუდი, რომ გრაფი ვიქტორინი კვიჩიჩევილი თავადი კრჩინსკის გვარით იმალებოდა. მისი ვარაუდი ამ შემთხვევაში ეყრდნობოდა კრჩინსკის საოცარ მსგავსებას ფრანჩესკოსთან, რომლის დამნაშავეობაში ეჭვი არავის ეპარებოდა, აგრეთვე იმ მღვდელსაც მდგომარეობას, რომელშიც ჰერცოგის მეუღლე ვარდებოდა ბატონ კრჩინსკისთან ყოველი შეხვედრის დროს. ბევრი უთანხმებოდა ჰერცოგის მეუღლეს და სურდათ კიდევ გრაფის ნიშნები აღმოეჩინათ ამ ვივინდარა ავანტიურისტში, რომლის გადაცემულ მღვდლად მიჩნევა სასაცილოდაც ეჩვენებოდათ. ამგვარად დადგინდა კავშირი ვიქტორინის დანაშაულებრივ ქმედებასა და მეტყევის ნაამბობს შორის ტყეში მოხეტიალე მღვდელზე, რომელიც მან თავის ჭერქვეშ შეიფარა. მხოლოდ ზოგიერთი გარემოება შეიძლება მივიჩნიოთ ჭეშმარიტად. კაპუცინთა იმ მონასტრის მღვდელმა, საიდანაც მედარდუსი გაიქცა, მტკიცედ განაცხადა, რომ შეშლილი მღვდელი სწორედ მედარდუსია და, მაშასადამე, ამ მონასტერში უნდა შეჩერებულიყო. ვიქტორინმა მღვდელი უფსკრულში გადააგდო. ბედნიერმა შემთხვევამ, რომლის არსებობის შესაძლებლობა არ შეიძლება გამოირიცხოს, იგი დალუპვას გადაარჩინა. თუმცა მედარდუსი თავში იყო დაჭრილი, მაინც შეძლო კატალეფსიიდან გამოსვლა და უფსკრულიდან ამოხოსება. ნაჭრილობების სასტიკმა ტკივილმა, შიმშილმა და წყურვილმა იგი გააგიჟა და გაამძვინვარა. ამ ყოფაში ჩავარდნილი საცოდავი მღვდელი მთებში დაეხეტებოდა, ვილაც გლესმა იპოვა და უთანაგრძნო. აჭამა და ასვა, ძონძებით შემოსა, ვიდრე მეტყევე შეიფარებდა თავის ოჯახში. მხოლოდ ორი გარემოება იყო ამ შემთხვევაში გაუგებარი და ამოუხსნელი. სახელდობრ კი აი რა: როგორ გამოიქცა მთებიდან, ან როგორ გამოიარა ამოდენა გზა ისე, რომ არავის დაუჭერია და სიგიჟის პერიოდში ზოგჯერ გონება რომ გაუნათლებოდა, როგორც ამას ექიმები შენიშნავდნენ ხოლმე, რატომ იბრალებდა იმ ავკაცობებს, მას რომ არასოდეს ჩაუდენია. ისინი, ვინც იცავდნენ ამ ვერსიების დამაჯერებლობას, მიუთითებდნენ, რომ არ არსებობს სარწმუნო საბუთები ეშმაკის უფსკრულში ჩავარდნილ და მერე იქიდან გადარჩენილ მედარდუსზე, ოღონდ ის კი დასაშვებად შეიძლება მივიჩნიოთ, რომ სიგიჟის ნიშნები პირველად მაშინ აღმოაჩინდა, როცა სალოცავად მიმავალმა ჰერცოგის ნაკრძალი ტყე გამოიარა და მეტყევის ოჯახში ამოჰყო თავი. ხოლო რაც შეეხება მედარდუსის აღიარებებს დანაშაულობებში, რაშიც ბრალს დებდნენ, ცხადი იყო, რომ იგი, თუმცა ხანდახან საღ ჭკუაგონებას ინარჩუნებდა, საბოლოოდ მაინც გიჟად რჩებოდა. ის აზრი კი,

რომ მან ნამდვილად ჩაიდინა ავკაცობები, რასაც აბრალებდნენ, აშკარად მისი აკვიატებული იდეა თუ იყო მხოლოდ. ერთხელ სისხლის სამართლის მოსამართლეს, რომლის გამჭრიახობაში ეჭვი არავის ეპარებოდა, რომ თხოვეს, თქვენი აზრი იქნებ მოგვასსენოთ ამის თაობაზე. ასე განაცხადა: „კაცი, რომელიც ბატონ ფონ კრჩინსკად აცხადებს თავს, არც პოლონელია და არც გრაფი, მით უფრო არც გრაფი ვიქტორინი, მაგრამ არანაირად არ შეიძლება მისი უდანაშაულოდ მიჩნევა. ძვლელი ყველა შემთხვევაში გიჟი და შეურაცხადი რჩება, რის გამოც სისხლის სამართლის სასამართლომ საერთო უშიშროების უზრუნველსაყოფად მისი მხოლოდ საავადმყოფოში დატუსაღების განაჩენი გამოიტანა“. ჰერცოგს გაგონებაც არ უნდოდა ამგვარი განჩინებისა, რადგან იგი ღრმად იყო შეძრული ბარონის სასახლეში დატრიალებული საშინელებებით და საკუთარი ხელით შეცვალა წინასწარ ზომების მისაღებად საჭირო სისხლის სამართლის სამსჯავროს მიერ შემოთავაზებული განაჩენი სიკვდილით დასჯისა. ამ წარმავალსა და საწყალობელ წუთისოფელში ყველაზე საშინელი შემთხვევები თუ მძიმე დანაშაულობები პირველ წუთებში გვანაცხეობენ და გვალეღვებენ, მერე თანდათან კარგავენ ფერსა და სურნელს. იგივე ხედრი ერგოთ წილად ბარონ ფონ ფონის სასახლეში მომხდარ ამბებსაც. ამ ამბებმა თავდაპირველად რეზიდენციაში და მეტადრე სასახლის კარზე გამოიწვია შიში და ძრწოლა, მერე კი უსიამოვნო ჭორებად იქცა. ავრელიას გაქცეული საქმროს გრაფ ვიქტორინად წარმოჩენის ვარაუდმა გონებაში გაუცოცხლათ იტალიელი პრინცესას ამბავი და გამოაცოცხლა ისინიც კი, ვინც ადრე არაფერი იცოდა მის შესახებ, და მისი ასავალ-დასავალი გაიგეს იმ ადამიანებისაგან, რომლებსაც თავიანთ მოვალეობად მიაჩნდათ ენა მუცელში არ ჩაეგდოთ, ხმა ამოეღოთ. ვინც თავისი თვალით ნახა მედარდუსი, აშკარად ხედავდა მსგავსებას მასა და გრაფ ვიქტორინს შორის, რადგან ორივენი ერთი მამის შვილები იყვნენ. მედარდუსისა და ვიქტორინის ერთიდაიგივეობაში სრულიად დარწმუნებულმა ლაიბ-ეჟიმმა ჰერცოგს უთხრა: „უნდა გვიხაროდეს, მოწყალეო ბატონო, რომ ეს უსიამოვნო წყვილი გაქრა ჩვენი პორიზონტიდან და იმათ ფუჭ დევნას უნდა მოეშუათ“.

სულის სიღრმეში ამ აზრს ჰერცოგიც ეთანხმებოდა, რადგან კარგად გრძნობდა, რომ მედარდუსის ორსახოვნება მას შეცდომას შეცდომაზე ამატებინებდა. „ეს საქმე საიდუმლოდ უნდა დარჩეს, — თქვა ჰერცოგმა, — არ არის საჭირო ჩამოვსნათ საბურველი, რომელიც კეთილმოწყალედ გადააფარა მას უცნაურმა ბედმა“. ოლონო ავრელია...

— ავრელია? — ფიცხად შეგაწყვეტინე წინამძღვარს, — ღვთის გულისათვის, მითხარით, წმინდა მამაო, რა დაემართა ავრელიას?

— აი, ხომ ხედავ, ძმაო მედარდუს, რა ხდება შენში, — შემწყნარე ღიმილით მითხრა წინამძღვარმა, — ნუთუ შენს სულში ჯერაც არ ჩამქრალა სახიფათო იეცხლი! ოდნავი შეხება და იფეთქა კიდევ ალმა. შენ ჯერაც ვერ დახსნიხარ მაცდურ გულისთქმას, მთელი არსებით რომ შეუპყრიხარ. ხომ უნდა დავიჯერო, რომ ალალ-მართალი ხარ მონანიებაში, რომ სამუდამოდ მივატოვა სიყალბის, უმართლობის, სიმრუდის სულმა. იცოდე, მედარდუს, მხოლოდ მაშინ ვირწმუნებ შენი მონანიების

სიწრფელეს, თუკი ნამდვილად ჩაიდინე ის საშინელი დანაშაულობები, რასაც შენს თავს აბრალებ. მხოლოდ მაშინ დაგიჯერებ, თუ შენ მიერ ჩადენილმა შემზარავმა ცთომებმა გაიძულეს დაგვეიწყებინა ჩემი შეგონებები, ყველაფერი, რაც კი მითქვამს შენთვის შინაგან თუ გარეგან მონანიებაზე. აი, მაშინ კი მივხვდები, რანაირად მოეწოდებოდა, ვითარცა წყალწაღებული, და გარეგნულ ეპიტიმias სხვათა მოქალაქის მისატყუებლად ეწეოდი, რამაც პატივმოყვარე ოინბაზად გაქცია არა მხოლოდ ზნეობრივად გადაგვარებული პაპის თვალში, არამედ ყოველი ჭეშმარიტად ღვთისმოსავი კაცის თვალშიც. მითხარი, მედარდუს, შენი ლოცვები, შენი ცად ამალღება სავსებით უბიწოა და შეურყვნელი, როცა ავრელიას ახსენებ?

შინაგანად დანთქმულმა თვალები ძირს დავხარე.

— შენ წრფელი ხარ, მედარდუს, — განაგრძო წინამძღვარმა, — შენი ღუმილი მჭევრმეტყველურად მეუბნება ყველაფერს. ახლა კი მჯერა, რომ ნამდვილად ითამაშე რეზიდენციაში როლი პოლონელი დიდგვაროვნისა, რომელსაც ბარონესა ავრელიას ცოლად შერთვა უნდოდა. შენ მიერ განვლილ გზას ზუსტად ვადევნებდი თვალყურს ერთი უცნაური კაცის მეშვეობით. იგი თავის თავს ხელოვან-დალაქს ეძახდა, შენ იგი უკანასკნელად რომში ნახე და უტყუარ ცნობებს მაწვდიდა შენზე. უწმინდურ გზაზე მავალმა ვერაგულად მოჰკალი პერმოგენი და ეფეშია. მით უფრო საშინელი იყო შენი განზრახვა, სატანურ ქსელში გაგეხვია ავრელიაც. მე შემეძლო შენი დაღუპვა, მაგრამ თავს მოწოდებულად არ ვთვლი შურისმაძიებლის როლი ავირჩიო, ამიტომაც მარადიულ ზეციურ ძალას მივანდე შენი ბედი. შენ სასწაულებრივ გადარჩი და სწორედ ეს გარემოება მარწმუნებს, რომ შენი მიწიური გადაშენება ჯერაც არ არის განგებით გარდაწყვეტილი. ახლა მომისმინე, რა უცნაური ვითარების გამო მეგონა ერთხანს, რომ ბარონ ფონ ფ-ის სასახლეში მართლაც გამოჩნდა გრაფი ვიქტორინი, რომელიც კაპუცინი მღვდლის სამოსში იყო გამოწყობილი. ერთხელ, არცთუ ისე დიდი ხნის წინათ, მონასტრის კარის დარაჯი სებასტიანუსი გააღვიძა თითქოსდა სულთმობრძავი კაცის კენესა-ოხვრამ, უკვე კიდევაც გათენებულყო. სებასტიანუსი წამოდგა, მონასტრის ჭიშკარი გააღო და იქვე საცივისაგან გათოშილი კაცი დაინახა, რომელმაც ძლივს ამოილულულა, რომ იგი არის მონასტრიდან გაქცეული მღვდელი მედარდუსი. შეშინებულმა სებასტიანუსმა სასწრაფოდ მაუწყა ეს ამბავი. ძმების თანხლებით კიბეზე დავეშვი და გრძნობამისდილი კაცი სატრაპეზოში გადავიყვანეთ. ამ უბედურის შემადრწუნებლად დამახინჯებულ სახის ნაკვთებში, მართალი რომ ვთქვა, მაშინვე ვიცანი შენი მსგავსება. ზოგი იმასაც ფიქრობდა, ასე უცნაურად მიტომ გვეჩვენა ჩვენთვის კარგად ნაცნობი მედარდუსის შესახედაობა, რომ სულ სხვა ტანისამოსი აცვიაო. სულთმობრძავს წვერი და ტონზურა ჰქონდა მოშვებული, თორემ საერო ტანსაცმელში იყო გამოწყობილი, ოღონდ დაგლეჯილ და გაოხრებულ ტანისამოსს თავდაპირველი პეწის ნასახიც არ ეტყობოდა. გადამთიელს აბრეშუმის წინდები და ფეხსაცმელები, ავრეთვე თეთრი ატლასის ჟილეტი ეცვა, ერთ ფეხსაცმელზე ოქროს ამზინდაც შერჩენოდა.

მოწაბლისფრო-მოყავისფრო უძვირფასესი სერთუკი და ბრწყინვალე საცვლები ემოსა, თითზე კი ნატიფად ნაკეთები ოქროს ბეჭედი ეკეთა.

— ჰო, რა თქმა უნდა, ასე იყო, — მითხრა გაოცებულმა ლეონარდუსმა, — მაგრამ შენ ეს საიდან იცი?

— ო, მე ხომ ეს სამოსი მეცვა ქორწილის იმ საბედისწერტ-დღეს, ორეულის სახე თვალწინ დამიდგა. კიდევ კარგი, რომ სიგიჟის უხორცო და შემადრწუნებელი დემონი კი არ მომდევდა, ვითარცა სულის გამტანჯველი, ჩემი ფანტაზიით წარმოსახული ურჩხული, არამედ შეშლილმა მღვდელმა შემისვა მხრებზე და ისარგებლა რა იმით, რომ გული წამივიდა, საერო სამოსი წამართვა და მღვდლის ანაფორა ჩამაცვა. უთუოდ სწორედ იგი იდგა მონასტრის კარიბჭესთან და ჩემი „მეს“-ს სასტიკ მსგავსებას წარმოადგენდა.

მე ვთხოვე წინამძღვარს გაეგრძელებინა ამბის მოყოლა, რადგანაც ჩემში გაჩნდა წინათგრძნობა იმისა, რომ ბოლოს და ბოლოს სწორ ახსნას მოვუძებნიდი ჩემს ცხოვრებაში მომხდარ საოცარსა და იდუმალ მოვლენებს.

— მალე ამ კაცს აღმოაჩნდა განუკურნელი სიგიჟის აშკარა და უეჭველი ნიშნები და მიუხედავად იმისა, რომ იგი, როგორც ადრეც გითხარი, ზედმიწევნით გგავდა შენ, მიუხედავად იმისა, რომ, შეშლილი დაჟინებით და გამუდმებით ყვიროდა, მედარდუსი ვარ, ლტოლვილი მღვდელი და აღსარება უნდა გითხრათო, უკვე აღარავის სჯეროდა მისი მედარდუსობა. ცხადი იყო, რომ ჩვენთან მოვიდა ვიღაც კაცი, ვისი სიგიჟეც იმაში იხატებოდა, რომ თავს მედარდუსად აცხადებდა, და ეს სხვა არაფერი იყო, თუ არა მისი აკვიატებული იდეა. მოსულს კაპუცინის სამოსი ჩავაცვით და ეკლესიაში შევიყვანეთ, სადაც მას ჩვეულებრივი რელიგიური წეს-რიტუალები უნდა შეესრულებინა. იგი ცდილობდა ამის გაკეთებას, მაგრამ წამსვე შევამჩნიეთ, რომ უცნობს სიცოცხლეში ფეხიც არ დაედგა ეკლესიაში, არც ერთ სასულიერო კონგრეგაციას არ მიეკუთვნებოდა. ყოველივე აქედან გამომდინარე სავსებით ბუნებრივია, რომ უცნობი უნდა ყოფილიყო რეზიდენციიდან გაქცეული მღვდელი, ან გრაფი ვიქტორინი. ჩემთვის ცნობილი იყო ამბავი, რომელიც ოდესღაც შეშლილმა მღვდელმა უამბო მეტყვევეს, და ყოველივე ამის გათვალისწინებით მივხვდი, რომ ყველა შემთხვევა, იქნებოდა ეს პოვნა თუ დაღევა ეშმაკის ელექსირისა, ხილვა საპატრიარქოში, მონასტერში მისი ყოფნის ყველა დეტალი შესაძლოა ყოფილიყო შენი ინდივიდუალობის უცნაური ფსიქოლოგიური ზემოქმედების ნაყოფი მის სწულ სულზე. ამ თვალსაზრისით საოცარი იყო ის ფაქტიც, რომ მღვდელი ცუდად ყოფნისას გამუდმებით ყვიროდა, რომ იგი არის გრაფი და მბრძანებელი ბატონი. გადავწყვიტე, რომ ეს კაცი მონასტერთან არსებულ წმინდა იმედის შეშლილთა სახლში მომეთავსებინა, თანაც სრული იმედი მქონდა, რომ შესაძლებელი იქნებოდა მისი განკურნება. მწამდა, ამას უთუოდ შესძლებდა ამ დაწესებულების დირექტორი, უაღრესად ნიჭიერი ექიმი-ფსიქიატრი, რომელიც ღრმად იკვლევდა გადახრებს ნორმალური ფსიქიკური მდგომარეობიდან. უცნობის გამოჯანმრთელებას სანახევროდ მაინც უნდა გამოეტანა სამზეოზე გამოუცნობი ძალების იდუმალებით აღ-

სავსე თამაში. მაგრამ ეს ასე არ მოხდა. მისი იქ ყოფნის მესამე ღამეს გამაღვიძა ზარმა, რომელიც მაუწყებდა, რომ აუცილებელი იყო ჩემი საავადმყოფოში სასწრაფოდ მისვლა. როგორც კი იქ გამოვეცხადე, მაშინვე მითხრეს, რომ უცნობი, რომელსაც შეშლილობის აღარავითარი კვალი აღარ ეტყობოდა, აღსარების სათქმელად მიხმობდა. ზადგან ისე იყო მისუსტებული, არავის ეგონა, თუ ამ ღამეს გაატანდა.

— მომიტევეთ, — დაიწყო უცნობმა, როცა ღვთისმოსავი შეგონებებით შემწეობა აღმოვეჩინე, — მომიტევეთ, წმინდა მამაო, რამეთუ თქვენი მოტყუება გავბედე. მე არა ვარ მედარდუსი, თქვენი მონასტრიდან გაქცეული მღვდელი. თქვენ წინაშეა გრაფი ვიქტორინი. ისე, კაცმა რომ თქვას, ვიქტორინი შეიძლება ჰერცოგადაც ჩაითვალოს, რადგან იგი ჰერცოგის სახლის ნაშიერია და გირჩევთ, ესეც მხედველობაში მიიღოთ. წინააღმდეგ შემთხვევაში, ჩემი რისხვა დაგატყდებათ თავზე.

— ვიქტორინი ხართ თუ ჰერცოგი, — მივუგე უცნობს, — ჩვენი მონასტრის კედლებში და მით უფრო თქვენს მდგომარეობაში მყოფი სათვის ამას არავითარი მნიშვნელობა არა აქვს. მე მგონი, უმჯობესი იქნებოდა, თუ ამ წუთებში დაივიწყებდით ყველაფერ მიწიერს და თვინიერად დაელოდებოდით ყოველადღლიერის განჩინებას.

გადამთიღლი ისე უცნაურად მომჩერებოდა თავისი გაქვავებული თვალებით, გეგონებოდა, გონებას კარგავსო. ავადმყოფს ძალის მომყვანი წვეთები მისცეს, რის შემდეგაც ღონე მოიკრიბა და თქვა:

— ჩემი დღეები დათვლილია და სიკვდილის წინ მინდა გული გადავიშალოთ, აღსარება გითხრათ. თქვენ უჩვეულო შემოქმედება მოახდინეთ ჩემზე და, თუმცა თავს იკატუნებთ, მაინც შესანიშნავად ვხვდები, რომ წმინდა ანტონიუსი ბრძანდებით. რა უბედურებაც დამატესა თავზე ეშმაკის ელექსირმა, ეს თქვენ ბრწყინვალედ უწყით. მე გადავწყვიტე სასულიერო პირად წარგდგე თქვენ წინაშე წვერმოშვებული და ყავისფერ ანაფორიანი. ამას იმიტომ ვაკეთებ, რომ მინდოდა გრანდიოზული ჩანაფიქრები განმეხორციელებინა. როცა ყველაფერი კარგად მოვიფიქრე და ავწონ-დავწონე, ჩემი სულის სიღრმიდან ამოტივტივდა და გამოიკვეთა უიდუმალესი აზრი. იგი ხორციელ არსებად იქცა და ეს არსება, რარივ სამინლადაც არ უნდა გეჩვენოთ, ჩემი მეორე „მე“ გახლდათ, რომელსაც უსამველო ძალა ჰქონდა, ამ ძალამ ღრმა უფსკრულში გადამისროლა სწორედ იმ წამს, როცა შავ კლდეთა ქანებს შორის მჩქეუარე და აქაფებული წყლიდან თოვლისფერი ქათქათა პრინცესა ამოვიდა. იმან გულში ჩამიკრა, ჭრილობები მომბანა და ტკივილები დაშიყუჩა. რაღაც უცნაური შემთხვევის წყალობით თვითონ ვიქციე ნამდვილ მღვდლად, მაგრამ ჩემი აზრებისაგან შობილი „მე“ ჩემზე ძლიერი აღმოჩნდა. იმან მაიძულა ჩემი მსხნელი პრინცესა, ასე ნაზად რომ მიყვარდა, თავის ძმასთან ერთად მომეკლა. მერე საპრობილეში ჩამსვეს. თვითონაც სომ იცით, წმინდა ანტონიუს, მას შემდეგ, რაც თქვენი წყეული ელექსირი ვიგეძე, როგორ გამათავისუფლეს საპატიმროდან და სუფთა ჰაერზე გამომიყვანეს. ტყის მწვანე მეფემ ცუდად მიმიღო, თუმცა იცოდა ჩემი მაღალი წარმომავლობის შესახებ. ჩემი ფიქრების „მე“ აქაც გამოჩნდა. იგი ათას საძაგლობას ჩამაგონებდა. მას უნდოდა ჩემთან თანხმობაში ყოფილიყო, რაკი ყველაფერს ერთად ვა-

კეთებდით. თავდაპირველად ყველაფერი კარგად მიდიოდა. მაგრამ მალე წავიხსუბეთ. მერე ერთად გამოვექეციტ ტყის მეფეს, რომელსაც ჩვენი თავების წაცლა უნდოდა. როცა სასაცილო „მე“ არ შეეპუა ჩემს განზრახვას — სულ ჩემი აზრები ჰქონოდა საზრდოდ, — მე იგი მიწაზე დავანარცხე, მაგრად მივბეგვე და ტანისამოსი წავართვი“.

აქამდე ამ უბედურის მონაყოლი ასე თუ ისე გასაგები იყო, შემდეგ მისმა სიტყვებმა მთლად დაკარგეს აზრი და უკიდურესი სიგიჟის გამოხატველ ბოდვად იქცნენ. ხოლო ერთი საათის შემდეგ, როცა ზარების რეკვამ დილის წირვა გვამცნო, სნეული საწოლიდან წამოდგა, შიშისმომგვრელი ღრიალი მორთო და ძირს ისე დავარდა, ეჭვი არც შეგვპარვია, რომ იგი სამუდამოდ წავიდა ამ ქვეყნიდან. მიცვალებული საცხედრეში შევატანინეთ. იგი ჩვენი მონასტრის წალკოტში, კურთხეულ ადგილას უნდა დაგვემარხა. მაგრამ წარმოიდგინეთ ჩვენი გაოცება, გაოცება კი არადა, უფრო მართებული იქნებოდა, თუ ვიტყოდი, შეძრწუნება, როცა მიცვალებულის გადმოსასვენებლად საცხედრეში შევედით და იგი იქ აღარ დაგვხვდა, უკვალოდ გამქრალიყო. ამაო გამოდგა ყველა მცდელობა მისი პოვნისა. უკვე აღარც უნდა მქონოდა იმედი იმისა, რომ ოდესმე ზედმიწევნით გამოვიცნობდი გაუცნობიერებელ მოვლენათა იმ ჯაჭვს, რამაც ასე იღუმალად ჩახლართა ერთმანეთში შენი და ვიქტორინის პიროვნებები. შევადარე რა ბარონ ფონ ფ-ის სასახლეში მომხდარი საშინელი ამბების ყველა ნიუანსი გადამთიელის აბდაუბდა ნათქვამს, უკვე ეჭვი აღარც მეპარებოდა, რომ გარდაცვლილი ნამდვილად ვიქტორინი იყო. მან მთებში მოკლა, როგორც ამას ეგერიც მიაჩნებოდა, სალოცავად მიმავალი ვინმე კაპუცინი და მისი სამოსი წამოიღო, რათა ბარონის სასახლეში თავისი ჩანაფიქრი განეხორციელებინა. მან თავისი ეს დანაშაული, ისე რომ ამაზე წინასწარ არც უფიქრია, ეფემიასა და ჰერმოგენის მკვლელობებით დააგვირგვინა. და როცა ამ ავკაცურ საქმეებს ჩადიოდა, შესაძლებელია, როგორც ამას რაინპოლდიც ამტკიცებდა, იგი ჭკუაზე აღარც იყო ანდა ისიც შეიძლება, რომ იგი სინდისის ქენჯნამ შეაწუსა და ამით გატანჯული ჭკუაზე შეიშალა გაქცევის დროს. სამოსი, რომელიც ეცვა, და კაპუცინის მკვლელობა მისი აკვიატებული იდეა გახდა; ამ უბედურმა თავი მღვდლად წარმოიდგინა და მისი შინაგანი „მე“ ორ მტრულ, ერთმანეთთან დაპირისპირებულ არსებად გაიყო. ოღონდ ბნელი და აუხსნელი რჩებოდა დროის მონაკვეთი, რომელიც მოიცავდა პერიოდს სასახლიდან გრაფი ვიქტორინის გაქცევასა და მეტყევის სახლში მის სტუმრობას შორის. გაუგებარია აგრეთვე, როგორ შეთხზა და მოიფიქრა შეშლილმა ზღაპრები მისი მონასტერში ყოფნისა და საპატიმროდან გაქცევის შესახებ. ოდნავი ეჭვიც კი არ მეპარება იმაში, რომ აქ გარკვეული როლი ითამაშა გარეგანმა მოტივებმა, ოღონდ უკიდურეს გაოცებას იწვევს და ცხადზე უცხადესია, რაც თავს გადახდა ვიქტორინს, ძალიან ჰგავს შენს თავგადასავალს, მედარდუს, რაც არ უნდა დამახინჯებულად გვაწვდიდეს იმას შეშლილი. ოღონდ ეს არის, მღვდლის მეტყევესთან ყოფნის დრო, რასაც თვითონ მეტყევე მიუთითებს, არ შეესატყვისება იმ დღეს, რომელ დღესაც, რაინპოლდის მტკიცებით, ვიქტორინი სასახლიდან გაიქცა. თუ შევადარებთ რიცხვებს, მაშინ აღმოჩნდება, რომ შეშლილი გრაფი ტყეში გამოჩენილა იმ დღეს, რა დღესაც ბარონის სასახლეში.

— კმარა, — შევაწყვეტინე წინამძღვარს, — კმარა, წმინდა მამაო, ალბათ უკანასკნელი იმედიც გამიქრება სულში, რომ ოდესმე ღვთის შეწევნითა და გულმოწყალებით, აგრეთვე ღვთისავე მრავლისმთმენით ჩემთა დიდთა ცოდვათა მიუსხედავად მომეგება მიტევება და მარადიული ნეტარება. დაე, უნუგეშო სასოწარკვეთაში ამომხდეს ჩუქტი და წყველა-კრულვით ავაფსო საკუთარი თავი და მთელი ჩემი განვლილი ცხოვრება, თუკი ახლავე ღრმა სინანულითა და უსაზღვრო გულის წუხილით ყველაფერს არ გიამბობ, რაც თავს გადახდა მას შემდეგ, რაც მონასტერი დავტოვე.

წინამძღვარი უკიდურესად განცვიფრებული იყო, როცა გავუმელავნე ყველა წვრილმანი ჩემი განვლილი ცხოვრებისა.

— უნდა დაგიჯერო, — მითხრა წინამძღვარმა, როცა ამბის თხრობა დავასრულე, — უნდა დაგიჯერო, ძმაო მედარდუს, რადგანაც ჭეშმარიტი მონანიების ყველა ნიშანი დავინახე შენს ნაამბობში. აბა ვის ძალუძს საბურველი ახადოს საიდუმლოებას, რომელსაც განაპირობებს სულიერი ნათესაობა ორი ძმისა — ერთი ცოდვილი მამის ვაჟებისა, რომლებიც თვითონაც ცოდვათა მზიდველნი არიან. აშკარაა, ვიქტორინი სასწაულებრივად გადარჩა უფსკრულში, რომელშიც ხელი ჰკარი და გადაისროლე. იგი იქცა გიჟ მღვდლად, რომელიც მეტყევემ მიიღო სტუმრად. სწორედ ეს ვიქტორინი გღევდა ყველგან, ვითარცა შენი ორეული და მერე აქ, ჩვენს მონასტერში აღესრულა. იგი იდუმალი, ბნელი ძალის სათამაშო ტიკინად შემოიჭრა შენს ცხოვრებაში. იგი შენი ამხანაგი კი არა, ჰვეშეგრდომი იყო, რომელიც გზაზე გადაგელობა, რათა შენგან განერიდებინა ნათელი მიზანი, რომელიც, ვინ იცის, რა ბედს გწევდა, თუკი შენს ჰორიზონტზე გამოჩნდებოდა. ო, ძმაო მედარდუს, ეშმაკი დღემდე დაუღლელად და შეუსვენებლად დაესეტება დედამიწაზე და ადამიანებს სთავაზობს თავის ელექსირს. ვის არ გაუსინჯავს ოდესღაც ჩვენ შორის მაგ ჯოჯოხეთური სამსალის გემო? მაგრამ ეს სომ ღვთის ნებაა, რომ ადამიანმა შეიგნოს მავნე ზემოქმედება თავისი წამიერი ფუქსაჯატობისა და ამის ნათელი შეგნებით ძალა მოიკრიბოს, რათა წინააღმდეგობის გაწევა შეიძლოს. ღვთის ყოვლისშემძლეობა იმაში მჟღავნდება, რომ სიკეთის ზნეობრივი პრინციპები ბუნებაში ბოროტებითაა განპირობებული, ისევე როგორც სიცოცხლე — სიკვდილით. ასე იმიტომ გელაპარაკები, მედარდუს, რომ ვიცი, ცუდად არ გამიგებ. ახლა კი წადი ძმებთან.

ამ წუთში მოულოდნელად ზენარი ტრფიალებისადმი ლტოლვამ შემიპყრო, ტკივილივით დამიარა ძარღვებში და ყველა ნერვი ამითრთოლა.

— ო, ავრელია! ავრელია! — ხმამაღლა წარმოვთქვი. წინამძღვარი სავარძლიდან წამოდგა და ხაზგასმული დარბაისლობით მითხრა:

— ალბათ შეამჩნევდი, რომ მონასტერში დიდი დღესასწაულისათვის ემზადებიან. ხვალ ავრელია უნდა აღეკვეცოს მონაზვნად და სამონასტრო სახელი — როზალია დაერქვას.

გაქვავებული და თავზარდაცემული ვიდექი წინამძღვრის წინაშე.

— წადი ძმებთან! — მრისხანებაგარეული ხმით მითხრა და მეც ანგარიშმიუცემლად შევედი სატრაპეზოში, სადაც ძმებს მოეყარათ თავ-

ვი. კვლავ ქარიშხალივით დამაყარეს კითხვები ჩემი საერო ცხოვრების შესახებ, მაგრამ ხმას ვერ ვიღებდი, წარსულის სურათები შავი ბურუსით დაიბურა, მხოლოდ ავრელიას სხივმოსილი და გაცივროვნებული ხატი მედგა თვალწინ. ლოცვები მოვიმიზეზე, ძმები დავტოვე და სამლოცველოსაკენ გავეშურე, მონასტრის უზარმაზარი წალკოტასში რომ იდგა. მინდოდა ლოცვა წარმომეთქვა, მაგრამ საამრ არ მეყო.

ღვთისმოსავ ფიქრებში წასული გამომავსიზლა ხეივანის ფოთოლთა წყნარება შრიალმა. „ის არის... ის მოდის... კვლავ ვიხილავ იმას,“ ჩუმად ჩემთვის ვფიქრობდი და შიშისა და ალტაცებისაგან გული მითრთოდა. თითქო ჩუმი ლაპარაკიც გავიგონე. სასწრაფოდ წამოვფარდი და სამლოცველოდან გავედი. ჩემგან არცთუ შორს ნელი ნაბიჯით მოსეირნობდა ორი მონაზონი, შუაში კი ახალმოსული ბანოვანი ჩაეყენებიათ. ო, ეს ნამდვილად ავრელია იყო! კრუნჩხვები დამემართა, ავკანკალდი, სუნთქვა შემიჩერდა, მინდოდა ნაბიჯი გადამედგა, მაგრამ ვერ შევძელი, მერე კი მიწაზე დავეცი. მონაზვნები და ახალმოსული მორჩილიც ბუჩქებში მიიკარგნენ. რა საშინელი დღე დამიდგა! რა ღამე გამითენდა! სულ ავრელია და ავრელია მედგა თვალწინ. არანაირი სხვა ხატი, არანაირი სხვა ფიქრი არ არსებობდა ჩემთვის.

როგორც კი ინათა და დილის მზემ პირველი სხივები ამოაბრწყინა, მონასტრის ზარებმა ავრელიას მონაზვნად კურთხევის დღესასწაული გვამცნეს. საეკლესიო მამები და ძმები დიდ დარბაზში შეიკრიბნენ. დარბაზში შემობრძანდა აბატისა ორი მონაზვნის თანხლებით. გამოუთქმელი გრძნობა დამეუფლა, როცა კვლავ ვიხილე იგი, ვისაც ასე წრფელად უყვარდა მამაჩემი, თუმცა მამამ თავისი ცოდვილი და ბრალეული ქმედებებით დაარღვია კავშირი, რომელიც უზენაეს მიწიურ ნეტარებას პირდებოდა, მაგრამ აბატისამ მაინც გადაიტანა მის ვაჟიშვილზე თავისი გულისთქმა. ამ გულისთქმამ დაამსხვრია ერთ ღროს მისი ცხოვრება. აბატისას უნდოდა თავისი მაცდუნებელი სატრფოს ვაჟიშვილში სიკეთე და ღვთისმოსავობა აღეზარდა, მაგრამ იგი მამის დარად დანაშაულზე დანაშაულს უმატებდა და ერთი ბეწო იმედიც მოესპო მოძღვარ ქალს, სათნოებით ეხსნა ცოდვილი მამის სული მარადიული წყევლისაგან.

თავჩაქინდრული, მიწას ჩაშტერებული გაქვავებული ვუგდებდი ყურს ილუმენი ქალის მოკლე შესავალ სიტყვას, რომელიც აუწყებდა შეკრებილ სამღვდელოებას ავრელიას კარტეზიანულ მონასტერში მონაზონთა თანა შერაცხვის შესახებ და კვლავაც მოუწოდებდა საეკლესიო მრევლს გულმსურვალედ ელოცა ამ გადამწყვეტ წუთებში, როცა იგი საზეიმო აღთქმას ამბობდა, რათა ამით დაეთრგუნა სატანის ძალოვანება, რომ იმას ჭკუისდამაბნეველი თამაში არ წამოეწყო ზეციური ქალწულის სატანჯველად და საცთუნებლად.

— მძიმე, ძალზე მძიმე იყო ის განსაცდელი, რაც ამ ქალწულმა გადაიტანა, — თქვა ილუმენმა ქალმა, — ეშმაკს მისი ცთუნება ეწადა, ბოროტი გზისაკენ უბიძგებდა, რა მზაკვრული ფანდებით არ ცდილობდა იგი მის მოჯადოებას, უნდოდა ჭკუიდან შეეშალა, ჩაეგონებია მისთვის, ბოროტებაზე რომ არც უფიქრია ისე, თითქო უკვე შესცოდა,

ხოლო სიზმრისგან გამოფხიზლებული სირცხვილსა და სასოწარკვეთაში ჩაეგდო და უბედურება დაეტენა თავზე. მაგრამ ყოველად ძლიერმა ძალამ დაიფარა უცოდველი არსება. და თუ დღეს კაცთა მოდგმის მოსისხლე მტერი გაბედავს და ხელმეორე თავდასხმას მოუწყობს ზეციურ ასულს, კიდევ უფრო სახელოვანი იქნება მისი გამარჯვება სატანაზე. ილოცეთ, ძმანო ჩემნო, მაგრამ იმისათვის კი არა, რომ ქრისტეს სასძლოს ორჭოფობა არ დაეუფლოს, მისი ზეცისაკენ მიდრეკილი სული ისედაც მტკიცეა და შეურყეველი, ილოცეთ მხოლოდ იმისათვის, რაიმე მიწიური უბედურება არ დაატყდეს თავს და ხელი არ შეუშალოს ამ ღვთიურ ქმედებას. ჩემს გულს შიში დაუფლებია და არაფრით არ ძალმძის გავუმკლავდე მას.

ცხადი იყო, როცა ცოდვის ეშმაკს ახსენებდა, აბატისა მხოლოდ მე მგულისხმობდა, მხედველობაში ჰქონდა რა ჩემი იქ ყოფნა ავრელიას წმინდანად კურთხევის ჟამს, ეჭვი არ ასვენებდა, ვაითუ რაიმე ახალ ბოროტებას ამზადებდნო კვლავაც, მაგრამ ზნეობრივად მამალღებდა სიწრფელე ჩემი წუხილისა და სინანულისა, აგრეთვე რწმენა იმისა, რომ ძირიან-ფესვიანად გამოვიცვალე. იღუმენმა ქალმა ერთხელაც არ ღირსმპყო თავისი შეხედვით, ამან კი სულის სიღრმემდე შეურაცხმპყო და მწარე შხამგარეული სიძულვილი აღმიძრა, რომლის მსგავსი რეზიდენციაში ვიგრძენი, როცა პირველად ვნახე ჰერცოგის მეუღლე. როგორც კი აბატისა პირველად შემოვიდა, მზად ვიყავი მუხლი მომედრიკა მის წინაშე, ხოლო ახლა, როცა მისი სიტყვები გავიგონე, ძალიან მომიინდა უტიფრად მეთქვა:

— ნუთუ ყოველთვის მიწიური ვნებებისაგან დაცლილი ქალი იყავი, როცა ჩემს მამას უყვარდი? ნუთუ ცოდვილი ფიქრი არ გეუფლებოდა, როცა იმას უცქერდი? ნუთუ იმ წუთებშიც კი, როცა მიტრა და კვერთხი გამკობდა, არ გაიღვიძა შენში ჩემი მამის ხატმა, ვითარცა სევდამ მიწიური სიხარულისა? ანდა მაშინ რას გრძნობდი, ამაყო ქალბატონო, როცა შენი დაკარგული სატროფოს ვაჟიშვილი გულში ჩაიკარ და ტკივილით აღსავსე ხმით ამოთქვი უტიფარი ცოდვილის სახელი? შებრძოლებიხარ ოდესმე ჩემსავით ბნელ ძალებს? ძაღვიძს კი გაიხარო შენი გამარჯვებით, თუკი წინასწარ სასტიკი ბრძოლა არ გადაგიტანია სატანური ცდუნების წინააღმდეგ? განა შენ ისე მორჭმულად გრძნობ თავს, რომ გძულდეს ადამიანი, ვინც წამიერად მინებდა უძლიერეს მტერს, მერე კი ამაღლდა ღრმა განდობასა და მონანიებაში?

ჩემი აზრების მოულოდნელმა შეცვლამ მონანიე ცოდვილი აქცია მზვაობარ გამარჯვებულად, რომელმაც მტკიცედ შეაბიჯა ახლახან გამოვლილი ბრძოლის შედეგად კვლავ მოპოვებულ ცხოვრებაში, რისი კვალიც უთუოდ აღიბეჭდა ჩემს პირისახეზე, რადგანაც იქვე მღვარმა მღვდელმა მკითხა:

— რა მოგივიდათ, ძმანო მედარდუს? რა უცნაური მრისხანებით უყურებთ მაღალუწმინდეს ქალბატონს.

— ჰო, რა თქმა უნდა, — მივუგე ძლივს გასავონი ხმით, — იგი შეიძლება მაღალუწმინდესი ქალბატონი იყოს, რადგან უწმინდურს არაოდეს შეეძლო მიწვდომოდა მის სიმაღლეს. მით უფრო რომ ამჯერად ჩემზე იგი ახდენს უფრო წარმართი მოგვის, ვიდრე ქრისტიანი მისნის

შთაბეჭდილებას, ვისაც დანა მოუღერებია, რათა ადამიანთა მსხვერპლი გაიღოს.

თვითონაც არ ვიცი, როგორ დასცდა ჩემს ბაგეთ ეს სიტყვები, საც სულ არ ჰქონია არანაირი კავშირი ჩემ მიერ აქამდე ნათქვამებთან, — მაგრამ ამ სიტყვებით ერთმანეთში აირ-დაირია ზრელ ქალოსად ქცეული ნაირ-ნაირი სახეები და შემაძრწუნებელ სანახარშად დაამეშალა თვალწინ. ნუთუ ავრელია სამუდამოდ ტოვებდა ამქვეყნიურ სამყაროს და ჩემსავით უარს ამბობდა მიწიურ ნეტარებაზე, რაღაც ალ-თქმას დებდა, რაიც რელიგიური სიგიჟის უაზრო გამოხატონად მეჩვენებოდა? მაშინდელივით ახლაც მეგონა, რომ ორივენი — მეცა და ავრელიაც — თუნდაც ერთი წამით ვზიარებოდით მიწიურ სიტკბოებას და თუ გინდა მომკვლარიყავით ჯოჯოხეთის შავ-ბნელ ძალებს მინდობილნი, აღარ დავეძებდით. დიახ, ძრწოლვისმომგვრელი ურჩხულის დარად, თვითონ სატანასავით გამიელვა სულში მკვლელობის ფიქრმა. ო, მე იმდენად დამიბნელდა ჭკუა-გონება, ვერც შევამჩნიე, სწორედ იმ წუთებში, როცა იღუმენი ქალის მიერ წარმოთქმული სიტყვები ჩემს თავზე მივიღე, სწორედ იმ წუთებში შემიპყრო ჯოჯოხეთურმა ძალამ, რომელიც მაიძულებდა საშინელი დანაშაული ჩამედინა. მღვდელმა, ვისაც იმ დროს ველაპარაკებოდი, შეშინებულმა შემომხედა:

— ღვთისა და წმინდა ქალწულის გულისათვის, გამაგებინეთ, რას ამბობთ? — მეუბნებოდა იგი.

მე შევხედე აბატისას, რომელიც დარბაზიდან გასვლას აპირებდა. როცა იმისი მზერა დავიჭირე, შევამჩნიე, მიცვალებულის ფერი დაედო სახეზე და ფართოდ გახელილი თვალებით მომაშტერდა. მერე შებარბაცდა. მონაზონმა ქალებმა ძლივს შეაშველეს ხელი, რომ არ დაცემულიყო. მომეჩვენა, თითქოს წაიჩურჩულა: „ო, ჩემო წმინდანო მფარველებო, ხომ ახდა ჩემი წინათგრძნობა?“ მალე ამის შემდეგ აბატისასთან უხმეს წინამძღვარ ლეონარდუსს. ლეონარდუსი მხოლოდ მაშინ დაბრუნდა დარბაზში, როცა პაერში გაიბნა მონასტრის ზარების ხელახალი რეკვა და ორლანის მგრგვინავ აკორდებს მონაზონთა ქოროს მიერ შესრულებული ღვთის სადიდებელი საგალობლები შეერია. სხვადასხვა ორდენის მღვდლები საზეიმო პროცესიას შემოჰყვნენ ეკლესიაში, რომელიც ისე იყო გადაჭედილი, როგორც წმინდა ბერნარდუსის ღღეს. სურნელოვანი ვარდებით მორთულ მთავარსაკურთხევლის ერთ კუთხეში, კლიროსის პირდაპირ სასულიერო პირთათვის განკუთვნილ მომალ-ლო ალაგას მოთავსებული იყო კაპელა ეპისკოპოსისა, რომელიც პირადად მონაწილეობდა ღვთისმსახურებაში. ლეონარდუსმა გვერდზე გამიხმო და საუბარი გამიბა. შევამჩნიე, რომ მოუსვენრად იყო და თვალყურს მადევნებდა, არც ერთი ჩქამი არ გამოპარვია მის ყურადღებას. თავისთან ახლო დამაყენა და მითხრა, შენს სალოცავთან მინდა ვილოცო ცოტა ხანს. სწორედ მთავარსაკურთხეველთან ახლოს, დაბალი გისოსით შემოღობილ ადგილას შეიკრიბნენ თეთრ სამოსელში ჩაცმული მონაზვნები და გადამწყვეტი წუთიც დადგა. მონასტრის შიგა სავანიდან გისოსიანი კარის გავლით კარტეზიანელმა მონაზვნებმა ავრელია შემოიყვანეს და საკურთხევლის წინ დააყენეს. ბრბო მის გამოჩენას ალტაცებული შეძახილებით შეხვდა. ორლანი დადუმდა. სამაგიეროდ გაისმა მონაზონი ქალების უებრო სისადავით აღვსილი საოცარი ჰიმნი, რომელ-

მაც სულის სიღრმემდე შემძრა. თვალის გახელა ვერ გავბედე. გამოუთქმელი შიში დამეუფლა. ჭკუა ისე დამებნა, გაოგნებისაგან კრუნ-ჩხვები დამემართა და ჩემი ლოცვანი იატაკზე დავარდა. მოულოდნელად თავბრუ დამეხვა და ლეონარდუსს რომ არ დავეჭირე, სკამიდან ჩამოვვარდებოდი.

— რა მოგივიდა, მედარდუს? — წყნარად მკითხა წინამძღვარმა, — საოცრად აღელვებული ხარ, გაუმკლავდი ბოროტ ძალას, რომელიც შენს ცდუნებას ლამობს.

ღონე მოვიკრიბე, თავი ავწიე და ვიხილე ავრელია, რომელიც მუხლებზე დაჩოქილიყო მთავარსაკურთხევლის წინ. ო, ცათა მეუფეო! მისი მაღალმშვენიება და მათრობელა ჯადო-გრძნება უწინდებურად და უფრო მეტადაც აფრქვევდა ირგვლივ ნათელს. იგი თეთრ საპატარძლო კაბაში იყო გამოწყობილი, როგორც იმ საბედისწერო დღეს, როცა ჩემი უნდა გამხდარიყო. ვარდები და მირტები ჩაეწნა თმაში. ლაწვები ვარდისფრად აფერადებოდა ღელვისაგან, როცა გულმხურვალედ წარმოთქვამდა ლოცვებს და სადღესასწაულო წუთებს განიცდიდა. ზეცისაკენ მიპყრობილ თვალებში გამოკრთოდა წმინდა, არამქვეყნიური სიხარული. მაგრამ რას მოვიდოდა ეს წუთები იმ დიდებულ ჟამთან, როცა პირველად ვიხილე ავრელია ანუ ჰერცოგის სასახლეში შევხვდი. სიყვარულისა და გულისთქმის ცეცხლი წინანდელზე მეტად შემომენთო. „ო, ღმერთო ძლიერო, ო, წმინდანებო, ჭკუას ნუ დამაკარგვინებთ, ნუ გამაგიჟებთ, მიხსენით, მიხსენით ჯოჯოხეთური ტანჯვისაგან. არ გამაგიჟოთ, თორემ საშინელ დანაშაულს ჩავიდენ და მარადიულ წყევლას მოვუტან საკუთარ თავს“. — ეს ვთქვი და ჩუმად ჩემთვის ლოცვა დავიწყე, თანაც ვგრძნობდი, რა ძალუმად მიპყრობდა ბოროტი სული. მომეჩვენა, რომ ავრელია თანამონაწილე იყო იმ უკეთური საქმეების, მე რომ ჩავიდინე. ის ალთქმა, რომელიც იმას უნდა წარმოეთქვა, ეს იყო საზეიმო ფიცი საკურთხევლის წინ მხოლოდ იმაზე, რომ იგი ჩემი უნდა გამხდარიყო. მე მასში ქრისტეს სასძლის კი არა, დამნაშავე მღვდლის ცოლს ვხედავდი, ვინაც თავისი ალთქმა დაარღვია. სასტიკმა ვნებამ ამიტანა, მინდოდა ჯერ მძვინვარე ნდომით მოვხვეოდი, მერე კი სიცოცხლე მომესწრაფა მისთვის. ეს აზრი მოსვენებას მიკარგავდა. მერე ბოროტი სული დამეუფლა. როცა საშინლად შემომიტია, ლამის ვიკივლე: „შეჩერდით, გინებადაბნელებულებო! თქვენ მიწიურ ვნებათაგან განწყენდილ ქალწულს კი არა, მღვდლის საცოლეს განუმზადებთ ცად ამაღლებას“. ანაფორაში დანას დავუწყე ძებნა, რათა მონაზონ ქალებს მივვარდნოდი და ხელიდან გამომეტაცნა მათთვის ავრელია, მაგრამ ჩემი ეს ფაციფუცი დიდხანს არ გაგრძელებულა. აი, ავრელიამ იწყოს საზეიმო ალთქმის ღალადი. მისი ხმა რომ გავიგონე, მეგონა, მთვარის ღმერთმა ნათებამ გაჰკვეთა გამძვინვარებული ქარიშხლით გაფანტული შავი ღრუბლები და სულში ნათელი სხივი ჩამელვარა-მეთქი. და მე ვიცანი ბოროტი სული, რომელსაც არ შევეპუე და გავუძალიანდი, მინდოდა, რადაც არ უნდა დამჯდომოდა, დამეთრგუნა იგი. ავრელიას ყოველი სიტყვა ახალ ძალმოსილებას მძენდა. მალე გამარჯვებული გამოვედი უსასტიკესი ბრძოლიდან. ავისქმედების ყოველი შავი ფიქრი თუ მიწიური გულისთქმის ყოველი ჩქამი გამიქრა. ავრელია ზეციური სასძლო იყო, ღვთისმოსავი და ნეტარი, ამიტომ მისი ლოცვა მიხსნიდა მა-

რადიული წყევლისა და სირცხვილისაგან. მისი ლოცვები ჩემი ნუგეში, ჩემი სასოება გახდა. ზეციურმა სიხარულმა გამინათა აწეწილი სული. ლეონარდუსს, ეტყობა, შეუმჩნეველი არ დარჩენია ჩემი ეს ფერისცვალება. იგი მხოლოდ ახლალა დავინახე. ლეონარდუსმა ნაზი, მამობრივი ხმით მითხრა:

— შენ, შვილო ჩემო, სძლიე ეშმაკს. ეს იყო შენი ბოლო ^{ერეტიკული} ~~ბოლო~~ ^{შედეგი} ~~შედეგი~~ გამოცდა, ყოვლადძლიერმა ზენა ძალამ რომ განგიმზადა.

საზეიმო ფიცი წარმოთქმულ იქნა. ვიდრე წმინდა დების გუნდი ანტიფონურ საგალობელს მღეროდა, ავრელიას მონაზვნის სამოსს აცმევდნენ. თმაში ჩაწნული ვარდები და პირტები ამოაძრეს და ის იყო კულულებად გაშლილი თმა უნდა მოეკვეცათ, რომ ეკლესიაში ხმაური ატყდა. დავინახე, როგორ იხუვლა აჩოჩოლებულმა ხალხმა, როგორ მიასკდნენ ერთმანეთს და მიწაზე დავარდნენ. განგაშმა სულ უფრო იმატა და ხალხის ჯგლეეთას გაავებით და გაშმაგებით მიაპობდა ნახევრად შიშველი კაცი, რომელსაც ტანზე აქა-იქ ძონძებად შერჩენოდა კაპუცინის სამოსი. მან ძალუმი მუშტის კვრით გაარღვია შექუჩებული ბრბო. თვალები ველურად უელავდა. მე ვიცანი ჩემი ამაზრზენი ორეული. საშინელი წინათგრძნობით აღვსილი ფეხზე წამოვიჭერი და მინდოდა წინ გადავდობებოდი შემოსულს. შეშლილი საფრთხობელა გადაახტა გაღერეას, რომელიც მთავარსაკურთხევლის მოედანს ეკვროდა. მონაზვნებმა ერთი ვაი-ვიში ატეხეს და შეშინებულნი მიმოიფანტნენ. იღუმენმა ქალმა მაგრად ჩაავლო ხელი ავრელიას.

— ჰა, ჰა, ჰა, ჰა! — იღრიალა შეშლილმა და ავრელია აბატისას ხელიდან გამოგლიჯა, — თქვენ გინდათ პრინცესა წარმტაცოთ? ჰა, ჰა, ჰა! პრინცესა ჩემი საცოლეა, ჩემი საცოლე — ეს თქვა და ავრელია ადვილიდან ააგლიჯა, მალლა აისროლა და თავს ზემოდან მოქნეული დანა მკერდში ვადამდე გაუყარა... სისხლმა შადრევანივით ამოხეთქა.

— ვაშა, ვაშა, ვაშა! ახლა კი ჩემი საცოლე ჩემთანაა, მე კვლავ დავიბრუნე პრინცესა. — გააფრთებული ღრიალით მთავარსაკურთხევლის უკან გადახტა და მონასტრის დერეფნებში მიიმალა.

შეძრწუნებული მონაზვნების წივილ-კივილი იქაურობას აყრუებდა.

— მკვლელობა, მკვლელობა უფლის საკურთხეველთან! — ყვიროდა ხალხი და გრგვინვა-გრიალით მიიწევდა სამსხვერპლოსაკენ.

— მონასტრის გასასვლელებთან დადექით, რომ მკვლელი არ გაიქცეს! — მჭექარე ხმით დაიძახა ლეონარდუსმა. ხალხი გარეთ გავარდა, მღვდელთაგან უფრო გაბედულებმა კი ხელი დასტაცეს კუთხეში მიყუდებულ კვერთხებს, რომელთაც პროცესიის მსვლელობისას ხმარობდნენ და უკან გამოუდგნენ მტარვალს. ეს ყველაფერი თვალის ერთ დახამხამებაში მოხდა. ავრელიას გვერდით მუხლი მოვიყარე. მონაზვნები თეთრი ხელსახოცებით ჭრილობას უხვევდნენ, მერე კი გულშელონებულ აბატისას გარშემო აფუსფუსდნენ. ჩემ გვერდით ვილაცამ დაიჭექა:

— Sancta Rosalia, ora pro nobis.¹

და ყველამ, ვინც კი ეკლესიაში იყო დარჩენილი, ხმამაღლა გაიგეორა:

1. წმინდა როზალია, ილოცე ჩვენთვის. (ლათ.).

— სასწაული! სასწაული! იგი ხომ წამებულია!

მალა ავიხედე, თავზე მადგა მოხუცი მხატვარი. ისეთი დარბაის-
ლური და ღმობიერი სახე ჰქონდა, როგორც მაშინ, სატუსალოში რომ
მეახლა. არანაირ მიწიურ ტკივილს აღარ ვგრძნობდი ავრელიას გარდა-
ცვალების გამო, აღარც იმ ძრწოლას, ჩვეულებრივ რუმე მუფლებოდა
მხატვრის ყოველი გამოჩენისას. და ეს იმიტომ, რომ ჩემს სულის სილ-
რმეში ნათელი გახდა, როგორ ამეხსნა და გამომეცნო საიდუმლო ხლა-
რთები, ბოროტი ძალა რომ მიმზადებდა.

— სასწაული, სასწაული! — არ ცხრებოდა ხალხი, — შეხედეთ,
იისფერმოსასამიანი მოხუცი კაცი, იგი მთავარსაკურთხევის სატი-
დან გამოვიდა, მე ეს დავინახე.

— მეც დავინახე.

— მეც, მეც! — ისმოდა აქეთ-იქიდან. მერე ყველა ერთბაშად მუ-
ხლებზე დაეცა. უთავბოლო ხმაური მიწყნარდა. ყველა ლოცვებს ჩურ-
ჩულებდა. ამ ლოცვებს ხანდახან გულიდან ამომსკდარი ქვითინი თუ და-
არღვევდა. გულშელონებული აბატისა თანდათან გონს მოეგო და უღ-
რმესი ტკივილით აღსავსე გატანჯული ხმით ამოთქვა:

— ავრელია, შეილო ჩემო! ჩემო ღვთისმოსავო ასულო! ღმერთო
ძლიერო, იყოს ნება შენი!

მოიტანეს ბალიშებიანი და საბანგადაფარებული საკაცე. როცა ავ-
რელია ზედ დააწვინეს, ღრმად ამოიოხრა და თვალები გაახილა. მხატ-
ვარი თავზე ადგა, შუბლზე ხელი შეახო. იგი ძალმოსილ წმინდანს ჰგა-
ვდა. ყველა და თვითონ აბატისაც საოცარი მოწიწებით და პატივისცე-
მით განიმსჭვალნენ მისადმი. საკაცესთან ახლო მუხლებზე დავეცი. ავ-
რელიამ შემსედა. ჩემი სული გამოუთქმელმა წუხილმა შეიპყრო ამ ტა-
ნჯული და წმინდა ასულის მოწამეობრივ სიკვდილზე, ოღონდ ძალა არ
შემწევდა სიტყვა მეთქვა. მხოლოდ ყრუ გოდება აღმოსკდა ჩემს გულს.
მაშინ ავრელიამ ნაზი და წყნარი ხმით მითხრა:

— ჩემზე რად წუხხარ? მე ხომ ზეციურმა სამარადო ძალამ ღირს-
მყო და მიწისაგან განმაშორა იმ წუთში, როცა ყოველი მიწიერი არარა-
ობა შევიცან და როცა ჩემი გული აღივსო უსასრულო ღტოლვით მა-
რადიული სიხარულისა და ნეტარების სამყაროსადმი.

ფეხზე წამოვდექი და საკაცესთან მივედი.

— ავრელია, — წარმოვთქვი გულათრთოლებულმა, — წმინდა ქა-
ლწულო! თუნდაც ერთი წამით მაღირსე შეხედვა ზეციურ სიმაღლეს
მიასწებულმა, რათა არ დავინთქე მტანჯველ, ჭკუისშემშლელ ეჭვებში,
რომელთაც შესძრეს სული ჩემი, დამიშრიტეს ძალი ყოველი. ავრელია,
შენ ხომ გძულს ცოდვილი, რომელიც ბოროტი სულის დარად შეიჭრა
შენს ცხოვრებაში? ო, იმან წრფელად მოინანია, მაგრამ ღრმად იცის,
რომ მონანიება როდი შეამსუბუქებს მისი ცოდვების ამაზრზენ ტვირთს.
ავრელია, იქნებ შეურიგდე მას სიკვდილის პირას მყოფი.

ავრელიამ გაიღიმა და თითქო ანგელოსთა ფრთების შეხება ვიგრ-
ძენი. მერე თვალები დახუჭა.

— ქრისტე მაცხოვარო, ყოვლად წმინდაო ღვთისმშობელო მარი-
ამ! განწირული ვარ უნუგემო უსასოებაში დავინთქე. ო, ღმერთო, მი-
ხსენი, მიხსენი, ამ სატანჯველისაგან.

გულმხურვალე ლოცვას აღვუვლენდი ზეცას. ავრელიამ ისმინა ჩემი ვედრება და კვლავ გაახილა თვალი.

— მედარდუს! — შემომღალადა მან, — შენ მიენდე ბოროტი სულის შთაგონებას, მაგრამ განა მე კი ცოდვებისაგან ვარ განწმენდილი? მე ხომ იმედი მქონდა, მიწიერ ბედნიერებას მივალწევდი ჩემი ცოდვების სიყვარულის მეშვეობით? ღვთის საგანგებო ნებამ განსაზღვრა ჩვენი გვარ-ტომის მძიმე გარდასთომილებათაგან გამოსსნა და ასე შეგვკრა და შეგვაერთა სიყვარულის დუღაბმა, რომელიც ვარსკვლავთა მიღმა მეუფეობს და არანაირი საერთო არა აქვს მიწიერ სიხარულთან. მაგრამ კაცთა მოდგმის ცბიერმა მტერმა შეძლო დაეფარა ჩვენთვის ღრმა მნიშვნელობა ჩვენი ტრფობისა და უსასტიკესი საცთურებით ვეცდუნებინეთ, რათა მხოლოდ მიწიურის გზით გაგვეხადა საცნაური ზეციური არსი. ო, იგი ხომ მე ვიყავ, სიყვარული რომ გაგიმხილე სააღსარებოში? მაგრამ მარადიული სიყვარული კი არ ჩაგაგონე, სურვილების სატანური ცეცხლი დავანთე შენს სულში. სწორედ მან გშთანთქა შენ და გინდოდა დამნაშავეური ქმედებებით ჩაგექრო ეს ცეცხლი. გამხნევდი, მედარდუს. ბედუკულმართ გიყს, რომელიც ბოროტმა სულმა აცთუნა, ეგონა, რომ იმას უნდა გაესრულებინა შენ მიერ დაწყებული საქმე, მაგრამ იგი ოდენ ბრმა იარაღი იყო, ვისი მეშვეობითაც ღვთის ნება აღსრულდა წინასწარგანზრახულად. გამხნევდი, მედარდუს. მალე, მალე...

ბოლო სიტყვები ავრელიამ თვალდასუჭულმა წარმოთქვა და გრძნობა დაკარგა. მაგრამ სიკვდილი ჯერაც ვერ დაეუფლა თავის მსხვერპლს.

— აღსარება გითხრათ არა, თქვენო უწმინდესობავ? ხომ გითხრათ აღსარება? — ცნობისმოყვარედ მეკითხებოდნენ მონაზვნები.

— ო, არა, — მივუგე მე, — აღსარება კი არა, ზეციური ნუგეშით აღავსო ჩემი სული.

— გიხაროდეს, მედარდუს! მალე დამთავრდება შენი გამოცდის ეამი და მეც მაშინ ვილორძინებ! — ეს სიტყვები წარმოთქვა მხატვარმა. მე მივეასლე მას და ვთხოვე:

— ნუ დამტოვებ მარტო, საოცარო კაცო!

არ ვიცი რატომ, მაგრამ როცა ლაპარაკის გაგრძელება მინდოდა, გონებაზე ბინდი გადამეფარა და რაღაც უცნაურ მდგომარეობაში ჩავვარდი. თითქო ბურანში წავედი, მერე კი მოულოდნელად ხმამაღალმა ძახილმა, ყვირილმა გამომათხიზლა. მხატვარი ისე გაუჩინარდა, ვერც გავიგე. იგი მეტი აღარც მინახავს. გლეხები, მოქალაქეები, ჯარისკაცები ეკლესიას მოაწყდნენ. ისინი დაუინებით მოითხოვდნენ, მონასტერში შესვლის ნება დაგვრთე, ყველა კუთხე-კუნჭულში უნდა დავძებნოთ ავრელიას მკვლელი, რომელიც ჯერ კიდევ არ უნდა იყოს მონასტრიდან გასულიო. იღუმენ ქალს სამართლიანად ეშინოდა გამძვინვარებული ხალხისა, რამე უბედურება არ დაატრიალონო, და უარი უთხრა თხოვნაზე. მიუხედავად იმისა, რომ მისადმი დიდი კრძალვა და რიდი ჰქონდათ, მაინც ვერ შეძლო დაეშოშმინებინა გაცეცხლებული ადამიანები, რომლებიც არა და არ ცხრებოდნენ. ისინი სამღურავს ეუბნებოდნენ აბატისას, მკვლელს იმიტომ მალავ, რომ იგი მღვდელია და არ გინდა ეკლესიას სახელი შეებღალოსო. აღელვებულებმა, მონასტრის შტურმით აღება მოიწადინეს. მაშინ ლეონარდუსი ავიდა კათედრაზე და შთამაგონებელი

სიტყვებით მიმართა იქ მყოფთ. მან ორიოდ სიტყვით ილაპარაკა იმაზე, რაოდენ დიდი ცოდვას წმინდა სავანეთა შებილწვა-შეგინება, მონასტერზე მკრეხელური თავდასხმა. მან განმარტა, რომ ეს კაცი სულაც არ არის ეკლესიის მსახური, ერთი სულით ავადმყოფია, რომელიც ჩვენმა მონასტერმა შეიფარა, და, რაკი ეს უბედური მკვდარი ეგონა, ამიტომაც ვუბრძანე კაპუცინის ტანსაცმლით შეემოსათ და საცხედრეში ისე დაესვენებინათ, მაგრამ თურმე ნუ იტყვიან, იგი მკვდარი კი არა, გულშეღონებული ყოფილა და როცა გრძნობაზე მოვიდა, იქიდან ისე გაიპარა, მისი ასავალ-დასავალი ვერსად ვიპოვეთო. იგი რომ კვლავ მონასტერში იყოს, ვერაფრით ველარ შესძლებდა იქიდან გაპარვას, რადგან ყველა ღონე ვისმარეთ მის მოსაძებნადო. ამის გამგონე ბრბო ცოტათი დამშვიდდა, მაგრამ დაუინებით კი მოითხოვა ავრელია მონასტრის დერეფნებით კი არა, ეზოდან საზეიმო პროცესიის თანხლებით გაეყვანათ. ხალხის სურვილი დააკმაყოფილეს. დამფრთხალმა მონაზვნებმა ვარდებით მორთული ჯალამბერი მალლა ასწიეს. ავრელიაც წინანდებურად იყო შემკული მირტებითა და ვარდებით. ჯალამბერს, რომლის ზემოთ ოთხ მონაზონს ბალდახინი მოჰქონდათ, ნელი ნაბიჯებით წინ მიუძლოდა აბატისა, რომელიც ორ მონაზონს მოჰყავდა. პროცესიას მისდევდნენ კარტეზიანული მონასტრის სხვა მონაზვნები წმინდა დების თანხლებით, შემდეგ კი სხვადასხვა ორდენის ძმები. მსვლელობას ამთავრებდა ხალხი. პროცესია ეკლესიისაკენ დაიძრა. მონაზონი, რომელიც ორდანიზე უკრავდა, ქოროშიც დროულად აღმოჩნდა, ამიტომაც როგორც კი პროცესია ეკლესიის შუაგულ ადგილს მიუახლოვდა, ქოროდან მოისმა ორდანიის ხავერდოვანი, სასწაულად გულში ჩამწვდომი ხმები. მაგრამ შეხედეთ, ნელა წამოიძარტა ავრელია და ლოცვად აღაპყრო ხელები ზეცისაკენ. და კვლავ ძირს დაემხო მუხლებზე ხალხი და ამოთქვა გულიდან ამონაკვნესი სიტყვები: „Sancta Rosalia, ora pro nobis“. ასე აღმისრულდა სიცხადეში, რაც მაშინ შემცნო, როცა პირველად ვიხილე ავრელია და სატანის მიერ გონებადამნელებულმა მკრეხელური პირმოთნეობით შევცოდე.

როცა მონაზვნებმა მონასტრის ქვემო დარბაზში ჯალამბერი ძირს დადგეს, როცა წმინდა დებმა და ძმებმა ლოცვით გარს შემოუარეს, ავრელიამ ერთი ღრმად ამოიკვნესა, მის გვერდით დაჩოქილ აბატისას მკლავებზე მიესვენა და სული განუტევა. ხალხს მონასტრის კარიბჭიდან ფეხი არ მოუცვლია. და როცა ხარების რეკვამ ქვიჩანას ამცნო მიწიერი აღსასრული ღვთისმოსავი ქალწულისა, ხალხში მწარე გოდება და გულისმომკვლელი ზღუქუნი გაისმა. ბევრმა ფიციც დადო, ვინც დაკრძალვის ლიტურგიამდე სოფელში დარჩენილიყო, ხოლო სახლებში დაბრუნებულები გარკვეულ დრომდე მკაცრად იმარხულებდნენ. მთელ ქვიჩნიერებას ელვისებურად მოედო შემადრწუნებელი დანაშაულისა და ქრისტეს სასძლოს წამებული სიკვდილის ამბავი და საბოლოოდ ავრელიას დაკრძალვის ლიტურგია, რომელიც ოთხ დღეს გაგრძელდა, შეედარა წმინდანის ფერისცვალების აღსანიშნავ სულის ამამალლებულ დღესასწაულს. დაკრძალვის წინა დღეს მონასტრის ახლო გაშლილ მინდორზე უამრავ ხალხს მოეყარა თავი, სწორედ ისე, როგორც ეს წმინდა ბერნარდუსის დღეს ხდებოდა. ადამიანებს მიწაზე მოერთხათ ფეხი და გა-

თენებას ელოდებოდნენ. მაგრამ ნაცვლად მხიარული სორსოცისა და გნიასისა, ისმოდა წყნარი ამოკვნესა და ძლივს გასაგონი ბუტბუტი. ყველას პირზე ეკერა ამბავი შემზარავი ბოროტმოქმედებისა, რომელიც ეკლესიის მთავარსაკურთხეველთან მოხდა. და თუკი ვინმე სხამართლა რალაცას წამოიძახებდა, ეს იყო წყევლა-კრულვა, რომელსაც უთვლიდნენ უკვალოდ გამქრალ მკვლელს.

ოთხი დღე უმეტესწილად განმარტოებით გავატარე სამეფოცხელთში, რომელიც ბაღის ერთ კუთხეში იყო მოთავსებული, და ამ ოთხმა დღემ უფრო ღრმა ზეგავლენა მოახდინა ჩემი სულის განკურნებაზე, ვიდრე რომის კაპუცინთა მონასტერში ჩატარებულმა სანგრძლივმა და მკაცრმა ეპიტიმიათ. ავრელიას უკანასკნელმა სიტყვებმა ნათლად გადამიშალა ჩემი ცოდვების საიდუმლო. მივხვდი, რომ სათნოებისა და ღვთისმოსაობის მთელი ძალმოსილებით შეჭურვილს არ შემეძლო გავმკლავებოდი შემოტევას სატანისა, რომელიც დევნიდა ცოდვილთა მოდგმას და სულ უფრო და უფრო ძალუმად იდგამდა ფესვს. ბოროტი თესლის ჩანასახი ჯერაც უმნიშვნელო და სუსტი იყო ჩემში, როცა კონცერტმაისტერის დით მოვიხიბლე, როცა ჩემს სულში ცოდვილმა მზგაობრობამ გაიღვიძა. და რომ საბოლოოდ დაველუბე, სატანამ ხელში ჩამჩარა ელექსირი, რომლის წყეულმა შესამმა სისხლი ამიდულა. ამის შემდეგ მისხლითაც არ მიღია ყურად უცნობი მხატვრის, წინამძღვარ ლეონარდუსის და აბატი-სას გამაფრთხილებელი შეგონებები. ხოლო ავრელიას გამოჩენამ საალ-სარებოში საბოლოოდ ჩამოაყალიბა ჩემი პიროვნება დამნაშავედ. სწორედ ეს ცოდვა მექცა ფიზიკურ სნეულებად, რომელიც შესამის დაღევამ გამოიწვია. როგორ შემეძლო სატანაზე მინდობილი ჩავწვდომოდი იმ ურთიერთკავშირს, რომლის შემწეობითაც მამაზეციერის ძალთამყრობლობამ ჩემი და ავრელიას ბედი ერთმანეთს ჩააქსოვა, ვითარცა მარადიული ტრფობის სიმბოლო. სატანამაც, თავის მხრივ, გულღრძოდ მიმაჯაჭვა უწმინდურთან, რომლის არსებამ ჩემში იმნაირად დაიბუდა, როგორიც მან ჩემზე მოახდინა სულიერი ზემოქმედება. საქმემ, რომელიც მოჰყვა ეშმაკეულ საცთურს, სიკვდილზე ფიქრთან განდობილი გამხადა. ამან მიბიძგა უსაზიზღრეს დანაშაულობათა ჩადენისაკენ და გამიღვიძა სურვილი საზარი ტანჯვა-წამებით მეხეტიალა ქვეყნის კიდეზე. ვიდრემდე ავრელიამ მარადიული ძალის ნებით თავისი ალთქმა არ წარმოთქვა, ჩემი სული არ იყო განწმენდილი ცოდვებისაგან და მტერიც ჩემზე მძლავრობდა, მაგრამ საოცარი შინაგანი სიმშვიდე, ვითარცა ზეცირიდან ჩამობრწყინებული სინარული, მხოლოდ მას შემდეგ დამეუფლა, როცა ავრელიამ უკანასკნელი სიტყვები ამოთქვა და მე ვირწმუნე, რომ მისი სიკვდილი ეს იყო ალთქმა შერიგებისა.

როცა სადღესასწაულო რექვიემის გალობისას ქორომ იმღერა: *Confutatis maledictis flammis acribus addictis*! — სულის სიღრმემდე შეძრული კანკალმა ამიტანა.

ხოლო ამ სიტყვების გაგონებაზე: „*Voca me cum benedictis*“ — მომეჩვენა, თითქოს ზეციური მზის ნათელში ვხედავდი ავრელიას, რო-

1. ძირს დაემხეთ, წყეულნო, ღვთის რისხვად მოვლენილნო (ლათ.).

2. მიხმე ნეტართა თანა. (ლათ.).

მელმაც ჯერ მე შემხედა, მერე კი გაჩახჩახებული ვარსკვლავებით შემკული თავი აღიღო და ყოვლადძლიერს შესთხოვა ჩემი სულის მარადიული ხსნა. და როცა გაისმა სიტყვები: „Oro Supplex et acclinis cor contritum quasi cinis“. — უმაღლ პირქვე დავემხე. რა ცოტათი მგვიდა ჩემი შინაგანი გრძნობა, ჩემი წყნარი ვედრება იმ ვნებიან წუხილს, იმ სასტიკ და არაადამიანურ ეპიტიმიას, კაპუცინთა მონასტერში რომ არსებობდა. ახლა უკვე აშკარად შეეძლო ჩემს სულს ერთმანეთისაგან გაერჩია სიცრუე და ჭეშმარიტება და ამის ნათელი შეგნებით სატანის ყოველი მცდელობა ფუჭი და უნაყოფო რჩებოდა. არა თვითონ ავრელიას სიკვდილმა, არამედ ამ სიკვდილის შემზარავმა და ტრაგიკულმა არსმა შემძრა სულის სიღრმემდე პირველ წუთებში. მაგრამ მალევე შევიცანი, რომ მარადიული ძალის წყალობით იგი ნეტარებას ეზიარა. ეს იყო წამებული აღსასრული ქრისტეს სასძლოსი, ვინაც განვლო ცთომების გზა და ცოდვებისაგან განიწმინდა. განა იგი მოკვდა ჩემთვის? არა, იგი მხოლოდ განერიდა სატანჯველით აღსავსე მიწიერ სამყაროს და ჩემს გულში აგიზგიზებული მარადიული ტრფობის წმინდა სხივად იქცა. დიას! ავრელიას სიკვდილი ეს იყო სადღესასწაულო განწმენდა ჩემი სიყვარულისა, რომელიც, მისივე სიტყვებით რომ ვთქვა, ვარსკვლავებს მიღმა მეუფეობს და რომელსაც არანაირი საერთო არა აქვს მიწიურ ვნებასთან. ამ აზრებმა ჩემს მიწიურ „მე“-ზე ამამაღლეს და კარტეზიანულ მონასტერში გატარებული ის დღეები ჩემი ცხოვრების უნეტარეს დღეებად იქცა.

როცა მიცვალებულის ნეშტი გარეთ გამოასვენეს და ეს მოხდა მეორე დღით, ლეონარდუსმა თავისი ძმების თანხლებით ქალაქს დაბრუნება ინდომა. ის იყო პროცესია უნდა დაწყებულიყო, როცა აბატისამ თავისთან მიხმო. იგი მარტო დამხვდა თავის ოთახში. მეტისმეტად აღელვებული იყო. თვალთაგან ღვარად ჩამოდინოდა ცრემლები.

— მე ახლა უკვე ყველაფერი, ყველაფერი ვიცი, შვილო ჩემო მედარდუს! კვლავ ასე დაგიძახებ, რადგან შენ ღირსეულად გაუძელი უმკაცრეს გამოცდას და სძლიე ეშმაკიულ ცთუნებას, რაიც წილად გერგო ბედუკულმართსა და საბრალო ყმაწვილს. ო, მედარდუს, მხოლოდ იგი, მხოლოდ იგია უცოდველი და წმინდა, ვინც შეიძლება იყოს ჩვენი შემწე და მფარველი წინაშე უფლისა საბრძანისისა. განა თვითონ მე უფსკრულის პირას არ ვიდექი, როცა მიწიური სიხარულის ფიქრით ატანილი მკვლელზე მინდობას ვლამობდი! მერეც ხომ შევცოდე, როცა ჩუმად, ჩემს სენაკში განმარტოებულმა ცოდვის ცრემლები ვღვარე? წადი, შვილო მედარდუს! ჩემს სულში უკვე მისხალი ეჭვიც არ არსებობს იმისა, რომ, ვინ იცის, იქნებ სულაც ჩემი შეცოდების გამო აღვზარდე შენ დამნაშავედ და ცოდვილად.

ეტყობა, ლეონარდუსმა აბატისას გაუმხილა ყველაფერი ჩემი ცხოვრებიდან, რაიც მისთვის ჯერაც არ იყო ცნობილი და თავისი მოპყრობით დამიდასტურა, რომ მეც მომიტევებს ყოველივეს, თანაც ჩემგან ჩადენილ ცოდვებს განსასჯელად გადასცემს ცათა მეუფეს, როცა საბოლოოდ წარვსდგები მისი სამსჯავროს წინაშე განკითხვის დღეს. ძველი

1. მორჩილებითა და თავმოდრეკით გევედრები, ვითარცა ფერფლად ქცეული მწუხარე გული. (ლათ.).



სამონასტრო წეს-ჩვეულებები კვლავაც იგივე დარჩა ჩემთვის. წინანდებურად დანარჩენ ძმათა შორის ჩავირიცხე. ერთ დღეს ლეონარდუსმა მითხრა:

— კიდევ ერთი ეპიტიმია მინდა დაგიწესო.

მე მორჩილად ვკითხე, რაში მდგომარეობდა ეს. ლეონარდუსმა ჩემს შეკითხვაზე ასე მომიგო:

— შენ უნდა დაწერო შენი ცხოვრების ზუსტი და მართალი ამბავი.

არც ერთი ღირსშესანიშნავი თუ რამდენადმე უმნიშვნელო წვრილმანიც არ უნდა გამოგრჩეს, მეტადრე მრავალფეროვანი საერო ცხოვრების ხანაში თავს გადახდენილი. ფანტაზია შენ კვლავ დაგაბრუნებს წარსულთან. ერთხელ კიდევ მოგიხდება გამოვლო და შეიგრძნო განვლილი ცხოვრების მაძრწუნებელი, თვალსასეირო, შემზარავი და სამხიარულო განსაცდელები. ეგებ ისეთი წუთებიც დაგიდგეს, ავრელიაც კი იხილო კვლავ, მაგრამ არა ვითარცა მონაზვნად აღკვეცილი როზალია, ვისაც წამებულის სიკვდილი ერგო წილად. მაგრამ თუ ბოროტმა სულმა მართლაც შენზე ხელი აიღო და მიგატოვა, თუკი ყველაფერ მიწიურს ზურგი აქციე, მაშინ ვითარცა ზენარი არსი შენს წარსულზე ამაღლდები და წარსულის მოგონებები უკვალოდ გაგიქრება.

მეც ეგრევე მოვიქეცი, როგორადაც წინამძღვარმა მიბრძანა. ო, მართლაც ისე მოხდა, როგორც იმან მიწინასწარმეტყველა. როცა ჩემი წუთისოფლის ჩავლილ გზაზე ვწერდი, სულმა ფორიაქი იწყო, ერთმანეთში აირია და აბობოქრდა ტკივილი და ნეტარება, საშინელება და სიხარული, ძრწოლა და აღტაცება.

და შენ, ვინც ოდესმე ამ ფურცლებს წაიკითხავ, გახსოვდეს, რომ იმ ჩემი სიყვარულის უზესთაეს მზიურ ხანაზე გელაპარაკებოდი, როცა ავრელიას ხატება ცხოვლად შემოიჭრა ჩემს სამყაროში. მიწიურ სიხარულზე უფრო მაღალიც ხომ არსებობს, რაიც უმეტესწილად დაღუპვას უქადის ჩიტირეკია და გონებაჩლუნგ ადამიანებს და უზესთაესი მზიური ხანაც სწორედ ეგ არის, როცა ყოველგვარი თავაშვებული მკრესელური ნდომისაგან განდრეკილი სატრფო ციური სხივის დარად კურთხეულ სინათლედ ჩამოანათებს სიყვარულის სამეფოდან, გულში დაგინთებს ყველაფერი ამაღლებულისა და სიწმინდის გამომხატველ ჩაუქრობელ ცეცხლს, ნუგეშად და სასოებად რომ მოეფინება საბრალო ადამიანებს. ამ აზრმა მხნეობა შემმატა და როცა ჩემი ამქვეყნიური ცხოვრების უმშვენიერესი ხანა გავიხსენე, მღულარე ცრემლი წამსკდა თვალთაგან, კვლავ ვამეხსნა კარგა ხნის წინ შესორცებული ჭრილობები და იქიდან სისხლმა იწყო წვეთ-წვეთობით დენა.

მე ვიცი, როცა ჩემი აღსასრულის მაუწყებელი ზარი ჩამორეკს, სატანას იქნებ კვლავაც აღმოაჩნდეს ძალა ცოდვილი მღვდლის სატანჯველ-საგვემლად. მე კი უშიშრად, თანაც მგზნებარე წადილით ველოდები წუთს, როცა უფლება მექნება მიწის დატოვებისა. დაე ეს წუთი იყოს აღსრულება ყოველივე იმისა, რასაც ავრელია, ო, თვითონ წმინდა როზალია დამპირდა სიკვდილის ჟამს. ილოცე, წმინდა ქალწულო, ილოცე ჩემთვის, როცა მრისხანე საათი დამიდგება, რათა ჯოჯოხეთის ძალამ, რომელიც ხშირად მიმორჩილებს, არ შემიპყროს და მარადიული წყევის უფსკრულში არ გადამჩხოს.


ღამატიუბა, რომელიც დაურთო მამა სპირიდონმა,
 ბ-ს კავსტინთა მონასტრის გიგლიოთეკარმა

17... წლის ოთხი სექტემბრის ღამეს ჩვენს მონასტერში ბევრი რამ მოხდა საოცარი. ასე, დაახლოებით ალბათ ნაშუაღამევს, მახლობელი სენაკიდან, სადაც ძმა მედარდუსი ცხოვრობდა, უცნაური ხმებითი და დროდადრო ყრუ საწყალობელი კვნესა შემომესმა. ამკარად გავიგონე ამაზრზენი, ზიზღისმომგვრელი ხმა, რომელიც ამბობდა: „წამო ჩემთან, ძამიკო მედარდუს, საცოლვე მოვძებნოთ!“ წამოვდექი, ძმა მედარდუსთან მისვლა მინდოდა, მაგრამ უჩვეულო ძრწოლამ შემიპყრო, მთელი სხეულით ავკანკალდი, თითქოსდა სასწაულმა ციებ-ცხელებამ შემომიტიაო, ცოტათი მოვჯობინდი თუ არა, მაშინვე გავეშურე მედარდუსის სენაკისკენ კი არა, არამედ წინამძღვარ ლეონარდუსთან, არცთუ ისე ადვილად გავადვიძე და ვუთხარი, რაც გავიგონე. წინამძღვარს ძალიან შეეშინდა, საწოლიდან წამოსტა და მიბრძანა, ახლავე წავიდეთ, ოღონდ ნაკურთხი სანთლები წამოიღეო თან. რაც მითხრა, შევასრულე, სანთელი წმინდა ღვთისმშობლის ხატის კანდელზე დავანთე დერეფანში და კიბეზე ავედით. კარს მივაყურადე, ის ამაზრზენი ხმა, რამაც გამაღვიძა, აღარ ისმოდა, მის ნაცვლად ზანზალაკი წკრიალებდა, წყნარად და საამოდ, გარდა ამისა ორივეს მოგვეჩვენა, რომ ჰაერში ვარდების დამატრობელი სურნელი იფრქვეოდა. როგორც კი სენაკს მივუახლოვდით, კარი გაიღო და იქიდან გამოვიდა უცნაური შესახედაობის ზორბა ტანის, თეთრი ხუჭუჭაწვერიანი, იისფერ ლაბადაში გახვეული უცნობი მამაკაცი. მე ძალიან შემეშინდა, ალბათ აჩრდილია, თორემ მონასტრის ჭიშკარი ისე მაგრად და საიმედოდ იყო ჩარაზული, სხვას ვის შეეძლო იქ შეღწევა. ლეონარდუსმა თამამად და უზრუნველად შეხედა უცნობს, თუმცა სიტყვა არ დაუძრავს. „აღსრულების ჟამი შორს აღარ არის!“ — ნამეტნავი იდუმალი და სადღესასწაულო განწყობით ჩაილაპარაკა უცნო სახებამ და ბნელ დერეფანში გაუჩინარდა, რის გამოც ჩემი შიში კიდევ უფრო გაძლიერდა, კინალამ სანთელი არ გამივარდა აცანცახებული ხელიდან, წინამძღვარმა კი თავისი ღვთისმოსავი ბუნებისა და ღრმა რწმენის გამო არანაირი ყურადღება არ მიაქცია აჩრდილს, მკლავში ხელი ჩამავლო და მითხრა: „ახლა კი ძმა მედარდუსის სენაკში შევიდეთ.“ ასეც მოხდა. შევედით თუ არა სენაკში, ძალღონეგამოცლილი, სულამიმავალი ძმა მედარდუსი ვიხილეთ. ენა წართმეოდა, ხროტიანებდა. ლეონარდუსი მომაკვდავთან დარჩა, მე კი ძმების გასაღვიძებლად წავედი, ზარს მაგრად ჩამოვკარი და ხმამალლა შევძახე: „ადექით! ადექით! ძმა მედარდუსი სიკვდილის პირასაა!“ მღვდლებმა გაიღვიძეს, ყველანი ანთებული სანთლებით ხელში მივეახლეთ სულთმობრძავს. ყველა დიდად დაგვამწუხრა მისი აღსასრულის მოახლოებამ. ძმა მედარდუსი ჯალამბერზე დავაწვინეთ, მონასტრის ეკლესიაში შევიყვანეთ და მთავარსაკურთხეველთან დავასვენეთ. ჩვენდა გასაოცრად მედარდუსი გამოკეთდა, ლაპარაკი დაიწყო, ასე რომ ლეონარდუსი, აღსარების მოსმენისა და ცოდვათა შენდობის შემდგომ, თვითონვე შეუდგა აღსრულებას მომაკვდავის უკანასკნელი ზეთის კურთხევისა. და ვიდრემდე ლეონარდუსი ხანგრძლივად საუბრობდა ძმა მედარდუსთან, ჩვენ ქოროზე ავედით

და ვიგალობეთ საიქიო განსასვენებელში გზის დასალოცი და მომაკვდავის სულის საცხონებელი საგალობელი. მეორე დღეს კი 17... წლის 5 სექტემბერს, როცა ეკლესიის ზარმა თორმეტჯერ ჩამორეკა და შუადღის დადგომა გვამცნო, ძმა მედარდუსმა წინამძღვარ ლეონარდუსის მკლავებში განუტევა სული. ჩვენ შევამჩნიეთ, რომ ეს მოხდა ზუსტად იმ დღესა და საათზე, რა დღესა და რომელ საათზეც შარშან შემადრწუნებლად მოჰკლეს მონაზონი როზალია სამონასტრო ფიცის წარმოთქმისთანავე. სულის მოსახსენებელი მესისა და ნეშტის ეკლესიიდან გამოსვენების უამს კიდევ ერთი გარემოება გახდა საცნაური: რექვიემის შესრულებისას მთელ ეკლესიაში დაიფრქვა ვარდების გამაბრუებელი სურნელი და ჩვენ ცხადად დავინახეთ წმინდა როზალიას დიდებულ ხატთან, რომელიც უცნობი იტალიელი მხატვრის მიერაა შესრულებული და ჩვენმა მონასტერმა მნიშვნელოვან საფასურად შეისყიდა რომის მიდამოებში ბინადარ კაპუცინებისაგან, რომლებმაც თავისთვის ამ ხელთუქმნელი ტილოს ასლილა დაიტოვეს, ვილაცას დაედო საუცხოო ვარდების უზარმაზარი თაიგული, რაც წელიწადის ამ დროს იშვიათობას წარმოადგენდა. საყდრის ეჯიბმა გვიამბო შემდეგი: დღეს დილაადრიან დავინახე ეკლესიაში ვილაც ძონძებში გამოსვენებული გლახაკი შემოიპარა და ეს თაიგული ხატზე მიამაგრაო. მიცვალებულის გამოსვენებისას სწორედ ეს გლახაკი აღმოჩნდა ძმათა გვერდით. ჩვენ მისი თავიდან მოშორება გვინდოდა, მაგრამ წინამძღვარმა ლეონარდუსმა არ დაგვანება, ყურადღებით შეათვალიერა მოსული და გვიბრძანა, არ შეგვეწუხებინა იგი, ერთად გვეგლოვა განსვენებული. ის კი არადა, ლეონარდუსმა ორდენის წევრადაც კი მიიღო, როგორც მორჩილი. ჩვენ მას წმინდა პეტრეს ვეძახით, რაკი საერო ცხოვრებაში პეტერ შონფელდი ერქვა. როდი გვშურდა მისი ამ მედიდური სახელის გამო, რადგანაც იგი უზომოდ წყნარი იყო და გულკეთილი, ცოტას ლაპარაკობდა, ოღონდ ხანდახან თუ გაიცინებდა უაღრესად კომიკური გაცილებით, რაც ჩვენ ძალიან გვართობდა, რადგან ეს სიცილი უცოდველი იყო და მასში ბიწის მისხალიც არ ერია. ერთხელ წინამძღვარმა ლეონარდუსმა თქვა, პეტრეს ნათელი სიგიჟის ნისლში ჩაინთქა, ხოლო ეს სიგიჟე ახლა მის სულში დაბოგინებს ცხოვრების ირონიად გარდასახულიო. მაშინ ვერც ერთი ჩვენთაგანი ვერ მიხვდა, რისი თქმა უნდოდა ამ სიტყვებით გულმეცნიერ ლეონარდუსს, მაგრამ ის კი კარგად შევამჩნიეთ, რომ მორჩილი პეტრე მისი დიდი ხნის წინანდელი ნაცნობი უნდა ყოფილიყო.

ასე ჩავამატე ძმა მედარდუსის ცხოვრების ამსახველ ფურცლებს, თვითონ რომ არასოდეს წამიკითხავს, ზედმიწევნით ზუსტი გარემოებები მისი გარდაცვალებისა და ეს შევძელი არცთუ მცირე გარჯის შედეგად ad maiorem dei gloriam¹. მშვიდობა და საუკუნო სასუფეველი ნეტარსენებულ ძმა მედარდუსს! დაე სიხარულისად მოგვევლინოს მისი აღდგომა მკვდრეთით ცათა მეუფისა წინაშე და უფალმა შერაცხოს იგი წმინდანთა თანა, რაკილა დიდად ღვთისმოსავი იყო მისი აღსასრული.

1. უფლის ძალად აღდგებლად (ლათ.).



პირველი ნაბიჯები



ქართული
წიგლისმოყვარეობის
კავშირი

ჩეხარე პავეზე

„თვითგაგონებები“

იტალიურიდან

თარგმნა ილია ბასვიანაძე

ჩეხარე პავეზე 1908 წელს დაიბადა სანტო სტეფანო ბელბოში. სწავლობდა და ცხოვრობდა ტურინში. იყო შესანიშნავი მცოდნე ამერიკული ლიტერატურისა.

პავეზე ტურინელ ანტიფაშისტთა ჯგუფის წევრი გახლდათ. ამის გამო 1935-1936 წლებში პოლიტიკურ გადასახლებაში მოხვდა კალაბრიაში. 1936 წელს გამოაქვეყნა ლექსების კრებული „Lavorare stanca“ („ქანცვაწვეტამდე მუშაობა“), რომელიც პოეტურად და კონცეფციურად უპირისპირდებოდა იმ დროის იტალიურ ლირიკაში გაბატონებულ ჰერმეტიკულ მიმდინარეობას. პავეზეს პირველსავე ლექსებში აისახა მისთვის, როგორც პოეტისა და პროზაიკოსისთვის, ყველაზე უფრო ახლობელი და ძირითადი თემები, კონცენტრირებული მეთწილად მარტოობასა და სიკვდილზე ფიქრის ირგვლივ.

1950 წელს ჩეხარე პავეზემ თავი მოიკლა ტურინის ერთ-ერთ სასტუმროში.

მთარგმნელისაგან

არის დღეები, როცა ქალაქი, სადაც მე ვცხოვრობ, თავისი გამგულელებით, მანქანებით, ხეებით — დილით უცნაური, თითქოს ჩვეული, მაგრამ იმავდროულად ძნელად საცნობი იერით იღვიძებს, როგორც მაშინ, როცა სარკეში იყურები ხოლმე და შენს თავს ეკითხები: ეს ვინააო? მხოლოდ ეს დღეებია ჩემთვის წლის ყველაზე კარგი დღეები.

ასეთ დღეს მე სამუშაოდან ცოტა ადრე ვიპარები, როცა კი ვახერხებ, ქუჩაში გამოვდივარ და ბრბოს შევერევი ხოლმე. იმგვარი თავხედი როდი ვარ, ყოველ გამგულელს დაჟინებით შევაცქერდე, სწორედ ისე, რომელიმე გამგულელი მე რომ მიყურებს ან მგონია, რომ მიყურებს. ამ წუთებში თავს თამამ, სულ სხვა ადამიანად ვგრძნობ.

დარწმუნებული ვარ, უფრო ძვირფასი არც არაფერი მექნება ცხოვრებაში, თუ არა ალბათ აღმოჩენა, რომ ამგვარი მომენტების

სურვილისამებრ გამოწვევა შემიძლია. მათი გაგრძელების საშუალებაა (რასაც ზოგჯერ ვახერხებ ხოლმე) რომელიმე ახალ კაფეში — მომინულსა და ნათელ კაფეში — შესვლა და იქიდან ქუჩის ხმაურის, გაცხროვლებული მოძრაობის, ფერების, ხმების და შიგნით გამეფებული სიწყნარის აღქმა, მთელ ამ ხმაურს რომ ანელებს.

სულ რამდენიმე წელიწადში უმწარესი იმედგაცრუებანი დისის ქენჯნა განვიცადე, მაგრამ შემიძლია დავამტკიცო, რომ ჩემი ყველაზე გულწრფელი მოწოდება მხოლოდ ეს სიმშვიდე და სიწყნარეა. მე არ ვარ შექმნილი ქარიშხლებისა და ბრძოლისთვის: თუკი ზოგჯერ დილაობით ძალზე აღელვებული გამოვდივარ, რომ ქუჩები მოვიარო, და ჩემი ნაბიჯები გამომწვევად ისმის, ვიმეორებ, სხვას არაფერს ვთხოვ ცხოვრებას, თუ არა ამგვარი გასეირნების უფლებას.

მაგრამ ეს მოკრძალებული სიამოვნებაც ზოგჯერ გულნაკლულობის მწარე გრძნობას მიტოვებს. მარტო გუშინდელიდან კი არ შემიმჩნევია, თურმე რარიგ საჭიროა ეშმაკობა ცხოვრებაში — ეშმაკობა უწინარესად შენივე თავის მიმართ, ვიდრე სხვებთან ურთიერთობისას. მე მშურს იმათი, ვინც ახერხებს — ესენი უმეტესად ქალები არიან — ჩაიდინოს რაიმე ბოროტება, უკანონობა ან მხოლოდ კაპრიზი დაიკმაყოფილოს და საამისოდ წინასწარ ქმნის ისეთ გარემოებებს, მათ მოქმედებას რომ კანონიერად წარმოაჩენს მათივე საკუთარი სინდისის წინაშე. მე ბევრი ნაკლი არა მაქვს, თუკი რწმენის არქონის გამო ბრძოლაზე უარის თქმასა და განმარტოებული სიმშვიდის ძებნას დიდ ნაკლად არ ჩავთვლით. მაგრამ არც ის შემიძლია, საკუთარ თავს მოვერიო, როცა იმ მცირე რაღაცით ვტკბები, რაც ბუნებას ჩემთვის გაუმეტებია.

საბოლოო ჯამში ხდება ის, რომ სიარულისას ზოგჯერ ვჩერდები, ირგვლივ ვიყურები და საკუთარ თავს ვეკითხები, მაქვს თუ არა ამ სითამამით ტკბობის უფლება — განსაკუთრებით მაშინ, როცა ხშირად გავდივარ ხოლმე ქუჩაში. ოღონდაც ჩემს სამუშაოს არ ვპარავ დროს; საკუთარ თავსა და ჩემს ერთადერთ დისშვილს საკმაოდ კარგად ვინახავ. იგი პანსიონშია, რადგან მისი შინ გაჩერება არ სურს იმ მოხუც ქალს, დედაჩემი რომ ჰქვია. ჩემს თავს ვეკითხები, სასაცილო ხომ არა ვარ-მეთქი ამ ექსტაზური გასეირნების დროს, სასაცილო და საზიზღარი, რადგან ზოგჯერ მგონია, რომ სინამდვილეში ამას არ ვიმსახურებ.

ან კიდევ ის, რაც წინა დილას მოხდა. საკმარისია კაფეში შემთხვევით დავესწრო რაიმე უჩვეულო სცენას, თავიდანვე რომ შევყავარ შეცდომაში მოქმედი პირების ნორმალური იერით, რათა კვლავ გავხდე მარტოობისა (რომელსაც დანაშაულის გრძნობა ახლავს ხოლმე) და ამდენი გაუქარვებელი მოგონების მსხვერპლი, იმ მოგონებების, რომლებიც, რაც უფრო თანდათან გშორდებიან, მით უფრო მეტად იძენენ თავიანთი უძრავი სიცხოველით არასწორ და საშინელ მნიშვნელობებს.

ხუთი წუთი ვაკვირდებოდი ახალგაზრდა მოლარე ქალისა და ერთი კლიენტის მაიმუნობას. ამ უკანასკნელს ღია ფერის პალტო ეცვა და მეგობარი ახლდა. ახალგაზრდა კაცი იძახდა, მოლარეს ჩემი ხურდა

მართებსო ასლირიანი ბანკოტიდან, სალაროს ავტომატს ხელებს ურტყამდა და მოითხოვდა ქალის პატრა ჩანთისა და ჯიბეების გაჩხრეკას.

— ქალიშვილო, კლიენტებს ასე არ ეპყრობიან, — ამბობდა და თან თვალს უკრავდა დარცხვენულ მეგობარს. მოლარე გოგონა იცინოდა. ახალგაზრდა კაცმა ერთი მოგზაურობის ისტორია შეთხზა და ასე კლიენტ ერთ-ერთი დღის სასტუმროს ლიფტის საშუალებით ერთად რომ განახორციელებდნენ. ამ თავშეკავებულ და უწყინარ ხუმრობებს შორის გადაწყვიტეს ფული ბანკში შეეტანათ — როცა კი ეს ფული ექნებოდათ.

— ნახვამდის, ქალიშვილო, — გამოსძახა მან ბოლოს გასვლისას, — ამაღამ ჩემზე იფიქრე.

მოლარე გოგომ, შეგულიანებულმა, ოფიციალტს სიცილით უთხრა: — რა ტიპია, არა?

იმ მოლარეს სხვა დროს არც ვაკვირდებოდი და ზოგჯერ ფიქრებში წასული ისე ვუღიმიოდი, არც კი ვუყურებდი. მაგრამ ჩემი სიმშვიდე არაფრისგან შექმნილი და მერყევი გახლდათ. ისევ ჩვეული სინდისის ქენჯნა დამეუფლა.

ამქვეყნად ყველანი საძაგლები ვართ, მაგრამ არის ისეთი სისაძაგლე, რომ იღიმება და ღიმილსაც იწვევს, და არის ისეთიც, თავის გარშემო სიცარიელეს რომ ქმნის. ისე კი არც პირველი მათგანია ყველაზე სულელური.

ასეთ საათებში დილაობით ერთი ფიქრია, ყოველ ჯერზე განახლებული სახით უცებ რომ მეუფლება — სინამდვილეში დამნაშავე ჩემს ცხოვრებაში მხოლოდ ჩემი სისულელეა-მეთქი. სხვა ფიქრები კი ალბათ ძნელი აღსარიცხი იქნება, თანაც აქ საკუთარი თავის უსაფრთხოებას, მსხვერპლსა და თამაშს ექნება ადგილი — და ვეჭვობ, რომ ამგვარად გატარებულმა ცხოვრებამ დიდი კმაყოფილება მოგვანიჭოს. რაც შემეხება მე, სხვა არაფერი მიკეთებია, გარდა ტანჯვისა, ჩემს თავთან ჭიდილისა და ყოველად გამოუსადეგარი ეჭვების ქვეშ ყოფნისა, როცა ვინმესთან ურთიერთობას ვამყარებ ჩემთვის ჩვეული ერთგვარი სულელური შეუბრალებლობით, ამიტომ — აქ კაცი ვერაფერს გააწყობს — საკმარისია რამდენიმე წამით მარტოობით აღძრულ სინდისის ქენჯნას დავემორჩილო, რომ კვლავ კარლოტაზე ფიქრი დავიწყო.

ერთ წელზე მეტია, რაც კარლოტა აღარ არის. მე ახლა უკვე ყველა გზა ვიცი, როგორ და რა უნდა მოვიგონო, რათა მოულოდნელად გამომეცხადოს. ასევე შემძლია სულიერი განწყობა შევიქმნა მისი გამოჩენის მოსამზადებლად და ძლიერ გავერთო. მაგრამ ეს ყოველთვის არ მინდა. იგივე სინდისის ქენჯნა ახლაც მიხატავს თვალწინ ქუჩის ბნელ კუთხეებს, ახალ ადგილებს, გულაჩქროლებული რომ ვაკვირდები, როგორც ამ ერთი წლის წინათ. მეტად არასწორი იყო ჩემი მხრიდან, მასთან რომ გულწრფელი ვიყავი. იმ შორეული დღეებიდან ყოველთვის მხოლოდ მისი მაცდური სახე წარმომიდგება ხოლმე დღესავით ცხადად.

კარლოტა გამოცანა სულაც არ გახლდათ, პირიქით, ერთ-ერთი იმ მეტად უბრალო და საწყალი ქალთაგანი იყო, ერთხანს რომ იმედი აქვთ

საკუთარი თავის ერთგულნი დარჩნენ, თუმცა კეკლუცური ფანდების მოსინჯვის შემდეგ საკუთარი თავის ერთგულებას ივიწყებენ და გამოწვევნი ხდებიან. მაგრამ მანამ, სანამ უბრალონი არიან, მათ ვერაფერი ამჩნევს. არასოდეს მესმოდა, როგორ ეგუებოდა მოღარეობას. მისგან მართლაც იდეალური მონაზონი გამოვიდოდა.

ჩემს გრძნობებს, ჩემს მაშინდელ ქცევას ღრმად დღესაც ვერ ჩივივსა დომივარ. რა უნდა ვთქვა, მაგალითად, იმ საღამოზე, როცა კარლოტამ ერთი ძველი ხავერდის კაბა ჩაიცვა, ჩემს მისვლას რომ ელოდა თავის პატარა ოროთახიან ბინაში, მე კი ვუთხარი, მერჩივნა-მეთქი საბანაო კოსტუმში მენახე. ეს იყო ერთ-ერთ იმ საღამოს, მის სანახავად რომ მივედი, თუმცა მისთვის ჯერ არც კი მეკოცნა.

კარლოტა მორცხვად გამეპრანჭა, გავიდა წინა ოთახში, ცოტა ხნის შემდეგ კი კვლავ გამომეცხადა — თვალებს ვერ დავუჯერე — საბანაო კოსტუმში გამოწყობილი. ეს ის საღამო იყო, როცა ვაკოცე და დივანზე დავაგდე. მაგრამ ყველაფრის დასრულების შემდეგ კი ვუთხარი, მართო ყოფნა მინდა-მეთქი, წამოვედი და სამი დღე აღარ გამოვჩენილვარ მასთან, ხოლო როცა მივედი, უკვე თქვენობით მივმართე.

შემდეგ დაიწყო აბსურდული აშიკობის ხანა, რაც გამოიხატებოდა მისი მხრივ მღელვარე აღსარებებით და ჩემი მხრივ სიტყვაძუნწობით. როცა მოულოდნელად შენობით მივმართე, კარლოტამ ძალზე იტკიცა. მაშინ ვკითხე, ქმარს თუ შეურიგდი-მეთქი. კარლოტა უცებ დაღონდა და თქვა, ის არასოდეს მომქცევია ისე, როგორც თქვენ მექცევითო.

თავით გულში ჩავიკარი, მოვეფერე და ვუთხარი, რომ მიყვარს იგი.

ან რატომ არ შეიძლებოდა ჩემისთანა კაცს ჰყვარებოდა მართოდ დარჩენილი ქალი? კარლოტამ სასოწარკვეთილი ხმით ჩუმად მითხრა, რომ პირველი წამიდანვე შევუყვარდი, რომ მას უჩვეულო ადამიანად ვეჩვენებოდი, თუმცა უკვე ძალზე დავტანჯე კი იმ მცირე დროის განმავლობაში, რაც ერთმანეთი გავიცანი. თავადაც არ იცოდა, რატომ — მაგრამ ყველა მამაკაცი თურმე ასე ეპყრობოდა.

— ხან სითბო და ხან სიცივე სიყვარულს ახანგრძლივებს, უფრო მტკიცეს ხდის, — ჩავცინე მე თმაში.

კარლოტა ფერმკრთალი იყო, ოდნავ მოქანცული დიდრონი თვალები ჰქონდა. მის სხეულსაც მქრქალი ფერი ედო. იმ ღამეს სიბნელეში მკითხა, ხომ არ მივატოვებდი, თუ მისი სხეული არ მომეწონებოდა.

მაგრამ სიბრალოლი ამჯერადაც არ გამომიჩენია. შუალამე იყო, როცა ისევ ჩავიცვი. მიზეზი არც კი მითქვამს, ისე ვუთხარი, მეჩქარება და უნდა წავიდე-მეთქი. კარლოტას ჩემთან ერთად უნდოდა წამოსვლა.

— არა, მე მართო ყოფნა მიყვარს, — ვუთხარი, ვაკოცე და მართო დავტოვე.

კარლოტა რომ გავიცანი, იმ დროს ერთ ისეთ განსაცდელში ვიყავ, საიდანაც თავის დაღწევა კინალამ სიცოცხლის ფასად დამიჯდა. მწარე სიხარულს ვგრძნობდი, როცა ცარიელი ქუჩებით ვბრუნდებოდი იმ ად-

ამიანისაგან გამოქცეული, ვისაც ვუყვარდი. ახლა ღამეები და დღეები დამცირებულსა და გააფთრებულს უნდა გამეტარებინა ქალის ჟინიანობის გამო.

დარწმუნებული ვარ, რომ არა ვნებას არ ძალუძს ხასიათი შეუცვალოს იმას, ვინც ამ ვნებას განიცდის. შეიძლება მოკვდეს კიდეც, მაგრამ ამით ვერაფერს შეცვლი. სიამოვნება რომ გავმტყობავ პატიოსან კაცად იქცევი ან არამზადად, ოჯახის მამად თუ პატარა ბიჭად, იმისდა მიხედვით, ადრე ვინ იყავი, და კვლავ მიჰყვები ცხოვრების დინებას. ან კიდევ უკეთესი: კრიზისის დროს საკუთარ ნამდვილ ბუნებას ვხედავთ ხოლმე, რაც გვაძრწუნებს. ასეთ დროს ჩვენ გვეზიზღება ნორმალურ ადამიანად ყოფნა. სიკვდილიც კი შეიძლება ვინატროთ, იმდენად გვესასტიკება შეურაცხყოფა, ჩვენ რომ მოგვაყენეს. მაგრამ ყოველივე სხვებს კი არა, საკუთარ თავს უნდა დავაბრალოთ. მე დავალებულიც კი ვარ ამ ქალისაგან, თუკი ვჯერდები ასეთ უჩვეულო ყოფას, მე რომ ვეწევი — ასეთ უმიზნო ყოფას — რადგან არ ძალმიძს კავშირი დამყარო ამ ქვეყანასთან. მე ხომ მოძულეებული ვარ ახლობლებისგან — დედისგან, ვისაც ვერ ვიტან, და დისშვილისაგან, ვინც არ მიყვარს. მე ამ ქალისგან ყველაფრით ვარ დავალებული; ვითომ სხვა ქალთან უკეთესად ვიქნებოდი? სხვასთან, ვისაც შეეძლებოდა ჩემი დამცირება, როგორც ამას ჩემი ბუნება ითხოვდა?

ყოველ შემთხვევაში, მაშინ იმ საზიზღარმა ფიქრმა, რომ ქალი, ვისთანაც ვარ, შეიძლება დაუნდობელი ყოფილიყო, რაღაც სიმშვიდე მომანიჭა. ტანჯვის გარკვეულ საფეხურზე გარდაუვალი და თან ბუნებრივი გაუტკივრების საშუალებაა, როცა გვგონია — უსამართლოდ ვიტანჯებით-თქო. ეს, ჩვენი ყველაზე ეჭვიანი სურვილების თანახმად, სიცოცხლეს ეშხს აძლევს, გვიბრუნებს საკუთარი თავის ფასის შეგნებას საგანთა პირისპირ და საღბუნად გვეფინება. და როცა ეს შევიგრძენი, მომინდა კიდევ, რომ უსამართლობა, უმადურობა კიდევ უფრო სასტიკი ყოფილიყო. მახსოვს — იმ გრძელი დღეებისა და ნაღვლიანი საღამოების ხანს — როგორ ამიტანდა ხოლმე რაღაც იდუმალი გრძნობა, თითქოსდა სხვა სხივმოსილ სამყაროში ვიყავი, და გაოცებაც, რომ ეს ყველაფერი სინამდვილეში ხდებოდა, რომ ქალი სწორედ ქალი იყო, რომ მე — მე ვიყავი, რომ გაშმაგება, მღელვარება, ოხვრა-კვნესა, მოვლენები — ყველაფერი ცხადში ხდებოდა.

ჰოდა, მას შემდეგ, რაც უსამართლობის მსხვერპლი გავხდი, მე — როგორც ამქვეყნად ხდება ხოლმე — ამ უსამართლობას ვაწერდი არა ქალს, ვინც დამნაშავე იყო, არამედ სხვა ვიღაცას.

ღამით კარლოტას პატარა ბინიდან დაკმაყოფილებული, თან გაბრუებული გამოვდიოდი. მსიამოვნებდა მარტოდმარტო ხეტიალი, თავიდან ვიშორებდი ყოველგვარ საზრუნავზე ფიქრს და ვტკბებოდი იმ გრძელი ბუღვარით, ბუნდოვნად მივდევდი ადრეული ახალგაზრდობის გრძნობებსა და ფიქრებს. ღამის უბრალოება — იყო მხოლოდ სიბნელე და ფარნები — ყოველთვის ნაზად მიღებდა კარს, ყველაზე აბსურდული და საამური ფანტაზიების სამყაროში შევყავდი. ამ ფანტაზიებს იგი თავისი კონტრასტით აფერადებდა, უფრო ფრთაგაშლილს ხდიდა. უფრო და უფრო იზრდებოდა კარლოტასადმი ჩემი ფარული ბოღმა მისი მორ-

ჩილების წყურვილის გამო, აღარ მბოჭავდა სიბრალო, რასაც მასთან ყოფნისას ვგრძნობდი.

მაგრამ მე უკვე ახალგაზრდა აღარ ვიყავი. კარლოტას რომ იოვად დავშორებოდი, მის სხეულსა და აღერსს ვაანალიზებდი, ვსწავლობდი უბრალოდ მიმაჩნდა, რომ იგი — ქმარს დაშორებული, უშვილო, ჯერ კიდევ ახალგაზრდა ქალი — ნამდვილად სცდებოდა, როცა ჩემს ხელს ვის ნუგეშს ეძიებდა. მაგრამ საწყალი მეტად უბრალო, უინტერესო საყვარელი იყო და იქნებ ამიტომაც უღალატა ქმარმა.

მასხოვს საღამო, კინოდან რომ ხელგაყრილნი ვბრუნდებოდით ნახევრად ჩაბნელებული ქუჩებით, კარლოტამ მითხრა:

— კმაყოფილი ვარ. კარგია შენთან ერთად კინოში სიარული.

— ქმართან ერთად თუ დადიოდი?

— ეჭვიანი ხარ? — გაელიმა კარლოტას.

მე მხრები ავიჩიჩე:

— ეს არაფერს ცვლის.

— უბრალოდ დავიღალე, — თქვა კარლოტამ და მკლავზე მომეკრა. — ჯაჭვმა, ჩვენ რომ გვაკავშირებს, ცხოვრებას გვინგრევს და მაიძულებს პატივს ვცემდე სახელს, მხოლოდ ზიანი მომიტანა. ყოვლად უსარგებლოა ეს ყოველივე. უნდა გავიყაროთ, ბავშვები მაინც არა გვყავს.

იმ საღამოს მასთან ხანგრძლივმა ყოფნამ, თბილმა შეხებებმა და სიხალისის სურვილმა გული ამიჩვილა.

— შენ რა, სინდისი გქენჯნის?

— ო, ძვირფასო, — მითხრა კარლოტამ, — რატომ არა ხარ ყოველთვის ისეთი კარგი, როგორც ამ საღამოს? აბა დაფიქრდი, შემეძლო კი გაყრა?

არაფერი მითქვამს. ერთხელაც, გაყრაზე რომ მელაპარაკებოდა, გავცხარდი:

— ნეტავ ვიცოდე, შენზე კარგ დღეში ვინ არის? აკეთებ იმას, რაც გინდა, და ნიძლევს ვდებ, რომ ისიც ასევე იქცევა, თუკი მართალია, რომ გიღალატა.

— არასოდეს არაფერი არ მითხოვია, — მიპასუხა კარლოტამ და შემომხედა. — პირველი დღიდანვე ვმუშაობ. ახლა კი, როცა შენ მყავხარ, ეს შენს ღალატად მომეჩვენებოდა.

იმ საღამოს კინოში ლაპარაკი კოცნით შევაწყვეტინე. შემდეგ სადგურის კაფეში წავიყვანე და ორი ჭიქა ლიქიორი დავალევი. გაორთქლილი მინების შუქზე შეყვარებულებივით ვისხედით კუთხეში. მეც დავლიე რამდენიმე ჭიქა და კარლოტას ხმამაღლა ვუთხარი:

— კარლოტა, მოდი ამაღამ პატარა ბიჭი გავაკეთოთ!

ვიღაცამ შემოგვხედა, რადგანაც მოციინარმა და სახეგაწითლებულმა კარლოტამ პირზე ხელი მომაფარა.

მე ენა არ გამიჩერებია. კარლოტა კი ფილმზე ლაპარაკობდა და სისულელეებს ამბობდა, მაგრამ ჟინიან სისულელეებს, ჩვენს ამბავს ფილმისას ადარებდა. მე ვსვამდი, რადგან ვიცოდი, ეს ერთადერთი საშუალება იყო კარლოტა მყვარებოდა.

გარეთ სიცივემ გამოგვაფხიზლა და შინ გავიქეციით. მასთან მთელი ღამე დავრჩი. დილით რომ გავიღვიძე, ვიგრძენი, გვერდით მეწვა თმა-აწეწილი, ნამძინარევი და ცდილობდა მომხვეოდა. ამჯერად ხელი არ მიკრავს მისთვის. ოღონდ ეგ იყო, ადგომისას თავი მტკიოდა, გამაღი-ზიანა იმ შეკავებულმა სიხარულმა, როგორც კარლოტა ყავას მიმზა-დებდა ღიღინით. შემდეგ ერთად უნდა გავსულიყავით, მაგრამ შვეიც-რის ცოლი მოაგონდა და წინ მე გამომიშვა. კარს შევანკი ზომიერვია და მაკოცა.

იმ დილიდან ყველაზე ცხოვლად ქუჩაში მდგარი ხეების გაშეშებული ტოტები მაგონდება, ოთახის ფარდებს იქით შთამაგონებელნი რომ ჩან-დნენ ნისლში. შინაგანმა სითბომ, ფიქრებმა და დილის მოლოდინმა სისხლი ამიჩქროლა. მინდოდა მხოლოდ მეცქირა ირგვლივ და მარტოს მომეწია, თან წარმომედგინა, რომ სულ სხვაგან გავიღვიძე და ჩემ გვე-რდით სულ სხვა ქალი იყო.

როცა მარტო ვრჩებოდი, საკუთარ თავს ვსაყვედურობდი იმ სინა-ზის გამო, ასეთ დროს კარლოტა რომ აღმიძრავდა ჩემდა უნებურად. გა-შმაგებულ წუთებს ვატარებდი, როცა ჩემს სულში მიხდებოდა ფათური, რათა თავიდან მომეშორებინა ყველაზე უბადრუკი მოგონებაც კი ამ ქა-ლზე, კვლავ იმედი მქონდა ჩემი თავდაჭერისა და სიმტკიცისა. ნათელი უნდა ყოფილიყო, რომ ერთმანეთი გვიყვარდა უსაქმურობის, ბიწიერე-ბისა თუ ნებისმიერი მოტივის გამო, გარდა იმ ერთადერთისა, რაზედაც მას ილუზიების შექმნა უნდოდა. მალიზიანებდა მისი სერიოზული და ბედნიერი მზერის გახსენება სიახლოვის შემდეგ, რისი დანახვაც მაშ-ფოთებდა. უნდა ითქვას, რომ ის ერთადერთი, რაც მის თავს მომანატ-რებდა, ჩემთვის მას არასოდეს მოუცია.

— კარგი იქნება, თუკი ისეთს მიმიღებ, როგორც ვარ, — ვუ-თხარი ერთხელ. — მაგრამ თავიდან ამოიგდე ჩემს ცხოვრებაში შემო-ჭრის სურვილი.

— არ გიყვარვარ? — წაიბუტბუტა კარლოტამ.

— სიყვარულის ის მცირეოდენი მარაგი, რაც გამაჩნდა, ახალგაზ-რდობაშივე შემომეხარჯა.

თუმცა კი ზოგჯერ დიანაც მამრავებდა ის ამბავი, რომ სირცხვი-ლისა თუ მგრძნობიარობის გამო მაინც დავუშვი, რომ ცოტათი მიყ-ვარდა.

კარლოტამ სცადა გაელიმა.

— კარგი მეგობრები მაინც ხომ ვართ?

— მისმინე, — ვთქვი სერიოზულად. — ასეთი რაღაცეები მეზიზ-ღება: ჩვენ ვართ კაცი და ქალი, მოწყენილობა რომ ეუფლებათ და მხო-ლოდ ლოგინში ერთობიან...

— მართალი ხარ! — წაილაპარაკა მან, როგორც ყოველთვის, ფრჩხილები ჩამასო მკლავში და სახე ჩამალა. — მიყვარხარ! მიყვა-ხარ!

— ... ეს არის და ეს.

ერთი ასეთი საუბარიც კი საკმარისი იყო, რომ თავი უძღურად მეგრძნო და მთელი კვირები მოვრიდებოდი, ხოლო როცა კაფედან სა-მსახურში მირეკავდა, მეპასუხა, საქმეები მაქვს-მეთქი. თავიდან კარ-

ლოტამ აღშფოთება სცადა. მაშინ ერთი არცთუ ისე მხიარული საღამო გავატარებინე: დივანზე ცივად და უხმოდ ვიჯექი. აბაყური მის მუხლებზე თეთრ შუქს აფრქვევდა. მკრთალ ჩრდილში მისი მზერის შეკავებულ მღელვარებას ვგრძნობდი.

ბოლოს მე თვითონ დავარღვიე ის აუტანელი სიჩუმე: *ერქვეყნული* — მადლობა მითხარი, ქალბატონო, ასე ჯდომა ალბათ შეუძლებელია. მეტად დაგამახსოვრდება.

კარლოტა არ განძრეულა.

— რატომ არ მომკლავ, ქალბატონო? თუკი ფიქრობ, რომ შენი ქალური ფანდებით ჩემთან ფონს გახვალ, დროს ამაოდ კარგავ. კაპრიზები მეც მეხერხება.

კარლოტა მძიმედ სუნთქავდა.

— ვერც საცურაო კოსტუმი გიშველის ამაღამ, — ვუთხარი ესეც. კარლოტა მომვარდა. მისი შავი თმა თეთრ შუქზე ნასროლ საგანს ჰგავდა. ხელები წინ გავიშვირე. კარლოტა მუხლებზე მომეხვია ტირილით, ორჯერ თუ სამჯერ თავზე ხელი გადავუსვი და ავდექი.

— მეც უნდა მეტირა, კარლოტა, მაგრამ ვიცი, აზრი არა აქვს. ყველაფერი, რასაც ახლა განიცდი, მე უკვე განვიცადე. თავის მოკვლაც მინდოდა, მაგრამ გამბედაობა არ მეყო. სწორედ ესაა ბედის დაცინვა: ვინც ისე უძლურია, რომ თვითმკვლელობაზე ფიქრობს, მეტისმეტად სუსტია ამის გასაკეთებლად... აბა, კარგი, გეყოფა, კარლოტა.

— ასე ნუ შექცევი... — ბუტბუტებდა იგი.

— მე ასე არ გექცევი. მაგრამ ხომ იცი, მარტო ყოფნა მიყვარს. თუკი მარტოდ ყოფნის ნებას მომცემ, დავბრუნდები, სხვანაირად კი ერთმანეთს ვეღარ ვნახავთ. მისმინე, გინდა, რომ მიყვარდე?

კარლოტამ ტირილისგან დაუშნოებული სახე ასწია.

— ... მაშინ ნულარ გიყვარვარ. სხვა გამოსავალი არაა. სხვანაირად არაფერი გამოვა.

ამგვარი სცენები კარლოტას მეტისმეტად აფორიაქებდა ხოლმე საიმისოდ, რომ ჩემი მიტოვება განეზრახა. და განა ეს სცენები არ ააშკარავებდნენ ჩვენს ხასიათთა არსებით მსგავსებას? კარლოტა შინაგანად მიაშიტი — ძალზე მიაშიტი — იყო და ამის გაგება არ შეეძლო, თუმცა რაღაცას კი უთუოდ გრძნობდა. ჰოდა, ისევ ცდილობდა საცოდავი ხუმრობებით ვეცდუნებინე, ზოგჯერ ამბობდა კიდევ: ასეთია ცხოვრება ან მე საცოდავიო.

მჯერა, მაშინ რომ საბოლოოდ ეკრა ხელი, ერთხანს დავიტანჯებოდი. მაგრამ კარლოტას არ შეეძლო ჩემთვის ხელი ეკრა. თუკი ზედიზედ ორი საღამო მასთან არ მივიდოდი, თვალეზამოღამებული მხვდებოდა ხოლმე. და თუ ზოგჯერ სიყვარული ან სინაზე მომერეოდა, მისი კაფეს წინ ვჩერდებოდი და ვთხოვდი გარეთ გამოსულიყო. როცა ალანძული და დაბნეული წამოდგებოდა, უფრო ლამაზიც კი ჩანდა.

ჩემი გულისწყრომა კარლოტას არ აოცებდა; აკვირვებდა მხოლოდ შეზღუდვა და დამონება, რასაც ჩვენი სიახლოვე მკარნახობდა. ამ ქალის ყველაზე მცირე უფლებაც კი ჩემზე, რაკი არ მიყვარდა, შემზარავად მეჩვენებოდა. იყო დღეები, როცა მისადმი შენობით მიმართვაც

კი ზიზღს მგვრიდა, მამცირებდა. რას წარმოადგენდა ჩემთვის ეს ქალი, რომ ჩემთან სულ ხელგაყრილი ყოფილიყო და სულ გვერდით ვყოლოდი?

სამაგიეროდ ასე მეგონა, ხელახლა ვიბადები-მეთქი ნამუდამდღევს იმ საათებში, როცა სამუშაო დამთავრებული მქონდა და წერილ მხიანდღეს შემეძლო მეველო განათებულ ქუჩებში, მისგან დასასქროდ, ყველაფრისგან თავისუფალს, გულმოყირჭებულსა და ძველ ტკივილებდაამებულს. მინდოდა ისე მეცქირა, მეყნოსა, შემეგრძნო, როგორც ახალგაზრდობაში. ის ფიქრი, რომ კარლოტას ჩემი სიყვარულის გამო უნდა ეტანჯა, წარსულ ტკივილებს მიმსუბუქებდა, მათ ცოტა მაშორებდა, როგორც რაღაც სასაცილო ქვეყანას. ამ ქალისგან შორს მეოფს ჩემი თავი უფრო სავსე, უფრო გამოცდილი მეგონა. ის იყო ერთგვარი ღრუბელი, რომელიც მე მწმენდდა, მაკეთილშობილებდა. მასზე მე ხშირად ვფიქრობდი.

III

ზოგ საღამოს კი, როცა შეუსვენებლად ვლაპარაკობდი და თამაშში გართულ პატარა ბიჭად ვიქცეოდი, ჩემი გულისწყრომა მაგიწყდებოდა.

— კარლოტა, — ვეუბნებოდი, — რა შეგრძნება აქვს ხოლმე ადამიანს, როცა შეყვარებულია? რამდენი ხანია, შეყვარებული აღარ ვყოფილვარ. მჯერა, რომ საბოლოო ჯამში ეს კარგია. თუ ყველაფერი კარგად მიდის, ტკბები ხოლმე, თუ ცუდად — იმედს არ კარგავ. ასე გგონია, დღევანდელი ცხოვრებით ცხოვრობ. როგორ ხდება ეს ყველაფერი, კარლოტა?

იგი გაიღიმებდა და თავს დააქნევდა.

— მერე და რამდენი ლამაზი ფიქრი უტრიალებთ ხოლმე თავში, კარლოტა! ის, ვინც გვიყვარს და ვისაც ამის გაგება არ უნდა, ჩვენსავით ბედნიერი არასდროს იქნება. ოღონდ კი სხვასთან არ დაწვეს და მასხრად არ აგვიგდოს, — ვამბობდი ღიმილით.

კარლოტა მოიღუშებოდა ხოლმე.

— კარგი რამაა სიყვარული, — ვასკვნიდი მე. — და ვერც ვერავინ გაექცევა მას.

კარლოტა ჩემს მსმენელთა ფუნქციას ასრულებდა. იმ საღამოებში საკუთარი თავის სახელით ვლაპარაკობდი. ეს ყველაზე ლამაზი მანერა განსლავთ ლაპარაკისა.

— არის სიყვარული და არის ღალატი. სიყვარულით ნამდვილად რომ დავტკბე, შიგ ღალატიც უნდა ერიოს. სწორედ ამას ვერ იგებენ ბიჭები. ქალებმა კი ეს უკეთ იციან. გიღალატია როდისმე ქმრისთვის?

წამოწითლებული კარლოტა ცდილობდა გაეღიმა.

— ჩვენ, ბიჭები, უფრო სულელები ვიყავით ხოლმე. პატიოსნად შეგვიყვარდებოდა ან მსახიობი ქალი ან მეგობარი გოგო და ჩვენს საუკეთესო ფიქრებს ვუძღვნიდით. მხოლოდ გვაგიწყდებოდა ხოლმე ამ

ფიქრების მათთვის გამხელა. რამდენადაც ვიცი, არც ერთმა გოგომ ჩვენს ასაკში არ იცოდა, რომ სიყვარულს ეშმაკობაც ახლავს. ერთი შეხედვით შეუძლებელი ჩანს, მაგრამ ასეა. ბიჭები საროსკიპოებში დადიან და აქედან ასკვნიან, ქუჩის ქალები სხვანაირებიანო. შენ რას აკეთებდი თექვსმეტი წლის ასაკში, კარლოტა?

მაგრამ კარლოტა სხვა რამესე ფიქრობდა. სანამ მშობლები, თვალებით მეუბნებოდა, ჩემი ხარო; მე კი გულს მირევდა ის სიმტკიცე, მისი მშერიდან რომ იფრქვეოდა.

— რას აკეთებდი, თექვსმეტისა რომ იყავ? — ვიმეორებდი თვალვინებდახრილი.

— არაფერს, — მპასუხობდა სერიოზულად. ვიცოდი, რასაც ფიქრობდა.

შემდეგ პატიებას მთხოვდა, ამბობდა, რა უბედური ვარო, აღიარებდა, ამის უფლება არ მაქვსო. მაგრამ ძველი გაცხარებაც კმაროდა.

— იცი, რომ სულელი ხარ? მე იმაზე ვფიქრობ, რომ ქმარი შენს ხელახლა დაბრუნებას შეეცდება, — ვეუბნებოდი და აღელვებული ვშორდებოდი.

მეორე დღეს სამსახურში მირეკავდა და მორცხვად მელაპარაკებოდა. მე მშრალად ვპასუხობდი. სალამოს ერთმანეთს ვხვდებოდი.

კარლოტას ძალზე ართობდა, როცა პანსიონში მყოფ ჩემს დისშვილზე ველაპარაკებოდი. არ სჯეროდა და თავს აქნევდა, როცა ვეუბნებოდი, მიჯობდა პანსიონში დედაჩემი მომეთავსებინა და მე ბავშვთან ერთად მეცხოვრა-მეთქი. მისი წარმოდგენით ჩვენ ორი ცალკე მყოფი არსება ვიყავით, რომლებიც თუმცა ბიძა და დისშვილი არიან, მაგრამ სინამდვილეში საიდუმლოებათა და წყენათა მთელი სამყარო გააჩნიათ, რომელიც მათ მთლიანად აკმაყოფილებთ.

იგი ჯიუტად მეკითხებოდა, შენი ქალიშვილი ხომ არ არისო.

— რა თქმა უნდა, თექვსმეტი წლის რომ ვიყავი, მაშინ დაიბადა. და რატომღაც ქერა მოევლინა ამ ქვეყანას, რომ ჩემთვის წყენა მოეყენებინა. როგორ იბადებიან ქერები? ჩემთვის ქერები მართო ცხოველები არიან მაიმუნებსა ან ლომებივით. ქერა რომ ვიყო, ასე მეგონება, მუდამ მზეს ვეფიცებები-მეთქი.

— პატარაობისას მეც ქერა ვიყავი, — თქვა კარლოტამ.

— მე კი მელოტი.

ბოლო დროს კარლოტას წარსულისადმი მოსაწყენ ცნობისმოყვარეობას ვგრძნობდი. დროდადრო მავიწყდებოდა, თავიდან რასაც მიყვებოდა, და ისე ვუყურებდი ყოველივე ამას, როგორც ქრონიკას. თავის გასართობად და მის დასაბნევად ხანდახან უცნაურ, შეუბრალებელ კითხვებს ვაძლევდი და თვითონვე ვპასუხობდი. სინამდვილეში კი მხოლოდ ჩემს თავს ვუსმენდი.

მაგრამ კარლოტა მიმიხვდა.

— მომიყევი რამე, — მეუბნებოდა ხოლმე ზოგჯერ სალამობით და მკლავზე მეკვროდა. იცოდა, ჩემს თავზე რომ მალაპარაკებდა, ეს ჩვენი მეგობრობის ერთადერთი წინაპირობა იყო.

— კარლოტა, ოდესმე თუ მითქვამს შენთვის, რომ ერთმა ადამიანმა ჩემ გამო თავი მოიკლა? — ვუთხარი ერთ საღამოს. სიცილითა და თან გაოცებით შემომხედა.

— ეს არც ისე სასაცილოა, — განვაგრძე მე. — ჩვენ ერთად მოვიკალით თავი — ის დაიღუპა, მე არა. მაშინ ბავშვებიც მოკლეს.

უცნაური კია, გავიფიქრე მყისვე, რომ ეს არასოდეს მომიყოლია. ეტყობა, სწორედ კარლოტასთვის უნდა მომეყოლა.

— ერთი მეგობარი მყავდა, ლამაზი ქერა ბიჭი. ლომს ჰგავდა. თქვენ, გოგოებმა, ამგვარი მეგობრობა არ იცით. ამ ასაკში უკვე მეტად ეჭვიანები ხართ. სკოლაში ერთად დავდიოდით, მაგრამ საღამოობით მაინც ყოველთვის ვხვდებოდით ერთმანეთს. უწმაწურ რაღაცეებს ვიძახდით ხოლმე, როგორც ეს ბიჭებს შორის ხდება. ერთი ქალი გვიყვარდა: იგი ახლაც ცოცხალი უნდა იყოს. ის იყო ჩვენი პირველი სიყვარული, კარლოტა! საღამოებს სიყვარულსა და სიკვდილზე ლაპარაკში ვატარებდით. არც ერთი შეყვარებული არასოდეს ისე დარწმუნებული არ ყოფილა, მეგობარი გამიგებსო, როგორც ჩვენ ორნი. ჟანი — მას ჟანი ერქვა — ისეთი დიდი, ქედუხრელი სევდით იყო შეპყრობილი, ჩემი თავისა მრცხვენოდა. სწორედ მისგან მოდიოდა იმ საღამოების მთელი ჩვენი სევდა, როცა ნისლში ვსეირნობდით ხოლმე. ვერც კი წარმოგვედგინა, ასე ძლიერ თუ შეიძლებოდა ტანჯვა...

— შენც შეყვარებული იყავი?

— ძალზე ვწუხდი, რომ ჟანზე ნაკლებ განვიცდიდი სევდას. ბოლოს მივხვდი, რომ შეგვეძლო თავი მოგვეკლა, და ასეც ვუთხარი. ჟანს, როგორც ყოველთვის დიდი ფანტაზიის მქონეს, ნელ-ნელა თავში გაუჟდა ეს აზრი. ჩვენ მხოლოდ ერთი რევოლვერი გვქონდა. მის გამოსაცდელად ბორცვზე ავედით, რომ გაგვეგო, ხელში ხომ არ აგვიფეთქდებოდა. ჟანმა გაისროლა, იგი ყოველთვის გულადი იყო. მჯერა, იმ ლამაზმანზე რომ გული აეყარა, მეც უმაღვე მას მივბაძავდი. ამის შემდეგ — ჩვენ შიშველ ბილიკზე ვიდექით, შუა ფერდობზე, სამთარი იყო — სანამ მე გასროლის სიძლიერეზე ვფიქრობდი, ჟანმა ლულა პირში ჩაიდო და აი, ასე აკეთებენო, თქვა. რევოლვერმა იჭექა. ჟანმა იქვე დალია სული.

კარლოტა შეშინებული მიყურებდა.

— არ ვიცოდი, რა მექნა, და გავიქეცი, — ვთქვი ბოლოს.

იმ საღამოს კარლოტამ მკითხა:

— შენ მართლა გიყვარს ის ქალი?

— ის ქალი? მე ჟანი მიყვარდა, აკი გითხარი.

— და შენც გინდოდა თავი მოგვეკლა?

— რა თქმა უნდა. და დიდი სისულელეც იქნებოდა. თუმცა დიდი სიმდაბლევც იყო, ეს რომ არ ვქენი. ზოგჯერ სინდისი მქენჯნის.

კარლოტას ეს ამბავი ხშირად ახსენდებოდა და ჟანზე ისე მელაპარაკებოდა, როგორც კარგ ნაცნობზე. ამაწერიანებდა ხოლმე და მეკითხებოდა, მაშინ როგორი ვიყავი. მკითხა, რევოლვერი თუ შეინახეო.

— არ მოიკლა თავი! — მეუბნებოდა და თან დაკვირვებით შემომხედავდა. — არასოდეს დაგიპირებია თავის მოკვლა?

— ყოველთვის, როცა ვინმე შეყვარებულია, ამაზე აუცილებლად ფიქრობს.

კარლოტას არც კი გაუცინია.

— კიდევ ფიქრობ ამაზე?

— ჟანზე ვფიქრობ ხანდახან.



ეროვნული
ბიბლიოთეკა

IV

შუადღისას გული მიწუხდა, რომ სამუშაოდან დაბრუნებისას კარლოტას კაფეს წინ უნდა ჩამევლო. ვიმალებოდი, რათა იძულებული არ გყოფილიყავი შიგნით შევსულიყავი და ცოტათი მაინც გამეხარებინა იგი. შუადღისას, როგორც წესი, შინ არ ვბრუნდებოდი. ძალიან მომწონდა, ერთი საათი მარტო რომ ვიჯექი ერთ პატარა რესტორანში თვალმომჭრული და ვეწეოდი. იქიდან ვუყურებდი, სკამზე მჯდარი კარლოტა მექანიკურად როგორ ხევდა ტალონებს; თან თავს აქნევდა, თითქოს ნიშანს იძლევაო, ხან გაღიმებული და ხან მოღუშული კლიენტის გახუმრებაზე.

ის აქ დილის შვიდი საათიდან ნაშუადღევს ოთხ საათამდე იყო. ლურჯი სპექტანსაცემელი ეცვა. თვეში 480 ლირას აძლევდნენ. კარლოტა კმაყოფილი იყო, ყველაფერს რომ ასწრებდა. იქვე სადილობდა — რძეს სვამდა პატარა ფინჯნით. მეუბნებოდა, სამუშაო არც ისე ძნელია, წინ და უკან სიარულისას კარის მოულოდნელი ჯახუნი რომ არაო. ზოგჯერ ისე მგონია, შიშველ ტვინში მირტყამენო.

მას აქეთ კაფეებში რომ შევდივარ, კარს ხელს უცებ არ ვუშვებ ხოლმე.

კარლოტა ცდილობდა აეწერა ჩემთვის ის პატარა სცენები, კლიენტებთან რომ ჰქონდა, მაგრამ ჩემნაირად არ გამოსდიოდა. ასევე ვერ ასერხებდა ჩემს გაბრაზებას თავისი გადაკრულებით იმ წინადადებების თაობაზე, რომელიმე მოხუცი რომ შესთავაზებდა ხოლმე.

— იერედა შენც დათანხმდი, — ვეუბნებოდი მე. — მხოლოდ ისე, რომ მე არ გავიგო. დღეგამოშვებით მიიღე ხოლმე და მერე იმკურნალე.

კარლოტა სახეს დამანჭავდა.

შევატყვი, რამდენიმე დღე რაღაც აწუხებდა.

— ისევ შეყვარებული ვართ, კარლოტა? — ვკითხე ერთ საღამოს.

კარლოტა ნაცემი ძალღივით შემომყურებდა. მე ისევ მეკარგებოდა მოთმინება. მაცოფებდა მისი გაბრწყინებული თვალების მზერა, როცა საღამოს პატარა ოთახის მკრთალ ჩრდილში ხელზე ხელს მიჭერდა. ყოველთვის მეშინოდა კარლოტასთან სიახლოვისა. გული მერეოდა, ნეტა თუ კიდევ ფიქრობს-მეთქი ამაზე.

ისევ უთქმელი და უხეში გავხდი. მაგრამ კარლოტა ჩემს გაცხარებას უწინდელი დამცირებული მღელვარებით აღარ ხვდებოდა. უძრავად მდგარი დაყინებით შემომამჩერდებოდა. ზოგჯერაც ნაზად ცდილობდა აეშორებინა ჩემი ალერსი, როცა მის დაწყნარებას მოვიხდომებდი.

ეს დიახაც არ მომწონდა. მას მოფერება სჭირდებოდა, რათა გვერდით მყოფოდა, მე კი ეს ზიზღსა მგვრიდა.

— თავი მტკიცა, — მეტყობდა ხოლმე კარლოტა. — ოჰ, ის კარები! დღეს ჩვენ გულწრფელები ვართ. მომიყევი რამე.

როცა შევამჩნიე, რომ კარლოტა გულწრფელად ამბობდა, უბედური ვარო, და სინდისის ქენჯნას მიღრმავებდა, აღარ გავცხარებულვარ. უბრალოდ ვუღალატე. ეს იყო ერთ-ერთი იმ საღამოებში, როცა საროსკიპოდან დაბრუნებული რომელიმე პატარა კაფეში ვჯდებოდი, რომ დამესვენა, უსიხარულოდ და სევდის გარეშე, ტვინდაცარიელებული. ვფიქრობდი, რომ მართალი ვიყავი. ან უნდა მიიღო სიყვარული ყველა თავის რისკთან ერთად ანდა მხოლოდ პროსტიტუცია არჩიო.

მეგონა, რომ კარლოტას მხრიდან ეს ყასიდი ეჭვიანობა იყო, ამაზე მეტინებოდა. მაგრამ იგი მეტად უბრალო და ალალი იყო იმისათვის, რომ თავისი ტანჯვით ესარგებლა. პირიქით, როგორც ხდება ხოლმე, ნაძდვილი ტანჯვა ადამიანს აუშნოვებს. ვწუხდი, მაგრამ ვგრძნობდი, რომ უნდა მიმეტოვებინა.

კარლოტა ადრევე მიმიხვდა ამ ამბავს. ერთ საღამოს, როცა ლოგინში ვიწექით და მე ინსტინქტურად ვცდილობდი საუბრის აცილებას, უცებ ხელი მკრა და კედლისკენ გადაბრუნდა.

— რა მოგივიდა? — ვკითხე გაღიზიანებულმა.

— ხვალ რომ გავქრე, — მითხრა მან და უცებ მოტრიალდა, — ამას შენთვის რაიმე მნიშვნელობა ექნება?

— არ ვიცი, — წავიბუტბუტე.

— რომ გიღალატო?

— მთელი ცხოვრება ხომ ისედაც ღალატია.

— ქმართან რომ დავბრუნდე?

იგი სერიოზულად ამბობდა. მხრები ავიჩიჩე.

— მე ერთი საწყალი ქალი ვარ, — განაგრძო კარლოტამ. — და შენი ღალატი არ შემიძლია. ჩემი ქმარი ვნახე.

— როგორ?

— კაფეში მოვიდა.

— განა ის ამერიკაში არ გაიქცა?

— არ ვიცი, — მითხრა კარლოტამ. — მე ის კაფეში ვნახე.

აღბათ არ უნდოდა ჩემთვის ეთქვა, მაგრამ წამოსცდა, რომ მის ქმარს ქურქში ჩაცმული ქალბატონი ახლდა.

— არ დაელაპარაკეთ ერთმანეთს?

კარლოტა შეყოყმანდა.

— მეორე დღეს დაბრუნდა. მელაპარაკა და სახლამდე მომაცილა. მართალი ვითხრათ, უხერხულად ვიგრძენი თავი. წყნარად ვკითხე:

— აქ?

კარლოტა მთელი სხეულით მომეკრა.

— მაგრამ მე შენ მიყვარხარ, ძვირფასო! — წაიჩურჩულა. — არ იფიქრო, რომ...

— აქ მოვიდა?

— ისეთი არაფერია, ძვირფასო. თავის საქმეებზე მელაპარაკა. კვლავ რომ ვნახე, უფრო მეტად ვიგრძენი, თუ როგორ მიყვარხარ. მასთან არ დავბრუნდები, რომ მთხოვოს კიდევ.

— მაშ გთხოვა?

— არა. მაგრამ მითხრა, კვლავაც რომ მოესურვებინა ცოლის მოყვანა, ისევ მე შემიერთავდა.

— შენ ის კიდევ ნახე?

— კაფეში დაბრუნდა იმასთან ერთად...

ეს იყო უკანასკნელი ღამე, რომელიც კარლოტასთან მის სხეულს არც გამოვმშვიდობებდნენ, სინანულიც კი არ მიგრძობდა. შევწყვიტე მის სახლში მისვლა. მხოლოდ იმის ნება დავრთე, დაერეკა ხოლმე ჩემთვის და დროდადრო კაფეებში შემხვედროდა.

კარლოტა ჩვენს პაემნებზე ყოველთვის მოდიოდა. თვალებით მჭამდა, განშორებისას კი ხმა უთრთოდა.

— ის მეტად აღარ მინახავს, — წაიჩურჩულა ერთ საღამოს.

— შემცდარი ხარ, უნდა გეცადა მისი ისევ ხელში ჩაგდება, — ვუპასუხე მე.

მაღიზიანებდა ის ამბავი, რომ კარლოტას — და ეს უდავოდ ასე იყო — გული წყდებოდა თავის ქმარზე; მაღიზიანებდა, რომ ამ საუბრებით იმედოვნებდა თავის გვერდზე გამაჩერებდა. არადა, ეს ვნებისაგან დაცლილი სიყვარული არ ღირდა არც კარლოტას სინდისის ქენჯნად და არც ჩემს რისკად.

ერთ საღამოს ტელეფონით ვუთხარი, რომ მასთან მინდოდა მისვლა. კარი აღელვებულმა გამიღო. წინა ოთახში ფრთხილად მიმოვიხედე. კარლოტას ხავერდის კაბა ეცვა. მახსოვს, გაცივებული იყო და ცხვირსახოცი წამდაუწუმ გაწითლებულ ცხვირთან მიჰქონდა.

უცებ ვიგრძენი, რომ იგი მიმიხვდა ყველაფერს. მორჩილი და უტყვი იყო, ჩემს წინადადებებზე მოკრძალებული მხერით მპასუხობდა და თან ცხვირსახოციდან მალულად მიყურებდა. მერე ფეხზე ადგა, მომიხლოვდა და ტანით სახეზე მომეკრა. იძულებული გავხდი მეკოცნა.

— არ დაეწვეთ? — მითხრა წყნარად, როგორც ყოველთვის.

მაღიზიანებდა და არ მსიამოვნებდა მისი სველი და წამოწითლებული სახე, მანამ ერთად ვიყავით. შუალამისას საწოლიდან ჩამოვხტი და ჩაცმას შევუდექი. კარლოტამ შუქი აანთო და წამით შემომხედა, მერე ჩააქრო და მკითხა, მაინც მიდიხარო? დარცხვენილი, ნაბიჯარეული წავიდა.

მომდევნო დღეებში ტელეფონის ზარისა მეშინოდა, მაგრამ მას არ შევუწუხებდნენ. მშვიდად ვიმუშავე რამდენიმე კვირა: ერთ საღამოს კი კვლავ შემიპყრო კარლოტას ნახვის სურვილმა, მაგრამ სირცხვილი დამეხმარა ჩემი თავისთვის შეძლია. თუმცა კი ვიცოდი, მის კარზე რომ დამერეკა, ბედნიერებას ვიგრძნობდი. ეს მუდამ მტკიცედ მწამდა.

და მაინც უკან არ დამიხევია. მეორე დღეს შუადღისას მისი კაფეს წინ გავიარე. საღაროსთან ერთი ქერა ქალი იჯდა. ვიფიქრე, ალბათ განრიგი შეეცვალა-მეთქი, მაგრამ არც საღამოთი მინახავს. ალბათ ავადაა ან ქმარმა წაიყვანა-თქო, ვიფიქრე. ეს აზრი არ მეამა.

მაგრამ ფეხები ამიკანკალდა, როცა მეკარე ქალმა, დაჟინებით და უზრდელად რომ შემომაცქერდა ორი უღმობელი თვალით, მითხრა, თურმე ის ერთი თვის წინ ეპოვათ მკვდარი თავის საწოლში. გაზი ღია ყოფილა.



უჩანგულიდან

თარგმნა მერი ნაზირიძე

შეპოღობის სიმღერა

მალე შეგვირევს გაყინული წყვილიადი, ვიცი...
 გიჭირს უცქირო, წარსულ ზაფხულს როგორ
 შორდები,
 და უკვე მესმის სასიკვდილო დაცემის ბიძგი,
 და უკვე ვხედავ, როგორ ტყდებათ ხეებს ტოტები.

ზამთრის სიცივე შემოაღწევს თვითნები ნდომით,
 შიში და თრთოლა შეიცვლება ტანჯვა-წამებად,
 და ვით მწუხრის მზე იმალება სევდით და ოხვრით,
 ჩემი გულიდან სისხლისფერი ხორცი დარჩება...

ამიტომ მესმის ძირნაყარი ტოტების დარდი,
 ეშაფოტებიც რომ დაიმსხვრენ, მათი ხმა სხვაა,
 ჩემი ოცნება დაღუპული კოშკია მაინც
 და მოუღლელის დამარცხების სამძიმო ხმა აქვს.

ეს მოსაწყენი ხმაურობა ნანაა ჩემთვის,
 ვიცი, გულდაგულ დაღურსმავენ წასაღებ კუბოს,
 რისთვის?... ხვალ ისევ შემოდგომა ზაფხულებს
 შეცვლის
 და ეს ხმაურის მისტერიაც წარსულზე უბნობს...

მხიარული გარდაცვალება

ლოკოკინებით დამძიმებულ გულმძიმე მიწას
 ჩემივე ხელით ამოვჭრიდი ჩემთვის აკლდამას,
 სად დრომოჭმულ ძვლებს თავის დროზე ჩავაწყობ
 მშვიდად
 და ზვიგენივით შევერევი ტყალებს წარმავალს.

მე მძულს ანდერძი, ამავე დროს მე მძულს
 აკლდამა,
 ადამის მოდგმავ! მე ვირჩევდი ყორნებს მოვუხმო,
 ვიდრე მიტიროს მე სამყარომ ცრუმ და მუხთალმა
 და ჩემს ბებერ ძვლებს საბოლოოდ ბოლო მოუღოს.



ნახავთ და ისმენთ, მაგრამ არა თვალით და ყურით,
 მხიარულ სიკვდილს, თავისუფალ გარდაცვალებას,
 როგორი ღმერთით გაეყრება სიმყრალეს გული...

მსურს ჩემი წასვლა სამუდამოდ არ დატრჩით
 ხინჯად,
 მაშ, თქვით! რა სტანჯავს ბებერ სხეულს სულისგან
 დაცლილს
 ცოცხალ მკვდრებს შორის უსულგულო ყოფნაზე
 მეტად...



მამანემის პაპ ნაძვზე რომ იჯდა



ვერმანუღიდან

თარგმნა ნონა ფუნაშვიდმა

(მამის ნაამბობიდან)

მამანემის კუთვნილ მინდვრებს დამრეცი ტყე ესაზღვრებოდა, ჩრდილოეთისაკენ მალლობზე რომ გადაჭიმულიყო, იქიდან კი სხვა დიდ ტყეებს უერთდებოდა. მასსოვს, ჩემს ბავშვობაში სოჭისა და ლარიქსის წიწვოვან ხეებს მიღმა ამ ტყეში ერთი ნაძვი იდგა. მასზე თქმულება რამდენიმე ათასი წლის წინ თურქების შემოსევას, ნახევარმთვარესა და ამ ხის ქვეშ დაღვრილ უამრავი ქრისტიანის სისხლს უკავშირდებოდა.

მუდამ შიშს მგვრიდა ტრამალი მინდვრებიდან ამ ნაძვის დანახვა. ისეთი მაღალი იყო, მთელ ტყეს ზემოდან დაჰყურებდა. უჩვეულო სანახავი იყო მისი გრძელი, გამხმარი, გაფარჩხული და შემზარავი ტოტები. მხოლოდ ერთადერთ ტოტზე მრავლად მოჩანდა მუქმწვანე წიწვები, ზემოთ კი კენწერო ქარიშხალსა თუ ელვას ოდესღაც ისე მოუმტვრევია, მისი ნაკვალევიც კი არ ჩანდა.

მთიბულ მინდორში საქონელს ან ცხვარს რომ გაძოვებდი, შორიდან სიამოვნებით გავცქეროდი ხოლმე ნაძვს. მზეზე მოელვარე მომწვანო ტყეში ისე ლამაზი და ნათელი იყო, თითქოს ცის კაბადონზე დაუხატავთო, მოღრუბლულ დღეებში ან ავდარში კი ჩამუქდებოდა. ირგვლივ ყველა ხის ტოტს ქარიშხალი რომ ძლიერად არხევდა, ეს ნაძვი უმოძრაოდ, გარინდებული იდგა.

საქონელს ტყეში გზა თუ აერეოდა და მოსაძებნად წავიდოდი, ამ ნაძვისათვის უნდა ჩამეველო. შიშით მივიპარებოდი იქითკენ და ვფიქრობდი ნახევარმთვარეზე, ქრისტიანთა დაღვრილ სისხლსა თუ სხვა შემადრწუნებელ ამბებზე, ამ ხესთან დაკავშირებით რომ ჰყვებოდნენ. გაოცებული ვიყავი მისი სიმაღლით. ხის ცალი მხარე გაშიშვლებული იყო და აქა-იქ დახეთქილი, ხოლო მეორე უხეში და დამსკდარი ქერქით დაფარული. ძირი კი ისეთი სქელი ჰქონდა, ორი კაცი მკლავებით ვერ შემოსწვდებოდა. მიწის ზემოთ ამოყრილი უზარმაზარი ფესვები ერთმანეთს ტოტებივით უძრავად გადახლართოდა.

ამ ხეს თურქების ნაძვს ან ჭალარა ნაძვს ეძახდნენ. იქაურ ჯიუტ და ამპარტავან ადამიანზე ამბობდნენ ხოლმე, ისე იქცევა, თითქოს თურქების ნაძვი მფარველობსო. დღესაც კი, როცა ხე უკვე დიდი ხნის გამხმარი და ტოტებჩამომტვრეულია, ამ სიტყვებს აქა-იქ ჯერ კიდევ იმეორებენ.

ზაფხულობით, მამარჯიშის მუშები თავთავებით დახუნძლულ ყანას რომ მკიდნენ ხოლმე, მეც ვეხმარებოდი. კონები ერთ ადგილას მიმქონდა, იქ კი ზვინებად დგამდნენ და გასაშრობად ზემოდან რალაცას აფარებდნენ. საქონლის მწყემსვის შემდეგ ყველაზე მეტად ეს საქმე მიყვარდა. მოხუცი მოჯამაგირე ხშირ-ხშირად მიყვიროდა, ბიჭო, კონები მარჯვედ წაილე, ვინც ბევრს მოაგროვებს, გამდიდრდებაო. მარჯვედ დიდრებაზე კი არ ვფიქრობდი, აქეთ-იქით სირბილი მომწონდა. გავრბოდ-გამოვრბოდი კონებით, ვიდრე მამარჯიში არ გამიბრაზდა, სულელივით ნუ დარბიხარ, თავთავებს ფეხს ადგამ და სულ აფუჭებ, ნელა იარეო.

შებინდდა. ხალხი უკვე შუა ყანამდე გასულიყო და იქ მკიდა. მათ კარგა მანძილით ჩამოვრჩი. შემეშინდა და ავფორიაქდი. ხანდახან ისე მეჩვენებოდა, თითქოს თურქების ნაძვის ტოტები ძალზე ირხეოდა და ბნელ ცაზე გაურკვეველ ხაზებად ირთხმებოდა. არა, საშიში არაფერია-მეთქი, გავიფიქრე და აღარ მინდოდა იქით გახედვა, თუმცა თვალები ისევ და ისევ მისკენ მიმირბოდა.

მალე ისე ჩამობნელდა, რომ მკა შეუძლებელი გახდა. მუშებმა ცვრიანი ბალახით ცელები გაწმინდეს, მხიარული სიმღერით მომიახლოვდნენ და დარჩენილი კონები წამალებინეს. ყველაფერს რომ მოვრჩით, მოჯამაგირეები და მოსამსახურე გოგოები შინ დაბრუნდნენ და სალამოს სამზადისს შეუდგნენ. მე და მამარჯიში ყანაში დავრჩით და კონები ზვინებად დავდგით. მერე მამამ ბოლო ზვინს თავზე გადააფარა და დარჩენილი ძნის კონები ფარდულში შეიტანა.

მიყვარდა ხოლმე, როცა მკის დროს ვაკვირდებოდი ცაზე უამრავ მოკაშკაშე ვარსკვლავს, მომწყდარ ვარსკვლავებსა თუ მოციმციმე ცინათელებს, ნაპერწკლებივით ჩვენ ირგვლივ რომ ცეკვავდნენ, თითქოს ზვინები იწვიანო. ყურს ვუგდებდი ჭრიჭინების კროალს და ხელით ვეხებოდი სალამოს გრილ ცვარს, მზის ჩასვლის შემდეგ ბალახის ლეროებზე რომ დაფენილიყო და ქურთუკს მისველებდა. მამას ვეკითხებოდი, რაც მაინტერესებდა. იგი ჩვეული სიმშვიდით მიხსნიდა ყველაფერს და თავის აზრს გამოთქვამდა. თან მეუბნებოდა, მაინცდამაინც ნუ დამიჯერებ, რადგან დანამდვილებით არ ვიციო.

მამა ისეთი მხიარული, მოსიყვარულე და მშვიდი იყო ხოლმე ასეთ დღეებში, დიდი მზრუნველობით მაცმევდა ქურთუკს, არ შეგცივდესო. თუ ვეტყოდი, ქურთუკი შენც შეიკარი-მეთქი, ძალიან მცხელაო, მეუბნებოდა. ხშირად შემიმჩნევია, როგორ იდლებოდა ამ მძიმე სამუშაოთი, წამით ჩამოჯდებოდა თივის კონაზე და შუბლს იმშრალებდა. დიდი ხნის მძიმე ავადმყოფობამაც ძლიერ დაასუსტა, მაგრამ არასოდეს არაფერს იმჩნევდა. არ ფიქრობდა საკუთარ თავზე, მხოლოდ დედაზე და ჩვენზე ზრუნავდა და უნდოდა გაელამაზებინა უბედური შემთხვევებით დანგრეული ჩვენი ეზო.

მკის დროს ხშირად ვლაპარაკობდით ჩვენს ეზოზე, როგორი მდიდარი და კოპწია იყო პაპარჯიშის დროს და ასეთივე გახდებოდა, ჩვენ რომ გავიზრდებოდით, თუკი გულმოდგინედ მოგუვლიდით.

ხანდახან დალაშქვამდე ვმკიდით. მამარჯიში სიამოვნებით მესაუბრებოდა საყვარელ ღმერთზე. მას სკოლაში არ უვლია და წერა-კითხვა

არ იცოდა. ამიტომ უფრო ხშირად მე ვუამბობდი, რაც წაკითხული ან გაგებული მქონდა. დიდი ინტერესით ვუყვებოდი, როგორ დაიბადა უფალი იესო ბაგაში, როგორ მოინახულეს მწყემსებმა და ბატონებით, თხებითა და სხვა საგნებით დაასაჩუქრეს. მერე როგორ გაიზარდა და სასწაულებს ახდენდა. როგორ აწამეს იუდეველებმა და ჯვარზე გააკრეს. ისე სიამოვნებით ვუამბობდი სამყაროს შექმნაზე, პატრიარქებზე და წინასწარმეტყველებაზე, თითქოს მაშინ იქ ვყოფილიყავი, ასევე სამყაროს განადგურებაზე, განკითხვის დღესა და იმ სიხარულზე, საყვარელმა ღმერთმა ღარიბ და დატანჯულ ადამიანებს ცის სასუფეველში რომ მოუმზადა.

მამა ყოველთვის დიდი გულისყურით მისმენდა.

ხან თვითონ მიაშობდა ხოლმე თავისი ბებიისა და ბაბუის დროინდელ საინტერესო ამბებს, როგორ ცხოვრობდნენ, რა იცოდნენ, რა ხდებოდა იმ დროს მათ სოფელში.

— არასოდეს გიფიქრია იმაზე, რატომ კაშკაშებენ ვარსკვლავები ცაზე? — მკითხა ერთხელ მამამ.

— არა, — ვუპასუხე.

— ჩვენ არასოდეს ვფიქრობთ ამაზე, რადგან უკვე შევეჩვიეთ და აღარ გვიკვირს, — მითხრა.

— ალბათ დადგება ის დრო, როცა ცაზე არც ერთი ვარსკვლავი აღარ იკაშკაშებს, რადგან დაიწყება ვარსკვლავების ციდან ცვენა, — ვუთხარი მე.

— შეილო, ციდან ჩამოცვენილი ვარსკვლავები ადამიანთა ვარსკვლავებია. როცა დედამიწაზე ადამიანი კვდება, ციდან მისი ვარსკვლავი წყდება. შეხედე იმ ჭაღარა ნაძვს. სულ ახლახან მის უკან ერთი ჩამოვარდა.

ამ სიტყვების შემდეგ ერთხანს ჩავფიქრდი. მერე შევეკითხე, რატომ უწოდებენ იმ ველურად გაზრდილ ხეს ჭაღარა ნაძვს-მეთქი.

მამამ თივა ააგორა და, ზვინად რომ დადგა, მითხრა:

— შენ ხომ იცი, რომ მას თურქების ნაძვსაც უწოდებენ. ამბობენ, ერთმა დაუნდობელმა თურქმა თავისი ნამგალა მთვარე მასზე დაკიდაო. ჭაღარა კი იმიტომ ჰქვია, ტოტები და ხავსი ნაცრისფერი რომ აქვს. პაპაჩემსაც სწორედ ამ ხეზე ამოუვიდა პირველი ჭაღარა.

— პაპაშენს? ეს როგორ მოხდა? — ვკითხე.

— კიდევ ექვს ზვინს გადავხურავ და ამ სარცარ ამბავს მოგიყვები, — თქვა. საქმეს რომ მორჩა, თხრობა დაიწყო: ეს ამბავი თურმე ოთხმოცი წლის წინ მოხდა, პაპაჩემმა ბებიაჩემი ცოლად რომ შეირთო. პაპა თავის დროზე ძალიან მდიდარი ლამაზი ახალგაზრდა იყო და შეეძლო სოფელში პატივცემული და დაფასებული გლეხის გოგოზე დაქორწინებულიყო. მაგრამ წესიერი და კეთილი ღარიბი გოგონა შეირთო, რომელიც ტყის ქოხში ცხოვრობდა. ორ კვირაში წმინდა მარიამის მიძინების დღესასწაულია. პოდა, სწორედ ამ დღეს წავიდა პაპაჩემი ხელის სათხოვნელად. შეიძლება მაშინ მკის დროც ყოფილიყო. ჯერ კარგად დაისვენა, რადგან ტყე უნდა გაეწლო, ქოხამდე კი კარგა გრძელი გზა იყო. როგორც იქნა მივიდა. ქოხში მოხუცი მეტყევე დახვდა, ბები-

აჩემის მამა. იგი ფეხსაცმელებს უკერავდა ქვანახშირის მომპოვებლებსა და ხისმჭრელებს, ხან ხერხებსა და ცულებს ულესავდა და მტაცებელ ცხოველებს საფანგებს უგებდა, რადგან ტყეში უამრავი მგელი დაძრწოდა. მეტყევემ საქმე მიატოვა და პაპაჩემს უთხრა, იოსებ, თუ მართლა გინდა ჩემი კატერლის ცოლად შერთვა, ეს ჭკვიანური იქნება.

— სწორედ ამიტომაც მოვედი. თუ კატერლსაც მოვწონვარ და ჩვენი ქორწინება თქვენც გსურთ, ხვალვე წავალთ მოსამართლესა და მღვდელთან და ჩემს სახლ-კარს კატერლზეც გადავწერ, როგორც წესი და რიგიაო, უთხრა პაპამ. კატერლს უყვარდა პაპაჩემი და ცოლობაზე დათანხმდა. მერე უბრალო სადილი გაამზადეს. როგორც კი შებინდდა, ახალგაზრდა საქმრო შინისაკენ გაეშურა.

ტყის ქოხის წინ მაღალი ხეებით დაფარული მდელო გადაშლილიყო. გახარებული პაპა ტყის ბილიკს ქვემოთ დაუყვა. არ აშინებდა სიბნელე და ელვა, ზაფხულის ცხელი საღამოს შემდეგ რომ არცთუ ისე უჩვეულოა. უეცრად ტყიდან უცნაური ხმაური შემოესმა. გაიფიქრა, მგლები ხომ არ არიანო. ისინი ხშირად დაძრწოდნენ ხოლმე ხროვად ტყე-ტყე და ყმუოდნენ. უმაღ ხელი წაავლო თავის კომბალა ჯოხს და ფეხს აუჩქარა. მერე ყოველივე ჩაწყნარდა. დროდადრო ისმოდა ღამურების წრიპინი და გაელვებისას მოჩანდა ჩაბნელებულ ხეებს შორის დაკლაკნილი ბილიკი. მერე ისევ მოესმა საშინელი ყმუილი, მაგრამ უფრო ახლოს, ვიდრე პირველად. როგორც შეეძლო ისე მირბოდა; აღარ ესმოდა ჩიტების ჭიკჭიკი, ესმოდა მხოლოდ შეუწყვეტელი და შემადრწუნებელი ყმუილი, ფეხდაფეხ რომ მოსდევდა. ირგვლივ მიმოიხედა და ტოტებს უკან მოელვარე თვალები შეამჩნია. მალე დაინახა, თუ როგორ ყნოსავდნენ მხეცები იქაურობას და მას კვალში მისდევდნენ. იფიქრა, შეიძლება ხვალ მღვდელს ვერც კი შევხვდეთ, და ფეხს აუჩქარა. როგორც იქნა თურქების ნაძვამდე მიაღწია. გაქცევა შეუძლებელი იყო. უეცრად მოისაზრა და გაბედული ნახტომით ტოტზე ჩამოეკიდა. აი მგლებიც მოადგნენ. პაპაჩემი ხეზე რომ შეამჩნიეს, ყნოსავდნენ ხეს და თათებით ფხოჭნიდნენ. პაპა ზემოთ აცოცდა და განიერ ტოტზე ჩამოეკიდა, აქ უფრო დაცული ვიქნებიო. ქვემოთ კი მგლების მთელი ხროვა ხეს გარშემორტყმოდა. ზაფხულში იშვიათად ხდებოდა ხოლმე, რომ მგლები ადამიანს თავს დასხმოდნენ; ალბათ რაღაცამ გააღიზიანა და აქეთ გამოდევნა ისინი. პაპაჩემი დიდხანს იჯდა ტოტზე, ფიქრობდა, მხეცები მომშორდებიან და დაიფანტებიანო, მაგრამ ამაოდ. უკუნი იდგა. სამხრეთით და აღმოსავლეთით ვარსკვლავები კაშკაშებდნენ, დასავლეთით კი ცა მოღრუბლულიყო და ელავდა. მაინც ისეთი სიმშვიდე სუფევდა, ტყეში ტოტი არ ირხეოდა. პაპაჩემი ალბათ მიხვდა, რომ მთელ ღამეს აქ გაატარებდა. იქნებ ვინმე იყოსო, გაიფიქრა და, მიშველეთო იყვირა; მაგრამ ნადირი არ დაფრთხა. ახლომანლო კაციშვილი არ ჭაჭანებდა, მეტყევის ქოხი კი შორს იყო. თურქების ნაძვის მომტვრეულ კენწეროს ქვემოთ, სადაც დღეს ხმელი ადგილია, მაშინ მწვანე წიწვების სქელი გვირგვინი იყო. თუ ღამის გატარება აქ მიწერია, ისევ გვირგვინქვეშ შევცოცდებითო, გაიფიქრა პაპაჩემმა, ზემოთ აცოცდა, ტოტებშუა მოექცა, ზედ მიეყრდნო და დამშვიდდა.

მგლებმა ყმუილი შეწყვიტეს. ცაზე ისევ იელვა, დასავლეთიდან ჭექა-ქუხილი მოისმა. დიდი ტოტი რომ მოვტეხო, ხმაური ავტეხო, ძირს ჩავიდე და ძლიერად მიმოვიქნიო, მგლებს ეგონებოდათ, ყორნებს გაურბისო, ფიქრობდა პაპაჩემი, მაგრამ ვერ გაბედა, ბევრჯერ სმენია, როგორ დაუგლეჯიათ ხოლმე მგლებს ადამიანები.

ჭექა-ქუხილმა იმატა, ყველა ვარსკვლავი გაქრა და ძლიერ ჩამობნელდა. მხოლოდ ხის ძირში ელვარებდა ნადირთა ანთებული თვალები. გაელვებისას მთელი ტყე ნათდებოდა. მერე ღრუბლები ერთმანეთში აირია და კოკისპირული წვიმა წამოვიდა. საშინლად გაავდრდა. პაპაჩემს ქუდი ძირს ჩამოუვარდა, მგლებმა სულ დაფლითეს ქუდის ბეწვი. მერე ისევ გრგვინვა და გრიალი ატყდა.

ცოტა ხნის შემდეგ ღრუბლებსა თუ დედამიწაზე ყოველივე მიჩუმდა. ხის კენწეროზე ღამურამ გაიფარფატა. მალე ყინულივით ცივი გოგირდისფერი ქარიშხალი ამოვარდა. ტოტებში რალაცამ გაიშრიალა. პაპაჩემი მთელი ძალით ეკვროდა ხეს. ისევ იელვა და იელვა. ყველა კენწერო ირსეოდა, იღუნებოდა, ტოტები ხმაურით ეხეთქებოდა ერთმანეთს, თითქოს ხეები იმტვრევინანო. მაგრამ ნაძვი ისევე უძრავად იდგა და მთელ ტყეს ზემოდან დაჰყურებდა. ქვემოთ მგლები ისევ დარბოდნენ და ყმუოდნენ. უეცრად ტოტებში რალაცამ გამოიქროლა ნასროლი ქვასავით. მერე ისევ განათდა. თეთრი მრგვალი რალაცა მიწაზე დახტა. ღამე ნისლმა მოიცვა. ქარი ქროდა, ზმუოდა და გრგვინავდა. ანაზდად უზარმაზარმა არსებამ ფართოდგაშლილი ფრთებით, გაელვებისას რომ საშინელ ჩრდილს ქმნიდა, ჰაერში გაიქროლა, ნაძვს მიეხეთქა და პირდაპირ პაპაჩემთან გვირგვინში შეფრინდა. ეს ქორი იყო, შვილო, ქორი, რომელსაც თურმე ბუდე ჰქონია ნაძვზე.

მამაჩემი ამას რომ მიაგებობდა, ზვინს არც შეხებია. მანამდე ასე გულდასმით არასოდეს მისმენია ამ მშვიდი და მორიდებული კაცისთვის.

— იცი, მერე რა მოხდა? — განაგრძო მან. — უეცრად ძლიერ დაიგრუხუნა. მესი ჩამოვარდა. ნაპერწკლები აქეთ-იქით გაიფანტა. მერე სეტყვა წამოვიდა. ხოშკაკალი ხეებს ეხეთქებოდა, მიწაზე ცვიოდა და ისევ ზემოთ ხტებოდა. როგორც კი სეტყვა ნაძვს მოხვდა, ყრუ ხმა გაისმა. უეცრად თვალისმომჭრელად იელვა და ჰაერში ცხელი ჰაერის ნაკადები დატრიალდა. ერთ სოჭს ცეცხლი წაეკიდა. თურქების ნაძვი კი, რომელზეც პაპაჩემი იჯდა, ცამდე ტოტებაზიდული ისევ ისე უძრავად იდგა.

ცეცხლმოკიდებული სოჭი ნაპერწკლებს აქეთ-იქით ისროდა. ცა წითლად აელვარდა. სეტყვის კაკლები დნებოდა. ბოლოს ქარიშხალი ძლიერმა ქარმა, ხოლო სეტყვა მსხვილმა წვიმამ შეცვალა.

მერე ჭექა-ქუხილმა სამხრეთისაკენ გადაინაცვლა. ელვა კი არა და არ წყდებოდა. ხის ძირში აღარ ისმოდა ყმუილი და აღარც მოელვარე თვალები ჩანდა. იქნებ მგლები ავდარმა დააფრთხო, გაიფიქრა პაპაჩემმა, ტოტიდან ტოტზე გადავიდა და ძირს ისე ჩამოაღწია. მერე ტყისა და მინდვრების გადავლით მეტყევის ქოხისაკენ გაეშურა.

შუალამე უკვე გადასული იყო, ქოხში რომ მივიდა. ოთახი ჩაბნელებული რომ დახვდა, გაოცდა, ასეთ ავდარში ხალხს მშვიდად როგორ

სძინავსო. მაგრამ თურმე არ ეძინათ, სანთლის შუქზე ისხდნენ, ფანჯრები კი ფიცრებით ამოევსოთ, რადგან სეტყვას ყველა მინა ჩაემსგვრია.

— მეტყევის ქოსს შეაფარე ხომ თავი, სეფ? — ჰკითხა ბებიარემის დედამ. არა, იქ არ ვყოფილვარო, უბასუხა მან.

მეორე დილას ტყეში დამწვარი სოჭის სურნელი იფრქვეოდა. ხეებს ისეთი ფერი დაჰკრავდათ, თითქოს იარებიდან სისხლი სდითო. ნასეტყვარზე სიარული ჭირდა, ჰაერი ცივი იყო. ქალთა დღესასწაულზე ეკლესიაში მიმავალ ხალხს გამხმარ ტოტებსა თუ ხავსქვეშ მკვდარი ჩიტები ხვდებოდათ. ჩამომტვრეულ კენწეროს ქვეშ კი მკვდარი მგელი ეგდო.

პაპაჩემი დაფიქრებული იჯდა.

— ღმერთო ჩემო, სეფ, უკვე ჭალარა შეგრევია! — უთხრა გაცებულმა კატერლმა.

მოგვიანებით მან ყველაფერი უამბო ხალხს. მას შემდეგ ხალხმა იმ ნაძვს, სადაც პაპაჩემმა მთელი ღამე გაატარა, ჭალარა ნაძვი უწოდა.

ეს ამბავი მამაჩემმა მკის დროს მიაბო და მე მოგვიანებით ჩავიწერე. ვახშამზე შინ რომ დავბრუნდით, ნაძვს გავხედე. იგი ისევ ტყეს დაჰყურებდა. საღამოს ცაზე იგი მუქად მოჩანდა.

გავიდა ხანი. შემოდგომის ერთ ღამეს მამაჩემმა გამალვიძა და მითხრა:

— თუ გინდა ნახო, როგორ იწვის ჭალარა ნაძვი, სახლის წინ გადი!

ტყის გაღმა უზარმაზარი ცეცხლი ენთო, კვამლი ვარსკვლავებიან ცას სწვდებოდა. მესმოდა ცეცხლის ტკაცუნა. მერე რამდენიმე ტოტი ძირს დაეცა. დილით რომ ავდექი, ტყეში შავი დამწვარი ხე დავინახე. ხის თავზე კი ძერა დაფრინავდა. ვერ მივხვდით, რამ დაწვა ნაძვი ასეთ მშვიდ ცხელ ღამეში. ეს დღესაც არ ვიცი: ამ ამბავზე ბევრს ლაპარაკობდნენ. რამდენიმე დღე შეჰყურებდა ხე ცას, მერე ნელა-ნელა ჩამოიმტვრა, ჩამოიშალა და ახლა აღარაფერი ჩანს. ძირს დაყრილ დამწვარ ტოტებზე კი, თანდათანობით მიწაში რომ ჩაიფლო და დაღბა, ხავსი ამოიზარდა.

როცა გვბია შინ არ იყო

ამბობენ, მოწყენის ჟამს ზოგჯერ ხალხის მზე გამოანათებს სოლმეო. თუმცა არც კი მაგონდება, როდის ვიყავი მოწყენილი.

ერთხელ უფროსები ეკლესიაში წავიდნენ და ჩემი საყვარელი ბეზიაც, ყოველთვის რომ ჩვენთან რჩებოდა, თან წაიყვანეს. გზა მეტად გრძელი იყო, ამიტომაც პატარები შინ დავვტოვეს. კარი ჩავრავეთ და ფეხის ცერებზე დავდიოდით, რადგან ყაჩაღებისა და კაცის მკვლელებისა ძალიან გვეშინოდა. გისოსებიან ფანჯრებს მიღმა ტყე ცისფრად მოჩანდა, ირგვლივ წმინდა სამების მზის მშვიდი ნათელი იფრქვეოდა. მთელი ერთი საათი მარტონი ვიყავით, მაგრამ უჩვეულო არაფერი მო-

მხდარა. ამიტომაც ცოტა გავთამამდით. მალე მოგვშივდა კიდევ. ის იყო ჩვენს დას პლონელეს სადილი უნდა გაეკეთებინა, რომ უეცრად ბაღში მდგარი ფიცრული ქოხიდან ფხაკუნი მოგვესმა. შეშინებულები მაგრად ჩავეკარით ერთმანეთს.

— დედაო ღვთისაჲ, გვედრები გვიშველე! — ეძრებოდა პლონელე, — სახლში ნამდვილად ქურდი შემოიპარა.

მერე მოგვესმა მოთქმა და ყვირილი. მწყემსი ჰანზელის ხმა იყო, ღარიბი, მაგრამ გულადი ბიჭისა, მამამ რომ ამ რამდენიმე დღის წინ საქონლის მწყემსად აიყვანა. მას ნახირი მინდორში უნდა გაერეკა, ამიტომ საგზლის ჩანთა უკვე მხარზე ჰქონდა გადაკიდებული. ჰოდა, უეცრად ჩანთიდან პურის ბასრი დანა დააძრო და ფიცრულისაკენ დაიძრა. პლონელემ შეაჩერა, ღვთის გულისათვის დანა რად გინდა, ეს ხომ ძვირად დაგვიჯდებაო.

— თუ ყაჩაღია, დავჭრი! — შეჰყვირა ჰანზელმა, ჩემს დას ხელიდან დაუსხლტა და ქოხისაკენ გაექანა.

იქ შემადრწუნებელი სურათი დაგვხვდა. რამდენიმე ბელურა ყივიყივით უვლიდა გარშემო ფიცრულის შუაგულში მიწაზე მოფანტულ დაფლეთილ ბუდეს. ერთ გაუმადლარ კატას წინა თათებითა და დრუნჩით საბრალო ბარტყი ბზის ბულულიდან გამოეთრია და აქეთ-იქით დაათრევდა. ჰანზელი კატას მივარდა და დანის ტარი ერთი მაგრად უთავაზა.

ყველანი მივცვივდით, ვეფერებოდით და ვეალერსებოდით უმწეო ფრინველს. არაფერია ამქვეყნად უფრო შესაბრალისი, ვიდრე შეუბუზბლავი ჩიტბი. ბელურამ, როგორც იქნა, ნისკარტი გაალო. პლონელემ ზეთში შემწვარი ქადის ნამცეცი ჩაუდო, ჰანზელმა კი მარჯვედ აიყვანა ბარტყი ხელში და მასაც შეაჭამა ქადის ნამცეცი. ყველას ძალიან გაგვეხარდა. ამასობაში ძველი გალია მოვიტანე, ჩიტებისათვის რომ გვქონდა განკუთვნილი, და ბელურის შიგ ჩასმა დავაპირე. ჰანზელმა მიყვირა: „რა სულელი ბიჭი ხარ, გგონია, შიგ დიდხანს იცოცხლებს? აბა ერთი შენ თუ გაძლებ, უჭმელ-უსმელი და უდედოდ რომ ჩაკეტონ ჩიტების გალიაში? არა, ასე არ გამოვა, ბარტყი თავის მშობლებს უნდა დავუბრუნოთ“.

მაგრამ სად უნდა ჩავვესვა ბელურა? კატამ ხომ ბუდე სულ ნაკუნ-ნაკუნ უქცია. ჰანზელის სიტყვები გულზე მომხვდა, გალია უკან წავიღე და ჩემი ბალიში მივიტანე. ის კედლის ნახვრეტში შევაცურეთ, პლონელემ კი თითებით ჩაალრმავა შუა ადგილი და საბრალო ბარტყი შიგ ჩააწვინა. ის ნისკარტს ხან აღებდა და ხან ისევ ხურავდა, ქადას ვეღარ ჭამდა, პატარა მუცელიც უფეთქავდა და უძალოდ ჭყიპინებდა. ჰანზელის მითითებით ჩიტბი მარტო დავტოვეთ იმ იმედით, რომ მშობლები მოუვიდოდნენ და თავიანთ პატარას მოუვლიდნენ.

მაგრამ შეშინებული მშობლები ჩიტს არ გაკარებინან, მხოლოდ სახურავის კუთხეებს უვლიდნენ გარს. დანამომარჯვებული ღონიერი ჰანზელი კატის მოსაძებნად თავლასა და ფარდულისაკენ გაიქცა.

რა აღარ გადავიტანე ამ დილას! აფორიაქებული შევიპარე ფიცრულში, ფეხის ცერებზე ავიწიე და კისერი წავიგრძელე, ბარტყი რომ

დამენახა. მაგრამ ამოდ. საამისოდ ძალიან პატარა ვიყავი და ვერ მივ-
წვდი. მერე მივაყურადე, თუმცა ვერც ჭყიპინი გავიგონე და ვერც სუ-
ხთქვა. ჩემმა ძმამ იაკერლმა მთხოვა, მხრებზე შეგადგები, ბარტყი რომ
დავინახო და, რასაც დავინახავ, ყველაფერს მოგიყვებიო. ასეც მოვი-
ქეცი, მაგრამ ხარაჩო მეტად სუსტი გამოდგა და ორივემ ძირს მოვადრე-
ნეთ ბრაგვანი. შუადღისას კი ჩვენი და დაღონებული მოვიდა და გვითხრა,
რა, საბრალო ბარტყმა უკვე სული დალიაო.

იქნებ რამე დაუშავდა ან შეშინდა-თქო, ვიფიქრეთ.

— ახლა შეგიძლია ორხელა მოიტანო, — მიბრძანა ჰანზელმა. ბა-
რტყი ქათქათა მატყლისაგან გაკეთებულ პატარა ბუდეში ჩავაწვინეთ,
როზმარინისა და ზიზილასაგან გვირგვინი დავუწვანით და ორხელაზე
დავდეთ. ვურჩიე, ჩიტს სანთელი ავუნთოთ, ისე როგორც ბებიას ცხე-
დართან ენთო-მეთქი. მაგრამ ჩემმა დამ იდაყვი გამკრა, ეს ხომ დიდი
ცოდვა იქნება, ბელურას ხომ სული არა აქვსო.

ჰოი, რა დაღონებული შევეყურებდი ბელურას: შე საბრალოვ შენა,
ახლა რომ სულიც აღარ გიდგას. ასე როგორ გაგიმეტა იმ დაუნდობელმა
კატამ, რომ ცაშიაც კი ველარ მოხვდები. იქნებ მოწყალე ღმერთმა შენ-
ზე გამონაკლისი დაუშვას, რომ მწუხრზე მაინც მოგიხსენიონ-მეთქი.

შებინდებისას გაშეშებული ჩიტი მდინარე რაინთან ჩავიყვანეთ.
ასკილის ბუჩქებთან ჰანზელმა ორმო ამოთხარა და თავზე გვირგვინდა-
დგმული, ქათქათა მატყლში გახვეული ბარტყი შიგ ჩავასვენეთ. პატარა
ხელებით მიწა რომ მივაყარეთ, დავინახეთ, რომ ერთი ბელურა სულ
თავს დაგვტრიალებდა. გული გვეტკინა, პლონელემ რომ გვითხრა, ეს
ალბათ მისი დედა იქნებაო.

მერე ჰანზელმა საიდანღაც დიდი ქვა მოათრია და საფლავს დაა-
დო, კატას ბელურა რომ ვერ ეპოვა.

ჰანზელი დღესაც ცოცხალია. მას დიდი კარ-მიდამო აქვს და კარ-
გი ადამიანია. იგი პლონელეზე დაქორწინდა, ბედნიერები არიან და კი-
დეც ერთ ბელურას უვლიან, მაშინდელზე უფრო მხიარულად.



შემოდგომის სიმღერა




ფრანგულიდან

თარგმნა ღიკა პახტაძემ

ქვითინი, ვიოლინოს ჰანგივით გრძელი,
ამხელს შემოდგომის იდუმალ სათქმელს,
გულს მიპობს ერთფერობა არაფრის მთქმელი
და ჭრილობებში მაწურავს ნალველს.

და ვგრძნობ, ნელ-ნელა როგორ ვფითრდები,
როს საათები გრგვინავენ სადღაც,
ვიგონებ წარსულ დღეებს და წამებს
და სინანულის ცრემლები მტალავს.

და კვლავ ქარების კვალდაკვალ წავალ,
ხან აქ, ხანაც იქ დარდითა ვლოთობ,
ქარი გამიკვლევს ჯანდაბის სავალს,
ვით შემოდგომის მომაკვდავ ფოთოლს.





ინგლისურიდან

თარგმნა ნინო მიტაძე

ნაწყვეტი ასახავს პატარა ღუქნის მფლობელ 30 წლის მარტოხელა მის ამელია ევანსის უიღბლო ცხოვრებას. ის ცოლად გაჰყვა მოხდენილ, მაგრამ უზნეო კაცს მარვინ მეისის, ყველაზე უნამუსოს მთელ ქალაქში. მათი ქორწინება მხოლოდ ათი დღე გაგრძელდა, რის შემდეგაც მის ამელიამ ქმარი სახლიდან გააძევა და დაემუქრა, საპყრობილეში გამოგამწყვდევ, თუ უკან დაბრუნებას შეეცდებიო. მარვინ მეისიმ ქალაქი დატოვა და დაიფიცა, რომ შურს იძიებდა. მის ამელიამ მთელი თავისი მზრუნველობა და სიყვარული თავის შორეულ ნათესავ, კუზენ ლაიმონზე გადაიტანა, პატარა და ამაყ კუზინაზე, მოულოდნელად რომ გამოჩნდა ქალაქში. ლაიმონი მის ამელიასთან დასახლდა და ღუქანი კაფედ გადააკეთა. ეს გახდა ერთადერთი გასართობი ადგილი მრავალი შიღის მანძილზე, სანამ მის ამელიას უარყოფილი ქმარი არ დაბრუნდა ქალაქში ხანგრძლივი პატიმრობის შემდეგ. მისმა თავგადასავლებით აღსავსე ცხოვრებამ ისე მოხიბლა ლაიმონი, რომ სუდ კულში დასდევდა. ბოლოს კუზენმა მარვინი მის ამელიას სახლში დაასახლა. მთელი ქალაქი მოწმე იყო, მის ამელია და მარვინ მეისი როგორ უღერებდნენ ერთმანეთს მუშტებს, და ყველას სწამდა ბრძოლის გარდაუვალობა.

ორთაბრძოლა ორ თებერვალს, ვირზაზუნას დღეს გაიმართა. ამინდიც ხელსაყრელი გამოდგა, — არც წვიმიანი, არც მზიანი, ზომიერად თბილი, თითქოს შერკინებისთვის საგანგებოდ დამდგარი. ათი საათისთვის ახალი ამბავი მთელ ოლქს მოედო. დილაადრიან მის ამელია მუშტების გავარჯიშებას შეუდგა. მარვინ მეისი ბოლო საფეხურზე ჩამომჯდარიყო, ღორის ქონის კონსერვი მუხლებს შუა მოექცია და დიდი მონდომებით იპოხავდა ტანს. გასისხლიანებულმა ქორმა ქალაქს გადაუფრინა და მის ამელიას კაფეს თავზე ირაო ორჯერ დაარტყა. მაგიდები ტერასაზე გაეტანათ, ასე რომ მთელი უზარმაზარი ოთახი ბრძოლისათვის მზად იყო. შერკინება გარდაუვალი გახლდათ. მის ამელიამ და მარვინ მეისიმაც ოთხი ულუფა ნახევრად უმი ბიფშტექსი მიირთვეს და ძალ-ღონის მოსაკრებად წამოწვნენ. მარვინ მეისი ზედა სართულის დიდ ოთახში ისვენებდა, მის ამელია კი ოფისში გრძელ სკამზე მოკალათებულიყო. სახეზე ამკარად ეტყობოდა, რარიგ აწუხებდა ასე უსაქმურად ყოფნა, მაგრამ მაინც თვალდახუჭული, გულხელდაკრეფილი, მკვდარივით გაშეშებული იწვა.

კუზენ ლაიმონისთვის ეს დღე მომქანცველი აღმოჩნდა. პატარა სახე მღელვარებისაგან დაღმეჭოდა. ლაიმონი თავად შეუდგა საუზმის მზადებას და ვირზაზუნას საძებნელად გაემართა. ერთ საათში ნასაუზმევი დაბრუნდა და თქვა, რომ ვირზაზუნამ მისი ჩრდილი დაინახა, რაც ცუდ ამინდს მოასწავებდა. მოგვიანებით, როცა მის ამელია და მარვინ მეისი ისვენებდნენ, მარტოდმარტო დარჩენილ ლაიმონს აზრად მოუვი-

და ტერასის შეღებვა. სახლი წლების მანძილზე არ შეღებებოდა, თუმცა, ღმერთმა უწყის, ყოფილა კი ოდესმე შეღებებოდა? ლაიმონი გადაბობდა და ძალიან მალე ტერასის იატაკის ნახევარს ღია მწვანე ფერი მისცა. სამუშაო მეტად რთული გამოდგა, ისე რომ საღებავით სულმთლად ამოითხუპნა. იატაკის ღებვა არც კი დაემთავრებინა, როცა კედლებზე გადავიდა. ჯერ ის ნაწილი შეღება, სადამდეც ხელს მოუწყდებოდა, შემდეგ ხის ყუთზე შედგა ერთი ფუტით ასამალლებლად. როცა საღებავი გამოელა — იატაკის მარჯვენა მხარე ღია მწვანე აღმოჩნდა, ხოლო კედლის ნაწილი უსწორმასწოროდ შეღებოდა — და მანაც საქმიანობა შეწყვიტა.

თავისი ნამოქმედარით ბავშვივით კმაყოფილი დარჩა, მაგრამ აქ ერთი გასაოცარი ფაქტი უნდა აღვნიშნოთ. ქალაქში არც ერთ სულიერს და არც მის ამელიას წარმოდგენა არ ჰქონდათ კუზიანის ასაკზე. ზოგი ამტკიცებდა, როცა ქალაქში ჩამოვიდა, დაახლოებით თორმეტი წლისა იქნებოდაო, ჯერ კიდევ ბავშვიო. სხვანი ირწმუნებოდნენ, ორმოცსაცაა გადაცილებულიო. ეს კია, ლაიმონის ლურჯ ბავშვურ თვალებში ლავანდისფერი კრეპის ჩრდილი ირეკლებოდა, რაც მის ასაკზე მიანიშნებდა. ძნელზე ძნელი იყო მისი ასაკის გამოცნობა კუზის გამოც, ვერც კბილებით დაადგენდით ამას — ყველა კბილი ადგილზე ჰქონდა ორის გარდა, თხილის მტვრევისას რომ ჩამომტვრეოდა. თანაც პირი ისე გამოტენოდა ბურნუთით, რომ შეუძლებელს ხდიდა კბილების მიხედვით ასაკის განსაზღვრას. როდესაც პირდაპირ ჰკითხავდნენ წლოვანებას, კუზიანი თავს იკატუნებდა, თითქოს წარმოდგენაც არ ჰქონდა, რამდენი ხანი დაჰყო ამ დედამიწაზე, — ათი თუ ამაზე მეტი. ასე რომ, მისი ასაკი გამოცანად რჩებოდა.

ლაიმონმა ღებვა შუადღისას ექვსის ნახევარზე დაასრულა. აცივდა და ჰაერშიც სინოტივე იგრძნობოდა. ქარი ფიჭვის ტყეებიდან უბერავდა, ფანჯრებს აზანზარებდა და ძველ გაზეთს დაღმართზე მიაფრიალებდა, სანამ ის კუნელის ბურქს არ გამოედო. ხალხმა სოფლიდან იწყო მოსვლა გაჭედული ავტომობილებით, საიდანაც ბავშვებს გამოეყოთ თავები, რის გამოც მანქანები ჯაგარაშლილნი გეგონებოდათ, და ოთხთვალეებში შებმული ბებერი ჯორებით, ნალვლიანი, დაძმარებული ღიმილით რომ იღიმებოდნენ და ნახევრადდასუჭული, დაღლილ-დაქანცული თვალებით მიჩანჩალებდნენ. სამი ახალგაზრდა ბიჭი სოსაიეთი სიტიდან მოვიდა. სამივე მათგანს ყვითელი ვისკოზის პერანგები ეცვათ, კეპები უკან მიეტრიალებინათ და ტყუპებს ჰგავდნენ. მათ ყოველთვის ნახავდით მამლების ძიძგილაობისას თუ ბანაკის შეკრებებზე. ექვს საათზე წისქვილის სასტვენმა დღის ცვლის დასასრული ამცნო. ამ დროისთვის ბრბოს თავმოყრაც დასრულდა. ბუნებრივია, რომ ახალმოსულთა შორის ბევრი უცხო თუ ვიგინდარა ერია, მაგრამ მიუხედავად ამისა შეკრება მშვიდად მიმდინარეობდა, ქალაქში სიჩუმე სუფევდა. ხალხის სახეები ბინდში უცნაურად გამოიყურებოდა. ჰაერი ნაზად ლივლივებდა. წამით ცას მკრთალი, გამჭვირვალე ყვითელი ფერი დაედო, რომლის ფონზე ეკლესიის გუმბათების მოხაზულობა მუქად ჩანდა. შემდეგ ცამ ნელ-ნელა დაღია სული და ბინდი ღამედ იქცა.

შვიდიანი პოპულარული რიცხვია და განსაკუთრებით საყვარელი მის ამელიასათვის შვიდი ყლუბი წყალი სლოკინისას, შვიდი შემორბენა წისქვილის გარშემო კისრის კუნთის დაჭიმვისას, შვიდი ღოზა მის ამელიას სასწაულმოქმედი წამლისა მუცლის ჭრის საწინააღმდეგოდ ყველაფერი თითქმის ყოველთვის დამოკიდებული იყო ამ რიცხვზე. შვიდი შერეულ შესაძლებლობათა რიცხვია და ყველა, ვისაც საიდუმლოდ ბანი ხიბლავს, ამ რიცხვს დიდ მნიშვნელობას ანიჭებს. აქედან გამომდინარე ბრძოლა შვიდ საათზე უნდა გამართულიყო. ეს ყველამ იცოდა, მაგრამ არა განცხადებით და სიტყვებით, არამედ იმიტომ, რომ ეს ისევე ბუნებრივი იყო, როგორც წვიმა ან ჭაობის მყრალი სუნის. ასე რომ, შვიდი საათისათვის ყველამ თავი მოიყარა მის ამელიას კაფესთან. ყველაზე ჭკვიანები კაფეში შეძვრნენ და ოთახის კედლებთან ჩამწკრივდნენ. სხვები წინა კართან შეგროვდნენ, ზოგმაც ეზოში დაიკავა ადგილი.

მის ამელია და მარვინ მეისი ჯერ არ გამოჩენილიყვნენ. მის ამელია ოფისის სკამზე შუადღის დასვენების შემდეგ ზევით ავიდა. როგორც ყოველთვის, ლაიმონი ქვემოთ იყო, გზას მიიკვლევდა ბრბოში, თითებს ნერვიულად ატკაცუნებდა და თვალებს ახამხამებდა. შვიდს რომ ერთი წუთი აკლდა, ლაიმონი, ვისაც უკვე გზა გაეკვლია კაფესკენ, დახლზე აძვრა. ირგვლივ სიჩუმე სუფევდა. ეტყობოდა, ყოველივე წინასწარ იყო დაგეგმილი, რადგანაც, როგორც კი საათმა შვიდი დარეკა, მის ამელია კიბის თავზე გამოჩნდა. ბრბომ მას გზა უხმოდ დაუთმო. ისინი აუჩქარებლად გაემართნენ ერთმანეთისკენ, მუშტებშეკრულნი, თვალეხანთებულნი. მის ამელიას წითელი კაბის ნაცვლად ძველი კომბინიზონი ჩაეცვა, მუხლებამდე რომ ჰქონდა აკეცილი. ფეხშიშველს მარჯვენა მაჯაზე რკინის ზორტი ეკეთა. მარვინ მეისისაც ასევე აეცვა შარვლის ტოტები — წელზევით შიშველი და კარგად გაპოხილი იყო. ფეხზე მძიმე ფეხსაცმელები ეცვა, ციხიდან გამოსვლისას რომ მისცეს. ჯმუხი მაკფეილი ბრბოს გამოეყო და შესამოწმებლად ჯიბეებზე მარჯვენა ხელისგული მოუსვა, რათა შემთხვევით დანა არ აღმოჩენოდათ. შემდეგ ისინი მარტო დარჩნენ განათებული კაფეს შუაგულში.

ნიშანი არავის მიუცია, მაგრამ ორივემ ერთდროულად შეუტია ერთმანეთს. ორივეს დარტყმა ნიკაპზე მოუხვდა, ისე, რომ მის ამელიას და მარვინ მეისისაც თავები უკან გადაუვარდათ და წონასწორობა დაკარგეს. პირველი დარტყმიდან რამდენიმე წუთი მოშიშველებულ იატაკზე ლასლასებდნენ, მოხერხებულ პოზას ირჩევდნენ და მუშტებს იღებდნენ. შემდეგ კი გარეული კატებივით ერთმანეთს ეძვებდნენ. ისმოდა დარტყმების, ქოშინის და იატაკზე ბრაგუნის ყრუ ხმა, თან ისე სწრაფად მოქმედებდნენ, რომ ძალზე ძნელი იყო იმის გააზრება, თუ რა ხდებოდა. ჯერ მის ამელია გადავარდა უკან, წაბარბაცდა და თითქმის წაიქცა. შემდეგ მარვინ მეისი ბზრიალასავით დაატრიალა მხარზე დარტყმამ. ორთაბრძოლა გააფთრებით გრძელდებოდა, არც ერთ მხარეს არ ეტყობოდა დასუსტების ნიშანწყალი.

ასეთი ორთაბრძოლის დროს, როდესაც მოწინააღმდეგენი ისეთივე სწრაფნი და ძლიერნი არიან, როგორც ეს ორნი, ღირს, რომ ცოტა ხნით ბრძოლას ზურგი აქციო და მაყურებელს შეავლო თვალი. ხალხი კედელს

გაკვროდა. ჯმუხნი მაკფეილი კუთხეში მოკუნტულიყო, მუშტები შეეკრა და თანაგრძნობის ნიშნად უცნაურ ხმებს გამოსცემდა. საცოდავ მერლი რაინს პირი ისე ფართოდ დაეღო, რომ შიგ ბუნა ბზუილით შეუფრინდა და, სანამ გონს მოეგებოდა, გადაყლაპა კიდევ. ლაიმონის ნახვა კი ნამდვილად ღირდა. კუზიანი კვლავ დახლზე იდგა და პალლიდან გადმოჰყურებდა კაფეს. ხელები ბარძაყებზე შემოეწყობოდათ თავი წინ წავარდნოდა, პატარა ფეხები ისე მოხროდა, რომ მუხლები წინ წამოშვეროდა, მღელვარებისაგან სახე გამოწყარს დაეფარა და უფერო პირი უკანკალებდა.

მხოლოდ ნახევარი საათის შემდეგ შეიცვალა ბრძოლის მიმართულება. ასობით დარტყმა მიაყენეს ერთმანეთს და მაინც ჩიხში იყვნენ მომწყვდეულნი. უეცრად მარვინ მეისიმ მოახერხა დაეჭირა მის ამელიას მარცხენა მკლავი და უკან გადაუგრიხა. ქალმა გაიბრძოლა. მარვინი ახლა წელზე შემოებლაუჭა. მაშინ კი დაიწყო ნამდვილი ბრძოლა. ჭიდაობა ბრძოლის ბუნებრივი სახეობაა ამ მხარეში, რადგანაც კრივი მეტიმეტად სწრაფია და ბევრ ფიქრს და კონცენტრაციას მოითხოვს. ახლა კი, როდესაც მის ამელია და მარვინ მეისი ჩიხში მომწყვდეულიყვნენ, ბრბო განცვიფრებისაგან გამოერკვა და წინ წამოიწია. მებრძოლები ერთმანეთს ჩაფრენოდნენ, ხან წინ, ხან უკან, ხან მარცხნივ, ხან მარჯვნივ იხრებოდნენ. მარვინ მეისი ჯერ არ გაოფლიანებულყო, მის ამელიას კი კომბინიზონი სულ მთლად გალუმპოდა. ოფლი წვეთ-წვეთად ისე ჩამოსდიოდა, რომ იატაკზე სველ ნაფესურებს ტოვებდა. როგორც იქნა გამოცდის დროც დადგა. ძალისხმევის ამ საშინელ წუთებში მის ამელიამ იმარჯვა. გაპოხილი მარვინ მეისი მზაკვრულად ჩაბლაუჭებოდა მის ამელიას. მაგრამ ეს უკანასკნელი უფრო ძლიერი აღმოჩნდა — თანდათანობით მარვინი უკან გადაიხარა და ნელ-ნელა ძირს გადააწვინა. ეს საშინელი სურათი იყო. მხოლოდ მათი ხრინწიანი ქშინვა ისმოდა კაფეში. ბოლოს და ბოლოს ამელიამ მარვინი ძირს დასცა. ქალმა ფეხები განზე გაჩაჩხა, ღონიერი დიდი ხელები კი ყელზე შემოუჭირა მარვინს. მაგრამ სწორედ იმ წუთს, როდესაც ორთაბრძოლა მოგებულ იყო, კაფეში ყვირილი გაისმა, თუმცა რაც მას შემდეგ მოხდა, დღემდე საიდუმლოებით მოცული დარჩა. მთელი ქალაქი მოწმე იყო მომხდარი ამბის, მაგრამ იყვნენ ისეთნიც, საკუთარი თვალით ნანახში ეჭვი რომ ეპარებოდათ. მიუხედავად იმისა, რომ დახლი, რომელზეც ლაიმონი იდგა, სულ ცოტა თორმეტი ფუტით იყო დაშორებული კაფეს შუაგულს. სწორედ იმ წუთს, როდესაც მის ამელიამ ყელში წაუჭირა მარვინ მეისის, კუზიანი წინ გამოიჭრა, პაერი გააპო, თითქოსდა შევარდნის ფრთები გამოისხაო, დაეშვა მის ამელიას განიერ ზურგზე და კისერში ჩააფრინდა პატარა ბრჭყალებიანი თითებით.

ყოველი დანარჩენი ბნელით გახლავთ მოცული. მის ამელია მანამ დამარცხდა, სანამ ბრბო გონს მოეგებოდა. კუზიანის შემწეობით ბრძოლა მარვინ მეისიმ მოიგო. ისე რომ, ბოლოს და ბოლოს მის ამელია გაჭიმული იწვა იატაკზე და მკლავები განზე უმოძრაოდ გადაეშალა. მარვინ მეისი კი მის გვერდით იდგა თვალებდაჭყეტილი, მაგრამ ისევ ისე ცალყბად, უგერგილოდ მომღიმარე. რაც შეეხება კუზიანს, იგი უცებ

სადღაც გაქრა შესაძლოა იმან შეაშინა, რაც ჩაიდინა, ან იქნებ ისე აღაფრთოვანა, რომ მარტოს უნდოდა ეზეიმა. ყოველ შემთხვევაში იგი კაფედან გაიძურწა და უკანა კიბის ქვეშ შეძვრა. ვილაცამ წყალი შეასხა მის ამელიას. ცოტა ხნის შემდეგ იგი ადგა და ოფისისკენ ბარბაცით გაემართა. ღია კარიდან ხალხი სედავდა, თუ როგორ დაჯდა იგი. თავის მაგიდასთან, თავი ხელებში ჩარგო და სულისშემხუთვედ დატოვებულ თინი ამოუშვა. მერე მარჯვენა მუშტი შეკრა და სამჯერ დაჰკრა ოფისის მაგიდის ზედაპირს, შემდეგ უღონოდ გაშალა ხელი და ასე ამოტრიალებული ედო. ჯმუხნი მაკფაილი წამოდგა და კარი დახურა. ხალხში სიჩუმე სუფევდა, შემდეგ კი თანდათან თითო-თითოდ დატოვებს კაფე, ჯორები გააღვიძეს და აუშვეს, ავტომობილები მომართეს. სამი ბიჭი სოსაიეთი სიტყვიდან გზას ფეხით გაუყვა. ეს არ იყო შემდეგ განსახილველი ბრძოლა. ხალხი შინ წავიდა. ქალაქი სიბნელემ მოიცვა მის ამელიას სახლის გარდა, — იქ ყველა ოთახი მთელი ღამე განათებული იყო.

მარვინ მეისიმ და კუზიანმა ქალაქი ალბათ გათენებამდე ერთი საათით ადრე დატოვეს, ხოლო წასვლამდე აი რა მოიმოქმედეს:

გატენეს ანტიკვარული ნივთების უჯრა და ყველაფერი წაიღეს.

დაამსხვრიეს მექანიკური პიანინო.

ამოჭრეს უწმაწური სიტყვები კაფეს მაგიდებზე.

იპოვეს საათი, უკან რომ იღებოდა ჩანჩქერის სურათის საჩვენებლად, და ისიც წაიღეს.

მოასხეს ერთი ბალონი სიროფი სამზარეულოს მთელ იატაკზე და დაღეწეს კონსერვის ქილები.

შემდეგ ჭაობისკენ წავიდნენ და მთლიანად გაანადგურეს სახდელი მანქანა, დაამტვრიეს ახალი დიდი კონდენსატორი, მაცივარი და ქონი ცეცხლს მისცეს.

ამოარჩიეს მის ამელიას საყვარელი კერძი შვრიის ცეხვილი სოსისთან ერთად, შეაზავეს იმდენი საწამლაფით, მთელი ოლქისთვის რომ იქნებოდა საკმარისი, და თეფში მზაკვრულად დატოვეს კაფეს დახლზე.

ერთი სიტყვით, გაანადგურეს ყველაფერი, რისი განადგურებაც შეეძლოთ, არ შეჭრილან მხოლოდ იმ ოთახში, სადაც მის ამელიას ეძინა. შემდეგ ერთად დატოვეს იქაურობა.

ასე დარჩა მის ამელია სულ მარტო ქალაქში.

სამი წლის მანძილზე, ყოველ ღამით ჩამოჯდებოდა ხოლმე კიბის ქვედა საფეხურებზე, მდუმარედ გაჰყურებდა გზას და ელოდა, ელოდა, მაგრამ კუზიანი აღარ დაბრუნებულა. ხმები დადიოდა, მარვინ მეისი იყენებს მას ფანჯრებში შესაძრომად და გასაქურდავადო, იმასაც ამბობდნენ, მარვინ მეისიმ იგი გაყიდაო. მაგრამ ეს ხმები მერლი რაინისაგან მოდიოდა. არაფინ იცოდა სიმართლე. მეოთხე წელიწადს მის ამელიამ დაიქირავა ხურო, შენობა შემოაფიცვრინა და მას შემდეგ ამ შემოფიცრულ სახლში ცხოვრობდა.





მხატვრული სიტყვის ლოგიკა¹

თხრობის ფუნქციის ლოგიკა

1-3 ტექსტები ტრადიციული ტერმინოლოგიის მიხედვით ობიექტური თხრობის მაგალითებად უნდა მიგვეღო: თხრობაში „მე-მთხრობელი“ არ ერევა. სამივე ნაწყვეტში კონკრეტული სიტუაციაა აღწერილი: მოახლე, რომელიც ხელების ქნევითა და სტვენით გაფრენილი შევარდენის მობრუნებას ცდილობს; მარკიზა ფონ ო..., რომელსაც საკუთარი თავი ხელში აჰყავს, თავისუფლდება და თავის შვილებს კოცნის; კომერციული მრჩეველი ტრაიბელი და მისი მეუღლე, რომლებიც ერთმანეთის შემდეგ შედიან სამუშაო ოთახში, კომპანიონი ქალი კი ძაღლს ასეირნებს. თხრობის ეს სამივე სახე ყოველგვარი გადახვევის გარეშე უშუალოდ სიტუაციაზე მიმართული. მაგრამ თუ ამის საფუძველზე მათ ობიექტურს ვუწოდებდით, ეს ტერმინი მაინც არაადექვატურად მოგვეჩვენებოდა. სახელდობრ, ვეღარ გავცემდით პასუხს კითხვაზე, არის თუ არა თხრობის ამ ხერხებიდან ერთ-ერთი დანარჩენებზე ობიექტური, ე. ი. არის თუ არა შესაბამისი სიტუაცია ერთში უფრო ობიექტურად, მეორეში კი ნაკლებ ობიექტურად აღწერილი.

თავდაპირველად შევადაროთ ერთმანეთს ბერგენგრუნის (1) და კლაისტის (2) ტექსტები. „მარკიზა ფონ ო...“-ს ნაწყვეტის ლექსიკა უფრო მეტად ამახვილებს ყურადღებას გრძნობებზე, ვიდრე „სამი შევარდენისა“. უკანასკნელში გრძნო-

ბის გამომხატველი მხოლოდ ერთი სიტყვა — „შეშინებული“ — აღნიშნავს მოახლის სულიერ მდგომარეობას, პირველში კი ასეთი ბევრი გვაქვს: ძაღლების ლამაზი დაძაბვა, მღელვარება, რომელიც მას მკერდს უპობდა, დიდი თვითკმაყოფილება, საკუთარი უდანაშაულობის შეგნების ძალა, დაბოლოს ძაღლების მოკრების მეტაფორული აღწერა: „უცებ წამოიშარტა, როგორც საკუთარ ხელებზე, იმ სიღრმიდან, რომელშიც ბედისწერას ჩაეგდო“. მაგრამ განა აქ მარკიზა ფონ ო... ნაკლებად ობიექტურადაა წარმოდგენილი, ვიდრე მოახლე ბერგენგრუნთან?

ამ კითხვაზე პირდაპირ არ გავცემთ პასუხს, არამედ პატარა ესქპერიმენტს მოვიშველიებთ, რადგან მხოლოდ ის იძლევა თხრობის აქ წარმოდგენილ მიმართებათა ზუსტი განსაზღვრის შესაძლებლობას. ერთი წუთით ჩავთვალოთ, რომ კლაისტის ნაწყვეტში სინამდვილის ამსახველ ამბავთან გვაქვს საქმე, რომელსაც მარკიზა ფონ ო...-ს ერთ-ერთი პერსონაჟი გადმოგვცემს. ზოგიერთი სიტყვა, არა ყველა, შეიძლებოდა აქაც განმეორებულიყო, როგორც, მაგ.: იგი წამოიშარტა სიღრმიდან... როგორც კი ამას დავუშვებთ, ე. ი. კონტექსტს შევცვლით, მაშინვე შევნიშნავთ, რომ ახლა სულ სხვა მიმართება დამყარდა გამომხატვის ამ ხერხსა და გამონათქვამის საგანს, მარკიზას შორის, რომ მხოლოდ ახლა შეიძლება ლაპარაკი საერთოდ „მიმართებაზე“ და გამომხატვის ხერხზე. დამყარდა მიმართება

1 ვაგრძელება.

გამომთქმელსა და თვით ამბავს შორის, მასთან, საქმე გვაქვს ძალზე თანამგრძობობა გამომთქმელთან, რომელიც თავის თანაგრძობას მარკიზას ბედის მიმართ იმ სიტყვებით გამოხატავს, საამისოდ ადექვატურად რომ მიაჩნია. და თუ ამავე ამბის შესახებ სხვა პირი, ვთქვათ, ასე უტყვობდა: „მარკიზამ ძალები მოიკრიბა და კვლავ წელში გაიმართა“, გამომთქმის ასეთი სურხს სრულიად მართებულად პირველზე ობიექტურად, გამომთქმელის სუბიექტური თანაგრძობით ნაკლებად შეფერილად ჩავთვლიდით. ხოლო თუ მასში კვლავ ბრველ, რომანის ტექსტიდან ამოღებულ მონაკვეთს ჩავსვამთ, მიმართებათა სისტემა, რომელიც სინამდვილისეულ გამოხატვაში ჩამოყალიბდა, მაშინვე დაინგრევა. წინადადება: „წამოიძარტა სიღრმიდან, რომელშიც იგი ბედისწერამ ჩააგდო“ — ახლა აღარ გამოხატავს გამომთქმელის თანაგრძობას, მეტად თუ ნაკლებად სუბიექტურ განსჯას (ან როგორც კ. ფრიდემანი ამბობს: შეფასებას). რადგან ეს საგნობრივი ვითარება უკვე განსჯის ობიექტი კი აღარ არის, არამედ ფიქციური, ახლა — და აქ — მიმდინარე ყოფა და ცხოვრება ფიქციური ცხოვრებაა, რომელიც, როგორც ილუზია, გამოხატავს მის სუბიექტისაგან, განმსჯელისაგან ისევე დამოუკიდებლად მიმდინარეობს, როგორც ადამიანის რეალური ცხოვრება, როგორც ცხოვრება საერთოდ. ახლა ჩვენი ექსპერიმენტის მეორე ნაწილი შევასრულოთ და ამ მიზნით დავუშვათ, რომ ჩვენ მიერ შედგენილი წინადადება — „მარკიზამ ძალები მოიკრიბა და კვლავ წელში გაიმართა“ — სინამდვილისეული გამოხატვაში კი არ არის, არამედ რომანის წინადადებაა. მაშინ ეს წინადადებაც გამომთქმელის მსჯელობა კი არ იქნებოდა, არამედ მარკიზას წამიერი მდგომარეობის წარმოდგენა. კლაისტთან მრავლად შევხვდებით სწორედ მსგავსს, „ამბური“ ხასიათის თხრობის ფორმას: „ბატონი ფრიდრიჰი ამ ამბავმა უადრესად შეაშფოთა“ (ორთაბრძოლა); „კოლპაასი

თავის გაპოზილ გულში სწორედ ლაიფციგის გადაწვის ახალ გეგმას ამზადებდა“ (მიპაულ კოლპაასი).
 კლაისტის ამ ორ უკანასკნელ ნაწყვეტსა და „მარკიზა ფონ ო...“-ს ნაწყვეტს შორის გარკვეულ განსხვავებებს ვიგნობთ. როგორ შეიძლება განისაზღვროს ეს განსხვავება? „ორთაბრძოლისა“ და „კოლპაასის“ ნაწყვეტებთან, ისევე როგორც ბერგენგრუნის მაგალითთან დავაშინრებით, ენაზე მოგვადგება „თხრობის ობიექტური სახეობის“ ცნება. მაგრამ განა შეგვიძლია მარკიზას სიტუაციის წარმოდგენას უფრო სუბიექტური ვუწოდოთ? როგორც კი ამ კითხვას დავსვამთ, მაშინვე აღმოვაჩენთ, რომ აღნიშვნა „ობიექტური თხრობა“ ისევე ნაკლებ ადექვატურია, როგორც სუბიექტური — რადგან პირველი მხოლოდ მაშინ შეიძლება იყოს მიზანშეწონილი, თუ მეორეც მიზანშეწონილია და პირიქით. განსხვავება იმაშია, რომ მარკიზა ამ ნაწყვეტში უფრო მის შინაგან მდგომარეობაში, მისი პირადული ცხოვრების მე-ორიგინობაშია აღწერილი, რაც განსაზღვრებითი ხასიათის ზედსართავეებითა და შემასმენლებითაა გამოხატული. სხვა მაგალითებს თუმცა არ აკლია „ახლა-და-აქ“ — მიმდინარე შინაგანი ცხოვრების გამომსახველობითობა, მაგრამ იგი შეზღუდულია გარემოებათა, ხდომილების, გარეგანი პროცესების წარმოსახვის ხარჯზე, ყველა მოცემულ შემთხვევაში დაყვანილია ამ ხდომილების მონაწილე პირების სულიერი მდგომარეობის დამახასიათებელ ერთ სიტყვაზე: უკიდურესი შემფოთება, მის გაპოზილ მკერდში, შეშინებული მსახური. მაგრამ როგორც „ორთაბრძოლაში“, ასევე „კოლპაასშიც“ შევხვდებით ისეთ ადგილებს, სადაც სულიერი მდგომარეობის წარმოდგენას ერთგვარი უპირატესობა ენიჭება ამბის წარმოდგენასთან შედარებით, მაგ.: „როცა ფრაუ ლიტეგარდემ დაინახა, რომ ბატონ ფრიდრიჰის დედა შემოვიდა, სავარძლიდან წამოდგა მისთვის დამახასიათებელი ღირსების გამო-

მეტყველებით, რომელიც მთელს მის არსებაში ჩაღვრილ ტკივილს კიდევ უფრო გულსამარწყებელი გაეხადა“ (ორთაბრძოლა). და პირიქით, „მარკისა ფონ ო...“-ში გვხვდება წმინდა ხდომილების აღწერები: „მოედანი მოკლე ხანში მთლიანად დაპურობილი იყო და ძალაგამოცლილმა კომუნდანტმა... პორტალისაკენ უკან დაიხაა, როცა სწორედ იქიდან სახეანთებული ზუსი ოფიცერი გამოვიდა...“

შემდგომი მაგალითები აღარაა საჭირო იმის ნათელსაყოფად, რომ ფიქციურ თხრობაში არც ერთსა და არც მეორე შემთხვევაში სუბიექტურ თუ ობიექტურ თხრობასთან არ გვაქვს საქმე. აქ ხომ მთხრობელსა და მონათხრობს შორის არ არსებობს სუბიექტისა და ობიექტის ურთიერთმიმართება, რელაცია (და ამდენად, არც კორელაცია). განსხვავება, რომელსაც ჩვენ შევიგრძნობთ, იმაში მდგომარეობს, რომ ერთ შემთხვევაში ფიქციური ფიგურები უფრო მათ გარეგან მოქმედებაში, მოვლენათა ნაკადის შუაგულში არიან აღწერილნი, მეორე შემთხვევაში კი — უფრო განცდაში, მათ შინაგან ყოფაში ჩაყურსულნი (ან აფორიაქებულნი). თხრობის ეს ორი ხერხი ერთსა და იმავე თხრობით ქმნილებაში ერთმანეთს ენაცვლება, დაახლოებით ისევე, როგორც გადმოცემა და დიალოგი ენაცვლებიან ერთმანეთს. შინაგანი ყოფის თვალსაჩინოდ წარმოსახვის სრულყოფა, რაც მე-19 საუკუნის მანძილზე მოხდა, თხრობითი მხატვრული შემოქმედების განვითარებასთანაა დაკავშირებული და მის ერთ-ერთ ფაზას წარმოადგენს. როგორც რომანის ფართო დიალოგიზაცია, ასევე განცდილი მეტყველების ფორმა — არა მარტო ცნობიერის, არამედ არაცნობიერი ნაკადის გადმოცემა (როგორც, მაგალითად, ჯოისთან) — წარმოადგენენ თხრობის ფორმებს, რომელთა მიზანიც სწორედ ესაა. მაგრამ ვერაეინ ვერ დაიწყებს იმის მტკიცებას, რომ ლეოპოლდ ბლუმისა და შტეფან დედალუსის ცნობიერების ასოციაციები „ულისეში“ უფრო

სუბიექტურად, ან დრამატიზირების თეორიის თვალსაზრისით უფრო ობიექტურად იყოს მოთხრობილი, ვიდრე ბერგენ-გრუნისა და კლაისტის ნოველები. ყველა შემთხვევაში იქმნება სუბიექტური და ობიექტური საქმეები. და თხრობის სტილის შესაბამისი საშუალების გამოყენებისა და შეფასების საკითხში მხოლოდ ისაა გადამწყვეტი, უფრო „გარედან“ არიან დანახული და წარმოდგენილი მოქმედი პირები, თუ უფრო „შიგნიდან“. უფრო ობიექტურად არიან წარმოდგენილნი მოქმედების, გრძნობის, ფიქრის პროცესში თუ უფრო სუბიექტურად, რომლებიც, ასე ვთქვათ, „თვითონ წარმოგვიდგენენ თავს“. თხრობის ამ ორ სახეობას შორის მრავალგვარი გარდამავალი მომენტია, როგორც ცალკეული ნაწარმოების ფარგლებში, ასევე ეპოქისა და მწერლის სტილის თვალსაზრისით; და ცხადია, წარმოსახვის ხერხები და სტილები თხრობის საგნითაც განისაზღვრება. თუ ჩახლართული იურიდიული შემთხვევის თხრობასთან გვაქვს საქმე, როგორც „სამ შევარდენში“, წარმოსახვის ხერხი უნებურად გადმოცემას უახლოვდება, რომელიც „ობიექტური“, ე. ი. აღსაწერი საგნიდან გამომდინარე სინამდვილისეული გადმოცემის შთაბეჭდილებას აღძრავს; მოქმედ პირთა წარმოდგენა ასეთ შემთხვევაში ნაკლებადაა მიმართული მათი სუბიექტური განცდის გამოხატვაზე. ჩანს მოვლენათა პრიორიტეტი მოქმედ პირებზე. მხატვრული თხრობითი შემოქმედების ეს შესაძლებლობა — თვალსაჩინოდ წარმოადგინოს მოვლენები გადმოცემის ფორმით, ერთ-ერთი და შეიძლება უმთავრესი მიზეზიცაა იმისა, რომ კატეგორიული განსხვავება ისტორიულ და ფიქციურ თხრობას შორის ყურადღების მიღება დარჩენილი, ფიქციური „მთხრობელი“ ისტორიული მთხრობელის, შესაბამისად გადმოცემის ანალოგიით, გამონათქვამის ნამდვილ სუბიექტადაა მიჩნეული და ამიტომ მხატვრული შემოქმედების ლოგიკური და ფენომენო-

ლოგიური მიმართებები გაუხსნელი რჩე-
სა. რადგან, თვით ყველაზე „ობიექტურ“,
ე. ი. საგნობრივი ვითარების ამსახველ
ფიქციურ თხრობასა და ცოცხალ, თვალსა-
ჩინო ისტორიულ თხრობას შორის გადა-
სვლასავი ზღვარი ძვეს, რომელიც ფიქციას
სინამდვილისეული გამონათქვამისაგან
შეყოფს. ეს ზღვარი, რაც არ უნდა ტავტა-
ლოგიურად უღერდეს, მხოლოდ მასალის
ფიქციონალიზაციით“ იქმნება, ე. ი.
მოქმედი პირები აღწერილნი არიან, რო-
გორც „ახლა და აქ“ მოქმედნი და ამ-
დენად, საჭიროებისდა მიხედვით, „ახლა და
აქ“ განმცდელნი, რასაც მაშინვე ფიქცი-
ის, არასინამდვილის განცდა უკავშირდება.
ეს კი, როგორც უკვე დაწვრილებით განვი-
ხილეთ დროის ფორმებთან დაკავშირე-
ბით, სწორედ თხრობის ფორმათა მეშვეო-
ბით ხდება, რომლებსაც სინამდვილისეულ
გამონათქვამში ლოგიკურად ვერ შევხვ-
დებით: შინაგანი პროცესების ზმნების,
მონოლოგისა და განცდილი ბეტყველების,
ამას გარდა ისეთი ფორმების უხვი გამოყე-
ნებისა და დამუშავების მეშვეობით, რომ-
ლებსაც თუმცა შეიძლება შევხვდეთ სი-
ნამდვილისეულ გამონათქვამშიც (მაგ.:
თვითმხილველის რეპორტაჟში), მაგრამ
აქ მათი გამოყენება მაინც შეზღუდულია
ისეთი ზღვრით, რომელსაც მუდამ გულის-
ხამობს რეალური მე — ორიგოს, გამონა-
თქვამის ნამდვილი სუბიექტის არსებობა:
ესაა დიალოგი და სიტუაციური ზმნები.⁴³
მაგრამ თვით ყველაზე ძუნწი ფიქციონა-
ლიზაციაც კი, რომელიც ნაკლებად ახდენს
ფიქციურ პირთა მე — ორიგინობის გათ-
ვალსაჩინოებას, ტოვებს სინამდვილისე-
ული გამონათქვამის სფეროს, რითაც
მთხრობელს მაშინვე ფუნქციად აქცევს და
მესა და მონათხრობს შორის, ნაცვლად
პოლარულ-რელაციური მიმართებისა. ფუ-
ნქციურ დამოკიდებულებას ამყარებს, რო-

მლის მიმართ სუბიექტურ-ობიექტურის
ცნებებს ვეღარ გამოვიყენებთ.

„სუბიექტურობის თეორიის“ პოზიტი-
ებიდან შეიძლება შემოგვედავონ, რომ
ჩვენი მსჯელობა ჩვენს მიერ გაანალიზე-
ბულ (1-3) თხრობის ხერხებზე უკეთესად
მიმართული, არამედ მხოლოდ მხოლოდ
ქან პოლისეული მაგალითის ტიპზე, სა-
დაც მთხრობელი „მე“ და „ჩვენ“ ნაცვალ-
სახელებით, მკითხველისადმი მიმართვე-
ბით და სხვ. თითქოს ხელშესახებად ჩანს;
ან თხრობის მკვეთრად რეფლექტორულ
სახეობაზე. ეს კი ერთ-ერთი ისეთი მომე-
ნტია, როცა შესაძლებლობა გვეძლევა მი-
ვუთითოთ, თუ რა ნაყოფიერი შეიძლება
იყოს და უნდა იყოს მხატვრული შემოქმე-
დების ლოგიკაზე დაკვირვების მეთოდი
მხატვრული შემოქმედების ესთეტიკის
პრობლემებზე მსჯელობისას. როგორც
ზემოთ, ტემპორალურ საკითხებთან და-
კავშირებით, აქაც შეგვიძლია (და კიდევ
უფრო პრინციპულადაც) ახალი ლინგ-
ვისტიკის მეთოდებს დავეყრდნოთ. მხატ-
ვრული შემოქმედების ლოგიკა შეესაბამე-
ბა „ზოგად გრამატიკას“ (როგორც იგი
განავითარეს დე სოსიურმა, მარტიმ, ელ-
მსლევმა, ესპერსენმა და სხვებმა), რამდე-
ნადაც იგი ცდილობს გამოავლინოს ზოგად-
სტრუქტურული კანონები და ფორმები,
რომელთა მეშვეობით ცხადი ხდება, რომ
თითქოსდა შეუსაბამო მოვლენები მხო-
ლოდ ერთიდაიგივე სტრუქტურის სხვადა-
სხვა მოდიფიკაციებს წარმოადგენენ. ამას-
თან, ჩემის აზრით, მხატვრული შემოქ-
მედების ლოგიკა უფრო ხელსაყრელ მდგო-

29, № 3). აქ მხოლოდ იმაზე მიუთითებთ,
რომ თუმცა სიტუაციური ზმნები ფიქცი-
ონალიზაციის ყველაზე მდიდარ და ბუნე-
ბრივ საშუალებებს ეკუთვნიან, ლოგიკუ-
რად არ წარმოადგენენ ეპიკური ფიქცი-
ის შემქმნელ გადამწყვეტ კრიტერიუმს,
რადგან მათი გამოყენება შესაძლებელია
სინამდვილის ამსახველ ყოველგვარ გად-
მოცემაში, უპირველეს ყოვლისა, თვით-
მხილველის გადმოცემაში.

43. სიტუაციური ზმნების ფიქციონა-
ლიზაციის ფუნქციისა და გამოყენების სა-
კითხისათვის იხ. ჩემი სტატია: მხატვრუ-
ლი შემოქმედების ზედროულობა (DVYS,

მარეობაშია, ვიდრე გრამატიკის ლოგიკა, მხატვრული შემოქმედების ნაწარმოებები უკვე დახურული სტრუქტურების სახით არსებობენ. და თითქმის უთვალავი ენის არსებობის პირობებში მხატვრული შემოქმედების ცალკეულ ნაწარმოებთა მთელი სიმრავლე სამად-სამ განსხვავებულ სტრუქტურულ ფორმაზე დაიყვანება და ყოველი არა თუ არსებული, არამედ დასაძვეები ნაწარმოები ერთ-ერთ მათგანს ესადაგება. და ეს სამი სტრუქტურული ფორმა: ეპოსი, დრამა და ლირიკა — ორზეც რომ დავიყვანოთ, ესეც მხატვრული შემოქმედების ზოგადი ლოგიკის მეთოდის გამოვლინება იქნება, რომელიც შემოქმედების ყველაზე კერძო ფორმათა კვლევასაც უნდა იქნეს შენარჩუნებული, თუ საერთოდ შესაძლებელია მხატვრული შემოქმედების სისტემური ხასიათის გამოვლენა.

ჩვენს პრობლემასთან დაკავშირებით ეს ნიშნავს, რომ თხრობის ისეთი ხერხების მოჩვენებითი სუბიექტურობაც, როგორცაა ჟან პოლის, შტერნის, ფილდინგის და აგრეთვე სხვა არა ჰუმორისტული მთხრობელებისა, ფიქციური თხრობის ლოგიკის თვალსაზრისით უნდა გაქარწყლდეს და სხვა მოვლენად წარმოჩნდეს. თუ ასე არ მოხდება, ეს იმის ნიშანი იქნება, რომ ჩვენი მტკიცება ფიქციური თხრობის ფუნქციური ხასიათის შესახებ არათანმიმდევრული და გამოუსადეგარია. ხოლო თუ ეს მოხდა (რიხი ჩვენების იმედიც გვაქვს), ეპიკური თხრობის ფუნქციური ხასიათი და მისი განსაკუთრებული სტრუქტურა მით უფრო ნათლად და, ამავე დროს, მთელი თავისი მრავალფეროვნებით გამოიკვეთება.

დავიწყოთ ჩვენი მე-5 მაგალითით, — ნაწყვეტით ჟან პოლის რომანიდან „კომეტა“. ტრადიციული ტერმინოლოგიის მიხედვით ეს ტექსტი თხრობის სუბიექტური სტილის ტიპური მაგალითია, რადგან „მთხრობელი-მე“ და ასე განსაჯეთ, „ავტორი-მეც“ თხრობაში ერევა და ამით „ობიექტურის სუბიექტივირებას ახდენს“. ახლა მაგალითი 5 მაგალით 4-ს

შევადართ — ნაწყვეტს იგივე რომანიდან. ერთი ნაწარმოებიდან განზრახ შევარჩიეთ ორი ისეთი ნაწყვეტი, რომელთაგან ერთში მთხრობელი-მე არ ერევა (ე. ი. თხრობის ფორმა „ობიექტურია“), მეორეში კი, როგორც უკვე ვთქვეთ, ასეთი ჩარევა უმაღლეს ხარისხს აღწევს. კვლავ პატარა ექსპერიმენტს მივმართოთ: მე-4 ტექსტშიც შევიტანოთ მე-ს ჩარევა; ვთქვათ, ასე: „ახლა ყველა ოსტატი ამოძრავდა და სკამებზე განლაგდა, ტიცინი, ფრა ბართოლომეო დი სანტო მარკო, და ვინჩი — მკითხველს, ისევე როგორც მე შეიძლება ახსოვდეს მათი დიდი მოსახლეები, ან არ ახსოვდეს — კაუფმანი (ალბათ ანგელიკა კაუფმანი, რამეთუ რომელ ჩვენგანს არ გაახსენდება ამ სახელზე მშვენიერი რომაელი ხელოვანი ქალი?)...“ განა მე-ს ასეთი ჩარევით, მკითხველისადმი მიმართვებით ნაკლებად ობიექტური ჩანს აღწერილი სცენა, ვიდრე მათ გარეშე? ფონტანეს ტექსტში რომ ეწეროს (მაგალითი 3): „ტრაიბელს ადრე ადგომა სჩვეოდა, ყოველ შემთხვევაში, კომერციული მრჩეველისათვის (რადგან, რამდენადაც პატივი მაქვს, კომერციულ მრჩეველებს ვიცნობდე, მათ საზოგადოდ არ ჩვევიათ ადრე ადგომა) და თავის სამუშაო ოთახში რვა საათზე გვიან არასოდეს შედიოდა... როგორც წესი, მისი მეუღლეც მალე გამოჩნდებოდა ხოლმე, მაგრამ დღეს იგი იგვიანებდა“ — განა სცენაში ამით რაიმე შეიცვლებოდა? ასე რომ არ ხდება (რასაც უშუალოდაც ვხედავთ), ეს იმის ნიშანია, რომ პირველი პირის ჩარევა მესამე პირით გადმოცემულ ფიქციურ ტექსტში თხრობის ფორმის სუბიექტურობის თვალსაზრისით არავითარ ცვლილებას არ იწვევს. ასეთი ჩარევები არავითარ შემთხვევაში არ ახდენენ რაიმე გავლენას აღწერილი მოვლენებისა და პირების ამ მესამე დაკავშირებაზე, არ გადაჰყავთ ისინი მისი (მე-ს) განცდის არეში. ისინი ისევე ფიქციურნი რჩებიან, როგორც მე-ს ჩარევამდე იყვნენ, ე. ი. ისევე ნაკლებად წარმოადგენენ გამონათქვამის ობიექტს, რო-

ვორც მის გარეშე; მე-ს ჩარევითა თუ მის გარეშე ისინი თხრობის პროდუქტს, ფუნქციას შეადგენენ. როცა მე-5 მაგალითში ვან პოლი დაცინვით ამბობს, რომ ვორბლე მასზე წლინახევრით უფროსი იყო, როცა იგი პრინცის აღმზრდელად დანიშნეს და როცა თავისი „გრენლანდიური პროცესი“ გამოსცა, ამით ჩვენ ხომ ისევე საკლებად ვამყარებთ მიმართებას მასა და რომანის პერსონაჟ ვორბლეს შორის, როგორც თვით ავტორი. ასევე ვერ ვამყარებთ ვერავითარ მიმართებას დის — ლიბეტეს ქცევასა (რომ ის „ყველაფერში მონაწილეობდა, ზოგიერთ რამეში წინაც კი უსწრებდა“) და იმ სიხარულს შორის, რომელსაც მთხრობელი მე-ს ფორმით გადმოცემს — „რაც მე ამაში განსაკუთრებით მახარებს“. ეს კი ნიშნავს: ეს ფიგურები სწორედ ამიტომ არ არიან უფრო „სუბიექტურად“ მოთხრობილნი, ვიდრე ბერგენგრუნის მოახლე, მარკიზა ფონ თ... და კომერციული მრჩეველი ტრაიბელი. ცნება სუბიექტურს ხომ მხოლოდ იქა აქვს აზრი, სადაც ლაპარაკია განცდილ, ე. ი. ნამდვილ საგნობრივ ვითარებაზე. განა ჟან პოლი უფრო სუბიექტურად აღიქვამს თავის პერსონაჟებს — ვორბლესა და ლიბეტეს, ვიდრე ფონტანე, კლაისტი და ბერგენგრუნე თავიანთ პერსონაჟებს? რომანის ამ მონაკვეთში ჟან პოლის აღქმა განა უფრო სუბიექტურია, ვიდრე სხვა მონაკვეთებში, სადაც იგი მე-ს ჩარევის გარეშე მოგვითხრობს? ლიბეტე რომ ნამდვილი პირი ყოფილიყო, მისი ამბავი კი — სინამდვილისეული გადმოცემა, მაშინ გამოთქმას — „რაც ამაში განსაკუთრებით მახარებს“ — განმსჯელი თვალსაზრისის მნიშვნელობა ექნებოდა საგნობრივი ვითარების მიმართ, რომელიც ობიექტურად, ე. ი. გამომთქმელისაგან დამოუკიდებლად არსებობს და სწორედ ამიტომ შეიძლება განისაჯოს მის მიერ. მხოლოდ ასე თუ მივუახლოვდებით თხრობის ამგვარი მოჩვენებითი სუბიექტური სტილის მნიშვნელობასა და ფუნქციას.

ეს რომ „რომანტიკული ირონიის“ თა-

მაშია, ახალი მოსაზრება არ არის. ავტორის ჩარევა თავის თხრობაში, ან ავტორის, რეჟისორისა თუ გამოგონილი პერსონაჟის გამოჩენა (რომანტიკული ფუნქციის მუდამ ილუზიის დარღვევაა) მუდამ ილუზიის დარღვევაა. მაგრამ თუ კარვად დავაკვირდებით, დავინახავთ, რომ ფიქციის ილუზია ამით კი არ ირღვევა, არამედ უფრო ძლიერდება. ამის მიზეზს კი მხოლოდ მაშინ ჩავწვდებით, როცა ლოგიკურად გავაშუქებთ განსხვავებას ფიქციისა და სინამდვილის განცდას, ფიქციურ თხრობასა და სინამდვილისეულ გამონათქვამს შორის. ეპიკურ ფიქციაზე ამის ჩვენება უკეთ შეიძლება, ვიდრე დრამატულზე; რადგან თხრობის პრობლემასთან დაკავშირებით უფრო სუსტად შევძლებთ ამ საკითხზე მსჯელობას, ვიდრე გამონათქვამის შემთხვევაში. პირველი პირის თხრობითი ფორმის გამოჩენა წმინდა ფიქციაში, მესამე პირით თხრობაში, იმ წუთში ისეთ ილუზიას იწვევს, თითქოს ფიქციური ფიგურები ნამდვილი პირები იყვნენ. თხრობის მწარმოებლურ ფუნქციას ალაგ-ალაგ გამონათქვამის ფორმა წყვეტს, ფიქციის არე ამის შედეგად გამონათქვამის სუბიექტის, რეალური მე—ორიგოს განცდის არედ იქცევა, რომელიც — ამ წუთში — მოგვითხრობს არა ფიქციურად, არამედ ისტორიულად. ეს კი თამაშია, რომელშიც თხრობის ფუნქცია და თვით ფიქცია მონაწილეობენ. ფიქცია ერთი წამით სინამდვილისეული გამონათქვამის სახეს იღებს, ოღონდ ისე, რომ ჩვენ მას არ გამოვეთიშებით. რადგან, მსგავს შემთხვევებში, მკითხველმა ყველაფრის მიუხედავად იცის, რომ იგი რომანს კითხულობს და სწორედ ამიტომ მთხრობელის პირველი პირის გაძლიერებული კაპრიზიოები არამც თუ არ ურღვევს მას ფიქციის ილუზიას, არამედ მხოლოდ ახლა შეივსებს მას და შეივსებს ღიმილით, — ისევე, როგორც მთხრობელს ელიმება იმ წუთში, ავტორის როლში რომ გამოდის. თუმცა ისტორიული და ფიქციური თხრობით ეს თამაში — რადგან ერთით

თამაში ამავე დროს მეორით თამაშიცაა — ჰუმორისტული სტილის რაიმე მსოფ-
 ლმხედველობით საფუძველს არ შეად-
 გენს, მაგრამ ეს მისთვის გამოხატვის ერთ-
 ერთი ყველაზე დახვეწილი სტილისტუ-
 რი შესაძლებლობაა. კიდევ უფრო დიდი
 მასშტაბით, ვიდრე ჟან პოლსა და მის
 უშუალო წინამორბედთან — ინგლისელ
 ჰუმორისტებთან — ეს ჩანს „რომანტიკუ-
 ლი ირონიის“ უდიდეს წინაპართან, სე-
 რვანტესთან და ისეთ დიდ თანამედროვე
 ჰუმორისტულ ნაწარმოებში, როგორიცაა
 თომას მანის იოსების რომანი. ასეთი ტი-
 პის ჰუმორისტული რომანის შემოქმედე-
 ბით-ესთეტიკური სტრუქტურა ჩვენთვის
 გაუხსნელი დარჩება, თუ მე—ჩარევის
 „სუბიექტურობას“ სერიოზულად მივი-
 ლებთ, თუ ამას გავიგებთ, როგორც გა-
 მონათქვამის ნამდვილი სუბიექტის აზრს,
 როგორც ობიექტურის გასუბიექტუ-
 რებას. ასეთი ჩანარები ფიქციურ
 ტექსტში ჩუქურთმებივით, არაბესკებივი-
 თაა, ეს არის თხრობის ფუნქციის თამაში
 საკუთარ თავთან, მას არ გააჩნია „ეგზის-
 ტენციალური“ მნიშვნელობა, ე. ი. იგი
 მიმართულია არა რეალურ მე-ზე, თუნ-
 დაც „მთხრობელი“ სულ ასე გვაჩვენებ-
 დეს თავს. პირველი პირის ჩანარები მე-
 სამე პირით დაწერილ რომანში, ე. ი. წმი-
 ნდა ფიქციაში, ისევე ნაკლებად აქცევენ
 მას მე-რომანად, როგორც (რასაც ქვე-
 მოთ ვნახავთ) ჩართული ლექსები ვერ
 გადააქცევენ რომანს „ლირიკულად“. რა-
 დგან, თუ მე—თხრობა, როგორც ლიტე-
 რატურული ფორმა, არ ექვემდებარება
 ფიქციის კანონებს, ფიქციაში კანონები
 იმდენად ძლიერია, რომ მათი საზგასმა
 თუ გაბათილება არასოდეს „სერიოზუ-
 ლად“ არ ხდება, არამედ მხოლოდ „თამა-
 შის სახით“ — და ეს კი იმას ნიშნავს, —
 რომ საერთოდ არ ხდება. ფიქციურ პირ-
 თა მეშვეობით აგებული არა-სინამდვილე
 თავისი სამფლობელოს არც ერთ წერტი-
 ლში არ გაუღებს კარს სინამდვილეს, ე. ი.
 არ მიიღებს მე—ორიგოს, არ გადაიქცევა
 მისი ნამდვილი განცდის არედ.

ამაშიც შეიძლება შემოგვედაონ და ჩვე-
 ნი მტკიცების საპირისპიროდ ჩვენზე მა-
 გალითიც მოიშველიონ, შტიფტერის „მა-
 ლნარიდან“ — სადაც ისტორიული და
 ფიქციური თხრობის მარტივი მაინც გვხვ-
 დება. და ჩვენც აქ კიდევ ერთხელ უნდა
 დაგუბრუნდეთ ამ მაგალითს სწორედ იმის
 გამო, რომ მის ფონზე განსაკუთრებით
 მკაფიოდ ჩანს ჰუმორისტული სტილის
 „არანამდვილი“ მე-ს ფორმა, ისევე, რო-
 გორც ჟან პოლთან, და ამით კი ფიქციის
 ურღვევი სტრუქტურა.

ჩვენ უშუალოდ ვგრძნობთ, რომ მე-ს
 ჩარევა ჟან პოლთან ფიქციის სტრუქტუ-
 რას არ წამოსწევს წინ, შტიფტერთან კი,
 პირიქით, ზემოთ გაანალიზებულ ორ ნო-
 ნაკვეთში⁴⁴ სწორედ ასე ხდება. ორივე მე-
 მთხვევაში ავტორს შემოჰყავს თავისი თავი,
 რითაც მიმართებაში შედის საკუთარ
 რომანთან. მაგრამ რაშია განსხვავება?
 შტიფტერთან მე-ს ჩარევა რომანული ფი-
 ქციის ფარგლებს მიღმა ხდება. როცა იგი
 ვრცელ შესავალში და შემდეგ კი უფრო
 მოკლედ მე-2 თავის დასაწყისში, პრეზუ-
 ნსში აღწერს არენას, სადაც რომანი უნდა
 გათამაშდეს, როგორც თავისთვის ნაცნობ
 ადგილს, მას რომანის თხრობა ჯერ კიდევ
 არა აქვს დაწყებული და მე-2 თავში, სა-
 დაც რომანის მოქმედება, ფიქციური
 თხრობა უკვე მსვლელობაშია, იგი კიდევ
 ერთხელ წყდება. ამგვარად, ეს ნიშნავს:
 აქ შემოსული რეალური მე — ორიგო-
 რომანის პირებთან არ შედის მიმართე-
 ბაში და სწორედ ამიტომ ეს ავტორის ნა-
 მდვილი, რეალური მე—ორიგოა. ამ თხრო-
 ბის ესთეტიკური ზემოქმედება გამოიხატე-
 ტება, თუ შეიძლება ასე ითქვას, ილუზი-
 ის არანებაყოფლობით დარღვევაში; ეს
 არის ილუზიის დარღვევა, რომე-
 ლსაც რაიმე ხელოვნებისეული ან შინა-
 არსობლივი მიზანი არ გააჩნია, არამედ
 უბრალოდ ისტორიულ-გეოგრაფიული სი-
 ზუსტისადმი ავტორის ერთგვარი გულუ-
 ბრყვილო მისწრაფებიდან მომდინარე-

ობს. აქ არ ხდება ფიქციის შეგნების გამ-
 დაფრება, როგორც რომანტიკული ირო-
 ნიის ილუზიის ჰუმორისტული დარღვევი-
 სსა, არამედ მკითხველისა და ფიქციისათვის
 სულერთია, იცნობდა თუ არა ოდესმე
 ავტორი რომანის მოქმედების არეს. ფიქ-
 ციის ასეთივე გულუბრყვილო და არანე-
 ბაყოფლობითი დარღვევები გვხვდება ბა-
 ლსაკთან, რომლისთვისაც რომანის წერაც
 „ისტორია“ იყო და რომელიც ფიქრობ-
 და, რომ „ადამიანური კომედიის“ რომა-
 ნებისათვის დამახასიათებელი ძალდაუტა-
 ნებელი მონტაჟის ტექნიკით თავის „his-
 toire contemporaine“-ს წარმოგვიდ-
 გენდა. აქვე უნდა აღვნიშნოთ ისეთი სტრა-
 ტეგიული და ისტორიულ-ფილოსოფიური
 განსჯები, რომლებიც რომანთან ორგა-
 ნულ კავშირზე ზრუნვის გარეშეა სოლ-
 მე ჩართული, როგორც ტოლსტოის „ომ-
 სა და მშვიდობაში“. სამივე ეს დიდ პრო-
 ზაიკოსი სომ თავისი „ისტორიული“ სა-
 უკუნის წარმომადგენელია, და ჩვენც,
 ისტორიული და ფიქციური თხრობის ასე-
 თი „ნაივური“ აღრევის მაგალითებს მათ
 შემთხვევით არ დავსესხებივართ. მხატვ-
 რული შემოქმედების თეორეტიკოსისა-
 თვის კი სწორედ ეს მაგალითებია საგუ-
 ლისხმო, რადგან ისინი გვიჩვენებენ, რომ
 ფიქციური ნაწარმოების ფარგლებშიც კი
 თხრობის ეს ორი სახეობა ისე გამოიყოფა
 ერთმანეთისაგან, როგორც წყალი და
 ზეთი ერთ ჭურჭელში, და არავითარ შემ-
 თხვევაში არ შეადგენენ მთლიანობას, სა-
 ხელდობრ არც მაშინ, როცა ეს უკრიტი-
 კოდ და რამდენადმე გაუცნობიერებლად
 ხდება, იმ კანონების გაუცნობიერებლად,
 რომლებიც ისტორიული თხრობისაგან
 კატეგორიულად განსხვავებულ ფიქციურ
 თხრობას მართავენ. შტიფტერის მაგალი-
 თი გვიჩვენებს არა მარტო იმას, რომ სი-
 ნამდვილისეული გამონათქვამის ნაივური
 ჩართვით ფიქციის არე არ შედის მიმარ-
 თებაში ნამდვილ განცდის არესთან, არა-
 მედ იმასაც, თუ რატომ არ ხდება ეს.
 მხოლოდ სიმპტომატურია ის გარემოება,
 რომ აქ სინამდვილისეული გამონათქვამი

არ შედის მიმართებაში ფიქციურ პირებ-
 თან და, ამდენად, ფიქციაც არ ირღვევა,
 ან უფრო ზუსტად: ირღვევა მხოლოდ იმ-
 დენად, რამდენადაც იგი წყდება.

ჩვენ უკვე ვნახეთ, რომ ფიქციურ-
 გალითში საქმე გვაქვს სრულყოფილ
 ხის მე—ჩარევასთან, რომელიც ფიქციას
 არ არღვევს. შტიფტერისაგან განსხვავე-
 ბით აქ რეალური მე—ორიგო მიმართე-
 ბაში შედის ფიქციურ პირებთან, მაგრამ,
 თუ მიუხედავად ამისა, ისინი არ შედიან
 მიმართებაში მე—ორიგოსთან, არამედ მათი
 ფიქციურობა კიდევ უფრო მკაფიოდ
 გვახსენებს თავს, ამის მიზეზია არა ნაი-
 ვური, არამედ ჰუმორისტულად გამიზნუ-
 ლი ხერხი.

„კომეტაც“, თავისი მასალის მიხედ-
 ვით, გამოკვეთილად ჰუმორისტული, კო-
 მიკური რომანია. და თუ ჩვენ შევძელით
 გვეჩვენებინა, რომ თხრობის ფუნქცია აქ
 პირველი პირის ჩარევის მეშვეობით ერ-
 თგვარ თამაშს იწყებს საკუთარ თავსა და
 ფიქციასთან, ამაზე შეიძლება შემოგვედა-
 ონ, რომ პირველი პირის ასეთი ჩარევე-
 ბი ჟან პოლის მხოლოდ კომიკურ რომა-
 ნებში კი არ გვხვდება, არამედ მის სერი-
 ოზულ-სენტიმენტალურ ნაწარმოებებშიც,
 რომ „კომეტას“ ტექსტიდან ჩვენს მიერ
 გამოტანილი დასკვნა თხრობის ფუნქციის
 ფუნქციური თამაშის თაობაზე ძალზე ვი-
 წროა და არ კმარა თხრობის ასეთი ხე-
 რხის ობიექტურობის უარსაყოფად. სო-
 ლო თუ ახლა დავაკვირდებით, რა ფუნქ-
 ცია აქვს პირველი პირის ჩარევას ისეთ
 რომანში, როგორიცაა „ტიტანი“, ვნახავთ,
 რომ კომიკურ-ჰუმორისტული რომანი ვი-
 წრო გაგებით თხრობის ხერხის მხოლოდ
 განსაკუთრებულ შემთხვევას წარმოად-
 გენს, რომელსაც ჩვენ მხოლოდ იმის გა-
 მო შეგვიძლია ვუწოდოთ ჰუმორისტული
 უფრო ფართო გაგებით, რადგან იგი თავის
 თავში მოიცავს თვით ფიქციური
 თხრობის პრობლემას, რაც რომანის ში-
 ნაარსზე არაა დამოკიდებული. ჩვენ კი-
 დევ ცოტა ხანს უნდა შევჩერდეთ ჰუმო-
 რისტული რომანის ამ სახეობაზე, რომლის

მამამთავარია სერვანტესი და რომელიც მე-18 საუკუნეში ჩამოყალიბდა, კრიტიკული ფილოსოფიის საუკუნეში; ეს ლიტერატურულ-ისტორიული თვალსაზრისით მნიშვნელოვანი მოვლენა კონკრეტულად პფენს შუქს იმ სისტემატურ მიმართებებს, რომლებიც ჩვენ გვაინტერესებს. მხატვრული შემოქმედების ლოგიკური სტრუქტურა მხატვრული შემოქმედების მოვლენათაგან აბსტრაქციას კი არ წარმოადგენს, არამედ მისი ამოკითხვა მხოლოდ მათზე შეიძლება. და პირიქით — აღმოჩენილი კანონები მოვლენათა გაშუქებას ემსახურებიან. ჰუმორისტული რომანის სტრუქტურა იხსნება, ერთი მხრივ, სინამდვილისეულ გამონათქვამსა და ფიქციურ თხრობას შორის არსებული განსხვავების მეშვეობით და პირიქით, უზუსტეს მასალას გვაწვდის ამ განსხვავების შეცნობისა, და ამდენად, ფიქციური თხრობის, თვით ეპიკური ფიქციის ზუსტი აღწერისათვის.

ჟან პოლის „ტიტანი“ ისევე ნაკლებადაა ჰუმორისტული რომანი ამ ცნების ეიწრო გაგებით, როგორც პენრი ფილდინგის „ტომ ჯონსის ისტორია“. ამ ორ ნაწარმოებს, რომლებსაც ვერც სტილისა და ვერც შინაარსის მიხედვით ერთმანეთს ვერ შევადარებთ, ისა აქვთ საერთო, რომ ორივეში გვაქვს ჩანართები, რომლებიც თვით მოგვითხრობენ რომანს. ფილდინგთან ეს ერთი მხრივ უფრო სისტემატურია, მეორე მხრივ კი უფრო მარტივად ხდება, ვიდრე ჟან პოლთან. ამიტომ მისგან დავიწყოთ. ფილდინგს შეგნებული ჰქონდა, რომ იგი ერთგვარი „მოდერნისტი“ იყო რომანის სფეროში, „ახალი პროვინციის აღმოჩენი წერაში“, და ეს შეგნება მდგომარეობდა ფიქციური თხრობის განსაკუთრებული შებენებაში — რომ იგი სხვა კანონებს ექვემდებარება, ვიდრე სხვა სახის თხრობა, „ამგვარად, ამიერიდან შემიძლია ისეთი კანონები შევქმნა, როგორიც მსურს“. მას აინტერესებს ეს პრობლემა და ეძებს მის გადაწყვეტას — რომ რომანი ერთი მხრივ სინამდვილის სურათს

უნდა იძლეოდეს, „a history“ და არა „a romance“ ან „novel“ (და ამიტომაც აღწევს იგი რომანს სათაურად „ტომ ჯონსის ისტორიას“), მეორე მხრივ კი მას შეუძლია ფიქციური სინამდვილის წარმოადგენა, რისთვისაც მის ავტორთა ვად ქმნის კანონებს — სახელდობრ კი სწორედ იმის გამო, რომ მოთხრობილი სინამდვილე მოთხრობილობის ძალით ნამდვილი სინამდვილე არ არის, მისი „წარმოადგენა“ ავტორს პრინციპში, საერთოდ არ შეუძლია. ამ პრობლემასთან დაკავშირებით ფილდინგი ისეთ ფენომენს მიაღწავა, რომელიც არსებითად დღეს იქცა რომანის თეორეტიკოსთა ინტერესის საგნად, კერძოდ, დროის წარმოადგენის პრობლემას. მისი ერთ-ერთი ძირითადი პრობლემაა მიმართება ფიქციურსა და ნამდვილს, ან ისტორიულ დროს შორის, და ცდილობს გამოხატოს იგი ცალკეული თავების დასათაურებაში რომანის დროის გამოტანით: „მოიცავს ერთი წლის ხანგრძლივობას, სამიოდ კვირას, ორ დღეს, თორმეტ საათს“ და ა. შ. მან დაინახა ეს პრობლემა, რადგან სწორედ თავისი ისტორიის თხრობისას შენიშნა, რომ დრო სავეებით არ ექვემდებარება თხრობას, რომ დროის შეგნება სწორედ ფიქციაში იკარგება, რადგან ფიქცია ისტორიული თხრობის მსგავსად უბრალოდ კი არ იძლევა და ათარიღებს მოვლენებს, არამედ ქმნის ცხოვრების ილუზიას, რომელიც ისევე როგორც ნამდვილი ცხოვრება, ხორცის ისხამს იმ დროზე რეფლექსიის გარეშე რომელშიც იგი მიმდინარეობს. მან შენიშნა ეს, მაგრამ ბოლომდე ვერ ახსნა ამ მოვლენათა ლოგიკურ-სტრუქტურული მიზეზები, რომლებსაც ფიქციურ თხრობაში აქვთ ფეხვები. ეს ჩანს მისი ნათქვამიდან: „როცა რაიმე უჩვეულო სცენა გვაქვს აღსაწერი, არც ძალასა და არც ქაღალდს არ ვიშურებთ იმისათვის, რომ ჩვენი მკითხველის თვალწინ გადავშალოთ იგი, მაგრამ თუ მთელი წლები გაივლის ისე, რომ ვერაფრით ვერ მიიბურობენ მის ყურადღებას, ასეთი დრო სრულებით არ უნდა

მიმოვიხილოთ“. იგი ვერ ამჩნევდა, რომ ამ წინადადებით მან კვლავ გააუქმა რომანის დრო, რომელიც თავების დასათაურებებით სურდა აღენიშნა; რომ არც მთხრობელი და არც მკითხველი ყურადღებას არ აქცევს დროს, რომელშიც მოთხრობილი ამბავი და განცდა მიმდინარეობს, რადგან „თხრობის დრო“ არ არის „მოთხრობილი დრო“,⁴⁵ რომ საერთოდ მოთხრობა არა დრო, არამედ ხდომილება, ცხოვრება — და ამიტომ თავების დროის მაჩვენებელი დასათაურებანი მისსა და ყველა სხვა რომანში ზედმეტია. მაგრამ ფილდინგისათვის პრობლემა დროის, როგორც განცდის კატეგორიის წარმოდგენაში არ მდგომარეობდა (ეს პრობლემა, როგორც უკვე ვთქვით, რომანის განვითარების მხოლოდ თანამედროვე სტადიაზე დადგა); მისთვის ის რომანის სინამდვილის ფიქციური ხასიათის კრიტერიუმი და ერთგვარი ჯვარი იყო, რაც ამ ეპოქისათვის (1745) უჩვეულოდ შორსმჭვრეტელურ დაკვირვებას წარმოადგენდა; მხატვრული შემოქმედების ტექნიკის მთელი პრაგმატიკის მიუხედავად, ამ დაკვირვების მიზანია აზროვნებისა და ენის სისტემაში ფიქციის განსაკუთრებული ადგილის განსაზღვრა. სწორედ ამ თვალსაზრისით უნდა განვიხილოთ თეორიულ-დამკვირვებლური ხასიათის ჩანართები, რომლებითაც იწყებს იგი „ტომ ჯონსის“ თვრამეტივე წიგნს. ისინი შეიცავენ რომანის მისეულ თეორიას, განმარტებებს „ისტორიასა“ და რომანს შორის არსებულ განსხვავებასა და მსგავსებაზე და სხვა ამგვარს, და ასეთი შეგნებული კრიტიკული ხერხით რომანის თეორიის თვით რომანში ჩართვა, მისი შინაარსის დაუზიანებლად, მას ჰუმორისტულ ხასიათს ანიჭებს. „ტომ ჯონსის“ საერთო ტონი რომ ჰუმორისტულია, უცნაურია, მაგრამ ეს არც თეორიული დაკ-

ვირვებების ბრალია და არც თვით ამბისა. არც ერთი მათგანი არ არის ჰუმორისტული ამ სიტყვის ნამდვილი გაგებით. მაგრამ ჰუმორისტული ტონი იქმნება იმით, რომ რომანის თეორიული განმარტებანი ისე და ისე ახსენებს, რომ რომანი სინამდვილე კი არ არის, არამედ ილუზია, მოჩვენება, ფიქციაა, ცხოვრება არა ცხოვრების, არამედ — როგორც მოგვიანებით ნოვალისი იტყვის — წიგნის სახით. რაც არ უნდა მცირე იყოს კომიკურობა რომანში მოთხრობილი ამ მოჩვენებითი სინამდვილისა, იგი ჰუმორისტულ შუქში ჩანს სწორედ იმით, რომ ის „გაკეთებულია“, რომ მის შემქმნელს შეუძლია ითამაშოს მისით — გააუქმოს ან კვლავ აღადგინოს, რომ ეს სინამდვილე, ასე ვთქვათ, არ საჭიროებს სერიოზულად მიღებას. მხოლოდ ჰუმორისტულ რომანებში გვხვდება მითითებები თავებად დაყოფაზე, ე. ი. მითითებანი იმაზე, რომ ის, რაც აქაა მოთხრობილი, მხოლოდ წიგნის შინაარსს წარმოადგენს და უკვე ამიტომ არაა დამძიმებული სერიოზულობით, ნამდვილი ცხოვრების შემზარავი ბედისწერით. ყოველ ფენის ნაბიჯზე ვხვდებით: „როგორც წინათავში ვნახეთ...“ ან „ეს ყველაზე ტრაგიკული ამბავია მთელს ჩვენს ისტორიაში, რომელიც“ და მრავალ მსგავსს. აქ მთელი სიცხადით ჩანს, რომ მთხრობელის ამ ჩარევას თხრობაში მხატვრული შემოქმედების თეორიის თვალსაზრისით მცდარად ახასიათებენ, როცა მას სუბიექტურ სტილს უწოდებენ. ლაპარაკია არა მთხრობელის სუბიექტურ ინტერესზე თავისთავად, — როგორც მთხრობელსა თუ ავტორზე, — არამედ უმაღლ პირიქით, მთხრობელის განსაკუთრებულ „ობიექტურ“ პოზიციაზე თავისი ნაწარმოების მიმართ, თავისუფალი თამაშის შეგნებაზე, რომელიც შესაძლებელია რომანის არამატერიალური, სტილისებური, ფიქციური სინამდვილით, მისი თავებად დაყოფით, გამიზნული შემოკლებებით, შეკუმშვებითა თუ გაშლით.

45. ეს ტერმინოლოგია და პრობლემა ნაცნობია ვ. მიულერისა და მისი სკოლის გამოკვლევებიდან, შეად. ჩემი ზემოთ, 43 შენიშვნაში ციტირებული შრომა (DVJS).

ფილდინგის ამ თეორიული და წარმოსახვის პრობლემებიდან გამომდინარე, შეგვიძლია ვავადაცნობიეროთ, რომ ეს მედიდური ესთეტიკური ჰუმორი ახასიათებს აგრეთვე ჟან პოლის არც თუ მკვეთრად ჰუმორისტულ რომანებსაც. „ტიტანში“ ისევე, როგორც „კომეტასა“ და „ვუც“-ში, მთხრობელი „ეთაპაშება“ თავის თავსა და თავის პროდუქტს, მკითხველის შეგნებამდე დაჰყავს, რომ ეს სამყარო მის თვალწინ მხოლოდ ავტორის ძალითაა, იმის ძალით, რომ იგი მოთხრობილია. „ჩემის აზრით, საკმაოდ ფართეა ის კუთხე, რომელიც აქ უინსტონის კომეტების რუქიდან ამ კუდიან ვარსკვლავს ადამიანებისათვის ჩამოვაჭერი. ვიდრე საუბარს ვავაგრძელებდე, მსურს წინასწარ შევითანხმდეთ, რომ თქვენის ნებართვით დონ გასპარდს ზოგჯერ რაინდად მოვიხსენიებ, ოღონდ ოქროს საწმისს არ ჩამოვკიდებ“ (ტიტანი, I lobeperioele). ისე, რომ არც „ტიტანს“, არც „პესპერუსსა“ და არც „უჩინარ სარეცელს“ არ აკლია ეპოქის ჰუმორისტული სტილით მოწოდებული განმარტებანი შესაბამისი რომანის წარმოსახვის, დაბეჭდვისა თუ შემდგომი პედის შესახებ, როგორცაა, მაგალითად, „ტიტანის“ ვრცელი „შესავალი პროგრამა“ (მე-9 ციკლი, I პერიოდის ბოლოში), ან წიგნისა თუ თავების დასათაურებათა ნაირ-ნაირი ასსნა“.⁴⁶

46. ჟან პოლის სტილი ჩვენ შევარჩიეთ ჰუმორისტული სტილის და პირველი პირის ჩარევის ფუნქციისა და მნიშვნელობის ნიმუშად, რადგან იგი ერთადერთ და უკიდურეს შემთხვევას წარმოადგენს ლიტერატურაში. მე-ს ჩარევის ეს ჟან პოლისული სტილი, მიუხედავად სიჭარბისა, როგორც უკვე აღვნიშნეთ, არ აქცევს მის ფიქციურ რომანებს მერომანებად, მაგრამ მეორე უკიდურესობაა, რომელიც (ცხადია, ჩვენგან განხილული პრობლემატის გაუთვალისწინებლად) შენიშნა და ფაქიზად დაახასიათა მაქს კომერელმა თავის წიგნში ჟან პოლის შესახებ. ის წამო-

ჩვენთვის მნიშვნელოვანი იყო არა ინგლისელი მწერლისა და ჟან პოლის ჰუმორისტული სტილის დაწვრილებითი ანალიზი, არამედ იმ ეპოქაში ასერივად გამოკვეთილი თხრობის ხერხის გამოყენება, რადგან იგი ეპიკურის მნიშვნელობის არსს განსაკუთრებით მკაფიოდ წარმოგვიჩენს; თვით ამ წარმომადგენლებსაც შემთხვევით არ მიუჩნევიათ იგი ფიქციური თხრობის თავისებურებად, განსხვავებით ისტორიული თხრობისაგან, და ამიტომაც ხელოვნების თვალსაზრისით შე-

კრის კითხვას, იმიტომ ხომ არ არის შესაძლებელი ჟან პოლისათვის დრამატული ნიჭის მიწერა, რომ იგი ასე ხაზგასმით ახდენს თავის პერსონაჟთა ინდივიდუალიზაციას, — უპირველეს ყოვლისა მეტყველებით, და უარყოფითად პასუხობს ამ კითხვაზე იქიდან გამომდინარე, რომ „ჟან პოლის ეს ამოუხსნელი პერსონაჟები... საბოლოო ანგარიშში, თუმცა არაპირდაპირი ფორმით, მეობის დიდი ფილოსოფიური კომედიის მიმნიშნებლად გვევლინებიან. მოქმედი პირები იქაც კი, სადაც მათი რეპლიკები თითქოს დრამატულადაა ჩაფიქრებული, მთავარი მოქმედი პირის ანარეკლებად რჩებიან, თითქოს ვერ გადაეწყვიტოთ, საკუთარი მუშტის იმედზე არსებობა, თითქოს თავს ცენტრალური სულის ანასხლეტებად გრძნობდნენ (გვ. 60). კომერელს აქ არ გამოაქვს დასკვნა, რომ ეპიკური მე აქ ისე ძლიერ უახლოვდება ლირიკულ მე-ს, რომ შესაძლებელია რომანის ფიქციის ფორმა ამით ძალზე თავისებურად ირღვევა. მაგრამ თხრობის ფუნქციის ამ ლირიკული განკერძოების შესახებაც შეიძლება ითქვას, რომ სუბიექტური თხრობის ცნება აქ არაადექვატურია. რადგან თვით მონათხრობს, ფიქციურ სამყაროს, ყოველივეს მიუხედავად, ეს სუბიექტურობა არ ეხება; იგი მხოლოდ თხრობის ფუნქციის თვისება, სტილის თვისებაა, რაც ცნებით „ლირიკული“ უფრო ზუსტად ხასიათდება, ვიდრე ცნებით „სუბიექტური“.

აფასეს იგი (როგორც აქ მხოლოდ სახელ-
დახელოდ შევძელით მინიშნება). ჟან პო-
ლის თავშექცევას თავისი მოქმედი პირე-
ბით — როგორც ჰუმორისტულ, ასევე
სერიოზულ ნაწარმოებებში, თუმცა მათ
შორის მთელი მისი შემოქმედების ტოტა-
ლურობის თვალსაზრისით საზღვრის და-
დგენა შეუძლებელია — თავისი მეტად
თუ ნაკლებად გაცნობიერებული მიზეზი
აქვს: იგი გამუდმებით გვახსენებს რომანის
მთხრობელის განსაკუთრებულ „შემოქ-
მედებით აქტს“, რაც მდგომარეობს არა
მოქმედ პირთა შესახებ თხრობაში, არამედ
მათ თხრობაში, მათი არსებობის „სუბი-
ექტურობის“ თხრობით წარმოდგენაში; ეს
კი ის პროცესია, რომლის ერთადერთი
ლოგიკური ადგილი თხრობით მხატვრულ
შემოქმედებაშია და რომელიც განსაზღვ-
რავს მის კანონს. ეპიკური ჰუმორი სწო-
რედ იქ იღებს სათავეს, სადაც მწერალი
მთლიანად არ ემორჩილება თხრობის კა-
ნონს, ე. ი. მთლიანად არ ითქვიფება მო-
თხრობილ ამბავში, არამედ შევსებული აქვს
მისი კანონი; და ეს ჰუმორი ღღეს უწინ-
დელზე მეტად „ფიქციის ლოგიკაზე“ უნდა
დავიყვანოთ. რადგან სწორედ იგი იძლე-
ვა „ფიქციის თამაშის“ საშუალებას, რა-
შიც უდგას ფესვები „დიდ ეპიკურ ჰუ-
მორს“, — ჟან პოლისა და ინგლისელთა
შემოქმედებაში არანაკლებად, ვიდრე „დონ
კიხოტსა“ და თომას მანის იოსების რომა-
ნში. ფიქციის თამაშში, ჩვეულებრივ, მხო-
ლოდ ჰუმორისტულ რომანში შეიძლება
შევვხვდეს, რადგან არაფიქციური თხრობა
გააუქმებდა თავის პროდუქტს, ფიქციას,
და ამდენად თავის თავსაც, თუკი ფიქცი-
ას სერიოზულად არ მიიღებდა, ე. ი. თუ
თავისი ფიქციურობა გაცნობიერებული
იქნებოდა. სწორედ ამიტომ წარმოადგენს
ეპიკური ჰუმორი განსაკუთრებულ საშუ-
ალებას, რომელსაც სინათლე შეაქვს ფი-
ქციური თხრობის შესწავლაში და რომე-
ლიც სწორედ იქ გვევლინება მთელი თა-
ვისი თავისებურებით, სადაც იგი, რო-
გორც კანტი ამბობს, — გამოყენებულია
არა „ნაივურად“, არამედ „კრიტიკულად“.

დასკვნა, რომლის გამოტანაშიც ჰუმო-
რისტული სტილი გვეხმარება, იმაში
მდგომარეობს, რომ ეს სტილი, მოუხედა-
ვად პირველი პირის ჩარევებისა, არ არის
უფრო „სუბიექტური“, ვიდრე „ჩუქჩუქნი-
ჩის“ ან კლაისტის, ბერგენგუტენბერგის
ფონტანეს ნაწარმოებებიდან მოტანილი
მაგალითების თხრობის ხერხი, ეს კი ნიშ-
ნავს, რომ ფიქციური თხრობა სტილის-
ტურად ძალზე სხვადასხვაგვარი შეიძლება
იყოს, მაგრამ ლოგიკურად მისი სტრუქ-
ტურა ერთდაიგივე რჩება. ჟან პოლისე-
ული თხრობის ხერხის ახირებულ თა-
მაშს, თხრობის ფუნქციის თამაშს თავის
თავთან, უღაოდ „საგნიდან გადახვევად“
(როგორც ის თვით ამბობს), გაჭიანურებად
აღვიქვამთ. მაგრამ ჩვენ შეიძლება გაჭია-
ნურებულად აღვიქვათ თხრობის სხვა ხე-
რხებიც, რომლებიც არ ეთამაშებიან
თავის თავს და ჩვენი გემოვნებისდა შესა-
ბამისად, მოსაწყენად მოგვეჩვენოს. გავი-
ხსენოთ ძლიერი რეფლექტორული თხრო-
ბა, რომელიც მეტ-ნაკლები უშუალოდით
ახდენს მოქმედებისა და მოქმედ პირთა ინ-
ტერპრეტირებას: ხსნის, განმარტავს,
ღრმა კავშირებს ეძებს მათ მიღმა, რი-
თაც ხშირად თითქოს „ამბიდან უხვევს“.
მაგრამ თუ ახლა უფრო ზუსტად დავაკ-
ვირდებით თხრობის სწორედ ამ სახეობას,
უფრო ღრმად ჩავწვდებით ფიქციური
თხრობის არსს და მის კატეგორიულ გან-
სხვავებას ისტორიული თხრობისაგან.
სწორედ ასეთ შემთხვევაში არ უნდა შეგ-
ვაცდინოს შთაბეჭდილებამ. ეს კი მაშინ
მოხდება, თუ სტრუქტურულ ელემენტებს
ვერ ჩავწვდებით. კვლავ მოვიყვანოთ რამ-
დენიმე მაგალითი:

მაგალითი 1.

ვილჰელმის ფიქრები მალე საკუთარ სა-
ქმეებს მიუბრუნდა და მან მოუსვენრობა
იგრძნო. ადამიანი არ შეიძლება უფრო
სახიფათო მდგომარეობაში აღმოჩნდეს, ვი-
დრე მაშინ, როცა გარემოებანი მისი მდგო-

მარეობის მკვეთრად შეცვლას იწყებენ, ისე, რომ მისი აზროვნება და გრძნობა ამისათვის მოუმზადებელია. მაშინ იწყება ეპოქა ეპოქის გარეშე, და წარმოიშობა მხოლოდ წინააღმდეგობა მით უფრო დიდი, რაც უფრო ნაკლებად ატყობს ადამიანი, რომ ის ახალი მდგომარეობისათვის ჯერ კიდევ ჩამოუყალიბებულია.

ვილჰელმმა ერთი წამით თავი თავისუფალი დაინახა; ეს ის წამი იყო, რომლის განმავლობაშიც იგი თავისთავს ვერა და ვერ შეუთანხმდა, მისი აზრები კეთილშობილური იყო, მისი ზრახვები წმინდა...

(გოეთე, ვილჰელმ მაისტერის მოსწავლეობის წლები).

მაგალითი 2.

„...მხოლოდ ყველა ადამიანი შეადგენს კაცობრიობას, მხოლოდ ყველა ძალა ერთად აღებული — მსოფლიოს. მათ შორის ხშირად წინააღმდეგობაა და მაშინ, როცა ისინი ერთმანეთის განადგურებას ცდილობენ, ბუნება ერთიანობას უნარჩუნებს მათ და კვლავ აღადგენს...“

(გოეთე, ვილჰელმ მაისტერის მოსწავლეობის წლები).

მაგალითი 3.

ულრიქს რომ დასჭირვებოდა იმისი თქმა, თუ როგორი იყო იგი სინამდვილეში, უხერხულ მდგომარეობაში აღმოჩნდებოდა... ძლიერი ადამიანი იყო იგი? მან არ იცოდა ეს, და ალბათ, საბედისწეროდ მცდარი წარმოდგენა ჰქონდა ამაზე. მაგრამ იგი ეჭვგარეშე მუდამ ის კაცი იყო, ვისაც საკუთარი ძალისა სჯერა. არც ახლა ეპარებოდა იმაში ეჭვი, რომ ეს განსხვავება საკუთარი განცდებისა და თვისებების ქონასა და მათ უცხოდ დარჩენას შორის მხოლოდ ის განსხვავება თუა, რომელსაც შინაგანი პოზიციის არჩევა განაპირობებს... უბრალოდ თუ ვიტყვით, ადამიანს შეიძლება უფრო ზოგადი ან უფრო პიროვნული დამოკიდებულება ჰქონდეს იმ ამბების მიმართ, რომლებიც მას შეემთხვევა, ან რომ-

ლებსაც იგი ჩადის. დარტყმა შეიძლება განვიცადოთ არა მარტო როგორც ტკივილი, არამედ როგორც შეურაცხყოფა, რითაც იგი აუტანლად იზრდება; მაგრამ შეიძლება ის სპორტულადაც შეიძლება როგორც დაბრკოლება... დასწრობის შემთხვევაში, რომ განცდა თავის მნიშვნელობას მხოლოდ მისი ადგილის მიხედვით იძენს მოქმედებათა თანმიმდევრულ ჯაჭვში, ავლენს ყველა ადამიანი, რომელიც ამას უყურებს არა როგორც მხოლოდ პირადულ შემთხვევას, არამედ როგორც მისი გონებრივი ძალების გამოწვევას...

(რობერტ მუზილი: უთვისებო კაცი)

ამ სამ ტექსტს, რომელთა რიცხვის გაზრდა განუსაზღვრელად შეიძლებოდა, ისა აქვს საერთო, რომ ისინი რეფლექტორულად „გაჭიანურებულნი“ არიან. მაგრამ არის მათში გადახვევა? უხვევენ ისინი „ამ ბიდან“ და გაუჩნდება ადამიანს სურვილი, შესძახოს მათ: „საქმეზე ილაპარაკე?“ კითხვის ამგვარი დასმით მივხვდებით, რომ იგი მცდარია. ვითარება კვლავ ნათელი გახდება, თუ მივმართავთ შედარებას სინამდვილისეულ გამონათქვამთან. მხოლოდ მასთან მიმართებაში აქვს აზრი საქმეზე ლაპარაკისკენ მოწოდებას. რადგან ამბავი იქ მუდამ გადმოცემისაგან დამოუკიდებლად არსებობს, და ამიტომ, გადმოცემისა და გადმომცემის გავლენისაგან თავისუფალია. დავუშვათ, ვილჰელმ მაისტერის მაგალითის (1) პირველი წინადადება — „ვილჰელმის აზრები მალე საკუთარ საქმეებს მიუბრუნდა“ — სინამდვილისეული გადმოცემაა, რომელშიც ვილაცა ვილაცას მისთვის ცნობილი პიროვნების გარკვეულ ცხოვრებისეულ მდგომარეობაზე მოუთხრობს. მისი აზრები რომ საკუთარი საქმეებისაკენ შემოტრიალდა, ეს მან თვით ვილჰელმისაგან შეიტყო. ამ შემთხვევაში მომდევნო წინადადებები გადმომცემის რეფლექსიათა გამოხატულება იქნებოდა, რომლებიც მხოლოდ თვით მას მიემართება, გამოხატავს მის სუბიექტურ შესხედულებებს ადამიანებსა და საგნებზე, რომლებსაც აქ ხსენებულ პიროვნებასა და საქმესთან თავისთავად

არაფერი აქვთ საერთო, და გადაცემის მსმენელს შეეძლო შეეძახებინა მისთვის: „ეს მე სრულებით არ მაინტერესებს, რას ფიქრობ შენ საერთოდ უცაბედ ცვლილებებზე, რომლებიც ადამიანის ცხოვრებაში შეიძლება მოხდეს. საქმეზე ილაპარაკე, რა მოუვიდა ვილჰელმს, და როგორ მოგვარდა მისი საქმეები!“ განა ნამდვილი პიროვნება ვილჰელმი, რომელიც თავისი ცხოვრების ამა თუ იმ მომენტში ასე თუ ისე იყო და მოქმედებდა, უფრო ზუსტად და ღრმად იქნება აღწერილი, თუ მისი ამბის გადმომცემი თუნდაც ასეთ ღრმა, ფილოსოფიურ-ფსიქოლოგიურ დაკვირვებებს დაუკავშირებს მას? (მაშინაც კი, როცა ვცდილობთ ნამდვილი პიროვნების საქციელი მისი ხასიათის ფსიქოლოგიური ინტერპრეტაციით, სოციალურ გარემოებათა გათვალისწინებით გავივით და განვმარტოთ, ეს ინტერპრეტაციები ყოველთვის ჩვენს სუბიექტურ თვალსაზრისს წარმოადგენს და იმ პიროვნებასთან, გამონათქვამის ობიექტთან, არაფერი აქვს საერთო). ჩვენ უშუალოდ ვგრძნობთ, რომ ეს ურთიერთმიმართებანი სრულიად სხვაგვარად წარმოგვიდგება, როცა საქმე გვაქვს რომანის მოქმედ პირ ვილჰელმ მაისტერთან. ჩვენ არ გაგვიჩნდება სურვილი ისეთ დაკვირვებასთან დაკავშირებით, როგორიცაა „ადამიანი არ შეიძლება უფრო სახიფათო მდგომარეობაში აღმოჩნდეს...“ შევსახოთ: „საქმეზე ილაპარაკეო“. რადგან ამ შემთხვევაში იმასაც უნდა გავუწიოთ ანგარიში, თუ რა არის აქ „საქმე“. და როგორც ფიქციური და ისტორიული თხრობის შედარების ჩვენეული მეთოდის გამოყენებით უკვე მთელ რიგ შემთხვევებში დავადგინეთ, ფიქციის მიმართებანი „შეტყობინებას“ არ ექვემდებარება. და როგორც ფიქციის დროული და სივრცული მიმართებები არ ემორჩილება დათარიღებას, რადგან აქ საქმე გვაქვს მხოლოდ დროისა და სივრცის ცნებებთან, და არა თვით მათთან,

კითხვა იმის შესახებ თუ რა არის „საქმე“ რომანში, არავითარ ხელმოსაკიდ და ერთმნიშვნელოვან განსაზღვრას არ ექვემდებარება. „ვილჰელმ მაისტერში“ ვილჰელმ მაისტერის პიროვნებას ვერ გამოვყურებთ ამ პიროვნების თხრობისაგან. რადგან იმისთვის არის პირი, რომლის შესახებაც რაღაცაა მოთხრობილი. შეხედულება, რომელიც დაკავშირებულია წინადადებასთან, — რომ იგი მალე თავის საკუთარ საქმეებს მიუბრუნდა და მოუსვენრად გრძნობდა თავს, — არ წარმოადგენს გადმომცემის სუბიექტურ რეფლექსიას და გადახვევას, რომელიც მხოლოდ თვით მასთანაა დაკავშირებული და ვილჰელმთან კი არაფერი აქვს საერთო, არამედ იგი ისევე ემსახურება ვილჰელმის სახის გამოძერწვას, როგორც მონაცემები მისი საქმიანობის, მეტყველებისა და აზროვნების შესახებ. ისევე, როგორც წინადადებაში — „ვილჰელმის ფიქრები მალე მისი საკუთარი საქმისაკენ შემობრუნდა“, — ან უფრო კონკრეტულ სიტუაციურ წინადადებაში იგივე რომანიდან — „გრაფმა მფულღეს თავისი ხელი შესთავაზა და დაბლა ჩაიყვანა იგი“ (მე-3 წიგნი, მე-2 თავი) — ძნელად გამოვარჩევთ „მოთხოველს“ იმისაგან, რასაც ან რის შესახებაც მოგვითხრობს იგი, ვერც რეფლექტორულ წინადადებაში მივუთითებთ ასეთ ზღვარზე. თუ როგორ ხდება ეს ლოგიკურად, უფრო ნათელი გახდება იმ შემთხვევაში, თუკი I მაგალითს შევადარებთ 3 მაგალითთან — ნაწყვეტთან ჩვენი თანამედროვე მწერლის რობერტ მუზილის „უთვისებო კაციდან“.

ეს ნაწყვეტი იგივე ხასიათისაა, როგორც ნაწყვეტი „ვილჰელმ მაისტერიდან“. თხრობა, რომელიც უშუალოდაა მიმართული ულრიჰზე, აქაც ზოგად ვითარებასა და პრობლემებზე მსჯელობაში გადადის, — დაახლოებით ამ წინადადებიდან: „თუ უბრალოდ ვიტყვით, ადამიანს შეიძლება უფრო ზოგადი ან უფრო პიროვნული დამოკიდებულება ჰქონდეს იმ ამბების მიმართ, რომლებიც

მას შეემთხვევა, ან რომლებსაც იგი ჩა-
დის“. ძველსა და თანამედროვე ტექსტებს
შორის გარკვეულ განსხვავებას ვამჩნევთ,
რაც იმაში მდგომარეობს რომ უკანასკნე-
ლში ზოგადი რეფლექსიები თითქოს გარკ-
ვეულწილად უფრო მჭიდროდ და შინა-
განად უკავშირდება ულრიპის პიროვნებას,
ვიდრე „ვილჰელმ მაისტერის“ ტექსტში —
ვილჰელმის პიროვნებას. თუმცა, როგორც
მუზილის, ასევე გოეთეს ტექსტის მომდევ-
ნო წინადადებებში ნაკლებად ეწევა ანგა-
რიში აღწერილი პიროვნების აზრებს, მუ-
ზილთან მათ უფრო მეტად აღვიქვამთ ულ-
რიპის აზრებად, ვიდრე ვილჰელმ მაისტე-
რში — ვილჰელმის აზრებად. მაგრამ ეს
განსხვავება არაა პრინციპული, არამედ
მხოლოდ სტილისეული, რაც მიგვანიშნებს,
რომ მუზილის რომანი გოეთეს რომანზე
თანამედროვეა. ჩვენ უკვე მრავალჯერ მი-
ვუთითეთ, რომ ფიქციური აღწერის საშუ-
ალებანი მე-19 საუკუნის მანძილზე სულ
უფრო და უფრო იხვეწება, შინაგანი ყო-
ფის წარმოდგენა სულ უფრო და უფრო
მეტად ხდება მოქმედ პირთა პირდაპირი
„სუბიექტივიზების“ საშუალებებით, ე. ი.
ფიქციურ პირთა ფიქციური მე-ორიგინო-
ბა სულ უფრო მკაფიოდ იკვეთება; ჯოისის
გაბედული საშუალებებიც ამ პროცესის შე-
დეგია, მაგრამ, თუმცა წინადადებას — „ვი-
ლჰელმის ფიქრები მალე მის საკუთარ სა-
ქმეებს მიუბრუნდა და მოუსვენრად გრძნობ-
და თავს“ — უფრო მეტად აქვს გამონათ-
ქვამის (პირდაპირი გაგებით) სტილი, ვი-
დრე წინადადებას: „ულრიპს რომ დასჭირ-
ვებოდა ეთქვა, თუ როგორი იყო იგი სი-
ნამდვილეში, უხერხულ მდგომარეობაში აღ-
მოჩნდებოდა... იყო კი ის ძლიერი ადამი-
ანი?“. ეს განსხვავება მხოლოდ (გრაფი-
კურა) თანდათანობითია. მხოლოდ
მთხრობელის სტილია იმის მიზეზი, რომ
მეორე წინადადებას ისე ადვილად ვერ ჩაგ-
სვამთ სინამდვილისეულ გამონათქვამში,
როგორც პირველს. ამაში მაშინვე იჩენს
თავს ფიქციური თხრობის სტილი. მაგრამ,
მიუხედავად ამისა, „ვილჰელმ მაისტერის“
წინადადება იგივე სტრუქტურული თვისე-

ბებით ხასიათდება. გულმოდგინე დაკვირ-
ვებისას ისიც ფიქციური თხრობის ისეთ ნი-
შნებს ავლენს, რომლებიც შეუძლებელია
სინამდვილისეულ გამონათქვამს / ქონდეს,
როგორცაა, მაგ.: „იგი მოუსვენრობას
გრძნობდა“ (ეს რომელიც გამონათქვამი იყო,
„გრძნობდა“-ს ნაცვლად „იყო“ გვექნებო-
და). შინაგანი პროცესის ამსახველი ზმნა
ვილჰელმს დაგვანახებს მისი აზროვნების,
გრძნობის ფიქციურ „ახლა და აქ“ მომენ-
ტში, მხოლოდ ცოტა ნაკლები სიძლიერით,
ვიდრე ეს თანამედროვე რომანის ფორმაში
ხდება. ეს კი ნიშნავს: ვილჰელმის სახე ნა-
კლებად სუბიექტივიზებულია, ვიდრე ულ-
რიპისა. ამიტომ გოეთეს შემდგომი დაკვი-
რებანი თითქოს უფრო დაშორებულია მო-
ქმედი პირისაგან, ვიდრე მუზილთან, თუ
გნებავთ, უფრო „ობიექტურიც“, რადგან
თვით მოქმედი პირის სახეც წარმოსახვის
უფრო ობიექტურ სტილშია აღწერილი. მა-
გრამ სტილისეული განსხვავების ეს აღნი-
შენა არ უნდა აგვერიოს ობიექტურისა და
სუბიექტურის ცნებების საკუთრივ მნიშვ-
ნელობაში. სუბიექტურობა თუ ობიექტუ-
რობა არ უკავშირდება ავტორს, რომელიც
სინამდვილისეულ გადმოცემაში მთხრობე-
ლის იდენტურია, მაგრამ არა ფიქციურ
თხრობაში (ისევე, როგორც მხატვარი არაა
მისი ფუნჯის იდენტური). ეს ცნებები ფი-
ქციაში, როგორც ზემოთ ვნახეთ, უკავშირ-
დება იმ ასპექტს, რომელშიც ფიქციური
პირები წარმოგვიდგებიან და ის განსხვა-
ვება რომელსაც ვამჩნევთ, თხრობის სტი-
ლისეული განსხვავებაა. აქედან გამომდი-
ნარე ვერც გოეთესა და ვერც მუზილის
ტექსტთან დაკავშირებით ვერ მოვითხოვთ
„საქმეზე ილაპარაკეო“. რეფლექტორული
დაკვირვების ეს ორი ფორმა ინტერპრეტა-
ციული ხასიათისაა და არ არის გამონათ-
ქვამი; ისინი ერთმანეთისაგან განსხვავდე-
ბიან მხოლოდ ხარისხით და არა კატეგო-
რიულურად. და კითხვაზე თუ რა არის „სა-
ქმე“ რომანში, პასუხს ვერ ვაძვირებთ, რად-
გან ასეთ კითხვას საერთოდ ვერ დავსვამთ.
სწორედ მუზილის მაგალითი, რომელიც ამ
თვალსაზრისით გოეთეს მაგალითსაც აშუ-

ქებს, გვიჩვენებს მკაფიოდ, რომ არავითარ შემთხვევაში სინამდვილისეული „ობიექტური ვითარება“, ხოლო რომანისათვის—მოქმედება, მოვლენა, სიტუაცია და ა. შ., რომლებიც რაიმე გზით შეიძლება ჩამოვადილოთ მათ წარმოსახვას, — არ წარმოადგენს „საქმეს“, „შინაარსს“. ამიტომაც, ჩვენ პრინციპში არ შეგვიძლია რომანის „შინაარსის“ გადმოცემა. ხოლო როცა ჩვენ ამას ვაკეთებთ, ან ვფიქრობთ, რომ ვაკეთებთ, ვცდილობთ გადმოვცეთ რამდენიმე საყრდენი პუნქტი, რომელთა მეშვეობით ჩვენს მესხიერებაში აღვადგენთ რომანის შინაარსს და არის შემთხვევები, როცა უგრძესი რომანი „შინაარსობრივად“ ერთი წინადადებით შეიძლება გადმოვიცეს.

ფიქციურ თხრობაში ჩართული „გაქიანურებული“ დაკვირვებების ხასიათი შეგვიძლია გავარკვეოთ I მაგალითის მეორესთან შედარების გზით. ესეც „ვილჰელმ მაისტერიდანაა“ ამოღებული, მაგრამ ბრჭყალების მიხედვით იგი დიალოგის ნაწყვეტია: ეს გახლავთ იარნოს დაკვირვება ვილჰელმთან საუბრისას. ზოგადად იგი ისეთივე ხასიათისაა, როგორც I მაგალითი, მაგრამ რაკი ეს დაკვირვება ერთ-ერთი ფიქციური პირის „ბაგეებითაა ამეტყველებული“, წინასწარვე არ მივაკუთვნებთ მას გაქიანურებული ან გადახვეული თხრობის რუბრიკას. ჩვენ ხომ რომანის დიალოგის სისტემაში ვიმყოფებით, რომელიც ფიქციის სისტემისა თუ არის, ერთ-ერთი ცენტრალური ნაწილია. მაშინვე ჩანს, რომ ეს დაკვირვებაში ნაწარმოების მოქმედ პირს ეკუთვნის და არა მთხრობელს (ავტორის გაგებით). მაგრამ სწორედ ეს ფენომენი წარმოადგენს ერთ-ერთ, თუმცა არაპირდაპირ, მაგრამ ამიტომაც მით უფრო დამაჯერებელ საბუთს საიმისოდ, რომ მთხრობელის თხრობაც ფიქციური პირების „საქმეა“ და არა, ასე ვთქვათ, მთხრობელისა. ამის დასადასტურებლად სწორედ გოეთეს სტილია განსაკუთრებულად შესაფერისი. მოქმედ პირთა საუბრები არსებითად არ ამქლავნებენ სხვა სტილს, ვიდრე თვით თხრობა. ამორი მაგალითის დაკვირვებებს ყოველგვარ

რი სიძნელეების გარეშე შეგვიძლია შევუცვალოთ ადგილები: მაგალითი 2 თხრობით გადმოცემად ვაქციოთ, მაგალითი 1 კი ადგილიდან: „ადამიანი ვერ აღმოჩნდება უფრო სახიფათო მდგომარეობაში“ — დიალოგში შევიტანოთ. ეს ცალმხრივად ხერხდება, რადგან „ვილჰელმ მაისტერის“ დიალოგის სტილი ინდივიდუალიზაციის მცირე ხარისხით ხასიათდება; მაგრამ აქაც საქმე გვაქვს არა არსებით, არამედ მხოლოდ ხარისხობრივ განსხვავებასთან. საზღვარი რომანის თხრობის სუბსტანციისა და დიალოგის სუბსტანციის შორის სუსტადაა აღნიშნული, მაგრამ სწორედ ეს გვიჩვენებს, რომ თხრობის ფუნქცია ბოლოსდაბოლოს სხვა არაფერია, თუ არა დიალოგის ჩამოყალიბება, ისევე, როგორც ცხადია, მონოლოგის და განცდილი მეტყველებისა. თუ საერთოდ შესაძლებელია მოთხოვნა, რომ „მთხრობელი“ შეძლებისდაგვარად გაუჩინარდეს და რომანი დიალოგის სისტემად იქცეს,⁴⁷ ეს თეორიულად მხოლოდ იმის გამო იქნებოდა შესაძლებელი, რომ თხრობის ფუნქციაც, უფრო ზუსტად, თხრობის გადმოცემაში ფუნქცია, ფიქციური გამოხატვის მთლიანი სტრუქტურის მხოლოდ ერთ-ერთ საშუალებას წარმოადგენს — და სწორედ ამ მიზეზით შეუძლია შეერწყას გამოხატვის სხვა საშუალებებს. ეს შემთხვევა უპირველეს ყოვლისა განცდილ მეტყველებაში ვლინდება მკაფიოდ.

თუ ზემოთ დროის ფორმებთან დაკავშირებით განცდილი მეტყველება გადამწყვეტი იყო ფიქციური მეორეგინობის მიმა-

47. ეს მოთხოვნა შპილჰაგენს პირველს არ წამოუყენებია; ჯერ კიდევ არისტოტელე აქებს პომპროსს იმის გამო, რომ იგი თითქმის არ ჩანს „თავად“, ე. ი. მთხრობელის როლში, არამედ მოქმედ პირებს — კაცებსა თუ ქალებს ალაპარაკებს. შპილჰაგენის მიხედვით ეს მოთხოვნა წამოაყენეს ორტეგა ი გასემ (ფიქრები რომანზე; ჩვენი დროის ამოცანები, შტგტ, 30) და ინგლისელმა რომანისტმა ჰენრი გრინმა (ურთიერთგაგება. Die neue Rundschau, 11).

რთებათა საკითხში და ყველაზე დამაჯერებელ საბუთს წარმოადგენდა საიმისოდ, რომ ფიქციური თხრობა შინაგანი პროცესების აღმნიშვნელი ზმნების მეშვეობით იქმნება, ხმჯერად იგი თვით ფიქციური თხრობის ფუნქციის შემეცნებაში გვეხმარება და ეს შემთხვევითი კი არაა, არამედ მჭიდროდ უკავშირდება შემოსხსენებულ მიმართებებს. უკვე არაერთგზის შეგვიწინავეს, რომ განცდილი მეტყველების ფორმას ყოველთვის ვერ განვასხვავებთ მკაფიოდ „მთხრობელის ხმისაგან“, ე. ი. ის ზღვარი, სადაც მთხრობელი, ასე ვთქვათ, ლაპარაკს წყვეტს და მოქმედ პირებს გადასცემს სიტყვას, ყოველთვის ზუსტად არ არის მონიშნული.⁴⁸ გამოკვლევები, რომლებიც ამ ფორმის გარშემო შუასაუკუნეების მხატვრულ ლიტერატურაზეა ჩატარებული,⁴⁹ სწორედ ამ ზღვარზე მიმდინარეობდა, რადგან იმ დროს განცდილი მეტყველება ჯერ კიდევ არ იყო განვითარებული გაცნობიერებული ტექნიკის სახით, არამედ, შეიძლება ითქვას, მთხრობელის უნებლიედ ხდებოდა, მაგრამ ეს მხოლოდ იმიტომ ხდებოდა უნებლიედ, რომ შუასაუკუნეების ეპოსის მთხრობელიც — ფიქციური თხრობის ფუნქციაა. ე. ლერხმაც მიაქცია ყურადღება იმ გარემოებას, რომ რომანის მოქმედ პირთა გაცნობიერებული თუ გაუცნობიერებული ფიქრების გადმოცემას თითქმის შეუმჩნევლად უერთდება მთხრობელის ხმა, რომელიც მათ ფიქრებს მაინც თავისი სიტყვებით ფიქრობს. ცხადია, არ კმარა განცდილი მეტყველების დახასიათება, როგორც მოქმედ პირთა ჩუმი ფიქრების, მათი ცნობიერების ნაკადის მათივე თვალსაზრისით წარმოდგენის საშუა-

ლებისა. რა თქმა უნდა, არსებობს ფორმები, სადაც უმთავრესად სწორედ ასეთი შთაბეჭდილება იქმნება:

მას აღნიშნა მისი ლაპარაკის მანერა — „აქ გახლავთ ჩემი დელოვენი“. რატომ არ იტყვის უბრალოდ „აქ ვარ“, ელიზაბეთი? ეს არ იყო გულწრფელი. და არც ელიზაბეთის მოეწონა. მას ესმის ახალგაზრდებისა; მოსწონს ისინი. კლარისაში ყოველთვის იგრძნობოდა რაღაც სიცივე, გაიფიქრა მან...

(ვირჯინია ვულფი: მისის დელოვენი)

მაგრამ ის ფენა, რომელიც განცდილმა მეტყველებამ შეიძლება დაიკაუთოს, ხშირად გაცილებით უფრო ფართოა: იგი შეიძლება საერთოდ თხრობის ფუნქციას გაუტოლდეს და მაშინ შეუძლებელია განსაზღვრა. თუ სად უნდა გავავლოთ ის ზღვარი, რომელიც „შინაგან“, წარმოსახვის ამ ფორმაში ჩვენს თვალწინ მიმდინარე სულიერ პროცესებს გარეგანი, ე. ი. მათივე ფიქრების ინტერპრეტაციისაგან ჰყოფს. მუზილის მაგალითზე ეს ფენომენი განსაკუთრებით მკაფიოდ ჩანს. ის ზოგადი დაკვირვებანი, რომელთა საგანს არ წარმოადგენს რომანის მოქმედ პირთან ახლომდგომი სხვა პირი, ულრიჰსა და მთხრობელს ეკუთვნის. მაგრამ მთხრობელს ეკუთვნის მხოლოდ იმის გამო, რომ ისინი ულრიჰს ეკუთვნის, ე. ი. მისი შინაგანი და გარეგანი სიტუაციის დახატვას ემსახურებიან.

აქ მნიშვნელოვანია იმ გარემოების განმარტება, რომ განცდილი მეტყველება ფიქციური თხრობის (როგორც ფუნქციისა და არა როგორც გამონათქვამის) არსს იმიტომ წარმოაჩენს ასე ნათლად, რომ იგი არის ის უკიდურესი შედეგი, რომლის დაბადებაც ფიქციურ თხრობას საკუთარი წილიდან ძალუძს და რაც სინამდვილისეული გამონათქვამისათვის მიუღწეველია. ისეთი ფორმიდან, როგორიცაა მუზილის ნაწყვეტი, რომელიც სტრუქტურულად და შინაარსობრივად ვილჰელმ მაისტერის ნაწყვეტს შეიძლება შეედაროს, ჩანს, რომ არც ეს დაკვირვებები ეკუთვნის ფიქციური

⁴⁸. E. Lerch: მეტყველების იმპერფექტის სტილისტური მნიშვნელობა. Die stilistische Bedeutung des Imperfets der Rede GRMVL 470 ff.

⁴⁹. W. Günther: Probleme der Rededarstellung (122).

ხლომილებისაგან დამოუკიდებელ დამკვირ-
ვებელსა თუ მოხრობელს, არამედ რომანის
მოქმედი პირის გამოკვეთას ემსახურება,
თუმცა ფორმალურად ნაკლებადაა მასთან
დაკავშირებული. ვილჰელმსაც ისევე ნაკ-
ლებად შეიძლება ეწოდოს „საქმე“, რომ-
ლიდანაც მოხრობელმა შეიძლება გადაუხვი-
ოს, როგორც ულრიქსა და პეტერ უოლმს
(მისის დელოვევი); გადაუხვიოს ისე, რო-
გორც გადაუხვევდა თხრობა, ეს რომ ნამდ-
ვილი ამბავი, კერძოდ, ნამდვილი პიროვნე-
ბა ყოფილიყო, ხოლო თვით თხრობა—არა
ფიქციური, არამედ ისტორიული. ულრი-
ქისა და პეტერ უოლმის შემთხვევაში რომ
ამ უკანასკნელი ვარაუდის დაშვება საერ-
თოდ შეუძლებელია, ეს აიხსნება სწორედ
თხრობის ამ სტილთა ფორმით, რომელიც
წინასწარვე ახდენს ფიქციონალიზაციასა
და სუბიექტივიზაციას; მაგრამ პრინციპუ-
ლი და სტრუქტურული განსხვავება მათ
შორის არ არის.

ეს უფრო ნათელი გახდება, თუ კიდევ
ერთხელ გადავაგვლებთ თვალს ჩვენს პირ-
ველ ორ მაგალითს — ბერგენგრუნისა და
კლაისტის ტექსტებს. მაშინ დავინახავთ,
რომ თხრობის ვრცელი რეფლექტორული
გაშლა ბოლოსდაბოლოს სხვა არაფერია,
თუ არა გავრცობა თვით თხრობის ფუნქ-
ციისა, რომელიც ამ ნაწყვეტებისაგან მხო-
ლოდ სტილით განსხვავდება და არა კატე-
გორიალურად. როცა კლაისტის ნაწყვეტში
გვითხულობთ: „და იგი უდიდესი თვით-
კმაყოფილებით ფიქრობდა, თუ რა გამარჯ-
ვება მოიპოვა ძმაზე თავისი უდანაშაულო-
ბის შეგნების ძალით“, — ცხადია, უფრო გუ-
ლდასმით უნდა მივაყურადოთ, რათა შე-
ვნიშნოთ, რომ თხრობა და მონათხრობი
აქაც ერთმანეთს ერწყმის და ძნელი და-
სადგენია, სად გადის ის ზღვარი, რომელიც
ერთგვარად დამოუკიდებლად მიმდინარე
სულიერ პროცესებს, მარკისას ფიქციურ
ცხოვრებას მოხრობელის ინტერპრეტაცი-
ისაგან გამოჰყოფს. და ეს საზღვარი არც
შეიძლება იყოს მოცემული, რადგან იგი არ
არსებობს. სულიერი პროცესების ინტერ-
პრეტაციები ისევ სულიერ პროცესებს წარ-

მოადგენენ, სხვა მაინტერპრეტირებელი
სიტყვა — როგორც უკვე ზემოთ სხვა
კუთხიდან დავინახეთ — სხვა სულიერ
პროცესებს გამოიწვევდა. რადგან ისინი
არსებობენ მხოლოდ იმის ძალით, რომ მო-
თხრობილნი არიან. თხრობა არის ხლომი-
ლება, ხლომილება არის თხრობა. და ეს
ერთნაირად ითქმის როგორც გარეგანი,
ასევე შინაგანი პროცესების თხრობაზე.

ამ გარემოების კიდევ ერთხელ ნათელსა-
ყოფად მოვიყვანთ ფონტანეს ნაწყვეტს,
რომელიც ბერგენგრუნის ნაწყვეტისაგან
გარეგანი სიტუაციის აღწერის ძალზე და-
წვრილებითი ხასიათით განსხვავდება და
გარდა ამისა, ფიქციონალიზაციის უფრო
ძლიერ თვისებებსაც ავლენს. გარეგანი სი-
ტუაციების წარმოდგენისას ასეთი თვისე-
ბები ახალ ტექსტებში საცნაურია, უპირ-
ველეს ყოვლისა, დეიქტიკური ზმნიშედების
გამოყენებით, როგორიცაა: „დეკორაცია
ისეთივე იყო, როგორიც გუშინ“, და აგრე-
თვე ქცევისა და მოძრაობების, მოკლედ,
გაცოცხლებული „დეკორაციის“ დაწვრილე-
ბითი აღწერით, ასეთ აღწერებში უფრო
ნაკლებადაა შესაძლებელი მოხრობელისა
და მოთხრობილის შერწყმა, მათი იდენტუ-
რობა, რადგან იმთავითვე სწორედ ამ იდე-
ნტურობას აღვიქვამთ, ე. ი. ზუსტად ვერ
განვასხვავებთ ერთმანეთისაგან ინტერპრე-
ტაციული ხასიათისა და უფრო ინფორმა-
ციული ხასიათის აღწერის მომენტებს. ეს
კი სწორედ იმის შედეგია, რომ ის, რაც
მოთხრობილია, ფიქციურია. ისეთი ზედ-
სართავეები, როგორიცაა, მაგალითად,
„უფაქიზესად“ გამოწყობილი, „უშინაარ-
სო“ გაზეთები და სხვა, აღწერილ საგნე-
ბთან იმდენად დაკავშირებული თვისებებია,
რომ თვით საგნის დასახელებისაგან გან-
საკუთრებული ინტერპრეტაციული ძალით
არ გამოირჩევიან (როგორც ამას მეტ-ნაკ-
ლებად ექნებოდა ადგილი სინამდვილისეულ
გამონათქვამში, სადაც ამ ცნებებს საპირი-
სპირო შეფასება შეიძლება მიეცეს — გა-
ზეთი ერთმა შეიძლება უშინაარსოდ მიიჩ-
ნიოს, მეორემ კი — შინაარსით მდიდრად).
მაგრამ ტექსტის ეს პატარა ნაწყვეტი მა-

ინც შეიცავს ერთ მომენტს, რომლის მეშვეობით აქაც შევიცნობთ თვით ამ შერწყმის პროცესს და რომელიც ბევრს გვეუბნება ფონტანეს განსაკუთრებულ სტილზე, რაც შემთხვევითი არ არის. წინადადება — „მხოლოდ კაკადუს ნაცვლად, რომელიც ჯერ არ ჩანდა, გარეთ ქ-ნ პონიგს კომერციული მრჩევლის გომიასავით საყულურში ჩაეუღო ხელი და აუზის ირგვლივ დაასეირნებდა“ — უნებურ ღიმილს გვკვირის. ჩვენ ამას ჰუმორისტულად აღვიქვამთ. მაგრამ ეს ჰუმორისტული სტილის სხვა სახეა, ვიდრე ჟან პოლისა. იგი ხორციელდება არა თხრობის ფუნქციის თამამით საკუთარ თავსა და ფიქციასთან. ფონტანეს წინადადება სავსებით „საქმიანია“. კაკადუ ჯერ აქ არ იყო, გარეთ პონიგი დასეირნობდა გომიასთან. ჩვენს ღიმილს იწვევს მხოლოდ ერთი პატარა სიტყვა — კავშირი „ნაცვლად“, ასე თავისებურად რომ კავშირებს ერთმანეთთან კაკადუსა და ქალს. ხოლო ასეთი წინადადება: „კაკადუს ნაცვლად ჩანდა გომია“ — არავითარ ღიმილს არ გამოიწვევდა, ადამიანის ცხოველთან ამგვარი ხერხით გათანაბრება კომიკურ-ჰუმორისტულ შემოქმედებას ახდენს. მაგრამ ეს ჰუმორი ფარულია, რადგან იგი საბოლოოდ მიმართულია კომერციული მრჩევლის ტრაიბელის მეუღლეზე, რომლის ბურჟუაზიული შეხედულებით საზოგადოებისეული ცხოველი და საზოგადოებისეული მანდილოსანი მომსახურების ერთსა და იმავე საფეხურზე დგანან, ისევე, როგორც იმავე წინადადებაში პონიგი მრჩევლის მეუღლის საზოგადოებისეულ ცხოველს, გომიას ემსახურება. ინტერპრეტაციული ხასიათის ჰუმორი აქ ერთადერთ პაწაწინა სიტყვაზე, კავშირზე დაყვანილი და ორგანულად ერწყმის ინფორმაციული ხასიათის აღწერას.

მაგრამ განსახილველი გვრჩება თხრობითი მხატვრული შემოქმედების კიდევ ერთი ფორმა — სწორედ ის, რომელიც თითქოს ეწინააღმდეგება ჩვენს ანალიზსა და ფიქციური თხრობის განსაზღვრას: დიალოგი.

„ვილჰელმ მაისტერის“ მაგალითთან დაკავშირებით, რეფლექტორულ სტილის თაობაზე აღვნიშნეთ, რომ ვიდრე რომანში თხრობის სუბსტანცია სუსტად გამოიყოფა დიალოგის სუბსტანციისგან, აქაა თქმა უნდა, სწორია, რომ რომანში, სადაც დიალოგი ინდივიდუალიზაციის ძლიერი საშუალებაა, განსხვავება ამბის გადმოცემასა და მოქმედ პირთა საუბრებს შორის უფრო მკაფიო და შესამჩნევია.

ფონტანეს რომანები, რომლებიც ცნობილია საუბრებით, შესაფერის მაგალითს იმდენად ზოგადია და ისე მკაფიოდ და წინა პლანზე დგას რომანის კითხვისეულ განცდაში, რომ აქ არ გვჭირდება განსაკუთრებული მაგალითის მოყვანა. დიალოგი, ყოველ შემთხვევაში, ერთი შეხედვით, იმდენად გამოიყოფა საკუთრივ თხრობისაგან, აღწერილობითი ან რეფლექტორული გადმოცემისაგან, რომ უკანასკნელის შერწყმის ჩვენება გამოხატვის სხვა ფორმებთან, უპირველეს ყოვლისა განცდილ მეტყველებასთან, განზოგადების ძალას მოკლებული ჩანს. და მაინც შესაძლებელია იმისი ჩვენება, რომ ჩვენი კითხვისეული განცდის ეს ერთგვარად ტრადიციული აღწერა და ამდენად რომანის სტრუქტურა, ნამდვილ ფენომენს არ შეესაბამება. თუ ჩავუკვირდებით ჩვენს კითხვისეულ განცდას, დაერწმუნდებით, რომ ჩვენს გონებაში არ აღიბეჭდება შესამჩნევი განსხვავება რომანის თხრობისა და დიალოგის სუბსტანციას შორის. ეს იმას არ ნიშნავს, რომ კითხვისას ვერ შევამჩნიოთ და ყოველ წუთში ვერ განვსაზღვროთ, თუ რა არის თხრობა და რა არის დიალოგი. ეს ფენომენი სხვა ხასიათისაა, კერძოდ კი იმას ემყარება, რომ თხრობის ფუნქცია განსაკუთრებული ხასიათის ცვალებადობას ამჟღავნებს. ჩვენ უკვე დავაკვირდით, თუ როგორ ხდება ეს განცდილ მეტყველებაში, სადაც თხრობის ფუნქცია თითქოს მოქმედ პირში უჩინარდება, მის მიერ შეიწოვება, ისე, რომ შეუძლებელი ხდება გარჩევა, „თვითმოქმედებით“ წარმოადგენს პერსონაჟი თავის თავს, თუ

ავტორის მიერაა წარმოდგენილი. მხოლოდ ეს არის განსაკუთრებულად გამოკვეთილი კრიტერიუმი. ფიქციურ თხრობას მსვლელობის ყოველ წამში მისი კვალი აჩნია, რადგან იგი ყოველ წამში მეტნაკლებად აზრით აღბეჭდილ ყოფას ქმნის. ამასთან, იგი ამ ყოფას, მოქმედ პირებსა და მათ სამყაროს, ხან უახლოვდება, ხან შორდება, ხან მთლიანად ერწყმის მათ, შემდეგ ისევ უკან იხევს, მაგრამ ისე, რომ „არ ჰკარგავს მათ მხედველობის არედას“, და ამიტომ ყოველგვარი სიძნელისა და მათში შეჭრის გარეშე ძალუძს მთლიანად განაწილდეს მათში. დიალოგსა და მონოლოგში ეს კიდევ უფრო სრულად ხდება, ვიდრე განცდილ მეტყველებაში. ისევე, როგორც იმისი მოხსენიება არაა საჭირო, რომ ეს სამი ფორმა ერთმანეთს ენათესავენ და სხვადასხვაგვარი დოზირებითა და ნიუანსირებით ფიქციური თხრობის თავისებურებას გამოხატავენ. ისინი ხომ ყველაზე მტკიცე საბუთს წარმოადგენენ საიმისოდ, რომ ეს თხრობა წარსულის თხრობა კი არ არის, არამედ მუდამ აწმყოს ილუზიას იწვევს. დიალოგის აუტოხთონური ადგილი, ისევე როგორც განცდილი მეტყველებისა, მესამე პირით თხრობაში, წმინდა ფიქციაშია. რადგან, მხოლოდ აქ ახასიათებს თხრობას ისეთი ცვალებადობა, რომ „გადმოცემა“ (როგორც იტყვიან ხოლმე) და დიალოგის სისტემა თხრობის ფუნქციაში ერთიანდება. და ეს მხოლოდ იმიტომ ხდება, რომ თხრობაც ფიქციურია და ყოველ წამს მზადაა, ფიქციურ პერსონაჟებად იქცეს. თუ უფრო გულდასმით დავაკვირდებით დიალოგის ფუნქციას, დავინახავთ, რომ იგი თავისთავად ეპიკური თხრობის ფუნქციის „უპირო“ ხასიათის დადასტურებაა, სახელდობრ, მხოლოდ ერთი იმ ფორმათაგან, რომლებიც თხრობამ შეიძლება მიიღოს. ეს იმაში ჩანს, რომ საუბარმა არა მარტო პირები უნდა წარმოადგინოს მათ აქ-და ასე-ყოფაში, არამედ იგი დიდი ზომით ტვირთულობს თხრობის წმინდა აღწერილობით ფუნქციასაც. რომანში ჩვენ არა მარტო გადმოცემით ვიღებთ წარმოდგენას მიმართე-

ბებზე, გარეგან სიტუაციებსა და მოვლენებზე, არამედ საუბრების მეშვეობითაც. და ეს თამამად ითქმის დასავლური ეპოსის მამამთავარზე — ჰომეროსზე, რომელიც არისტოტელემ სწორედ ამის გამო განადიდებდა და განსაკუთრებულად, გოეთეს ^{გოეთეს} ~~რომელიც~~ ^{რომელიც} რიჩარდსონის ეპისტოლარულ რომანებში ეპიკური პოეზიის დრამატიზირების ნიშანი დაინახა, შეძლებისდაგვარად შეცვლიდა რაფსოდის განსაზღვრას, უყურადღებოდ რომ არ დაეტოვებინა ეს მოვლენა ჰომეროსთან. თუკი მთხრობელი, როგორც არისტოტელე ამბობს, შეძლებისდაგვარად ნაკლებად ლაპარაკობს „თვითონ“, და მოკლე შესაუბრის შემდეგ მაშინვე კაცი ან ქალი გამოჰყავს (პოეტიკა, 24-ე თავი), — განა იგი მართლაც ის არის, „ვინც სრულიად წარსულს წარმოადგენს, ბრძენკაცი, რომელიც მშვიდი გონებით ავლებს მომხდარს თვალს“ (გოეთე, 1797, დეკემბერი)? სწორედ თვით ჰომეროსი უარყოფს თხრობის ამ განსაზღვრას მთხრობელით, რაც მხატვრული შემოქმედების თეორიებში დღევანდლამდეა შემორჩენილი ცოტად თუ ბევრად შეცვლილი ფორმით. ჰომეროსის ეპიკურ ნაწარმოებებში თხრობის მასალა თითქმის მთლიანად განაწილებულია მეტყველებასა და რეპლიკებში, პირველი პირით თხრობასა და მონოლოგებში. ეს მეტყველებანი რომ თანამედროვე ეპოსივით სულიერი პროცესების ფსიქოლოგიურ-ეგზისტენციალური წარმოდგენა არ არის, ანტიკური ეპოსის ხასიათთანაა დაკავშირებული, სადაც მოვლენები კი არ აისახება მოქმედ პირთა გულისათვის (რაც სიმბოლურია, ან სულაც სიმბოლურია), არამედ პირიქით — მოქმედ პირთა ფუნქციაა, იყვნენ მოვლენათა მატარებელი, მოქმედი სამყაროს წევრები. მაგრამ ამჯერად ჩვენთვის ეს არაა არსებითი. ჩვენთვის საყურადღებოა ის გამოცდილება, რომელსაც დასავლური ეპოსის მამამთავარი გვაზიარებს, რომ ხდომილების მასალის განაწილება მოლაპარაკე პირებსა და „მთხრობელზე“ ამ უკანასკნელს ძარცვავს სწორედ იმ ხასიათისაგან, რომელსაც ამ ცნე-

ბას შეცდომით უკავშირებენ, ამ მცდარ გაგებას კი თვით ცნებამაც შეუწყო ხელი. როცა გოეთე გარკვეულწილად უარყოფს თავის პირველ განსაზღვრას რამდენიმე წინადადების შემდეგ: „რაფსოდი, როგორც მაღალი არსება, თავის ლექსში თავად არ უნდა გამოჩნდეს; იგი უმჯობესია ფარდის უკან კითხულობდეს, ისე, რომ მსმენელისათვის ყოველგვარი პიროვნულობისაგან აბსტრაგირებული იყოს და ისეთი შთაბეჭდილება იქმნებოდეს, თითქოს მუხების ხმას ვესმენდეთ“ — ამაში სწორედ ის იგრძნობა, რომ „რაფსოდი“, თუ ჩვენი ტერმინოლოგიით ვიტყვი, არ არის გამონათქვამის სუბიექტი და იმას, რაც თხრობის პროცესში იძვრება, მთხრობელთან, რაფსოდთან არაფერი აქვს საერთო, სწორედ ისე, რომ „ჩვენ მხოლოდ მუხების ხმა ჩავგვესმის“, ანუ „თხრობის სული“, როგორც თანამედროვე ეპიკოსი თომას მანი ამბობს. დიას, უკვე პომეროსისეულ თხრობის ფორმაზე საგვებით ნათლად ჩანს, რომ ფიქციური თხრობა არის ფუნქცია, რომელსაც ძალუძს ხან ერთი, ხან მეორე ფორმის მიღება, თხრობის იმ ლოგიკისაგან დამოუკიდებლად, რომელიც მართავს სუბიექტის გამონათქვამის ობიექტის, შესაბამისად საგნობრივი ვითარების შესახებ. ეს იმიტომ, რომ ეს ლოგიკა აფერხებს, გადმოცემული ხდომილება მესამე პირთა დიალოგში აისახოს ან სულაც მონოლოგიდან გახდეს ცნობილი. ვინც პომეროსის ეპოსში (დიდსულოვანი სურვილით) ლაპარაკობს, ისევე ნაკლებადაა ობიექტი გამონათქვამისა ამის შესახებ, რომ იგი ლაპარაკობს ისე, როგორც დრამაში მოლაპარაკე, თუმცა ნათქვამს წინ უძღვის მითითება, რომ ის ლაპარაკობს. ეს მითითება შეიძლება არც იყოს (თუმცა პომეროსთან არა, მაგრამ ახალ რომანულ ლიტერატურაში ეს საკმაოდ ხშირია), რაც იმისი მაჩვენებელია, რომ, თუ ცოტა გაზვიადებულად ვიტყვი, ფიქციურ თხრობაში თხრობა არ არის მთავარი. ეს ნიშნავს: თხრობა არის გამოხატვის ფუნქცია, მიმე-

ტური ფუნქცია, რომლის შესახებ ასევე შეიძლება ითქვას, რომ იგი გამოიყენება გამოხატვის სხვა ფუნქციებთან — დიალოგთან, მონოლოგსა და განცდილ მეტყველებასთან ერთად; უფრო სწორად, თავისი ცვალებადობის პროცესში იგი ხან ერთ ფორმას იღებს და ხან მეორეს.

რამდენიმე მაგალითზე უნდა ვაჩვენოთ, თუ როგორ ერწყმის ეს ფორმები ერთმანეთს თხრობითი ფიქციის ქსოვილში, ისე რომ კითხვისას სრულებით არ ვაცნობიერებთ განსხვავებას გადმოცემასა და დიალოგის სისტემას შორის.

მაგალითი 1.

„მშვენიერია, ჭეშმარიტად პოეტური“, სწრაფად აიღო სიტყვა სორტიმ, „მაგრამ დადგმას“ — „ხელს არავინ მოჰკიდებს“ — აფეთქდა რუპრეპტი. — „ძალზე ბევრი გარდაქმნებია“, — გამოთქვა აზრი მეორემ. „არც ერთი ბრწყინვალე გასვლა. მაგრამ რა საერთო აქვს მათ ამ დავიდარაბას ჩემს ლექსთან?“ — პოეტური უმანკოებით იკითხა გაკვირვებულმა ოტომ. „ექნება, ჩემო ძვირფასო“, — მიუგო აუღელვებლად სორტიმ, „თანდათან, რაც უფრო მეტად გაეცნობით სცენას“. ახლა ყველამ რვეულში ჩარგო ცხვირი და თითოეულმა თავისებურად დაუწყო კირკიტი. დიალოგი მეტისმეტად ფანტასტიური იყო, მას კიდევ ერთხელ ესაჭიროებოდა გადამუშავება, ვაბუნებრივება. გმირი კი, პირიქით, ძალზე მარტივი ჩანდა, ქალი — მეტისმეტად შეყვარებული. ოტომ ველარ აიტანა, გოგონას ეს სახე მისთვის ყველაზე ძვირფასი იყო, მას, როგორც ეს ხშირად ემართებათ ხოლმე ახალგაზრდა პოეტებს, წერისას თანდათან თვით შეუყვარდა იგი. „ყოველივე ძვირფასი, იდუმალი, მართალი და საუკეთესო, რაც კი ვიცოდი, ამ ნაწარმოებში ჩავაქსოვე და ერთ ასოსაც არ შევცვლი მასში“. და მან ხელნაწერი განრის-

ხეზულმა დაახეთქა მაგიდაზე, სწრაფად გა-
ვიდა ბაღში და ცოტა რომ გაიარა, მოეჩ-
ყენა, რომ მსახიობებმა სიცილი დააყარეს
(ახენდორფი: პოეტები და მათი შევირ-
დები).

მაგალითი 2.

სასტუმრო გარეგნულად ძალზე ჰგავდა
იმ სასტუმროს, კ. რომ ცხოვრობდა. სო-
ფელში თითქოს საერთოდ არ იყო დიდი
განსხვავება, მაგრამ პატარ-პატარა სხვა-
ობებს მაინც მაშინვე შეამჩნევდით, კიბეს
სახელური აუყვებოდა, კარის ზემოთ ლამა-
ზი ფარანი იყო მიმაგრებული. როცა შიგ
შევიდნენ, მათ თავზე რაღაც აფრიალდა,
ეს იყო დროშა საგრაფოს ფერებით. ტა-
ლანში მაშინვე პატრონი შემოეგებათ, რო-
ბელიც, ეტყობა, ჩამოვლაზე იყო; წვრილი
თვალებით, გამომცდელი თუ ნამძინარევი
მზერა შეავლო კ-ს, გვერდით რომ ჩაუარა
და თქვა: „ბატონ მიწისმზომელს მხოლოდ
ტრაქტორამდე შეუძლია შემოგყვით“. „რა
თქმა უნდა“, მიუგო ოლგამ, რომელმაც მა-
შინვე იკისრა კ-ს მეურვეობა, „მხოლოდ
მაცილებს“. კ. კი უმადურად ჩამოშორდა
ოლგას და პატრონი გვერდზე გაიხმო. ოლ-
გა ამასობაში მოთმინებით ელოდა ტალა-
ნის ბოლოში. „აქ სიამოვნებით გავათევდი
ლამეს“, თქვა კ-მ. „სამწუხაროდ ეს შეუძ-
ლებელია“, მიუგო პატრონმა. „გეტყობათ,
ჯერ არ იცით. სახლი მხოლოდ სასახლის
ბატონებისთვისაა განკუთვნილი...“ (კაფ-
კა: სასახლე).

მაგალითი 3.

როცა მეორე დღის შუადღეზე დუშკამ
ეკატერინა ივანოვნასთან შეიარა და დიაკ-
ვანი იკითხა, ისეთი სერიოზული იყო და
ისე ფხიზლად გამოიყურებოდა, რომ ქალს
ეს მაშინვე თვალში ეცა; კიდევ უფრო სე-
რიოზული გახდა, როცა გაიგო, რომ დია-
კვანი დილაადრიანადვე წასულიყო და მხო-
ლოდ სამხრობისას დაბრუნდებოდა. სადა-
მოს კი ისევ წასასვლელიაო. „როდის იქნება

ეს სამხრობის დრო?“ იკითხა დუშკამ ნახე-
ვრად თავისთვის, ნახევრად ეკატერინა ივა-
ნოვნას გასაგონად და შემდეგ გადაწყვიტა,
შვიდი საათისთვის კიდევ ერთხელ ევად-
ბედი.

როცა ნაშუადღევს მეცადინეობის დროს
ყების წინ კიდევ ერთხელ წავიდა სახლში,
ქუჩიდანვე დაინახა, რომ ილია თავისი ოთა-
ხის ფანჯარასთან იდგა. და ის-ის იყო, კა-
რი მიიხურა, ილიამ კარზე მიუკაკუნა და
შევიდა. ქალს იგი ჩვეულებრივზე ფერ-
მკრთალი ეჩვენა, მისალმებაც ნაჩქარევი
იყო. „ნახე?“ ჰკითხა მან. „არა, გასული
იყო, სოფელში...“ მოესმა, რომ კაცმა შე-
ნობით მიმართა... „დღეს გავემგზავრები“,
თქვა მან. ქალმა შიშნულად შეხედა.

**(ედზარდ შაპერი: უკანასკნელი
ადვენტი).**

ეს ტექსტები, რომლებიც არც თუ ისე
პატარა უნდა ყოფილიყო, რათა ჩვენთვის
საინტერესო ფენომენი თვალსაჩინო და გა-
საგები გაგვეხადა, ნებისმიერადაა შერჩე-
ული. ყველასათვის ნათელია, რომ ისინი
თხრობითი მხატვრული შემოქმედებისათ-
ვის პარადიგმატულია, რაკინდ განსხვავე-
ბულიც არ უნდა იყოს მათი სტილი, შინა-
არსი თუ ლიტერატურული დონეც კი. თი-
თოეული მათგანი გადმოცემისა და დიალო-
გის შეერთების თავისებურ სტილს ავლენს.
სამივესათვის კი ისაა საერთო, რომ შესა-
ბამისი მასალა (რომანის მოცემული ნაწყვე-
ტისა თუ მიმართებისა) ნაწილობრივ გად-
მოცემის სახით, ნაწილობრივ კი საუბრის
ფორმითაა მკითხველამდე მოტანილი. რა
თქმა უნდა, შეგვიძლია ყოველივე ეს „სტა-
ტისტიკურად“ გამოვსახოთ, ორი რუბრი-
კის ქვეშ მოვათავსოთ; მაგრამ ეს არაა სა-
ჭირო. უშუალოდაც ვხედავთ, რომ თი-
თოეულ ამ ტექსტში (და ყოველ მათგანში
თავისებურად), გადმოცემასა და დიალოგის
პარტიას შორის ისეთი მჭიდრო შინაარსობ-
რივი და სტილისტური კავშირია, რომ შე-
გვიძლია ვთქვათ: ზუსტი ფსიქოლოგიური

მნიშვნელობით — ისინი ერთ ესთეტიკურ მთლიანობად არიან შერწყმულ-შენივთებულნი; მაგრამ ამ სამ ტექსტს შორის მაინც შეინიშნება განსხვავება შერწყმის ხასიათისა და ხარისხის მიხედვით. ისეთი შთაბეჭდილება გვექმნება, რომ კაფკას ტექსტში გადმოცემა და დიალოგის პარტია ისე ორგანულად არ გადადის ერთმანეთში, როგორც აიპენდორფისა და შაპერის ტექსტებში. ამას თავისი მიზეზი აქვს, რაც თვით ფენომენზე არ ახდენს რაიმე გავლენას.

ნაწყვეტში კაფკას „სასახლიდან“ საქმე გვაქვს რალაც საგნობრიობის — კიბის მოაჯირით, ფანრითა და საკრაფოს დროშით შემკული სასტუმროს წარმოსახვასთან. მოქმედი პირების — კ-ს, ოლგასა და სასტუმროს პატრონის საუბარი უშუალოდ მიმართულია არა სახლის გარეგნულ იერზე, არამედ იმ განსაკუთრებულ გარემოებაზე, რომ კ-ს იქ ღამის გათევა არ შეუძლია, რადგან იგი სასახლის ბატონებისთვისაა განკუთვნილი. მაგრამ მიუხედავად გადმოცემასა და საუბრის შინაარსს შორის არსებული ამ ზღვრისა, ეს შინაარსი ერთადერთ მთლიან კომპლექსად გვევლინება. საუბარში გრძელდება ამ უსიამოვნო სასტუმროს სახის გამოკვეთა, მისი „შიდა სადგომის“ დახასიათება, რაც გადმოცემაში შემჯადებულია სიტყვებით: „დიდი განსხვავება არ იყო, მაგრამ პატარ-პატარა სხვაობებს მაინც მაშინვე შეამჩნევდით“.

თუ აქ გადმოცემა და საუბარი ძალზე ოსტატურადაა შერწყმული უამური, გამოუცნობი გარემოს დასახატავად — და განა ეს საერთოდ კაფკას შემოქმედების აზრი და სტილი არ არის? — 1 და 3 ტექსტები გადმოცემისა და საუბრის ერთიანობის გაცილებით უფრო მარტივ, ტრადიციულ მაგალითებს გვთავაზობენ. მათ საუკუნეზე მეტი ამორებს ერთმანეთისაგან და სწორედ ამიტომ გამოგვადგება ფიქციური თხრობისათვის დამახასიათებელი ამ არსობრივად აუცილებელი თვისების დასახატუთებლად. აიპენდორფის ნაწყვეტშიც „პოეტები და მათი შეგირდებიდან“ მასალა

თხრობასა და დიალოგზეა განაწილებული. მაგრამ ეს განაწილება აქ თანაბარია. აქ ვითარება ემოციური ხასიათისაა, მოსაუბრეები — მსახიობები და ოტო — ყველა თავისებურად შინაგანად შირებული იმ საქმესთან, რომელზეც ტექსტშია ლაპარაკი: ესაა ოტოს პირველი ნაწარმოები, რომელიც მსახიობთა განსასჯელად მოუტანია. გადმოცემის ლექსიკური მარაგიც საქმის სათანადო განცდაზეა მიმართული და არა თვით საქმეზე, როგორც კაფკას მაგალითში: „გაოცებული ოტო, პოეტური უმანკობით, განურჩევლად, კირკიტი, აფეთქება“ და სხვ. რაც მთავარია, საქმისადმი დამოკიდებულება გადმოცემითაა გამოხატული, იქნება ეს არაექსპლიციტურად მოცემული საუბრის შინაარსი: „დიალოგი ძალზე ფანტასტიური იყო, ქალი მეტისმეტად შეყვარებული“, თუ ახალგაზრდა მწერლის სულიერი განწყობილების შინაარსი: „გოგონას ეს სახე მისთვის სწორედ რომ უძვირფასესი იყო...“ ნათქვამი, ნაფიქრი თუ ნაგრძნობი — მაშასადამე საუბარი და გადმოცემა — განუყოფლად გადადის ერთმანეთში და სულიერი საწყისით აღბეჭდილი სცენის სურათს ქმნის.

მსგავსად, მაგრამ მაინც სხვაგვარადაა აგებული ნაწყვეტი შაპერის „უკანასკნელი ადვენტიდან“, ეს არის პროცესის ისეთი უბრალო, ბუნებრივი წარმოსახვა, რომ გამოცემასა და მეტყველებას შორის განაწილებულ თვით ამ პროცესის კომპონენტებს თითქმის ვერ გამოვყოფთ დუშკას მიერ მათი აღქმისაგან. ეს კიდევ იმითაა გაძნელებული, რომ პროცესის ერთი ნაწილი ირიბი მეტყველებითაა მოთხრობილი, ე. ი. საუბრის სახითაა გადმოცემული, რის შედეგადაც აღარც პირდაპირი მეტყველება გამოიყოფა მკვეთრად გადმოცემისაგან. ეს უკანასკნელი კი თავის მხრივ საუბრის ჟღერადობას ინარჩუნებს და შინაგან მეტყველებაში მთლიანად განზავების გარეშე დუშკას მოუსვენარი და აფორიაქებული სულის შთაბეჭდილებას უფრო გვიტოვებს, ვიდრე თვით პროცესისას.

ახლა უნდა გამოვიკვლიოთ, თუ რა ფუნქციას ასრულებს ფიქციურ თხრობაში „ირიზი მეტყველების ფორმა“, რომელიც მაგარის მაგალითში ასეთი სიძლიერით ემსახურება გადმოცემისა და დიალოგის შერწყმას. განცდილი მეტყველებისაგან იგი იმით განსხვავდება, რომ არა მარტო ნაფიქრის, არამედ ნათქვამის, გამოთქმულის შინაარსსაც გადმოგვცემს და მისგან, უპირველეს ყოვლისა, თვით ფორმით, შემომყვანა ზმნის დასახელებით განსხვავდება. მაშინ, როცა განცდილი მეტყველება მხოლოდ და მხოლოდ ფიქციურ თხრობაში გვევლინება გამოხატვის ერთ-ერთ ფორმად, ირიზი მეტყველება, როგორც ცნობილია, ხშირად გვხვდება ისტორიულ თხრობაში, უფრო მეტიც — იგი აქ ერთადერთი კანონიერი ფორმაა მესამე პირთა გამონათქვამის გადმოსაცემად. მაგრამ თუმცა თხრობის ეს კატეგორიალურად განსხვავებული ორი ხერხი ამ ფორმაში თითქოს ასე ახლო შეხებაში მოდის, ეს კი არ ულის ზღვარს მათ შორის, არამედ ზღვარი კვლავ მკაფიო რჩება. ცხადია, საჭიროა ძალზე მძაფრი მიყურადება, ზუსტი განსხვავება, რომ ის შევნიშნოთ. ამაში კი თვით პირდაპირი მეტყველება გვეჩვენებს, რომლის ერთადერთი კანონიერი ადგილი ისევ და ისევ ფიქციურ თხრობაშია. როცა სინამდვილის ამსახველ გამონათქვამში მესამე პირის სიტყვებს არაპირდაპირი ფორმით გადმოვცემთ: მან თქვა, რომ ყველა ბილეთი გაყიდულია, ან ორმაგი ფორმით: მან თქვა, რომ როგორც მან გავიგო, ყველა ბილეთი გაყიდულია; ან მრავალ პირს შორის დისკუსიის გადმოცემითაც კი: მან თქვა, რომ საქმე ასე და ასეა, ის პირიქით ფიქრობს, რომ საქმე სხვაგვარადაა — ჩვენ არ ვცდილობთ, ამ გადმოცემაში პირდაპირი მეტყველება შევუნაცვლოთ ირიზს. რადგან ჩვენ თვითონ რეფერენტებად ვერთვებით რეფერირებულ მეტყველებაში. ამას ვალწევთ შემომყვანი ზმნის დასახელებით და, ლიტერატურულ გერმანულში — კონიუნქტივის გამოყენებით. ორივე კი ნიშნავს: მე გადმოვცემ იმას,

რაც სხვამ თქვა, ასე ვთქვათ, პასუხისმგებლობას არ ვიღებ თავზე. საქმის ვითარების მიმართ მეტ-ნაკლებად ზაზგასმული დამოკიდებულება ყოველთვის იგრძნობა დამოკიდებულ მეტყველებაში, ამასთან, ექვემდებარება შეიძლება ან დამოკიდებულებას იყოს უფრო მეტად მიმართული, ან მისი გამონათქვამის შინაარსზე. ირიზ მეტყველებას, როგორც ყოველთვის, სინამდვილისეულ გამონათქვამშიც (სულ ცოტა) სამშავი ფენა აქვს, — გამონათქვამის პირველადი სუბიექტი, გამონათქვამის მეორადი სუბიექტი და მისი გამონათქვამის ობიექტი. ეს ფენები, ე. ი. გამონათქვამის პირველადი სუბიექტის, მე-ორიგოს არსებობა, ზეპირ ირიზ მეტყველებაში უფრო მკაფიოდ ჩანს (ხშირად ემოციურად), ვიდრე წერილობითში, უპირველეს ყოვლისა კი, ძალზე საქმიან წარმოსახვაში. მაგრამ ის იქაც არსებობს. ჩვენ აქ მოვიყვანთ კიდევ ორ მაგალითს, რომლებიც დაგვანახებენ ირიზი მეტყველების გამოყენების სხვადასხვაობას სინამდვილისეულ გამონათქვამსა და ფიქციაში. ასეთი შედარებისათვის შეგვიძლია გამოვიყენოთ სინამდვილისეული გამონათქვამის მხოლოდ წერილობითი დოკუმენტი. ისტორიკოსი და მწერალი რიკარდა ჰუსი გვთავაზობს ასეთ შესადარებელ მასალას, რომელიც ზემოთ მოყვანილი მე-3 მაგალითისა და საერთოდ, ამ პრობლემიდან გამომდინარე, ფიქციური თხრობის ცვალებადი ფუნქციის საკითხის გასაშუქებლადაც გამოგვადგება.

რიკარდა ჰუსის წმინდა ისტორიული ხასიათის თხზულებაში — „ვალენშტაინი“ — ვკითხულობთ:

ვალენშტაინი უდიდეს სიგიჟეს ჩადის, კათოლიკეებსაც რომ ესხმის თავსო, თქვა საქსონიის საიდუმლო მრჩეველმა შონბერგმა: მას რომ მხოლოდ ევანგელისტები შეევიწროვებინა, უფრო იოლი თამაში მოუწევდაო. და ამით მან დაამტკიცა, თუ რა ცოტა რამ იცოდა ვალენშტაინზე.

ამასთან ერთად მოვიტანოთ ნაწყვეტს მისივე ნაწარმოების — „დიდი ომი გერმა-

ნიაში“ — დასაწყისიდან, ისტორიის „პოეტურად“ წერის ერთ-ერთ საუკეთესო მაგალითს, რომლის ისტორიულ დოკუმენტად გამოყენებაც იმიტომ არ შეგვიძლია და არცა გვსურს, რომ პოეტურობა სწორედ ისტორიული პროცესების ფიქციონალიზაციაში მდგომარეობს — განსაკუთრებულ, არა ჩვეულებრივი გაგებით „რომანულ“ ფიქციონალიზაციაში, რომელიც უკვე იმ კატეგორიალურ ზღვარს მიღმა დგას, ფიქციას რომ ჰყოფს სინამდვილისეული გამონათქვამისაგან. ამას ჩვენ ირიბი მეტყველების ფორმაზე ვხედავთ, რომელიც ამ ნაწარმოებში არსებით ენობრივ საშუალებას წარმოადგენს ამ უაღრესად ოსტატური ფიქციონალიზაციის განსახორციელებლად. ეს ნაწარმოების დასაწყისშივე შეინიშნება, რომელიც მხოლოდ ტიპიურია მთელი ნაწარმოების თხრობის ხერხისათვის:

1505 წელს დიუსელდორფის სასახლეში ისეთი ზარ-ხეიმით აღინიშნა ახალგაზრდა ჰერცოგის იან ვილჰელმის ქორწინება იაკობე ფონ ბადენზე, როგორც ეს იულიპის მდიდარი თავადური ოჯახის ღირსებას შეშვენის. დღესასწაულებმა რომ ჩაიარა, კვლნის კურფიურსტი, ერნსტ ფონ ვიტელსბახი... გამოემშვიდობა პატარძალს, რომელიც მისი დისწული იყო, და უთხრა, რომ უფრო კარგ ხასიათზე მიდიოდა, ვიდრე მოვიდა; რადგან ხშირად სინდისი აწუხებდა იმის გამო, თვით იაკობეც იქნებოდა თუ არა კმაყოფილი იმ ქორწინებით, რომელზეც მან იგი კეთილი ზრახვითა და მისი ბედნიერების იმედით დაიყოლია...

იაკობემ თვალებითა და ბაგეებით ნახევრად გულდიად, ნახევრად დამცინავად გაიღიმა და მიუგო: „მე გარემო არც თუ ისე დიდებულად მეჩვენება და ოჯახი არც თუ ისე კეთილშობილად, როგორც თქვენ... ჩემი მამამთილი... ბრიყვი მოხუცია...“ დიახ, უთხრა ცოტათი შემცბარმა კურფიურსტმა, მან არ იცოდა, რომ მოხუცი ჰერცოგის საქმე ასე ცუდად იყო... მაინც... მან უნდა აღიაროს, რომ იან ვილჰელმი კარგი პარტიკია. და კურფიურსტი ქალს სავსე, შე-

წითლებულ ლაწვებზე მიეაღერსა... ჩემი მეუღლით კმაყოფილი ვარო, თქვა მან.

რამი მდგომარეობს ნაოღად გამოკვეთილი განსხვავება ამ ნაწყვეტისა და ვალენშტაინის ნაწყვეტის ერთმეუღლეებას შორის? ისინი არაა ისმეტყველებს, საერთოდ არა აქვს ფენები, აქ არ ლაპარაკობს გამონათქვამის პირველადი სუბიექტი, არ გადმოგვცემს მესამე პირთა გამონათქვამებს. მეტყველება უშუალოა. და ეს იმ გარემოებას ემყარება, რომ ზმნა „თქვა“, რომელიც სინამდვილისეული გამონათქვამის ირიბ მეტყველებაში სამფენოვნებას ქმნის, ფიქციურად იცვლის მნიშვნელობას. „დიდ ომში“ არაა ნათქვამი, რომ ვილცა რაღაცას ამბობს, როგორც ეს „ვალენშტაინში“ ხდება (და ეს ნათქვამი შემდეგ განსჯის საგნადაა ქცეული), არამედ მოქმედი პირები „ახლა და აქ“ ამბობენ ამას და ამას, ე. ი. ისინი ფიქციური პერსონაჟები არიან (მიუხედავად მათი ისტორიულობისა). ირიბი მეტყველება აქ უკვე აღარ არის ნამდვილი ირიბი მეტყველება, ზუსტად ისევე, როგორც „ეპიკური მე“ არ არის გამონათქვამის სუბიექტი; იგი პირდაპირ მეტყველებაზე მეტად არ არის დამოკიდებული შემომყვან ზმნაზე, რადგან ზმნა „თქვა“ აქ შემომყვანი კი არ არის, არამედ სიტუაციური ზმნაა, ისევე, როგორც ზმნები — „გაიღიმა, მიუაღერსა“. ამიტომ აქ ისევე, როგორც შაპერის ტექსტში (მოჩვენებითი) ირიბი მეტყველების ფორმა ყოველგვარი სიძნელის გარეშე ენაცვლება პირდაპირ მეტყველებას. ამკარა უპირატესობის მინიჭება ირიბი ფორმისათვის „დიდ ომში“ სტილისტური საშუალებაა, რომელიც ფიქციურად გაცოცხლებულ ფიგურებს მიღმა შეგვაგრძნობინებს ისტორიულ ხდომილებას, თვით მათ მოქმედებასა და განცდას, შეგვაგრძნობინებს როგორც ისტორიულს, როგორც ისტორიული მეცნიერების მიერ გამოკვლეულს, და ამავე დროს როგორც ახლა და აქ მიმდინარეს. მაგრამ სინამდვილის ეს ძუნწი და თავშეკავებული გარდაქმ-

ნა ფიქციად მაინც იმდენად ძლიერია, რომ
 უნებრივ ფორმათა მნიშვნელობანი მაშინვე
 იცვლებიან და იმ კანონს ემორჩილებიან,
 რომლის ძალითაც ისინი პირებს ობიექტე-
 ბად კი არ აღწერენ, არამედ მათი ფიქცი-
 ური სუბიექტურობისა თუ მე-ორიგინობის
 „ასლა და აქ“ განზომილებაში. ამის შედე-
 გად ზღვარი ისტორიულსა და ფიქციურ
 თხრობას შორის მაშინვე კატეგორიალურ
 წყალგამყოფად გვევლინება. ფიქციაში მი-
 მართებათა მთელი სისტემა თხრობასა და
 მოთხრობილს შორის გამქრალია. საუბარი
 და მონოლოგი, ირიბი მეტყველების ფორმა
 და განცდილი მეტყველება — გადმოცემას
 ერწყმის და ცვალებად ფუნქციად ერთიან-
 დება, რომელიც ხან ერთი, ხან მეორე ფო-
 რმის მიღებით ფიქციას ქმნის. ყველა ფო-
 რმა, რომლებსაც ეს ფუნქცია, ფიქციური
 თხრობა ავლენს და რომელთა შემვეობით
 იგი კატეგორიალურად განსხვავდება სინამ-
 დვილისეული გამონათქვამისაგან, იმითაა
 აღბეჭდილი, რომ თხრობის ფუნქცია მათ-
 სავით კი არ აღწერს ობიექტს და ასე თუ
 ისე კი არ განმარტავს, აფასებს, განსჯის
 მას, არამედ განმარტებით ქმნის სამყაროს,
 იმგვარად, რომ ეს შექმნა და განმარტება
 ერთ შემოქმედებით აქტს შეადგენენ, მოთხ-
 რობილი თხრობაა და თხრობა — მოთხრო-
 ბილი.

ეს ფორმულა, რომელშიც ჩვენ კიდევ
 ერთხელ ვაჯამებთ წინა გამოკვლევათა შე-
 დგევებს (და კრიტიკას „მოთხრობელის რო-
 ლის“ გაკების წინააღმდეგ), მაშინაც შე-
 იძლებაოდა წაწყდომოდა წინააღმდეგობას,
 როცა თხრობასა და მონათხრობს შორის
 ფუნქციურ დამოკიდებულებას ვაღიარებთ—
 წაწყდომოდა წინააღმდეგობას კითხვისეული
 განცდის თვალსაზრისით. რადგან, თუნდაც
 შემეცნებისა და ენის თეორიის თვალსაზ-
 რისით ფუნქციურ ურთიერთმიმართებას-
 თან გვექონდეს საქმე, განა ჩვენს კითხვი-
 სეულ განცდას არ შეესაბამება განსხვავების
 დანახვა მოთხრობელსა და მოთხრობილს შო-
 რის? განა სწორედ ამით არ განსხვავდება

ჩვენი განცდა რომანისა თუ დრამის კითხ-
 ვისას, ვკითხულობთ მას თუ სცენაზე ვუ-
 ყურებთ? ამასთან ამ ორი ფიქციური ფორ-
 მის ზომის განსხვავების ფაქტიც მუტად
 თუ ნაკლებად გაცნობიერებული ელემენ-
 ტის სახით შემოდის ამ განცდაში. კვიციურ
 მკითხველის ეს საკითხი და დავაკვირდეთ,
 განიმარტება თუ არა იგი სწორად და შე-
 იძლება თუ არა მასზე სწორი პასუხის გა-
 ცემა. ნუ დავკმაყოფილდებით განუსაზღვ-
 რელი შთაბეჭდილებით, არამედ დავსვათ
 კითხვა, როგორ აღწერს და გადმოსცემს
 მკითხველი ერთი მხრივ რომანს, მეორე
 მხრივ, დრამას. ყველაზე ნათელი პასუხის
 გაცემა ამ კითხვაზე შესაძლებელია დრამის
 მიმართებებიდან გამომდინარე. მოქმედების,
 ხასიათისა თუ აზრების ინტერპრეტაციისას
 ჩვენ დამოკიდებული ვართ სიტყვებზე, რომ-
 ლებსაც ავტორი დრამატულ გმირებს
 „ათქმევინებს“. მაგრამ განა ზუსტად ასევე
 არ ვიქცევით, როცა თხრობითი მხატვრუ-
 ლი ნაწარმოების ინტერპრეტაციას ვახ-
 დენთ? განა განსხვავებთ ერთმანეთისაგან,
 რას ალაპარაკებს ავტორი პერსონაჟებს და
 რას — მოთხრობელს? განა ვიტყვით ასე:
 მოთხრობელი ამბობს, რომ ღუშკამ შუადლი-
 სას ეკატერინა ივანოვნასთან შეიარა, შემ-
 დევ თვით ღუშკა ამბობს: „როდის იქნება
 ეს გვიანი სამხრობა?“ (რადგან ეს პირვე-
 ლი პირდაპირი მეტყველებაა, რომელიც მო-
 ყვანილ ნაწყვეტში გვხვდება). არა, უკი-
 დურეს შემთხვევაში ვიტყვით: ღუშკა ეკა-
 ტერინასთან აკაკუნებს, იგი სერიოზულად
 გამოიყურება⁵⁴ და ა. შ. გადმოცემა და

⁵⁴ რომანის შინაარსის რეფერატი ან ანა-
 ლიზი პრეზენსში და არა იმპერფექტში კი-
 დევ ერთი უნებური ნიშანია იმისა, რომ იგი
 არაა მოთხრობილი წარსულის სახით, რომ
 ეპიკურ პრეტერიტუმს წარსულის ფუნქცია
 არა აქვს (უფრო დაწვრილებით რეპროდუ-
 კციული პრეზენსის შესახებ იხ. ჩემი თხზუ-
 ლება: ეპიკური პრეტერიტუმი).

მეტყველება ჩვენთვის ერთ ნაკადად ერწყმის ერთმანეთს მოცემული ნაწარმოების წარმოსახულ სამყაროში, ზუსტად ისევე, როგორც თხრობის ფუნქციის სხვადასხვა ფორმები ერწყმიან ერთმანეთს მხატვრული მთლიანობის შესაქმნელად, როგორც ნახატის ფერები ერთიანდებიან გამოსატულ საგანში. ის საუბრებიც, რომლებსაც რომანში მწერალი თავის მოქმედ პირებს ალაპარაკებს, ხომ ისევე შეადგენენ რომანის თხრობას, როგორც ირიბი მეტყველება, რომლითაც ეს საუბრები შეიძლება გადმოიცეს.

მაგრამ კვლავ შეიძლება შემოგვეღვინო, — განა არ შეგვიძლია რომანის რეფლექტორული პარტიები, მწერლის დაკვირვებანი, გამოვაცალკევოთ მისგან, როგორც არა-ფიქციის კუთვნილება, ე. ი. მკაფიოდ გავარჩიოთ თხრობა მონათხრობისაგან? ვილჰელმ მაისტერის მაგალითზე ჩვენ ვნახეთ, რომ რეფლექსიებიც შეიძლება მარკირების გარეშე იყოს განაწილებული რომანის მოლაპარაკე თუ მოაზროვნე პირებსა და გადმოცემაზე, და თუნდაც გარკვეული ადგილები გამოსადეგი იყოს ასეთი გამოცალკევებისათვის, ეს მოხდება იმ მრავალი „სენტენციების“ მსგავსად, რომლებიც კლასიკური დრამებიდან წარმოსდგებიან. მაშინაც კი, როცა ისინი იმდენად „პოპულარულნი“ არიან, რომ ხშირად ბიუხმანში გვჭირდება თავდაპირველი კონტექსტის მოძებნა, ეს არც თვით მათი ბრალია და არც მწერლისა, რომელმაც ისინი ოდესღაც თავის ტელსა თუ ვალენშტაინს ათქმევინა. და მწერალი, რომელიც თავისი ვილჰელმის მისამართით ამბობს: „ადამიანი არ შეიძლება უფრო სახიფათო მდგომარეობაში აღმოჩნდეს, ვიდრე მაშინ, როცა გარემოებანი მისი მდგომარეობის მკვეთრად შეცვლას იწვევენ“ — როგორც მთხრობელი, არ არის უფრო მეტად „შემფასებელი, მგრძობიარე თუ მჭვრეტელი“ (კ. ფრიდემანი), ვიდრე დრამატურგი, რომელიც თავის ვალენშტაინს ათქმევინებს: „ძალზე სწრაფია სიჭაბუკე სათქმელად სიტყვის, რომლის ხმარება ძნელი არის, ვით ბასრი დანის“ (ფრიდრიხ შილერი: რჩეული თხზ. 3 ტომად, ტ. II.

თბილისი 1962 წ. თარგმანი ვ. პეწუპე-ლისა).

და მაინც, კითხვისგული განცდიდან გამომდინარე, კიდევ ერთ საკითხში შეიძლება შემოგვეღვინო. მაშინაც კი, როცა სპეციფიკური რეფლექტორული პარტიების ინტერპრეტაციისას ყოველთვის ვერ განვასხვავებთ ერთმანეთისაგან თხრობისა და დიალოგის პარტიას — განა არ არსებობს შემთხვევები, მით უმეტეს თანამედროვე რომანისტულ ლიტერატურაში, სადაც მოქმედი პირები ისე ძლიერად არიან დახასიათებულნი მათი მეტყველებისა და აზროვნების მანერით, რომ ჩვენს ინტერპრეტაციაშიც განუყოფლად უკავშირდებიან მათ? საკმარისია, მაგ., სულ რამდენიმე ციტატის მოსმენა თომას მანის „ჯადოსნური მთიდან“ — სეტემბრინისა და ნაფტას დისკუსიიდან, რათა მაშინვე მივხედეთ, რომელი ნათქვამი თუ აზრი ეკუთვნის ერთს ან მეორეს, და იმასაც, რომ ეს ნათქვამი ერთ-ერთ ამ პირს ეკუთვნის და არა მთხრობელ ავტორს. და ეს ცოტად თუ ბევრად ეხება ავრეთვე რომანის მთელ თხრობას, რომელიც მოქმედ პირთა გამოკვეთილ ინდივიდუალიზაციას ახდენს. ეს მოვლენაც მხოლოდ თხრობის ფიქციური ხასიათის დადასტურებაა. ფიქრების შინაარსის ასეთი „ხორც-შესხმის“ წყალობით ინტერპრეტაციისას წარმოსახვაში ქრება ის ფაქტი, რომ ეს პერსონაჟებიც და ისიც, რასაც ისინი ამბობენ, მოთხრობილია, თხრობის ფუნქციითაა შექმნილი. და მკითხველის ეს აპერცეპციის გამოცდილება მით უფრო სიმპტომატურია, როცა, მაგალითად, თავში „Operationes spirituales“ დისკუსიების უდიდესი ნაწილი სეტემბრინის, ნაფტასა და ჰანს კასტორპს შორის ირიბი მეტყველებითაა წარმართული, რომელსაც, როგორც ვნახეთ, ფიქციაში მესამე პირთა მეტყველების გადმოცემის სტრუქტურა კი არა აქვს, არამედ დიალოგივით მათაც გამომთქმელი სუბიექტი აყალიბებს, რის გამოც ამ ფორმას ადვილად ენაცვლება დიალოგი. კითხვისგული განცდის ამ მხარის გაშუქებაში დაგვეხ-

მარება პატარა ნაწყვეტი „ჯადოსნური მთის“ ამ თავიდან:

... ჩემი უფალი მოწინააღმდეგის ფილანტროპია კი იმისთვის იღწვის, რომ სიცოცხლეს წაართვას მთელი მისი სიდიადე და ძალმოსილება, ფილანტროპიაც, და მისი უკაცრავად პასუხია მეცნიერული დეტერმინიზმით სიცოცხლის კასტრაციისკენ ისწრაფვის, მაგრამ სინამდვილეში დეტერმინიზმი არამც თუ ვერაფერს აკლებს დანაშაულის ცნებას, არამედ პირიქით, მას სიმძიმესა და შიშის ჟრუანტელს მატებსო.

ურიგო აზრი არაა, მაგრამ იქნებ ბატონ ნაფტას ისიც ნებავს, საზოგადოების იმ წყუღულმა მსხვერპლმა მართლა შეიგნოს საკუთარი დანაშაული...

დიახაც, მნებავსო. დამნაშავე ისეა გამსჭვალული თავისი დანაშაულით, როგორც საკუთარი თავით... აღამიანი ისეთია, როგორც თვითონ უნდა რომ იყოს... თუკი შენს უსასოეს სურვილს შეისრულებ, მაშინ სიკვდილი აღარ გაგიჭირდებაო.

უსასოეს სურვილსო?

დიახ, უსასოესსო.

ყველას ენა ჩაუვარდა. ჰანს კასტორპმა ჩაახველა. ბატონმა ფერგემ ამოიხვნეშა. სეტემბრინიმ კი მოხდენილად შენიშნა:

„როგორც ჩანს, შეიძლება განაზოგადო, რომ საგანს პიროვნული ელფერი მიანიჭო. იქნებ თქვენც გაქვთ მკვლელობის სურვილი?“ (თომას მანი, „ჯადოსნური მთა“, „საბჭოთა საქართველო“, 1984 წ. თარგმანი დალი ფანჯიკიძისა).

ირიბი ფორმა აქ რიკარდა პუხის „დიდი ომიდან“ მოყვანილ მაგალითზე უფრო მკაფიოდ იქცევა თხრობის უპიროვნო ფუნქციური ხასიათის საბუთად (კერძოდ, სწორედ ამ მეტყველებათა არა უბრალოდ გადმომცემი, არამედ რეფლექტორული ხასიათის წყალობით), იმისდა მიუხედავად, თუ თხრობის რომელ ფორმას მიიღებს იგი. და ეს ცვალებადი ფორმები განუყოფლად ერწყმის ერთმანეთს არა ნაწარმოების წაკითხვის შემდგომ წარმოსახვაში, არამედ თვით კითხვის პროცესში: გადმოცემა, პი-

რდაპირი, ირიბი, განცდილი მეტყველება და სხვ. ისინი ერთმანეთს ერწყმიან არა თხრობის, არამედ მოთხრობილის ტოტალობაში, რომლის ფარგლებში წინადადებას „რადგან უდიდესი უბედურება, ისევე როგორც უდიდესი ბედნიერება, ჩანს წახსენს უცვლის“ — სტრუქტურულად იგივე ჩამომყალიბებელი ფუნქცია აქვს, რაც წინა წინადადებას: „ოტილია მას ყველაფერში მხარში უდგას: აკეთებს, მოაქვს, ზრუნავს, თითქოს სხვა სამყაროში მოქმედებსო“. როგორც ამ წინადადებაში გაგვიჭირდება თხრობის გამოყოფა მონათხრობისაგან და „მოთხრობელი“ შეუმჩნეველი რჩება, ასევეა მომდევნო წინადადებაშიც. ეს მხოლოდ ოტილიას ყოფის შემდგომი ინტერპრეტაციაა მისი არსებობის ამ წუთში, ინტერპრეტაცია, რომელსაც გოუთეს სტილში სენტენციური განზოგადების ხასიათი აქვს, მაგრამ მხატვრული შემოქმედების თეორიის თვალსაზრისით არ განსხვავდება წინა წინადადების ნაკლებად ზოგადი ინერპრეტაციებისაგან, რომლებიც უფრო ახლოს დგას⁵⁵ ოტილიას „ახლა და აქ“ მომენტთან.

⁵⁵ თხრობის ფუნქციის ცვალებადობისა და მხატვრული შემოქმედების თეორიის თვალსაზრისით მისი ერთიანობის წინასწარგაუმიზნავი დადასტურებაა ფ. შტანცელის უკვე მოხსენიებული დამაჯერებელი შრომა: „თხრობის ტიპიური სიტუაციები რომანში“, რომელიც მრავალ საინტერესო დაკვირვებას გვაწვდის. მაშინ, როცა აქ „აუქტორიალური“ ხასიათის რომანის ტიპს (სადაც მოთხრობელი პირი გადმოცემითა და კომენტარებით ხდება შესამჩნევი) განსაკუთრებით მკვეთრად განასხვავებენ „პერსონალური“ ტიპისაგან (სადაც ხედვის წერტილი გადაადგილებულია რომანის მოქმედებებში, დიალოგში, განცდილ მეტყველებაში და სხვ.) — ავტორი ვერ აუვლის გვერდს, რომ ყოველ რომანში ორივე სახის სიტუაციები გვხვდება, თუნდაც მათი დომინირება განსხვავებული იყოს ერთმანეთისაგან დროისა და ავტორის სტილის მი-

ის, რაც მრავალჯერ გამოვიტანეთ დღის სინათლეზე, კიდევ ერთხელ უნდა გამოვთქვათ დასკვნის სახით: რომ თხრობის ფუნქციის ხასიათი იმდენადვეა განმარტებითი, რამდენადაც შემქმნელი. თუმცა, ჩვეულებრივ, ყოველთვის ვალიარებდით ეპიკური თხრობის განმარტებით-ინტერპრეტაციულ ხასიათს, რომელსაც თხრობის პერსონიფიცირებულ გაგებაზე მივყავართ, ეს თვალსაზრისი მცდარი იყო იმის გამო, რომ ამავე დროს მხედველობაში არ იყო მიღებული ამ ინტერპრეტაციის ფუნქციურ მაწარმოებელი, მიმეტური ხასიათი, რომელიც არსებითად განსხვავდება ისტორიული თხრობის განმსჯელ-ამხსნელი ხასიათისაგან (როგორც ზემოთ კლასიკის ნაწევრებზე ჩატარებულ ექსპერიმენტებზე ვნახეთ). როცა ვ. კაიზერი მთხრობელის ცნებას ინარჩუნებს და ამავე დროს მას „შეთხზულ, ფიქციურ ფიგურას“ უწოდებს, რომელიც „მხატვრული ნაწარმოების მთლიანობაში შედის“,⁵⁶ აშკარად იგრძნობა, რომ ეპიკურ თხრობაში სხვაგვარადაა საქმე, ვიდრე ისტორიულში. მაგრამ ტერმინოლოგია მაინც არაადექვატური ხდება, რადგან არაა გაცნობიერებული ის მიმართება, რომელშიც თხრობა იმყოფება მთხრობელ პოეტთან (რომელიც თხრობას მართავს).

ხედვით. „მე-რომანის მსგავსად“, დასძენს ავტორი, „პერსონალურ რომანშიც შესამჩნევია მიდრეკილება, თხრობის პერსონალურ ფუნქციაში აუქტორიალური ელემენტების ჩართვისა“ (გვ. 93) და „პირიქით, აუქტორიალური რომანის კითხვისას შეიძლება შევნიშნოთ, რომ არც თუ იშვიათად მონათხრობის სრული გააწყობა ისევე ხდება, როგორც თხრობის პერსონალურ სიტუაციაში. ამას ადვილი აქვს, მაგალითად, გრძელ დიალოგებში“ (გვ. 94). შეადარე აგრეთვე გვ. 48. ეს აშკარად ისეთი ფაქტებია, რომლებიც არა მარტო ფაქტებად შეგვიძლია მივიღოთ, არამედ იმის სიმპტომადაც, რომ „აუქტორიალური თხრობა“ უფრო რთული ფენომენია, ვიდრე ეს ტექსტებიდან უშუალოდ შეიძლება ამოვიკითხოთ.

სწორედ ის წარმართავს თხრობას, მაგრამ იგი მოგვითხრობს არა თავისი მოქმედი პირების (საგნებისა და მოვლენების) შესახებ, არამედ მოგვითხრობს პირებს, ისე როგორც მხატვარი ხატავს თავის ფიგურებს. და როგორც იგი იძლევა ხატვის პროცესში თავის გაგებასაც, ისე უნდა უნდა იმყოფებოდეს განუყოფელია მეორისაგან, ასევე მთხრობელი მწერალიც თხრობასთან ერთდროულად განმარტავს კიდევ, ისევე, როგორც ყოველ ერთი შეხედვით მტკიცებით „თხრობით“ წინადადებაში მუდამ შედის რაიმე შემჩნეული ინტერპრეტაციული ელემენტი, რომელიც ეპოქისა და მწერლის სტილის მიხედვით მეტ-ნაკლებად იკვეთება, იღვრება ყველა ფორმაში, რომელთა გამოყენებაც კი ფიქციურ თხრობას თავისი ფუნქციონალური ხასიათის ძალით შეუძლია: გადმოცემიდან დიალოგში და მათ შორის შესაძლებელ ყველა ცვალებად გარდამავალ ფორმაში. ამრიგად, თუ წინა დაკვირვებებს შევაჯამებთ, შეგვიძლია ვთქვათ, რომ თხრობა (მთხრობელი პოეტისა ან მთხრობელისა) უკვე ის პირი კი აღარ არის, რომელიც არსებობს თხრობით მხატვრულ შემოქმედებაში დრამატულისაგან განსხვავებით, არამედ ეს არის უფრო მიმეტური ხასიათის ფორმა, რომელიც მთხრობელის განკარგულებაშია და რასაც მოკლებულია დრამატურგი. ეს ფუნქცია შეიძლება ნულს უდრიდეს, მაგრამ ფიქცია მაინც უნდა წარმოიქმნას, კერძოდ კი, სწორედ დრამატული, აგრეთვე ფილმური. და ეს ნიშნავს, რომ ეპიკური თხრობის ფუნქცია სხვა ფუნქციებით იცვლება, როგორც ამას ქვემოთ უფრო დაწვრილებით ვნახავთ.

ამ მტკიცებებითა და მითითებებით უფრო ნათელი ხდება ის ზღვარი, რომელიც მხატვრული შემოქმედების ლოგიკურ და ესთეტიკურ განხილვას შორის გადის და რომელსაც განსაკუთრებული ყურადღება უნდა მივაქციოთ, როცა საქმე ეხება დრამატული ფიქციის ეპიკურ ფიქციასთან მიმართების განსაზღვრას.

⁵⁶ ვ. კაიზერი: თანამედროვე რომანის წარმოშობა და კრიზისი, შტუტ., 54.